





明神宗實錄

卷二九二至三三三  
萬曆二十三年十二月至  
二十七年四月

明神宗顯皇帝實錄卷之二百九十二

萬曆二十三年十二月己亥朔准代王鼎鉉弟新寧王鼎司暫  
管府事。加山東叅政余寅太常寺少卿令致仕。遣禮部主  
事王宗恭新如川于河南山東選擇端秀子弟。初廷川端穆  
王庶長子倪理以禮婚侍爵其所生第一子已賜名仲頂而未  
有封祿慶府掌府事鎮原王仲雖以請禮部查懷慶王第一子  
瑚錄事例授以奉國將軍報可。追封會寧莊惠王長子弼權  
為會寧王從其子會寧王縉劾請免。庚子叙固原靖虜斬獲  
功總督葉夢熊巡撫呂鳴珂俱廢一子入監讀書總兵黃明臣  
廢一子本術試百戶仍各賞銀帶有差副總兵蕭如蘭實校都  
督僉事余事張文華副使楊極遊擊麻濟邦俱陞俸一級仍賞  
銀各有差。年且宴遣思蠻長官司進貢番僧南哈堅歲寺四

石候吳繼爵待。大學士趙志皋等奏。皇上神明大縱威斷。獨行雖五位尊居無一念不在於吏治民生。雖大廷稀御無一事不關於聖衷。宸慮但自今歲以來。諸司章奏多有留中不發者。如吏部侍郎協贊銓衡。吏科都給事中糾察吏弊。皆官之不可缺者。如科臣吳大梓之陞京堂。係邊功叙錄。又思之不宜斬者。如肅府乞封其母。臣等曾擬票進覽。經年尚未得旨。都給事中邵庶。郎中高桂。候補餘年。進退兩難。丁此呂事。刑部擬罪。上請月餘未發。此外不發章奏。尚有不能盡舉者。竊考古之王者。聽政日有考月。有要歲。有會月。今十二月天子與公卿大夫共飭國典。以待來歲之宜。蓋當一歲之終。必將一歲所行事。令稽覈修飭。使百司有所臬成。萬幾不致叢脞。今歲行暮。伏望將今歲留中章奏。盡數簡閱。悉行施行。不報。口雲南道。

御史區大倫言天者百神之主王者所從受命郊之祭也王者所以致其積之德以上交於天事必躬親故謂之郊郊而遣代則精誠隔塞天與人交而非郊矣 陛下嗣統御極欽明文思 上帝屬心乃冬至 大祀復遣公徐大璧恭代臣不知其可矣臣聞之郊則報本而反始仁之至也郊則尊祖以配天孝之至也禮稱唯聖人爲能饗帝此豈臣工之任耶禮曰神不歆非類王者爲天之子氣相合而心相通故郊焉而格今以臣子而攝天子之祭於氣爲非類於心不相貫矣王者祀天之道唯儀與誠遣官恭代儀則具矣誠於何有乃復命則以遣代乎久徐大璧屢劾勤勞恩進太師文璧之遣代也臣謂 陛下不親郊非美事也人臣爵以太師至崇寵也奈何令 陛下蒙不美之號而人臣享至榮之階乎 郊祀重典不宜遣代緣地如思

尤不可訓顧收回文壁恩命自今南北 郊祀 廟享時祭必  
項躬薦則上下格而休徵應矣疏奏不報○陞薊鎮白馬關守  
備張紳為遵化石車營遊擊○壬寅總督倉場侍郎邊維垣引  
年乞致仕不允○癸卯浙江巡撫劉元霖以杭嘉湖衛嚴五府  
應解稅絹駁換既多加以拖欠民力一時難措具三議以請一  
欲改折一欲仍照舊式一欲三年帶徵戶部以帶徵覆請報可  
○原任太常寺少卿徐元春奏請父原任太常寺卿曾尚寶司  
事徐璠并母李氏並祭禮官議徐璠乃帶銜三品之任于例難  
議卹而有子元春則璠乃四品考滿應封之父例當有祭遂以  
並祭覆請詔從之○兵部以考選軍政第五府掌印僉書自陳  
等官功罪以請左府僉書寧陽侯陳應詔右府僉書彭武伯楊  
世階著都督僉事倪尚忠中府僉書南和伯方燁著都督僉事

蕭如蘭前府僉書陽武侯薛鉅新寧伯諱國佐後府僉書武定侯郭大猷管理紅盔將軍西寧侯宋世恩安鄉伯張世恩勲衛徐廷輔後軍前衛掌印懷寧侯孫永思照舊供職左府僉書署都督僉事歐繼宗後府僉書武安侯鄭惟忠管理紅盔將軍武平伯陳如松俱革任閑住。甲辰以翰林院編修楊道賓袁宗道黃輝補充編修纂章奏官。以播酋受勦陞總督卞圻都察院右都御史仍與巡撫譚希思林喬相各賞銀幣有差具文武將吏各陞賞有差。治南兵鼓譟罪首叛胡懷德及偽軍師李無逸等凌遊暫首有差仍令臬示各邊鎮。乙巳陞南京吏部大選司郎中陳所蘊為湖廣右叅議兼僉事岳州江防兵備直隸永平府知府馬崇謙為湖廣副使歸施兵備山東右布政使依思忠為河南左布政使補原任廣西左布政使王績之于湖



廣福建副使徐卽登為本省左叅政分守福寧道。添設河會  
守備築堡寘戍拒套虜于河上從宣大督撫王世揚魏允貞請  
也。以水虞侯勲銜徐應坤管理紅盛將軍。兵部以考選軍  
政第南京五府錦衣衛等官功中府僉書靈璧侯湯之誥前府  
掌印懷遠侯常胤緒署都督僉事胡大忠後府僉書署都督僉  
事于高俱照舊供職左府掌印戚安伯郭邦相僉書署都督僉  
事王治錦衣衛掌印署都指揮同知梅應魁俱革任閑任。南  
京吏科給事中祝世祿奏禹之治水濬之也非隄之也三十年  
來當事者不帥禹而師蘇徐淮之河東之以纒隄隄善決決而  
塞不勝塞也又外加以逆隄蓋緣曲護運道故以築塞奏功亦  
以築塞貽害頃者議主疏濬分黃以治其本導淮以治其標分  
黃功先下流安東五港別開海口至為得策獨導淮除濬清口

外議聞高良澗子嬰溝故淮從廣陽湖東入于海議聞武家墩  
涇河故淮從射陽湖東入于海廣陽湖閘僅八里射陽名爲湖  
實則爲河閘僅二十五丈離海且三百里迂迴淺窄高寶等七  
州縣之水唯此一線宣洩之宣洩不及卽苦淹沒若又決淮注  
焉田廬鹽場必無幸矣廣陽湖東有一湖名太湖方廣六十里  
湖北口有舊官河自官蕩直至鹽城石碓口通海只五十三里  
此河見閘六七丈若加深挑廣此導淮下派入海之一便也至  
云間周家橋放淮下高寶諸湖從全家營芒稻河南入于江而  
此灣此河入江之路甚隘十不能入其二非開廣十五丈深  
五尺許不可工部據疏覆請詔令與勘河科臣總河總漕及各  
御史等官從長酌議以奏。丙午陞廣東南雄府知府張東陽  
爲山東鄆轉運鹽使司運使。戶部覆報陝西四鎮歲額共節

省銀五十四萬一千四百九十七兩督撫司道等官咨吏部記  
錄詔曰可○以五軍七營練勇叅將霍珍分守山西中路○丁  
未吏部尚書孫丕揚疏乞休不允○戊申 昭陵衛指揮僉事唐  
國麒考查被黜投揭送歸兵部以聞命發調遣漸○加鎮番副  
總兵馬應龍甘肅副總兵何崇德著都督僉事○己酉勅魏國  
公徐弘基奉祀 孝陵○原任貴州巡撫石副都御史彭富年  
其子請祭羹禮官覈往例三品官未經考滿被劾致仕者有祭  
無葬援以覆請報可○緬酋莽應裏既託孟連孟銀二土司求  
納款且致方物議者遂令原官差官祭京桂等齎銀幣往賜之  
至境託詞不受撫臣陳用賓以聞勅下雲南撫按等官從長計  
議禮部覆請旨緬酋阻我使人却我貢齎罪不勝誅然當初惟  
據黎京桂往來轉說及建銀二司轉申之文其於緬酋原無的

據京柱原係首事宜從重問擬以爲貪功納侮之戒。上詔如部議。庚戌調原任雲南副使張文耀補廣西蒼梧兵備。戶部覆日廂巡按喬廷棟條陳邊儲事宜一責司道隨時稽查一責監收總理本折一議吏置各倉種斛一議倉場種草照例加減折耗一議革欵查盤雜費詔悉從之。陞神機右營副將董承祺爲南京左軍都督府僉書管事以懷寧侯孫承恩爲後軍都督府僉書管事以鎮守陝西總兵官黃明臣爲右軍都督府僉書管事。以叅將管順天巡撫中軍郭夢禎爲神樞二營練勇叅將以分守紫荆關叅將周思文爲南京錦衣衛掌印管事。○南京守備掌中府事叅寧侯陳良弼協同守備掌後府事文西侯將建元提督採江守右府事豐城侯李璟俱自陳不職兵部議詔陳良弼李璟皆用而革將建元任。詔姦犯柯潤僧覺

經隱匿軍器著鎮撫司打問刑部請并拘解官周德對質擬罪  
從之○刑部問擬犯人丁北呂俊賸上命發極邊衛充軍○  
辛亥大學士趙志皋等言臣等在閣辦事該文書房發下兵部  
遵例拾遺本奏 聖旨昨覽兵部考選黜留本中錦衣一衛內  
如何以副千戶未行題奏輒署四品之職該部附結市恩泛濫  
授予該科通若不問職守何在吳文祥與該司官韓范俱降雜  
職劉仕瞻曾偉芳等各降三級調極邊方不許朦朧推陞昨者  
區大倫張同德屢行瀆擾前翁介強思頻章以無指實之事叅  
劾黨附結納至該部司官趨媚假官的亦無一言其於公而忘  
私何在區大倫張同德翁介強思也著降三級調外任用且兵  
部近來詐冒賄買之官屢經束厥獲奏尚無畏慎堂上官姑各  
罰俸二月著某勵供職又該刑部接出 聖諭今日覽科道會

叅武職本內幼崇信伯費甲全墮匿逃犯家用家財欺居玩法  
革任閑任仍革去祿米三分之一該部選嚴追所寄贓物解收  
其原奉旨官王坤覺夫義提問擬罪來說宋全革職為民王之  
楨等姑各降一級策勵供職東廠及該衛東西二司房陸誅等  
及五所掌印官都革職為民與宋全俱永不叙用夫一日之內  
兩奉嚴諭大小內外衙門官黜罰過多竊惟兵部考查官員名  
數繁夥容或一時擬議未精無以仰當 聖心但念五年考選  
係國家大典而品流提雜最難甄別者又無如武弁一途今年  
賴尚書石星彈劾竭慮乃蒙嚴責似於體貌大臣稍有未盡至  
于該部屬官該科長氣官及科道臣大倫等祇因一事牽連遂  
至相尋降罰似於政體未安臣等又惟毀譽之言類多增飾而  
輦轍之下尤易風波如崇伯費甲全守官不慎科道交章拾遺

可謂允稱至言寄匿逆犯多賦風聞道聽安可使以爲據伏望  
大弘 聖度曲賜優容將兵部司官及該科道官量免降級以  
安尚書石星之心其賈甲金寄匿事聽法司從問理 上以已  
有旨答之。陞山東按察使趙欽湯爲河南右布政。巡按山  
西石介都御使魏允貞以父老乞終養不允。詔以山東長山  
烏關墾成熟田地令原撥官軍照舊耕種其收穫米豆乃厥收  
貯聽抵軍餉支銷。賜錦衣衛帶俸指揮金事劉應節祭如例  
。壬子調山東副使方應選爲福建提學副使陞湖廣武昌知  
府孫承榮爲山東副使。癸丑兵部尚書石星以嚴旨劾休逆  
疏言考察失當皆臣愚昧所致與諸臣無與去臣一人足伸國  
法願賜罷斥以爲不職之戒而寬諸臣以昭宥過之仁 上以  
其要譽實辭不允所請。賜已故南京戶部尚書曹邦輔妻陳

氏並合葬已故右副都御史贈右都御史李憲卿妻顧氏祔葬從其子曹瑄其曾孫李與善詩也。命右府掌印靖遠伯王學禮為中軍都督府掌印撫寧侯朱繼勳為府軍前衛掌印。兵部勘覆寧夏鎮平虜城斬虜功次總督葉夢熊巡撫周光錕總兵解一清副使荊州俊等賞查各有差。甲寅禮部查奏准府詔興王原懋於萬曆二十一年十月初十日銜府南河王載燾於萬曆二十三年正月十五日襲府鎮寧王厚傑於萬曆二十三年五月初五日方城王珂藩於萬曆二十三年六月十五日周府內鄉王勤焯於萬曆二十三年四月初五日成山伯王應龍於萬曆二十三年六月二十六日各病故請於是月二十日報朝一日從之。禮部題瑚鑿以龍陽王進黎嫡弟莊王之裔長子常淳已封世子其二子三子依原封世次題授鎮國將



軍令乃提例請封辟齋請罷之 上以吉府係親支常汝常激  
照舊秦府例改封○時因科道拾遺疏南京石府僉書周于德  
任回衛石軍都督府字印恭順侯吳繼爵閩任錦衣衛指揮僉  
事李元珍副千戶王緯俱落職為民○革鎮守大同總兵官李  
東陽等任回衛原任廣寧副總兵方時春等回衛聽候降調從  
科道官考查拾遺詣也○時 上以費甲全隱匿容用家財懸  
猶未已錦衣衛東西兩司房五所掌印等官陸綵等已革降有  
差役令查先任官楊一珍等盡行駐革且竣諭兵部勿復仍前  
私僱性用既而部以南京後府缺掌印以西寧侯宋世恩安遠  
侯柳懋勛詣 上以世恩先年曾經科道論劾奉旨處分乃屢  
屢推用豈無受賄情弊遂將本部司務官降三級調外任且謂  
科道官誠無一言革區大倫張同德任為民而命柳懋勛為南

京右軍都督府字印宋世恩羊任閑任。丁巳 上以年節頒  
賜四輔臣及講官劉元震等銀幣各有差。○戶科都給事中耿  
隨龍以畿南盜賊竊發請復氏壯舊制州縣大者二百名次者  
百五十名小者百名揀選勇健授以器械特常操練量懸賞格  
以專捕盜賊兵部覆奏報可。○戊午以 慈聖皇太后萬壽聖  
節頒賜四輔臣銀幣及講官劉元震等各有差。○陞光祿寺少  
卿孫璋為太僕寺少卿直隸順德府知府樊東謨為山東副使  
永平兵滿。○己未以特方汪寒命順天府通判何鯉督修養濟  
院序舍以處孤貧。○太常寺奏本年十二月二十九日歲暮行  
大禱禮詣 聖駕至則親詣 太廟致祭命公徐文壁恭代  
遣侯徐文輝伯王學禮分獻于兩廡。○庚申大學士趙志皋等  
言前日該吏部接出 聖諭近來兩京科道官專徇己私附和

結黨抗違君命要直沽名爲事每每以無指實之事興惑眾  
無上亂政且如昨者兵部欺君鬻爵朋奸結納藉口無言糾奸  
發邪耳目之責何在全夫職守都當重治爾吏部查兩京六科  
都給事中及十三道掌道御史姑各降三級調外任用不許朦  
朧推陞其餘姑各罰俸一半還開寫職名來看傳示到閣臣等  
俸讀不勝駭懼竊見近日兵部考選軍政屢奉嚴旨因副千戶  
未經題奏輒署四品一事臣等未得其人屢詢尚書石星亦云  
聖意淵深未知的確臣等日夜兢惕思進一言而未敢輕發  
也今又奉嚴諭繫將兩京科道衙門盡行降誦此我 皇上臨  
御以來未有之事一時人心驚惶搖動臣等叨居容勿若後畏  
避不言匡輔之誼謂何竊惟朝廷設立科道以發奸摘伏爲職  
皇上責其平日專務沽名臨事不能糾發諸臣誠無所逃罪

但念此事臣等尚未真知滿朝大小臣工亦云未知似難遽責其緘默也南都去京師三千里章疏郵報近一月乃達此中政務安能逆知而預發之即使知之安敢以揣摩本確之語輕瀆君父之前此冗當垂寬宥者也見六科員數僅僅十餘人御史先蒙降謫管城五人茲又降謫數多臺省事務將今何人理辨南京六科見止五人十三字道人亦不多若盡行降謫則留都臺省一空政紀清紊事勢窒礙有決不可行者至尚書石星考選一事雖未當  聖心但平日之勞煩多一時之誤似小更望大賜寬容以曲全禮遇大臣之體不報兵部尚書石星隨奏前旨切責有以副千戶未結題奏輒署四品之職臣備將行過事項日夜思維未有不結題奏輒署職者惟查有錦衣衛衣中所副千戶霍文炳通狀告要併級伊祖霍春原補祖從冠帶

總撫將本官副千戶上加祖從冠帶總撫校署指揮同知事實  
校指揮僉事三月初十日具題十二日奉旨伏思前旨未蒙明  
示姓名妄意事或在此比時止據該衛查明無礙未及訪其生  
平奉旨切責以來訪之人言嘖嘖似謂素行狼藉有累併職之  
舉不明之罪委無所逃乞賜杖歸以全末路詔已有旨如何又  
未飾辯且此事已經屢旨令方覺悟卿居兵曹選官校職不加  
慎惜輒為濫與今却又言素行狼藉其卜校職奉旨先後番覆  
何說姑且不究著遵前旨策勵洪職不允所辭○命巡撫貴州  
石僉都御史楊特寧以原官巡撫寧夏○辛酉大學士趙志臯  
等奏請于新歲二月上旬擇日間講是日奏以萬曆二十二年  
至今所撰講章易經大卦至雜卦傳詩經小雅秩秩斯于章至  
鼓鐘坎坎止通鑑纂要孝景帝元年起至孝宣帝末始末年以

穎川太守黃霸字京兆尹止類寫裝潢進呈伏望萬幾之暇時  
加觀覽以求溫政知新之益○壬戌刑部奏費甲金德厯事情  
已提容用及王坤覺大義等嚴刑考訊而若不招承恐此獄終  
無完期費甲金係勲庸世臣難以提問莫若嚴責費甲金速將  
贓物從實解進免家屬徒斃狀下 上以其人吾了事堂上官  
姑不究該司官降一級調外任仍令盡法嚴追不許仍前縱容  
○癸亥 皇陵內火起延燒草木○瑋完秦府崇信王誼涉韓  
府汝陽王璟余德府德安王常洞各麒麟鈕鍍金銀印○大學  
士趙志皋等請于二十七日杖史館官吏假許之○吏部等衙  
門尚書等官孫丕揚等奏言官者所以發奸觸邪以匡佐休明  
之治者也 皇上優體言官二十三年于茲矣今逢吳文粹未  
已而劉仕瞻張同德亦已波及遂區大倫未已而俞价強思及

五城御史悉皆株連曾不三日兩鄰言官又空國而逐之夫六科八各職掌十三道輪派建白猶九卿之各一其職也一兵科事而柴處各科非道臣事而併處各道是以兵部事而可盡處九卿也適國諸臣人人自危豈免弊之世所宜有哉伏乞收回成命將科道諸臣通議罰處仍令還職造福宗社誠非渺小疏奏上曰卿等說科道摘發奸惡今有聞暨背主欺君連姻外戚倚勢壞法擅作威福通若罔聞置彼等何用至如昨者兵部以有旨不許擅陞的霍文炳輒同上併職彼等亦無一言且近來兩衙門專徇己私南北適同朋黨附和撥亂朝廷此等何益國家朕今貢處尚姑從輕卿等如何又來瀆啟著遵新旨行○署兵科事刑科左給事中徐成楚以東封未有成據言東封之仗使臣揭報似在垂成道路煩言不無隱禍夫釜山之倭百十

餘平矣祖宗墳墓誰不係心去土重遷情難違割地數十萬之衆順指沈惟敬之一語而不難東徙豈一封之刀所能割乎臣未敢信也惟收市亦無賴非有忠信廉潔之行可倚而仗彼其所以說行長與報該部者未必盡符也抑陰予彼國以情而陽欺該部以術亦不可知據報閩白習禮已屬夫吾行長輸誠尤多虛幻即姑置勿論惟是本年七月八月報倭衆渡海者六萬八十餘矣今又四閱月計金山之遊蒐餘種當草可無遺焉李宗城者尚何所忌而趨趨不行耶臣又未敢信也封豕長蛇漸不可開桑土衣袂備之在預今遼海將吏為講封撤警久無專貢萬一重譯無聞啓疆思還彼惟敬者不北走胡則南走越耳妾得執前言責後效乎臣又未敢信也乙較李宗城持彼中事宜據實奏報一涉欺罔罪有所歸仍較該部嚴勒報命之限謹



修沿海之防不然者臣請以白簡絕其後矣 上下其奏于所  
司○甲子以正旦令節頒賜四輔臣帑屏及講官劉元震等各  
有差○禮部儀制司郎中袁一驥為山東副使分巡濟南○  
乙丑大學士趙志皋等言天子置公卿輔弼之臣謂能格心正  
事引君子當道臣等幸際堯舜之君待罪密勿稍成莫能格天  
惟有夙夜自媿而已近者 皇上因在廷諸臣奉職無狀屢下  
嚴旨切責一時科道官降謫三十四人部臣降謫者九人大小  
臣工無不震恐臣等兩次具揭申救俱留中未發部院九卿大  
臣連名疏救雖荷批發而降謫更多眾情益駭臣等備員輔弼  
受恩最深當朝廷如此大舉動不能先事挽回尚恐容默自保  
竟無一言乎夫天子元首也大臣股肱也科道諸臣耳目也今  
天威屢震南北臺省摧殘已甚耳目傷矣耳目既傷股肱亦不

得安猶冀元首之尊一垂念之也。又惟太平之朝和氣融洽。今大臣救過不遑。小臣蒙罪無告。一語牽連。追責苛嚴。一事謬誤。隨罰無已。舉朝惶惶。重足而立。恐非所以彰清明之象。養和平之福也。伏望將降誦諸臣曲。加貸免庶政體。少全臣等。亦有顏面。以盡忠補過矣。詔曰。卿等昨所奏。得朕已悉。覽兩衙門食祿。忘君不忠。夫職罪戾。自致。朕念言官姑從輕處。卿臣如何。又來致激。遵新旨行。

明神宗顯皇帝實錄卷之二百九十二

大明神宗顯皇帝實錄卷之二百九十三

萬曆二十四年正月戊辰朔免朝賀四輔臣恭詣會極門行禮是日頒賜四輔臣上尊珍饌親王及天下文武官表文送內府收其仁聖懿安康靜皇太后慈聖宣文明肅皇后表及中宮殿下箋內府并收命婦免朝賀○司禮監太監陳矩子會極門傳奉聖諭原任提督東廠官校辦事張誠弟姪張勳等都着革職為民解發原籍不許延緩兵部謂張勳等既經訪衛查係張誠弟姪應奉聖諭開具職名據實上請候命將張勳張世泰張問政張世佺張世秋張紹寧張錫扶世岐一體革職為民其張誠弟姪該衛聞送未盡者臣等嚴行查報得旨張勳等革職為民都拿送鎮撫司監限事完解發○刑科辭論事

中侯廷佩題太監張誠背主欺君聯姻外戚擅作威福請急

固已仰荷 聖明洞鑒嚴旨詰責乃于張誠則准其私宅調理不即顯斥熟等止于為民不即正法豈以張誠有惟蓋之義未忍遽棄而并其弟所為諸橫尚可少貸耶夫誠以刑餘之族舉家受錦衣衛之榮以侍從之流乃敢撫椒房之威豈不上蟻聽親而縱弟張熟家人霍文炳以貴菜之傭都富貴之地強奪都中子女恣肆盜樂任意驕橫買邵皇親等莊田不下數百餘所而市店適于都市所積之資都人號為百樂川至于假功署四品要篆彼何人斯東章館鑰攝局理刑則朝廷用賢之謂何安可置而弗問耶張錫張士登勢若飛虎被害者飲淚吞聲莫敢誰何則朝廷為民除害之謂何而僅使之為民選鄉并非所以洩民憤而昭大法也聞近日軍政考察如李東陽等動以千金結納受諸王餽送如袁慶等王動以萬數是皆假 皇上之威

以要其利而收其功此尚謂之有君耶得旨張誠譎狡巨奸  
假作威福有騙親王權中外爾等如何先無一言之忠今已  
發露方行叅劾其餘觸邪指佞之責何在姑且不究治張誠既  
所為過惡多端本當重治姑念效年久者降奉御綏南京  
孝陵司香其所霸占勢買及本犯應有莊田財物盡行抄沒入  
官不許徇私容縱張勳霍文炳等都著鎮撫司監候事完請旨  
定奪○司禮監大監孫暹等題將犯人張楨張勳等都城內外  
房屋并附近莊房地土俱各入官張楨首稱寄去原籍平鄉縣  
銀四萬餘兩乞勅彼處撫按官嚴追解進霍文炳往逃徐州差  
官緝訪務在得獲報可○己巳甘肅巡撫回樂題首部落伯  
顏兔吾降稱有虜見在半箇山圖謀入犯逃擊葛賴等于念三  
年九月念二日督兵追趕斬獲虜首四十七顆乞將葛賴等并

總兵王賦業以下分別陞賞章下所司○庚午 宣宗章皇帝  
忌辰遣官祭 景陵○辛未奪應天巡撫朱鴻謨等俸有差以  
其解進段又不堪仍勅自後各該織造地方撫按嚴奉司府等  
官用心督造○癸酉孟春享 太廟遣定國公徐文壁行禮○  
兵科署科事刑科左給事中徐成楚題據遼東巡撫李化龍報  
東虜伯彥罕等兩夷以兒野等期于正月犯河東東西雖各異  
路而市搶之報紛然臣竊照東虜懲高平之敗新膽憤鬱必欲  
甘心遼左計非朝夕矣祇以瘡痍未起羽翼高孤扣關納質揮  
盟求市豈心實悔禍而不難引咎若從庭款塞者比哉毋亦裂  
眦之怒歲於嬉笑陽欺我而陰伺之隙以需時也未幾東西之  
黨既協猖獗之謀畢露五合六聚聲東擊西雖該鎮運籌備筋  
必不玩寇以疎防而狡虜驚餌傷弓計且思深而慮遠况彼十

圓五攻而我以寡敵衆則格之難彼無所不改而我無所不應則備之難萬一三軍之衆扭前日之捷視爲易與則勝負之數當未可知安可不預爲之計乞勅嚴諭相機決策協力剽捕章下所司○以後軍都督府僉書懷寧侯孫承恩管右軍都督府事○丙子大學士陳子陞奏懇特宥言官以光 聖治近以嚴旨切責罪及南北臺首諸臣三十餘人網亦少容焉夫 皇上切責言官者謂其往日言事不當與近之遇事不言耳而臣竊以爲諸臣尚有可矜宥者請一一爲解釋之古稱齒馬有誅校凡有忌桀畤之事臣子所難言也况 皇上御極以來法行自左右始臺首諸臣已習知之即偶有風聞懼不得實豈敢遽行摘發以爲 天威咫尺自無所逃其罪耳烏足煩白簡哉非忍爲欺蔽以負 皇上也諸臣當矜宥者一人臣職官有罰侵官



亦有罰軍政一事兵科主之刑科固不得預也掌道御史必建  
白胖輪及遇事乃言其餘不過附名牘中而已至于南都科道  
遠在三十里外馬能先事以候奸各差御史自有本等地方致  
務莫暇越職以言事今祇因一事而槩謫之不已甚乎諸臣  
當矜宥者二士當有道之朝常不患其陋而患其過激數年以  
前臺省諸臣爭務批鱗論事尚蒙曲賜包容一二年來臣等每  
晤諸臣常戒其喜事博強直之聲論以安靜養和平之福諸臣  
亦頗有相信者詎意今番譴罰之重株累之多倍甚曩時恐此  
後臺省間又將以昔之激抗者為可自表見而臣等之調停者  
為迂庸無當矣諸臣當矜宥者三諸臣今日固以緘默得罪然  
稽考其平日豈無有一二露章輪亦觸冒 宸嚴剴切貴要者  
皇上又以為不當而罰之是諸臣言亦罪不言亦罪將今何

所措其手足乎且恐中外私相揣摩以爲 皇上明罪其賊然  
實厥其切直從此士氣阻銷以言馬蹄即有大奸大姦雖爲糾  
發其貽患國家尤有甚於前所慮者諸臣當矜宥者四伏望  
皇上留神采納將新奉旨降誦官二十三人特勅吏部分別上  
請係南京及各差者量從寬宥其在京任事者姑重加罰治令  
其策勵供職得旨肘腋奸逆張誠甚于馮保言官不行譴發專  
徇已私頌言瑣噴沽名要譽姑已從輕卿如何又來較激前南  
北二京科道官耿隨龍等都降雜職胡極邊方用不許朦朧推  
陞○大學士沈一貫是日亦中救言官得旨已有旨了○以遊  
擊佟養直管遼東巡撫標下中軍事○陞大同中軍坐營署指  
揮僉事王三聘爲延綏巡撫標下遊擊大同守備署指揮僉事  
陳愚衷爲延綏領軍遊擊都司僉書署都指揮僉事聞達時爲

蘭州叅將大寧都司僉書王養民為河南都司掌印○丁丑吏部等衙門尚書等官孫丕揚等奏言官改謫新旨過重內言天下之患莫大于法家拂士之日遠而惟其出言之莫違古者罪一人以懼百人今日罰數十人以竟一獄怨非所以為賞罰也乞行寬宥得旨言官失職屢有明旨卿等如何又未救激其兩京科道耿隨龍等都革職為民不許朦朧推用留任葉繼美等姑各奪俸一年○是日左都御史袁貞吉奏言官降斥太多乞令改圖以全國體且以一言之失去臺臣十有九人致令臺差並缺尤為非法不聽○陞固原東路遊擊孫邦熙提調宣府南山地方叅將○戊寅 孝怡皇后忌辰遣官祭 承陵○戶部題復永平伯王棟伯爵本折祿米一千石內本色七百石折色三百石如議○戶部題降封奉國將軍仲望祿米照例題給報

可○戶部題紹奎衛三府南糧通准改折自萬曆二十四年為始以後倉糧倘有不敷聽南部臨時酌請上命三府准改折五年仍徵本色○戶部覆山西撫按官魏允貞等題高平縣原任知縣楊性魯任內侵欺錢糧九百七十六兩以其多增額丁二千七百餘丁後官覺發乞行提質上命巡按提問具奏○陞薊鎮守備王建中為定州遊擊○己卯吏部題覆巡撫遼東李化龍奏留兵備張思忠以左布政新銜照舊管事從之○以鎮遠侯勳衛顧大禮管理紅盔將軍事○以神樞營右副將署都督僉事任自強為鎮守右庸昌平等處總兵官○陞黃東都司僉書顧臬為廣東惠州海防叅將○庚辰調湖廣按察司僉事史柱賢為江西按察司僉事○陞山西布政司右布政使房守士河南左布政使○兵部題京營人馬因當練習將領尤當

揀選 祖宗園營舊規有闕視主于較堂武藝考選則諭平昔  
賢否三年一次舉行乞照先年舊規特命司禮監官一員會同  
各營內外提督官又兵部堂上官巡視科道官符在營坐營以  
下至祀總等官通行考察開具應留應去錄錄具奏請載在  
世穆兩朝皆有故事而 皇上登極以來四經申飭伏乞如例  
舉行報可於三月內命司禮監太監田義閱視園營○鳳陽守  
備太監杜用奏萬曆二十三年十二月二十五日 陵內西南  
角火起衆稱起火之處並無人跡到彼突于樹巔忽然沿火草  
木事出異常章賴 皇祖在天之靈早為知覺將火隨時撲滅  
殿宇城垣仰托無虞且 皇陵周圍外築土城內建甃城四面  
共計二十八里原設 皇陵一衛官軍兩班共計三千二百餘  
員名守護巡邏素甚嚴謹實係天災非人所致 上報 祖陵

火燃草未幸賴 皇祖默祐隨時撲滅朕心深切警惕此乃時  
常巡邏不嚴偷安不救杜用着降三級取回私家閑住○壬午  
陞貴州都司掌印周應熊為貴州叅將山東都司金高張承宗  
為遼東叅將○福建巡撫金學曾題報地方旱災乞賜酌處將  
福建比照延寧等處邊方限期夏災七月秋災十月具報看為  
定例章下戶部○甲申 英宗察皇帝忌辰遣官祭 裕陵○  
工部覆工科都給事中林熙春題河工疏竊念導淮分黃兩役  
並舉至為重鉅而分黃之工比之導淮分數尤多在事諸臣天  
心協力業有成效但今漕船過淮在通淮鳳播種屆期春夏雨  
水多少尤難預度若不趁此春和剋期備完將來國計民力何  
能兼濟科臣林熙春題議及此誠為有見乞勅各官將導淮分  
黃一應工程各照分管地方責令大使晝夜兼工依限完報若

有怠玩談事許談科興勘河科臣指贊奏庶 祖陵永安河  
患永弭而運道農時兩無妨礙矣如議行○兵科著科事刑科  
左給事中徐成楚題近奉旨勅李宗城校者都督僉事允正使  
榜方亨以原官充副使各賜武官一品服色與沈惟敦前去日  
本定封竊照東封之役盛庭聚眾仰賴 睿謨宸斷主持于上  
該部違衆一力贊佐于下迄今造炸息警將士休戈蓋一歲往  
矣臣何容置喙顧節據使臣之揭報似在垂成博採道路之煩  
言不無隱禍臣之私憂過計有萬不容默者夫釜山之倭非創  
自今日業百十餘年矣祖宗墳墓誰不係心安土重遠情難遽  
割乃以十數萬之衆顧指于沈惟敦之一語而不難東徙豈屢  
屢一封之力所能制乎此臣之所未敢信也夫惟敦市井無賴  
子身非有忠信廉潔之行可倚而仗彼其所以說行長與所以

報該部者未必盡符也。抑或陰與彼國以情而陽欺該部以術。手據報關白習禮已備。支吾行長輸誠尤多虛幻。即始置勿論。惟是本年七月初六日起至二十八日止。已報渡海者三萬餘。倭夫八月初三日起至二十九日止。又報渡海者三萬八千餘。倭夫迄今又肆越月計釜山之遊魂餘種。單隻無遺。而關白之納款酬恩。且悅可至。為李宗城者亦何所顧忌。而趨趨不前耶。此臣之所未敢信也。臣聞長蛇封豕。漸不可開。桑土未和。備之在預。今遼海并逆。將吏為講封撤警。久無專責。有如重譯無聞。而啓種思逞。彼惟敢者不北走胡。則南走越。耳顧安得執前言。責後效乎。大都釜倭即不盡歸。何妨封典。而彼後于釜山以待。盡則反。察尊嚴狡臣。即不輸款。何損泰寧。而汲汲于予款。以見欺。則大傷威重。况時更期月。不可謂不久。士馬數十。不可謂不



費乃使臣狼狽于境上佞奴桀驁于島中彼求劉牧之盟我思  
媿書之辱愆愆道路之誣誘臣即不敢盡信以爲實然不敢盡  
疑以爲虛也乞勅使臣李宗城等將彼中事宜據實奏報如武  
欺罔罪有所歸仍祈勅下該部嚴勒報命之限謹修沿海之防  
予以仰慰 聖懷俯安衆志不然者臣請以白簡絕其後事下  
兵部○吏科給事中張正學題日本居東海中國初固其狡詐  
絕其朝貢載在 祖訓可考永樂間倭求封貢夫以盟約嗣後  
漸爲逆患至嘉靖中奸徒舶上馬卿導遺害邊海郡郡者十數  
年至今彼中士民談之猶爲扼腕以故絕貢者五十餘年頃緣  
朝鮮受患請兵 天朝 皇上弘恢小之仁不靳一旅以振其  
難平壤之捷保全王京奏凱西旋倭奴東逃惟時煙銷氛靖各  
歸土從此養威蓄銳永絕繫端但令朝鮮飭備自衛所謂以不

治治之莫不可者樞臣石呈信沈惟毅之言固為請封欲效順  
義王故事以其久安顧東南海島出沒靡常原非西北可同倭  
奴狡詐尤非可以化誨而震疊之者仰賴 皇上明燭無疆同  
符 聖祖諭旨周悉不啻再三如行長諭以不許留住房屋諭  
以盡行燒燬倭夷諭以盡數退回朝鮮諭以探實奏報且云詳  
審情偽訂盟永無他變齊昇神謨真無遺策矣樞臣自謂遵奉  
嚴旨一刀塔當以故 聖意允俞答其進入當小西飛書詳時  
業以自認天使一到釜山兵馬悉退行長即回惟時諸臣聞之  
將謂東封之成應在旦夕且謂小西飛遠來乞封既得恩諭即  
當歸報其主一面燒燬柵房撤出兵伍一面遣官出境以迎使  
臣方為恭順之意何二臣銜命將及逾年久注朝鮮未聞渡海  
頃接郵報見東封二疏據正使李宗威則云行長區營尚在清

正猶未歸集據巡撫李化龍則云清正未行或報阻封懼誅或  
報留迎冊使據沈惟敬則云已擇十二月初六日隨冊使渡海  
又云若是日風汛不便定于十六日行凡此數語俱涉支吾以  
臣愚觀之竊未敢深信其然也夫曰伍營尚在清正未歸可謂  
之柵房盡燬而一倭不留乎既曰阻封懼誅則清正者固封事  
之梗也而又何以留迎冊使乎既曰初六日渡海矣而又曰風  
汛不便十六日始行假使十六日亦風汛不便將終不渡海乎  
自春徂冬一平將過秋風迅發西北最甚豈獨無一日風汛之  
便乎况朝鮮之奏奇鳥無關而所傳者乃遼東之信原誠恭議  
揚鑄履勘未行而所據者乃董一元之報于京師去金山五千  
里枉身不過兩月可至奈何天朝命使齎捧綸音桑露道遠  
已更裝葛猶然音無結苟于戶惟晚夷非類譬之虎豹在山島

嶼稱雄原無忌憚未必僅佳利 天朝之一命而已也藉使其  
心效順欲假一命以服海邦即當恭款如期以迎二使何濡滯  
至今予臣竊憂當事之臣轻信無賴誤國損威非鮮且得海倣  
醜夷得以輕中國而肆欺侮也乞勅下該部會議速差風力臺  
臣一員星夜馳至釜山境上查勘事情別申警備下兵部覆口  
兵部題東封一事久無結局臣等仰念宵旰開筵夜書重項  
該科臣徐成楚張正學各有敷陳隨據同使李宗城稱往封之  
期多在新歲寬真副總兵馬棟稱沈惟叔于去冬盡已發兵馬  
先行渡海而兩使督發軍馬及朝鮮人衆于正月十五十六兩  
日已經並渡大海至日本地方而溝崖倭得平調信隨帶船二  
百餘前後到釜山迎接冊使又聞白傳調清正作違回稟報似  
真確且宗城以通使之子身膺正使若封事不完何以避責但

事體重大歲月延綿若不亟為督催何以刻期竣事恭使命下  
臣等差人亟詣冊使李宗城池惟敦從實具報以聽恭處仍令  
遶東撫按各遣官一標有無別情具奏金山各倭除原隨行長  
入犯盡令回巢外其或生長年久不為擄害者不妨量為安插  
應如科臣所議至如沿海備倭事宜已經屢旨提備今春汛屆  
期尤宜慎加防守或致疎虞罪有所歸其冊使若已渡海責令  
先將到日與一應封事馳報仰懇 聖懷 上報如議仍差人  
諭李宗城等嚴令倭將速迎詔冊渡海奏報毋得藉延○革內  
犯馬欽親屬馬應忠等職役為民○以伏羌伯李成功後軍都  
督府僉書管事○直隸巡按陳過文奏償賊左文俊糾黨十人  
拒捕 上以強賊敢于京城近地聚眾劫財其嚴兇正罪不許  
玩視容縱○月犯土呈在款宿度分○丁亥陞吏部右侍郎孫

繼阜為本部左侍郎兼官仍舊○起原任戶部左侍郎裴應章  
為吏部右侍郎○陞大理寺左少卿江東之為都察院右僉都  
御史巡撫貴州○陞山東右布政使劉奎為右僉都御史巡撫  
延綏○以管理紅盃將軍安鄉伯張世恩掌南京左都督府印  
○戊子陝西嘉石單波等族番人戎肖等進獻馬匹銅塔等物  
賞給改納鈔錠如例○己丑江西南道試御史周家棟題令甲凡  
大祀文官五品以上武官四品以上及六科都給事中皆陪  
今祭益秋臣與御史為從聘例得監禮乃所攝陪祭者輔臣而  
下十數人而已次早謝胙者輔臣而下人繞數人而已其不與  
者果皆一一有敬者乎夫不祭不謝胙則不知有君親也部  
厚撫顯日月之際而耽安苟使以自素典禮是其所以享宗  
廟乎令甲侍衛大朝會則用金直常朝則更番除會儀等門各

有所直而列于門內外者較付五百、其餘方中青木銅帶銅牌之屬不與焉。豈故為是美觀哉。所以儆臣子恭肅之心而銷其頓解之念也。今各門侍仗者未能舉舊制之半。于臣巡視見兵衛不能糊口。鮮銅牌軍之洒肆而主者不之詰。細民間入走禁地如驚而無忌。至亡等也。故事。臣下章奏。奉旨批發六科。而後禁抄。豈非以明至公。且以示至信乎。社禁之不得抄。固非所以廣四海。乃近聞邸報。則有未及進呈而插之報房者矣。有原未進呈而且不知所從來者。夫甚至私帖小賂。傳布寰區。其奪國事其矣。此非小故也。奸人借此為傳銷之郵。而遠方承聽之徒。不又察而開橫辯之端。將人心實自此壞之。何浸浸也。乞勅下部院中飭大小臣工。如遇朝祭常期。恪遵令甲。不得玩愒。以滋弊風。其報非六科發抄者。嚴禁不得亂傳。以消聽觀部度。如

議○河南道御史馬廷綸奏言近者斥逐臺首至二十三人毋  
乃太甚乎去者不明者其應得之罪適以成其名留者不明者  
其姑恕之跡徒以增其愧迨路傳聞噴有頌言咸謂 皇上以  
沈沙視賢才以草芥待臺首等國勢重莫此為甚夫 皇上平  
未厭忌言官勅責以括授今忽變而以藉口無言罪之夫以無  
言罪言官言官何解臣竊見 皇上所為言者猶淺之乎罪言  
官也乃言官今日之藉口不言者有五大罪焉臣請為 皇上  
列其狀 皇上不察 大有有平曾不能辨閭巷語如故典  
是陷我 皇上不察 祖者臣等言官也罪二 皇上撤朝不  
御停講不舉言官第言之身而竟不能強得之是陷我 皇上  
不能如 祖宗朝之勤政矣罪三 皇上任賢不為去邪不決  
言官第言之身而竟不能強得之是陷我 皇上不能如 祖



宗朝之用人夫罪四 皇上好貨有癖而御下必恩肘腋之間  
叢怨蓄愛言官共慮之而卒不能批鱗諫止是陷我 皇上素  
萬曆美政而不免終矣罪五言官員此五大罪人人俱知慚愧  
皇上奮然勵精而以五罪罪言官之不言豈不當哉奈何所  
謂箱口而不言者不與此而與彼也以此知 皇上實惡切直  
而改以緘口加之非耳 上怒不報隨諭吏部今日覽文書有  
御史馬經綸心與奸逆報復故誣君無上倚言申救恐負奸逆  
之私此必素日黨類之人憲職重任何可置此奸肆之輩本該  
重治姑且降三級調外任用不許朦朧推陞其存留兩京科道  
業縱美等必有唆使情弊俱奪俸一年○陞遊擊李承祖為前  
鎮叅將○庚寅陞湖廣僉事丁繼嗣為本省兵備叅議○工料  
等部給事中等官林熙春等奏頃者御史馬經綸慷慨陳言忠

城報國 皇上誠罪諸臣以不言矣幸有敢言如經綸者計轉  
圜在旦夕乃吏部佞出 聖諭竟從調降 聖意深遠未測其  
果以言罪抑以不言罪臣等未之解言甚切至得奇降級調外  
其馬經綸降遂方雜職○是日四川等道御史廉久微等亦上  
疏欲與諸臣同其罪謂初軍政考察不需斥及兵科諸給事足  
矣并各科斥之又并各掌道御史斥之及職名一上而處分愈  
甚何為者也謂其不言耶間多向之敢言者謂其目擊時事不  
言耶間多奉差在外者人使一人日甚一日是 皇上以不言  
者為罪之名而以言者為罪之實是名以不言之罪罪今日而  
實以言之罪罪往日耳則何以盡服諸臣之心而示天下後世  
乎疏入仍降級調外二疏列名諸臣俱奪俸○起原鎮守陝西  
總兵官著都督僉事張剛充神機營右副將○陞協守潮漳副





奉酌位例而再行之老年欲擅婚子女一欵議得婚姻之禮男  
女欲其敬體男既有爵女須有說若選到未封許其因便成婚  
是以民女配王家禮儀冠服之閒殊有不稱恐宗藩有識者顧  
惜大體或未必安于此也况將軍中對年及十五即便請封選  
婚縱文移往之動經歲月倘不逾弱冠之期何至便為怨婦且  
子女封爵並以母氏封號為憑若一槩婚不待封他日私婚與  
擅婚何所辨乎非所以重天潢而正倫理也則擅婚之不便  
舊例已曾及之祇緣先任部臣止議爵位本身祿奉一年而擅  
婚之禁竟從報罷不知世封之爵與一十之祿孰重在宗人固  
以甘冒罰而為之及子女請封之時本身已有物故者則罰祿  
特具文耳其何憚而不擅耶且如酌例議擅婚之禁亦曰已經  
另題者不在此限乃今題進口糧及連年之案勸給贖備者俱

籍口辯優大非所以遵典制也臣愚以為宜從條例一切擅婚者禁止之為便如謂以擅婚一肯絕其世封于法不無過刻則先年科臣萬家春條議謂擅婚子女查在奉到勘合以後者仍許請封惟優稍示降等或給半祿或止給三分之一日後于孫亦如之此議獨不可徇而行之于臣等又查條例開稱擅婚子女如係聽繼王爵人數臨期請旨定奪自萬曆十一年懷慶王載澐于翔銖查洩擅婚本部題請降封奉國將軍奉祀法亦嚴矣合無于擅婚子女其封爵如科臣之議止遞降一等而祿亦給其半則罰及于孫宗人終有所顧忌而世封不絕又未嘗不寓寬卹之意也然亦須斷自二十四年之例之日為始其前此例未開時犯者即為故違縱于情可原而于法不可假貸惟是二十一年北開酌例之後或有不待封而成婚者宜稱一酌處

如是或可免陳乞之紛紛而已行條例亦不致妨礙矣至于請  
奏期限一款除無奏報者例應查勘外其有奏請過期者仍照  
舊例云二十年以上立案不行者今或議至二十五年而止而  
年太多者固不容一槩無限也又科臣萬象春條議謂各省石  
布政使職務頗簡各宗事宜相應專理而奏請一節專屬之巡  
撫尤為簡便此其議尤今日之所當採行者至于撫按具題仍  
宜會稿而本部題覆則不拘撫按先後有一院先到者隨到隨  
題如是則不夫查覈之初意而名封亦可無愆期乎乃若宗文  
奏報舊例原係按季類奏其不依期及保結不明者長史教校  
等官一體叅治蓋報生初兩寶日後名封婚嗣之地關係不輕  
也至如 玉牒撰造送部原有混淆外錯增減之禁通年 玉  
牒開造子女有前後多寡不同者有生平日月互異者有受封

入府之外錯不齊者以致本部議行勘議另題議立案者亦紛  
紛異致從來各藩奏請到京內外員役率皆視爲奇貨吏胥固  
狃而詭索而差來原役亦藉是以影侵上下隔絕彼此朦朧實  
可痛恨臣請自今以後立一格式兩頒式各藩其格一書年月日  
次父母封期次某年請名某年請封又某年請婚併明註某年  
月日頒到初書及勘合之期又次則某年生幾子某年生幾女  
又次或本身有無過犯人註一紙各以類開列並此報生之例  
原議規則大約類是亦一簡便之法寸差法取其平例垂可久  
要在隨事覈實使資宗家惠而積弊一清如是而已得旨宗藩  
事宜遵照先年舊例行○乙未都察院題急缺風憲言官乞勅  
違議行取章下吏部○吏科署科事右給事中王佐等題懷垣  
之人通用宜急不報○御馬監奏御劉燦奏李婁男子李明石



文暗得人頭潛入禁地為謀巨測下錦衣衛問○兵部題留薊  
遼總督孫曠不允請告從之○陞貴州副使易以巽為廣西叅  
政 上以 聖母萬壽節頒賜四輔臣上尊珍饈○丁酉陞薊  
鎮總兵營中軍劉養廉為遵化左營遊擊

大明神宗顯皇帝實錄卷之二百九十三

大明神宗顯皇帝實錄卷之二百九十四

萬曆二十四年二月戊戌朔禮科給事中楊天民題言府改封一疏與要例不合秦藩改封 皇上已誤于前豈容再誤于後伏乞 聖明念萬章之當年防倖言之易滋將吉府常汶常澱二郡封停罷一如部度 上不納○乙亥初改講期大學士趙志斗等題日講原于正月上旬舉行今歲有礙祭祀謹擇本月十六日吉恭請 皇上臨御講筵從之○禮部奏廣西象州等衙門慶賀表箋破壞差錯 上命各該巡按御史提問○四川撫按諱希思等奏播商已勒收陳慶置事宜加陞開封府通判蒲林重慶府同知職銜重慶府通判李培根以原官改任黃平章下吏部○陝西巡撫賁待問題者入瑣爾吉傳火落赤搭庫兒妾住莽刺川來從緯遼河等處遶河回套又哨得莽刺川地

名捨龍抽歲一帶輕騎往來採獵遊走羣虜圍捨熟番撥判等  
族隨報捨番達十係真相台吉滿古赤免吳等枝我兵潛從便  
道截于近番之上地名移兒溝按伏後出逢行至沙麻族各剽  
營待拒守獲熟番雷陣斬獲各虜逐回從原路六約溝回  
巢番長哈六卜領衆番二十人探聽虜情六卜假以送賞到于  
真相台吉帳內真相要其往舍六卜不從暗行逃回隨將同行  
番人虎卜害等竊留隨聞真相差板勝恰并散虜表六卜帳內  
般取帳房河州泰將周國柱統兵出關至哈帳生擒板勝恰其  
散虜阿蘭夕潛入鴉蘭札麻兒葛寺探聽我軍消息仍率兵擒  
獲靴換原習虎卜害等以安番心以堅內向大真首遣使雖稱  
扶番般帳實亦蹏我動靜幸被周國柱計擒則狡虜之謀已代  
所據國柱議要輟點二虜換前拘留之番是亦一策第火真踏

首燭據莽悅睨河洮實秦隴腹心之患乃令火酋統部回套  
已渡黃河之北情形似確尙遠單子與真相似收故巢彼真商  
者自知火酋之熏焰既已遠流諸番之蹤跡亦復渙散雄心寡  
助意在覘我虛實故假遣使以覘邊備以奪番人事非泛泛可  
沒無警覺乞勅兵部覆議章下所司○刑科都給事中侯廷佩  
題張誠一事已經孫道查籍無容議矣第霍文炳六一半僕驟  
冒顯職家資鉅萬私蓄違禁寶物罪惡滔天今反懼法脫逃宜  
嚴擊文炳一二親屬訊鞫無法不漏網而三窟無可逃之奸夫  
從之○庚子差御史葉承盛巡視壩大馬房○陞國子監祭酒  
楊起元爲南京禮部右侍郎○以禮部左侍郎兼翰林院侍讀  
學士劉楚先充給筵講官○陞雲南叅議林喬樞爲貴州副使  
○陞山西右叅政翼化龍爲陝西按察使○總督川貴兵部左

侍郎邢玠以疾乞休 上命沿途調理前來供職○制勅房辦事大僕寺少卿兼司經句正字馬繼文陞太常寺少卿照舊辦事文以九年考滿故有是命○以科目選補署正員缺從光祿寺卿田疇請也○改原任大學士殷士儆謚文莊○降原任御史馬經綸為陝西米脂縣典史○辛丑陞大理寺右少卿連格為本寺左少卿○陞太常寺少卿提督四夷館白棟為大理寺右少卿○陞河南右叅政兼僉事伍讓為江西按察使整飭贛州兵備○陞宣府巡撫標下中軍生管遊擊王尚忠為大同叅將○壬寅禮部題嘗禱周制天子之元子冠禮之年近則十二遠則十五國朝典禮實參用之著于 大明集禮 大明會典 累朝所遵行者今 皇長子春秋已十有五矢揆之典禮正合行冠禮之年先該萬曆二十一年臣等欽奉 聖諭皇長子

出閣在適合先行冠禮以見謀官但思尚未兩立既不可檢用  
求言之儀又不可下同親王之服姑令暫著常服出講以待冊  
立之日再行冠禮如勅奉行夫兩三大事 聖衷默定至于  
皇長子加冠之禮累有成命欲行于兩立之後今年當十五過  
此則愆期矣夫禮有定期而不以時舉則溺其職臣之所不敢  
也 上有成命而不以時申則溺其旨臣之所大懼也况送婚  
亦且屆期禮當次第而舉候詔施行報聞先是禮科給事中楊  
天民亦有是請不報○陞原任海蓋兵備孫承榮為山東副使  
○差兵部左侍郎李楨左副都御史張養蒙清理軍政貼黃○  
癸卯戶部題賑濟白河平利洵陽等三縣及興安州雨量被災  
多寡行之報可○陞廣東練兵遊擊周易為瓊崖等處叅將伏  
西都司彭紹賢為分守金山叅將○甲辰 上以祭 三皇于

景惠殺收回祭設頒時回輔臣○除補原任湖廣副使劉大武為河南副使○降工料給事中林熙春茶陵州判官御史廉久徵澤州判官○禮部題戎政侍郎沈思孝經筵侍班報可○已故武靖伯趙光遠祭葬如例○月犯畢宿○丁未 辛貞純皇后忌辰遣官致祭 茂陵○祭 先師孔子遣大學士陳于陞行禮○陝西巡按喬廷棟題海虜擁眾入犯官軍奮勇截殺乞敘文武將士并及經畧鄭維用番成功併行賞賚章下兵部○陞山西副使易登瀛為本省叅政鳳翔知府朱南英為廣東副使○戊申遣公徐文壁代祭 社稷之神○己酉兵科署科事刑科左給事中徐成楚題封信無期倭情巨測近聞外廷浮議或謂開白開塞海口未通一舟或謂行長竊留兩使要求五事或謂奎倭未見焚策或謂封馬島尚多積貯總之事變無常

隄防在預且永樂中固嘗予封矣卒所以制倭者在望海場之  
使嘉靖中嘗予貢矣卒所以定亂者在廟灣沿海之戰乞賜查  
勘情形并勅沿海兵備一意主戰章下兵部○正使李宗城題  
佞情保無詐偽乞給獲從將士錢糧并展限期 上報以兩使  
渡海准寬限應給我報即便處典○三邊總督李汶題達虜從  
鴨子野狐橋踏水過河入犯官軍殺退獲功章下兵部○金星  
與木星相犯入奎宿度分○庚戌南京河南遣御史林培題審  
奸尚辯忠邪節採織三事臣謂奸尚之當審者蓋有感于刑部  
司屬之以搜賊獲贖也夫費甲金隱逆豎贓物 皇上追究之  
為正法也非貸之也刑部連日比併未有實跡具疏上請彼獨  
不見巡城之王御史豈其不愛一己之官而苦為費甲金回護  
情固可非也 陛下予司屬則降級調外予堂官則始且不完



恐其足以傷于明而累于德也且追究不已必致賄賂不已必致株連累累拮据以足原數傳播四方捋撻陛下明法懲奸之美而昭其違不類之徒妄為揣摩必有以某人當沒某人當抄惶惑聖聽者流禍可勝道哉臣願陛下宵司蜀徐維漁之官以明上意之為法不貸使聖德光明于天下臣以觸犯獲罪雖死不憾臣謂忠邪之雷辯者盖有感于沈思孝因諸臣罷斥而揚揚見朝也夫沈思孝江東之李植剛狠小人傾危變詐天下之人皆知之臺諫交章彈之十不下一思孝東之反唇而論十疏十下陛下得非以思孝東之可用而欲重用之耶夫正人必與正人為朋以丁此呂之大奸大貪而思孝東之面為庇覆至與尚書孫丕揚相許也則思孝東之固奸之魁而貪之首也又不觀進退之難易易退者必君子也蒙面厚顏甘

進不止者必小人也。今丕揚杜門，羊年辭疏，十上必得去，而後已。思孝則欣欣于愈，介強思鄙，廷彥黃蓮，秦馮從吾之去，謂皇上不難罷言官五六人，以安我心。朝廷之上，惟吾所為，無不如意矣。于是揚揚見朝，廣侈得意，使此輩柄用，必將去其所憎，而拔其所愛，去其恬靜而方正者，拔其凌蹠而荼毒者，凡逆理亂常不利社稷不利生民之事皆導。皇上為之以驚威權，而固祿位，只令議論煩多，國是靡定，惟是忠邪未辨耳。願陛下超然朗照，獨斷宸衷，以別忠邪而定國，是以自為社稷計，無兩言而兩全之，以釀無窮之害。臣以觸犯獲罪，雖死不憾，臣謂抹織之當節者，盖有感于撫按之為織造罰俸也。陛下為織造羊戕撫按以地方災疫請而不納，矣抹買回青部料以事于外，夷情而不納，矣湖廣撫按以魚鮪罰俸矣。蘇松撫按以織

造罰俸矣通判以織造刑藉矣應天分四運而費至十萬矣撫按焉 陛下肅清百僚澄清天下豈飲食不服之是司通判雖職有司存然民社役寄非止段足一事也為一服食之故而令撫按蒙罰通判褫職是 陛下所用以彈壓地方者日奔走以供朕御之需而不足郡邑之官親民之吏舍其職業竭民脂膏惟求上供無負以違己罪非所以彰 陛下卑服即功約已厚民之休美也况陝西外連強虜百姓疲困不支必折而入于虜撫按控請之詞備悉艱危困苦之狀回青原非中國所有應天一年而加至二萬五千餘兩維所費者工部之料價而舊京民力已殫數數之聲盈滿道路矣為羊賊而令邊鄙之民甘心以淪于夷焉回青而今奇好之聲交騰于外國為段足而今蘭書之臣不安其職郡邑之吏莫必其命竊為 陛下不取也飲食

衣履豈曰可缺臣不言停而言節誠不敢望盡如國初之舊但  
遇撫按陳請部院執奏必令查 陛下即位初年之數遇溢則  
損之後陸鎮熙之官罰俸之令母及子撫按生靈受福然量臣  
以觸犯獲罪雖死不憾疏入 上怒留中不發至次日以其假  
借建白報復奸逆私恩黨故同類降三級調外任馬維翰亦革  
職為民○原任南京兵部尚書楊成以病辭任 上著遵旨赴  
任以其清望起用故也○降補原任陝西參政劉晉馬山西副  
使○差御史吳楷往河東巡鹽○吏部題更換五城御史以半  
年為期從之○辛亥戶部題應天高淳縣水患改開棗壩將該  
縣漕糧一萬六千八百五十石照依嘉定縣近例永遠改折從  
之○原任大理寺少卿江東之題乞勅刑部申明治獄律例在  
內十三司毋風厲殺人在外十三首巡按御史清查所屬部邑

中報其罪不致死者許令保出京下部院○陞山西參政張世烈為山東按察使○瑞衣衛緝獲犯人霍文炳送鎮撫司嚴鞠○壬子陝西按臣喬遷棟題參巡撫劉光國原任本道副使令調浙江副使余良樞原任西寧參將令革任回衛祁德原任鎮海遊擊令革任回衛查勇彭九疇違旨私市媚虜海虜自戕副將李魁而又蓋以洮河之逆后挾市作歹官兵斬級六百八十有奇方幸可以振情畏而伸風憤乃諸臣竟與虜市一市未厭而求委市私市未厭而又索馬牛之公布脫使虜踵元吳之狡謀乘懈以蘇渥中而此中又以剝軍媚虜蹈宋人之左計乞行查究章下兵部○通政司右通政李植以御史林培疏語波及乞行罷斥上著照舊供職○以大同井坪城等處參將張國將為大同北西路地方左叅將○癸丑勅吏部甘鎮大獲奇捷

朕心嘉悅內閣輔臣趙志斗振位陳于陞沈一貫各陞銀幣  
有差○戶部題蘇松四府連歲災傷太倉庫米折等銀乞暫准  
停緩從之○兵部題敘西寧官軍獲捷功次西寧孤旦山南控  
扼青海國初曾于山海置設安定罕冬四衛撫插歸附戎羌壯  
戒藩籬故輯無虜自正德四年套酋亦卜剌竄入海瑞殘破四  
衛而嘉靖末年虜王俺答擁衆南牧黨與漸繁至萬曆六年又  
復挾視套款迎佛假道往來無禁遂于海南建寺題額仰華而  
來邵卜遂統領部落主守寺剽掠番聚醜負海稱雄而大具等  
首遂渡河南牧營成三窟以故南河東西無虞無虜無地無市  
要挾不遂無日無捨甚則犯西寧而殺副將李魁繼犯洮州而  
殺副使李聯芳三犯洮河而殺遊擊李芳致屢廷議遣大臣經  
畧斷其假道韋其市賞焚其寺剽而求大窮苗尚爾遠竄西疆

避逃天抹運令神人情恨靡不欲縛其首職其類而甘心焉乃  
永肯恬達員同仍逞故態妄挾市賞糾眾內窺幸督撫道猗集  
遵廟謨鼓作番漢嚴行偵探虜方橫行直闖窵榨越關而不知  
已墜伏中我攻其內番攻其外夾擊摧殘首尾不收幾致隻蹄  
不返顯目犯都兒恰即係親殺李魁之人地名朵爾峽口即係  
李魁殞命之地且前後兩時皆于九月則又若天道好運之報  
前後共計斬首六百八十三顆而久積不雪之憤庶快其一  
二此一役也官軍之截戰誠為首功番眾之夾擊亦為殊績而  
收番以待今日之可用者非經畧鄭雖乎當雖之奉命經畧也  
時多以不戰罪雖而不以收番為雄功庸知今日之用番乃前  
日收番之力而前日之不戰正收戰勝之功于今日也事肇于  
數年之前而收功于數年之後似應并叙至于奉兵之調度中

臺之經畫皆所當優以杜宣告之猷者也得旨該鎮撫斬首虜  
六百餘級奇功可嘉李汶陞兵部尚書兼都察院左副都御史  
照舊總督歷一子錦木衛副千戶世襲回樂陞都察院右都御  
史兼兵部侍郎照舊巡撫原歷兒男陞指揮同知世襲照新銜  
給與應得誥命鄭維收畜有功遇缺起用原歷兒男陞指揮僉  
事世襲達雲陞署都督同知管事候大將員缺推用仍歷一子  
本衛指揮使世襲劉敏寬陞職二級候有積勞遇違方廵撫員  
缺推用朱朝聘頗宇坪各陞俸一級梁雲龍萬世德各陞俸二  
級遇缺起陞龍膺紀錄推用恭國柱加都司僉書管事石呈調  
度有功著加少保李頌余立各陞俸一級該司即中興實授仍  
加一級陞用其餘各賞銀幣有差○准成山洵王應龍男王允  
忠蘇蔣○甲寅大學士趙志皋等奏辭加恩不允○兵部尚書



石星以疾辭廢不允○戎政侍郎沈思孝以林圻論劾求去  
上免之供職不允所辭○貴州巡撫江東之辭新命不允○兵  
部尚書石星題科臣以封事久竊流言可畏恐沿海利有疎失  
特請申飭修防慮遠憂深臣甚憂之但臣思倭果志不在封則  
坐候釜山已逾三年搶掠不聞守株自食是待何所待耶及今  
冊使入營隨帶員役數百一切館穀船隻皆為供億人多費重  
毫無缺缺是又何所求耶即此情形昭如黑白臣固是益信今  
日之事惟當安靜以待使臣相機行事決能外完封典內慰  
聖心至于查勘事體已將結局情形不在釜山往亦無益慮候  
事竣或仍遣該鎮監或別遣風力科臣往勘 上從之○ 潞  
王奏府門突被火災乞行修理 上報曰覽王奏府門被火行  
與該撫按官作速修理○初總兵杜桐印出料理春防○准總

兵麻賁回銜調理○乙卯遷義城伯李承功祭 恭仁康定景  
皇帝○工部題修理延禧宮措辦物料從之○改太僕寺少卿  
鄭維之馬太常寺少卿從賢曰夷館○陞戶部郎中周之昂為  
廣東僉事○遷到河南山東于弟于茂等擇日赴諸王館會選  
○遣公徐文壁祭歷代帝王○差御史趙文炳往湖廣藝文選  
往應天吳崇禮往陝西各巡按○丙辰 恭仁康定景皇帝忌  
辰遣官祭 陵獲○丁巳以浙江海寧海塘工成各官叙有勞  
績王汝訓劉元霖劉澤成薛夢雷各賞銀有差羅應辰紀錄推  
用徐廷諫分別獎勵並海寧地方濱海縣治之外即需潮水之  
衝一帶塘堤延袤三十餘里費僅一萬二十有奇咸奇銀一萬  
二十三百四十八兩因工部題故有是命○戊午大學士趙志  
皋等三辭恩命 上准其辭廕加秩之辭不允○南京吏部尚

書蔡國珍引年致仕 上以其清望素著不允○降御史林培  
為福建運司知事○庶中差御史玄九舉往山西秦懋義往蘇  
松葉求盛往江西各巡按○陞光祿寺卿田疇為順天府府尹  
○起原任湖廣叅政馮露為山西叅政○辛酉總督薊遼孫績  
題封倭一事乞勅兵部堅守前約行令李宗成等且停往釜山  
無輕渡海務必遵奉勅旨一倭不留朝鮮王奏報然後渡海往  
封明與說定一日不進一日不渡以此相持即多延歲月亦所  
不計倘彼欲行豫安或耳目非是即係彼違前約非我失信二  
使臣即明白具奏完節是朝沈惟敬見聞白果有別情作違未  
京回復或二使具奏以祗朝是處分換毋欲速輕進章下所司  
議覆○兵部題覆速來巡撫李化龍倭情轉換可緩乞要相機  
寓處並謂小西飛乞封之日內外官公同詳審速欵親答所以

使化朝鮮之政請封之疏封後不敢求貢猶天自天一一供明  
然後議發兩使乃遣使踰年尚未結局以故流言蜂起中外惶  
惑隨該科臣徐成楚題稱春汛漸過封報可疑方在議度間又  
該冊使李宗城奏封事雖違佞情無異沈惟敬三四月間回逆  
渡海故事似已有期今該鎮督撫孫鑛等因其遲回疑有狡詐  
一謂兩使不宜輕易渡海一謂朝鮮戰守所宜早圖皆以職共  
封疆不妨預思戒備始以倭衆侵據七道朝鮮奔號請救 皇  
上憫其顛沛興師但獲繼來退還釜山朝鮮代奏請封 皇上  
嘉以款誠許與封號及小西飛待命闕廷兩次會譯此一特大  
小臣工所共見者伏家 聖斷從其所請願給冊使乃于秀吉  
等初諭亦止一封不得利求貢市今違云別有要求雖出流言  
有無難必然使臣所奉者勅書所守者國法豈容擅許沈惟敬

雖係凡庸亦知畏死苟敢私與即諸臣妄許于外臣必不敢曲徇于中而矯詔辱國督撫處在塞通所聞或較臣為真兩使身在套營所見必較督撫尤的若果恭收如初一封完事即當酌量前進以終大典如或一封之外別有要求即當據實奏報候旨西還蓋寧使夫在彼不可失信在我天朝之待外夷體當如是也伏乞 聖裁 上報曰覽奏倘悉傳與李宗城等遵行○兵科徐成楚題日本慮朝鮮叛後惟取回要陪臣與之修好大朝鮮自殘破之後驚魂未定豈誠足以讎闕白者何必修好闕白奸雄狡譎攻罵六十六島其視朝鮮蓋僅僅案中裝耳何憂于叛復况惟教佳陪臣乃亦往惟收講禮陪臣講睦是敵國我也非體也抑或陰以朝鮮款以陪臣質而陽就一封尤褻體之甚者也如之何勿慮乞將督撫兩疏機宜虛心的議章下兵

部○甲子直隸巡按况上進題河工已無遺策運道切有後艱  
宜將不急之工停止一面竭力分貢一面併力清口庶分導諸  
務方收實效部覆如議○勅遣整防各地方兵備并理糧儲水  
利農務各關防○蜀王進翁上命賜銀一百兩大紅羅衣一  
襲仍寓書復王○工部題秋冬河防已竣經營各官羅大奎等  
十一員高郵等州知州等官計一職等五十三員嘉獎高郵等  
州判官等官托奉等五十五員優獎徐州等州同知等官丁偕  
等四十四員量獎睢州等州判官等官都鍾等十二員戒勵斥  
逐提問從之○乙丑保定巡撫李盛春題張誠弟姪新置莊房  
田地籍沒入官彙造總數隨本進繳上以籍沒全琅器皿首  
飾珠玉等物俱著先行解進其房屋等項作違變價莊田著入  
乾清宮子粒數內徵收隨年例題進章下都察院○差御史任

萬化往甘肅巡按○兵科左給事中徐成楚題延鎮提督在二  
月中兵分三路各出邊五六十里直抵邊賊巢穴中東西三路  
通共擒斬四百九名額內有二名額目奪獲駝馬牛一十五百  
四十九匹盔甲兵器三十六百八十二項等因夫點虜卜失克  
因先年我兵奪彼行李殺彼明安酸鼻痛心必求報復茲幸鎮  
撫運籌將士戮力得斬溢于四百捆載業已五十謀出萬全功  
收一舉而巨猶不能無言者邊鎮歲苦虜患內地黎黎掠在彼  
中者不少今該鎮俘獲未知的數然豈無彼掠居民誣誤其中  
者乎夫討虜而獲我民誠不殊于獲級即赦民而誅醜虜均不  
失焉首功故審驗不可不亟此按臣之任也明安持一節首耳  
彼且啣之教年寧不可解矧遭此大劫乎我有奏訊獻俘之盛  
則其氣易驕彼懷卧薪嘗膽之心則其謀愈審故防禦不可不

晨北將頌之任也夫行兵至萬五千餘大舉也三道並進深入  
虎穴大奇也俘斬以四百獲掠以數十計大功也有如賞罰一  
不當使三軍解體四夷竊笑其何以訓焉况搗巢與堵截異堵  
截第剪零劫尾之戰裝點易欺擣巢乃堂堂正正之師勝負立  
辦故綜覈不可不詳此甄撫司道之任也總兵麻貴者臣不知  
何似人也顧督撫疏稱九塞一時尙將四鎮無二功臣即其人  
可概見臣聞其病非真病不過避嫌擇員之私是以休未及休  
猶樹借箸折衝之績似當免留結此殘句此本兵之任也章下  
兵部丁卯兵部慶陝西巡按喬廷棟題延綏雙山堡甘肅甄  
雷衛兩處官軍獲功叙明賞賚上言李汶田集督吏部記錄  
王賦業黃子美葛賴加俸二級俱各賞銀有差○勅原任副總  
兵楊元以原官管山海關叅將



大明神宗顯皇帝實錄卷之二百九十四

大明神宗顯皇帝實錄卷之二百九十五

萬曆二十四年三月戊辰朔 孝肅皇后忌辰遣官致祭 裕  
陵○巡撫浙江都察院右僉都御史劉元霖以疾乞休不允○  
陞宣府守備明世芳為大同遊擊○兵部題修葺應州城南關  
從之以總督王世揚巡撫梅國禎請故也○庚子吏部等衙門  
尚書等官孫奎楊等題勸明原任戎政侍郎蹇達受賄事跡奏  
旨著在籍聽候起用○陞河南參議張泰為陝西副使○吏  
部題大學士趙志皋歷從一品俸三年考滿命吏部從優原恩  
典至是上請報回元輔志皋贊襄密勿茂著忠勤茲當考滿朕  
心嘉悅加少傅兼太子太傅進建極殿大學士給一子尚寶司  
司丞賜宴禮部以示優禮元輔之意○兵部度兵科著科事刑  
科左給事中徐成楚題總兵麻貴歷任銜差風音勞績乞仍留

管事料理造防從之。辛未兵科徐成楚題劾總督各場侍郎  
邊維垣總督戎政臨淮侯李言恭老病不堪任事章下所司。  
協理京營戎政都察院右都御史沈思孝以病乞休。上以閔  
視重務令其供職。禮部覆故頂大府府尹錢藻卹典給祭葬  
如例。禮部題織造冬至大祀。上月十二章袞服并皮弁  
服。士申性甘肅守備蔡夢熊為莊涼甚擊。癸酉禮部覆故  
南京吏部尚書袁洪愈卹典准給祭葬如例。兵科徐成楚題  
長昂盤據三衛距陵寢僅數舍計日章貢之後東糾西結志  
在必逞難順義抵牾未應而起免猖獗可憑為合衝連勢所必  
至。近聞簡撫與樞臣會議裁其貢而與之款亦屬糜一策然未  
可審侍也。可憂者一雲中上谷為神宗頃鑄洪者青紀都未死  
頃義故社久稱恭順今漸非初美或是易倡款心巨測積薪厝

大木可謂安况肯肯道有五稟粒粒不下萬荷少者浙杜杜者  
浙點可愛者二甘頌久為永邵卜所苦該頌不勝憤勞誘其款  
而奢之宜耻除克功誠不細然或者謂殺降不武誘款不信啓  
黨不祥夫邊臣任事最難兵法致人有訓聞外便宜豈堪苛責  
然亦該填之一隙也可憂者三遼在北邊虜南通倭最稱要害  
自高平大劉虜謀小寢所難禦者獨倭耳夫釜山故非土著傳  
者誤以為土著乃今築壙揀室屯糧增兵儼然一土居志夫朝  
鮮能無恙乎朝鮮危則遼左危可憂者四西夏自尊呼之後摧  
殘甚盡火落亦著力克諸虜又從而蹂踐之迄今貧者進富者  
徒丁壯死于征戍老弱疲于轉輸所為國家有者獨區區版圖  
耳有事者不以此時力為官植安係無如元昊者出為宋患于  
可憂者五封樁之臣守土為職我國家自河套一失虜患遂株

先臣曾統慨然倡議謀所以復之者而功竟未就乃首誠之士未嘗不扼腕今邊秦將吏不詣大畧將近邊隙地執業以予虜上地日促則虜日近具日欲驅而遠之可復能乎可憂者六賚罰者人主禍世屠鈍之大權然必功罪明而後賞罰當亦必勤報速然後功罪明今虜退不知幾日矣偏裨始以其狀上之鎮巡鎮巡申之總督總督上之闕下及部到行按臣查勘按臣不自勘委之司道司道又不自勘委之府廳文移往復劫誣半載隱匿粒點何所不至使首虜之真偽不可復辨傷亡虜掠之實數不可復核則有雷同塞責而已功罪何跡明賞罰何跡當可憂者七大約宣大前邊有險可據其法當主於守然非以戰為守則其守不固廷寧甘固無險可憑其法當主於戰然非以守為戰則其戰易蹶顧李汝守保平安屬門李陵吾功竟成亡虜

臣竊願文武將吏謹烽虜謀清野固壘毋以智生事而又以智  
收之也至於查勘功罪宜立定限廢是之日地方有無大事官  
軍有無斬獲士馬有無損傷督撫按臣各目題奏不必會稿如  
~~臣~~報題按臣勘疏二十日不至者各臣等據實奏究庶查核  
~~功~~功罪難掩則賞罰當而人心自服部議謂一月之限可行  
于宣大如甘垣孤懸天末路途修阻往往延誤司而斬獲數多稽  
核等第猶當詳慎應定限四月以內勘劄一到即依期回奏固  
不宜稽遲以滋弊亦不可忽畧以失真仍中飭賞罰條格督行  
將領不得輒將近邊隙地棄置與虜以致潛往窺掠違者即與  
陷堡同罪若虜至急能收保人畜地方無虞即與斬獲同賞或  
有未盡事宜併聽督撫便宜處置得旨這所議便行與各邊總  
督撫按務實舉行○甲戌大學士趙志臯辭免恩命優旨不允

○總督谷坊達報垣以徐成楚奏劾乞休不允，乙亥是日成  
刻火發坤寧宮延及乾清宮一時俱燼。上時居養心殿密通  
二宮立火无中顛穉甚切幸不至蔓延。○大學士趙志半等急  
趨救護以長安門閉鎖鑰未傳從門隙具題慰安。聖躬○丙  
子清明節遣撫寧侯朱繼勳隆平侯張炳寧陽侯陳應詔武安  
侯鄭惟忠清平伯吳國乾廣寧伯劉允正新寧伯諱國佐永年  
伯王棟武平伯陳如松于。長陵。獻陵。景陵。裕陵。茂  
陵。泰陵。康陵。永陵。昭陵各行禮。○遣都督同知陳承恩于  
于。恭仁康定景皇帝陵寢行禮。○遣都督同知陳承恩于  
莊救太子。袁冲太子各墳所行禮。○戶部題各邊鹽引俱供  
軍需鹽糧勘合以二十引為一直乞行各巡鹽御史收查軍夏  
邊東永平間封歸德長蘆山東各改行關給年終奏聞從之。○

丁丑 上諭內閣今偶爾災變竇 上天警惕乃朕失德所致  
驚疑 兩宮聖母賴 列祖威靈祐庇朕心懼切自不安心與  
元輔等議恐未盡愆咎侍禮部遣官告 廟自責合行事宜  
查例來看以回 天意○內閣及五府六部堂上官俱恭詣禁  
中者大口免 皇長子講讀一月○戊寅大學士趙志昇等條  
上修省實政一下詔罪己併戒飭百官查得嘉靖年間三殿火  
災 皇祖世宗皇帝曾下罪己之詔頒示天下今宜倣而行之  
又 累朝或遇災青多戒飭百官共圖修弭庶上下交警乃弭  
災首務也一簡發章奏近日各衙門本章多留中不發以致事  
務停閣官曹空虛夫六部分莞大政皆人此之喉舌一特氣息  
稍窒身體豈得安寧以一官久缺不補則推積弊竇者不知幾  
何事一事處斷未了則牽連墨累者不知幾何人此乃習常情



傷和召災之大者仰望 皇上清心勵精將吏部委次推陞官員及各衙門奏度章疏一向與中者盡數簡發使政務不致壅滯百司得有違承一簡復淹滯夫仁賢不信國且空虛忠貞沉淪邦其珍庠通年海內降謫罷廢官不下六七十員逆日兩月內連黜降至四十餘員或因一事之差而槩斥或因一人之累而連及其情實多可原寧可終棄凡昔滯素諸臣察其志行端潔懲創已久觸迂無心為天下公論所惜者具列等第請旨定奪不得更拘矇矓陛用之條使縉紳咸得揚眉吐氣不致推阻拂鬱斯乃為回人心轉世道之一大機括也一選補臺省近因科道缺入已經吏部題請又經都察院催請俱祇候日久未蒙發出大國家以分理政務責之大臣以糾察欺弊責之科道厥任同重非可曠闕昔人以大臣比之股肱以執憲之職比之醫

治股肱者良有深見見今官少事廢言壅情阻賢國無人寧不  
召災切望 皇上符吏部近日推用科臣及行取風憲等疏亟  
行查發令其選補如顧庶幾臺省充實言路開通臣等亦得藉  
以未覽忠益補救遺闕此修政格天之要圖也一慎刑守法併  
禁止攀累以疏枉濫切惟朝廷所守者 祖宗之法度刑官所  
據者欽定之律令近日刑部尚擬因犯據律定罪而 明旨每  
有加重司官且被宸提此難 皇上懲奸鋤惡之意而使執法  
之臣無所措手似亦可暫而不可久夫法不可縱亦不可枉惟  
取其平乃可久行惟望 皇上垂念今後問刑一以律例為準  
至于抄沒一事其情真罪當者籍沒何辭但近有考覈妄扳累  
及平民挫楚之下何求不得豈獨冤抑之氣上干天和且京師  
天下根本使人人洵懼重足屏息不逞寧處大非治平景象也

惟望 聖明特詔問官勿許振業無干以致破家殞命斯仁心和氣轉嗟忍為惟欣實弭災安務也一暫停織造并少緩燒造以蘇困窮大段及器用皆 上洪所需豈能一槩減省但近年增派數日日多一日費至鉅萬據蘇松浙江陝西江西各該撫按官俱稱水旱兵荒徵收不前一時庫藏苦無積貯小民貧困已極勢難加派仰望 皇上憐念公私廉價之特約以恤民大施恩惠將江南織造段及陝西織造紙紬及江西燒造磁器暫且停止或減其數目寬其解期以待各該地方稍有蓄積陸續造進庶 上用不缺而民窮少甦亦召和之一端也懇乞 聖明留神省覽報聞，禮部題乾清宮大火查照嘉靖三十六年四月內三殿災事例上請 上報奏告 郊 廟 社稷謝咎自責便擇吉遣公徐文燧侯邦大誠駙馬許從誠自上學禮恭

代秩祀神祇間具來行自十二日為始著文武百官病加修省  
七月下詔罪己及各行事宜還候旨行。命王學禮宴待慈濟  
杜祀等寺番僧馬爾完卜等八名。○己卯大學士趙志皋致位  
陳于陛沈一貫各以災異乞罷。上報朕過災兢兢正賴卿文  
交警調變舉行修省實政共回天意豈可因此求去宜即出  
供職以副眷倚不允所辭。○庚辰戶部覆山西巡撫魏允貞揭  
汾州府照依令定穀數每年額積一千三百石及行汾陽縣每  
年額積七百石皆自二十四年為始從之。○辛巳武宗穀皇  
帝忌辰遣官致祭。康陵。○戶部題在京文武官員本年四月  
五月本色俸糧每米二石折絹一疋行各衙門查明照例每絹  
一疋折銀七錢咨南京戶部將文武官員四月折絹八月折布  
于內承運庫并甲子庫遵照舊例各給本已從之。○禮部題過

災祭告遣公徐文望祭 朝日壇侯陳應詔祭 夕月壇都督

同知陳承恩杜惟忠祭 太歲東嶽各祠其北極佑聖真君漢

壽亭侯鄒城隍金闕玉闕真君五嶽神祇遣太常寺堂上官分

詣行禮○起原任廣西叅將韋國禎馬徐州叅將○士于兵部

覆兵科給事中張正學題抽京營副遊等類精壯馬選鋒加以

雙糧科臣謂當無事而預為之備庶不致臨敵求兵而事變可

弭臣等謂當隨地而各為之備庶不致添兵增餉而中外無擾

整飭防範與酌量機宜固並行而相濟者也報可○月廩食不

食先是奉官正李欽等推算望月食三分七十秒候至寅正初

刻月體未虧亦無占咎○癸未大學士趙志華等三疏求免

上皆溫旨慰留○戶部覆寧夏巡撫周元錫題馬匹料草議將

支剩卧引斗底銀鞍補支給及將王府食益撫賞等項用過銀

兩照數開銷從之。○戶部題准河南應天額設折色俵糧報可。  
○甲申 上諭內閣以 聖體不安因災驚懼日眩體顛不能  
站立升殿以閣臣因文書官附奏請 上視朝以發詔勅故也。  
○吏部等衙門尚書孫丕揚等官各奏因災乞賜罷免 上皆  
溫諭慰留通政司田蕙奏罷命照舊供職其兩京四品以下及  
督撫總兵官等官俱著用心供職不必自陳煩擾。○禮部題代  
恭王已故庶弟一子代王為鉉薨逝無嗣庶弟二子新寧王為  
勻進封為代王許之。○乙酉日講官吏部左侍郎兼翰林院侍  
讀學士劉元宸吏部左侍郎兼翰林院侍讀學士孫繼華及各  
部左右侍郎大小九卿等俱遇災自陳 上命供職。○丙戌禮  
部題言府常漢常瀛二郡停封內言天下之為親友者不獨一  
言府天下之欲為子請封者不獨一姻鑿也設後有繼此而請

者 皇上將柴與之耶乞收回成命報聞仍遵前旨○丁亥大學士趙志臯等題停減織造燒造議如部覆擬票上請不報○戊子諭文武群臣朕恭承天命嗣續丕基二紀于茲不敢荒豫乃今三月初九日夜乾清坤寧宮災天降異殃明昭嚴譴煨燼累朝之締構震駭 聖母之起居罪繇眇躬何所逃責夙夜惶惕思省愆尤蓋緣朕自靜攝以來 郊 廟弗躬朝講希御批答侍閣聽受潤踈以致賞罰乖違臣鄰玩愒大僚不以準繩簡下而曲徇人情諸司不以勤恪蒞官而但圖私便巧文繁請銷錄之口何多畏事難肩荷之人實眇爵賞日頒而誰為激勸民力日竭而莫之肯憂慎刑有令而出入或失其平愆貪難戾而饒遺尚仍于焉供億繁滋而邑里稱擾戢守不怠而師徒告勞凡爾等之曠官亦朕躬之失德予和召變職此之錄振紀

肅綱宜自今始茲用勅爾文武群臣其各大簡習痛加修省  
有官守者勿任情慢游而廢壞庶事有言責者勿徇私雷同以  
長奸亂政事闕朕躬當與天下更始責在爾等其尚交修厥予  
諸凡繫萌志加補塞更勿矜厲虛名踣增詭行但長得為益滋  
煩苛如乖理道之經致拂天人之意憲章具在朕勿敢私異命  
重頑咸宜恪守仍申飭在外郡國邊鎮軍民有司一體遵行庶  
幾仰對上天仁愛之心永遵 宗社和平之福○命陝西巡  
撫劉光國致仕以其為兵科徐成楚所叅也○總督陝西李汶  
奏辭恩命不允○吏部題遼東巡撫李化龍以病乞休 上念  
遼鎮多事不准辭○戶部題兩池盜謀早務相妨難與急賑者  
同例參肅察等各免議報可○戶部題廣東瓊州府澄邁縣民  
謝大成奏稱本府增餉條鞭稅畝峒黎反憲戶冒免田糧數事



俱係假公濟私惟有增派秋糧一欵委涉偏累會議減去秋糧銀五百九十七兩以示寬赦從之○兵部題關白營寨三分已焚其二似無他說但朝鮮恨倭已深既欲我之亟罷封以洩前嫌又欲我之再興師以助報復故營便有舉動執便驚惶務甚其詞况主封者行長破封者清正今行長不在金山或清正故露其形以疑朝鮮而挫中國亦未可知乞查蓋樓布裡索圖害水是否真的并陳訓練兵馬事宜得旨依擬行還著馬上差人前去採聽回報○鞏陝西固原恭將土國柱回衛○工部奏乾清坤寧被災乞減織造燒造二事留此數百萬之費以充大工之用奉旨這都是現缺應用進 兩宮聖母及賜各宮年例賞賚內外并夷人等義不可缺難以停減還著遵前旨行○己丑兵部尚書石星奏封事未成速賜罷斥 上曰邊方多事東

封未完正賴卿居中籌畫以副倚任豈可因人言未去宜即出  
供職不准辭○戶部題蜀濟廣西恭城永福陽朔等州縣從之  
○華原中順天鄉試屠大壯為民○辛卯戶部題軍糧支放務  
照較定斛斗平準給散不許短少并合奉旨便行與經管衙門  
者實舉行○壬辰詔曰朕以眇躬祗膺天命嗣守祖宗鴻緒  
二十有四平于茲夙夜兢兢罔敢懈惰迨于邇歲靜攝深居美  
周慎于保家匪宴安而厥事百司庶務覽斷未嘗不親史蠹民  
艱咨諏惟恐不備顧思勞徒切于上而政令未飭于中致于天  
和游形災變昨于三月初九日戊刻乾清坤寧二宮悉被火災  
戴天心之仁愛甚著荷列祖之庇佑尤深幸朕所居不致  
延蔓而法宮嚴殿一時盡灰求僕謹告之殷實錄涼德所致拊  
躬自責震悚弗寧已痛加悔懲願禱郊廟嘉與海內勉于

維新茲下罪己之言共同交儆之實夫萬方之有疾苦如在朕躬一人之有咎愆宜令衆喻尚恪恭以承天戒威濯被以分主憂大法小廉益謹奉公之節內寧外謐期臻至治之庥布告臣民咸使知悉○癸巳大學士趙志皋等題乙下行取之疏今年員數漸少皇上近日降黜又多發單咨訪行文徵取皆曠時日此必不可缺之員亦必不可再緩之事也疏入報聞○大學士趙志皋奏因岳元聲疏劾乞休上報聞災筴示警閣務煩殷方倚信老成共圖治理豈可因小臣之言遽求引退宜即出入閣辦事慎勿再辭○陞延綏遊擊王邦佐爲固原叅將○甲午遣醫問大學士張位疾隨上表稱謝○陞浙江副使唐守欽爲本官叅政○戶部題廣州府照磨王應龍解龍涎香四十六兩皇長子出講合用物料報聞○禮部題吉王翊鑿庶弟二

于第三子請改郡爵節經科道奏駁三奉 明旨准封合無將  
常汶常瀛准封為郡王仍支鎮國將軍祿米其儀仗房舍冠服  
等件照例免給至教授典膳民校等項移咨該部發還給撥報  
可○兵部題來封一事 皇上待惟朝鮮之請以息本日之戰  
既而兩使奉命前去暫住釜山其中事體李宗城等具奏查該  
恭謹及封事竊違之故蒙 皇上准其寬限併令處給錢糧不  
必益以文臣再行勸報 上曰這倭情卿料度機宜已惠自當  
始終擔任不必因言諉避差官既稱不使遂待冊使奏有的信  
再議○大學士趙志皋奏乞賜罷以劉道亨奏論云云十請之  
賸一日數發事不拘大小官不拘衙門未有求而不應即昨修  
省之日也直若市故行之罷 上曰卿居首輔小心端慎朕所  
鑒知浮言詆抵何必深辯今當過矣交敵之時正賴竭忠巨賢

宜思潔身求去宜遵旨即出以副倚托至意不允所辭○乙未  
戶部題周鎮官兵是否減額易糧有無存積乞行陝西按臣嚴  
查我糧的數呈進御覽報可○刑部題霍文炳贓拘進完餘俟  
另進奉旨進完銀兩物件內庫查收并嚴追未完交進○戶部  
題優陞副使楊錫以其開荒一百三十餘頃收糧一萬八百餘  
石 上准陞錫一級○丙申陞五軍右營遊擊陳安邦為大同  
叅將○陞延綏守備許光先為延綏遊擊○陞雲南叅將張宏  
馬四川松番等處副總兵○工部覆御史符春芳題分黃導淮  
之說真是石查第分黃即所以導淮而分黃之工未就則清河  
口之開沙高良湖武家墩之建閘周家橋之疏河撫臣之議亦  
確乎其不可易者蓋所以避時下泛漲之水紓 祖陵肩挑之  
急也若分黃大工就緒門限淤沙盡闢 祖陵無恙黃淮順軌

則此數處不妨堵塞使淮水專竦清口而出亦無不可今二噴  
春流無恙各工漸次底績乃喜事異論叢爾多口泥堪輿者曰  
分黃之工遂成則淮黃不交有傷王氣拘區先者曰高家之堰  
不折則淮流泛溢終淪 祖陵不知武家墩高良澗周家橋即  
所稱高家堰也高良澗其中而武家墩周家橋其首尾也間此  
三處即折周家堰矣必如何方謂之折也而堪輿之說尤無根  
據蓋二流之合始于 武廟初年 祖陵之墓登于勝國未造  
我國家熙運過卜原不係此况分黃工程毋論淮黃依合且有  
重添一合襟者而論者持未之思耳信如彼折堰之說水直南  
射與黃風馬牛不相及合襟安在風氣安在信口而談其于國  
事若秦越人之視肥瘠不足聽也徒使當事者聞之聳然灰其  
任事之心惟是分黃與開清口必為第一要務但往者黃流未

分一時積非宜洩未及故不得不開周家橋武家墩等處以洩  
泛漲之水權為急救 祖陵之計若高家堆之不常折則固無  
容議者乞禁浮言庶便責成議論既定而庸功可奏疏入從之

大明神宗顯皇帝實錄卷之二百九十五

大明神宗廟皇帝實錄卷之二百九十六

萬曆二十四年四月丁酉朔大學士趙志皋等同 上宣召御  
醫恭問萬安○兵部尚書石星奏工部郎中岳元聲疏論泉事  
誤國乞賜罷斥待封事成否正臣之罪 上曰卿竭忠任事原  
無欺蔽朕所素知今虜倭未靖本兵安危所寄豈可因一二浮  
言遽欲求去宜遵旨卽出供職不允所辭○浙江道御史何爾  
健奏 郊 廟一節所待以行祭 聖孝孚吳 祖實者在是  
臣于此謂 皇上必不可已也况詔旨初頒言猶在耳皇華方  
遠於國駟牡未出于 郊乃取所為祭而觀之則昔日一公今  
日猶一公昔日一使今日猶一使使 祖宗而無知也祭不必  
事而官可無違也如其有知雷謂 皇上何傳曰人窮則反本  
皇上于大光中嘗默禱 祖宗之靈而念及 祖宗之庇矣



曾不數日仍復狃安之積習循違官之故事豈遂忘然持之  
虔心而不思庇佑之私功耶天心仁愛人君有不德則出災示  
傲翼萬一之能改耳今 宸居盡灰躬自暴露比之不改則更  
無改時恐 天地 祖宗絕望于前百官萬民絕望于下芟芟  
兀兀獨處深宮即玩好盈目珠玉滿前能長有予并及禮臣范  
謙引例恭代馬容悅不忠罪當斥疏入雷中○協理京營戎政  
右都御史沈忠孝奏回天第一實政乞行 皇太子冠禮○朝  
鮮國王李昫奏乞封世子章下禮部○兵部題預報倭退日本  
迎接問使報聞○工科給事中楊應文題項首河高堰壅 岐  
寢沮洳 皇上惻然勤念遣科臣勤俯允分黃導淮之請詎謂  
福建右叅政錢拱辰又有折高堰之搗夫高堰一開維揚高寶  
馬壑利害較然彼一則曰高堰築而淮水不能歸湖黃河不能

兼受一則曰導淮無藉于分黃一則曰伏堰即所以導淮此說一倡便成掣肘將令擔事者灰心勘議者眩見趨役幸敗惡成固理所必然者按臣符春芳曰河工垂成乞勅河漕大臣勘河料臣無畏得言安心料理并禁中外不得阻撓云者是當機之斷也伏乞俯採臣言勿惑錢拱辰之謬說趨春和日煖分黃導淮奏平成以答 聖懷部議 陵泗受惠委因淮壘所致然淮之壘非盡繇高堰所隣以黃強灌清口淤沙日積使淮不能縱之而出耳若黃流既分清口沙盡闕則淮將得繇故道雖周橋武墩等處建設閘壩及疏濬子嬰涇河等工似亦在可緩矣又何必以開高堰為哉應從料道兩臣之議以圖竣事○工部題為建乾清坤寧宮門座圍廊等項該用木石等料上緊造辦擇吉興舉所有條議各款事宜皆大工之至切者一議徵通員一

議協濟一議閩事例一議鑄錢一查庫料等項一議分工一議  
楠杉大木產在川貴湖廣等處差官採辦一議米石一議車戶  
一議燒靛一議蘇州靛一議買杉木一議發見錢一議稽查夫  
匠一議明職掌一議加鋪戶一議會估一議兵馬并小委官賢  
否一議木植一議停別工奉旨為建乾清坤寧二宮工程重大  
經費浩繁你部即計處周悉內協濟開納等項審關別部的便  
酌議停當如議以行○庚子大學士趙志奉奏懇恩辭免上  
諭朕頃成諭羣臣恪守職業卿為元輔受國重任誼切股肱正  
當為朕表率百僚殫忠圖報豈可屢疏求去宜遵旨入閣辦事  
用副眷倚至意違鴻臚寺堂上官宣諭即出○遼東巡撫李化  
龍題接東原有十六營燒燬十一營現在五營停海岸即如約  
亦甚易撤惟救急登日久寂無嗣音非欲使朝鮮而肆其蕪併

必且輕中國而別有覬覦夫朝鮮不能自備而我坐待之是宋  
忘遠之見也若倭凌有朝鮮則以日本之技用朝鮮之人是以  
一遠支二倭而國家他日之患恐不獨在遼也事宜早定以伐  
其謀章下兵部○兵科署科事徐成楚奏報清正朱棣在即奎  
倭渡海有期據州使李宗城拘帖仰寬 皇上東顧報聞○面  
京工部尚書葉夢熊解免息廩 上報以西鎮委使加恩酬庸  
已有成命不允所辭○辛丑朝鮮國差陪臣韓應寅等二十五  
員進貢方物馬匹賜各衣服靴襪并折段銀兩○刑科都給事  
中使廷佩題恭兵科徐成楚救內侍振誠張誠之惡其在昔也  
尚德孫璋王如堅諸君子欲去之而不可得其在今也惡已空  
成楚欲留之而不得此忠奸可觀也乞誅邪佞自求罷斥不報  
○吏部尚書孫丕揚以病乞休疏至十三上 上以過火交喉

之時溫諭勉留不允所辭○陞四川參事范守己為陝西左叅  
議○陞浙江右叅政曹司勳為貴州按察使○總督三邊李汶  
題三月初六日於沙肯泉斬獲虜首一十七顆官軍追殺直抵  
虜寨千合沙復斬五顆獲牛馬夷器無算總兵官王賦業行太  
僕寺按察使周經西寧道右叅政陳所職守備曹尚禮等乞行  
敘錄章下兵部○廣西巡撫戴耀題徃浪二賊聚眾倡亂酌議  
調兵章下兵部○甘肅巡撫田樂奏辭恩命奉旨西鎮大捷加  
恩亦係常典所辭不允○靖遠伯趙光遠男趙祖蔭承襲祖爵  
○戶部覆應天巡撫趙可懷急缺段價上曰東南地方災困  
織造錢糧難以備辦贓罰銀准免解三年還命撫按官督徵料  
銀供用如有不足再行議處○工部覆河道總督楊一魁題  
泗陵水患已平上曰祖陵積水盡平朕心已慰各樣工程

總督河官使議修舉務早報完戶部銀兩准借用仍照數抵還  
在工人役久勞委宜蠲賞優恤○差御史王立賢巡按山東○  
癸卯兵科署科事刑科給事中徐成楚奏辦侯廷佩並無敕張  
誠事實謂佩之意不過以陛下之所最怒者莫如誠最怒者  
莫如附誠故首以此陷臣以自為容悅計不知張誠陰事自  
陛下神明摘發原與廷佩無與 明有所謂先無一言之忠已  
有定論廷佩即百喙有何益與乞賜據實昭雪疏入不報○甲  
辰戶部覆總督楮鈔奏摘陳緊要河工 上曰河工重大夫使  
侍哺錢糧不敷准借與筵銀五萬兩令工部作速補還仍截留  
漕糧六十萬石濟用○陝西巡撫賈待問題原任三邊總督魏  
學曾病故章下禮部○大學士趙志舉題人官肆詆義難再留  
乞賜罷斥內言劉道亨揭帖証其遺書科臣吳文梓為霍文炳

乞免拾遺夫文炳是振誠家人其他有所倚藉或不可知臣為  
輔弼大臣豈肯與之說事哉又言人心淳漓開世道之升降同  
一閭臣也往日勢重而權有所主相率附閹臣目為捷徑今日  
勢輕而權有所分相率以攻閹臣為名高三年之內疏十九上  
求歸益懇上諭卿居首輔小心端慎朕所鑒知浮言誣詆何  
必深辯今當遇災交儆之時正賴竭忠匡贊豈可因此潔身求  
去宜速旨即出以副委托至意不允所辭○乙巳陞南京通政  
司石通政李祖為光祿寺卿○丙午皇長子出閣講學○禮  
部尚書范謙奏辯何爾健參論事情內言天之示人既形于著  
而優賢于微此更端之始也人之應天不以其文而以其實此  
挽回之機也災患之後臣庶猶希一望乎天願祖宗亦思  
時欵其氣類上意所注人必景從臣引皇祖舊例違官祭

告一事為臣之罪允宜罷斥疏入不報○三邊總督李汝恭報  
大使三月十四日莽判川腦斬獲虜酋一百三十六顆頭畜二  
萬有餘章下兵部○戶部覆陝西巡按御史喬廷棟題嚴追廣  
儲倉侵欺糧料一萬四千有奇員役撤斬代徒者二十四名乞  
正罪得旨○丁未戶部覆大同巡撫梅國禎題大同府屬各州  
縣歲派徭役銀兩係先年撫按定數難以再減今次編需力左  
行令一條鞭徵以從民便報可○直隸巡按符春芳題災爰示  
警乞行冊立以回天意以安兩宮以慰海內人心疏入不  
報○戊申山西巡撫魏允貞奏泰三關管糧戶部主事李修吉  
昏肆乞賜議處章下吏戶二部○兵科劄科市刑科給事中徐  
成楚奏西鎮報捷首功互異督臣報稱擒斬一百三十六顆撫  
臣報稱擒斬一百五十餘顆與總兵劉綎報數不同乞嚴行查



勸以防欺。冒章下兵部。○乙酉 孝懿莊皇后忌辰。遣官致祭。昭陵。○華中郡留守任承爵任御史提問。章守簡榜先恭回籍。從總督漕運。褚欽巡按。蔣春芳奏也。○庶戎南京。吏部尚書蔡國珍。戶部尚書周世選。刑部尚書趙參魯各題 兩宮災引罪。俱奉旨慰。○兩廣總督陳大科題。遊擊彭信古以千金餽遺乞賜提問。章下兵部。○壬子加陞遼東副使楊錫。山東叅政職銜以其開墾也。田畝也。○差行人李璠往周府治喪。○癸丑大學士陳于陞沈一貫奏。昨日臣等出閣到朝房。接見吏部左侍郎孫繼皋。都察院左都御史袁貞吉。左副都御史張養家。並言科道缺人之多。未有如今日之甚者。行取一事不容再緩。查得六科中見在止有掌科一人。署印五人。開封入試二人。此外守科僅有四人。十三道中並無一人。主印止借巡視京營御史

一人暫管其外巡視老祿一人巡視五城三人夫往時科道滿朝日注其精神耳目以司糾彈鑿祭之職尚不能無奸回汙篡背公行私竊權亂政之輩而今寥寥如此則作奸犯科之人復何所顧忌而能稍加禁戢乎今日行取命下尚慮其晚至如給事羅株邵庶劉為楫御史馮應鳳趙棟俱待次闕下動至經年每上啓事祭未發下在吏部又言科道之缺不補則中書行人推官知縣等缺不出而違法益將窒礙難通乃其職掌所關尤不容不拔瀝以請疏入不報○原任巡撫陝西今回籍聽用劉光國奏辯頑虜私市謂歷任五年並無大虜寇違之事而永大後市為違將鶴慶之語原未題請何得遽為實事乞勅兵部移文甘鎮查兩亭自二十一年二月二十四日起七月終止有無大虜通往近城要挾市賞曾否聽從將官與之私市用何錢糧

吾何軍民巧為昭雪章下兵部禮部覆旨上敘淳奏乞將郝  
九皋轉補承副郭泰員缺高珍轉補典寶副尹瑑員缺齊榮  
陞補典膳正楊鑿員缺杜道陞補典服正郝九皋員缺各令到  
任管事夫王府內官例需資選轉今本王親以己意改用資  
序俱為踰越且先年欽撥見今在府供事若復越補則前官置  
之何地在本王再三奏請不過欲遂其私瞶之情乃國家明例  
顯然誰敢執亂乎已成之令且吉府旅朝事例此係一時特恩  
豈可援引為例先年既經奉旨停罷今該科又行奏駁相應題  
復但係親王具奏應否陞補恩典出自朝廷得旨准王奏郝九  
皋等名照缺陞補寫書與王○甲寅吏部題山東傅平縣訓導  
孫顯吾以新倭功量陞州同從之○旌山東富平王壽鈔孝行  
○戶部酌議裁革監兌主事下吏部及撫按虛心評薦再報○

乙卯兵部尚書石星題金山等營倭粟將稻種散給隨倭住戶  
高麗耕種以爲秋收得利今又從日本來船載各物口稱來營  
換班又查得沈惟敬同行長正成于二月初渡海原不爲禮節  
但因事體不明又與兩使不和移住南柯崖沈惟敬營于總謝  
陰東稱關白起兵二十餘萬目下要犯天朝其對事萬分不  
妥請兩使早計出營用你萬全又清止將隨營住戶高麗每日  
放出種田至晚逐名收在營內關防恐其逃走本年四月十五  
日據探倭委官慎懋龍胡應元稟稱正使于初三日半夜止帶  
孔聞詔并家人三名逸出正使既出查營封事諒已難成關白  
必先發憤朝鮮乘機入犯是皆當爲亟備者其調兵轉餉事宜  
及時議處并移文宣大順保等處督撫各將應援兵馬選練保  
調各沿海如天津永平山東閩廣浙直等處一體防範務保萬

全至于朝鮮雖應救援夫兵應在何所糧餉作何處給俱聽督撫速行計議奏請定奪其止使李宗城難以出營副使楊方宇及各隨從員役尚在釜山與同沈惟敬先次渡海者併聽督撫相機設處不令失陷異域致傷國體臣星妄擔封事實冀為國家省財力全生靈以仰舒 皇上宵旰之憂不意明不足以知人智不足以料敵稽遲抵牾遂至于此臣負恩誤國罪曷容辭乞亟選忠賢代任得肯佞情既有變更則使何不報來你部使馬上差人前去偵探的確回奏先屢有旨著督撫官訓練防禦兵馬預備戰守還再行申飭計處餘如議行軍機事重柳竭忠為國朕所素知不得自此沮阻宜即出任事悉心籌畫毋致疎虞○勘過子弟楊春元等三名擇日引至御前選用○丙辰兵部覆兩廣總督陳大科奏峒賊糾眾劫掠糧村 上命督撫官

相機剝處以安地方無使滋亂○兵科署科事徐成楚題沈惟  
牧望聞白術中樞臣又望惟敦術中以致潰敗決裂不可收拾  
此女直蒙古之兆非勾奴突厥之比恭論石星章下兵部○戶  
部題兩京各衛所旗軍力士家丁人等該賞冬衣布花鈔錠歲  
終類解先將總部運官職名具奏以憑查核從之○丁巳大  
學士趙志昂題謝內言倭情反覆兩使潛回王京不勝駭駭身  
為大臣不能為國安懷遺我 皇上東顧之憂罪實難諉切思  
食 君之祿自當分 君之憂當此時艱何敢堅卧求去謹遵  
聖諭入閣辦事與在廷諸臣謀求備禦之策以舒宵旰之懷  
但念軍國重務乞 皇上面陳尚確得任事諸臣遵以奉行且  
使外夷聞之知 皇上銳意邊防無不悚服矣 上報覽知奏  
謝卿以軍國重務懇請面陳朕意亦欲召見卿等但朕近未動

大不時眩暈連日服藥須當靜攝卿宜遵諭速出辦事以副眷  
懷其備樂事機卿等與該部詳議具奏○兵部尚書石星題聞  
白自遣倭使小西求具奏求封臣等奉命再三詳審取有誓詞  
內云封后不敢求貢朝鮮不敢再犯撤兵盡數歸國等語此皆  
違之 天聽傳之衆聞 天地鬼神實鑒臨之乃一旦無故渝  
盟有如所報即使倭奴狡詐似不至此今止使李宗城雖已出  
營尚未具有揭報臣役身在都門又有難于懸斷若但以設防  
責之督撫則臣居其遠人代其勞若但以罷斥懲之 皇上則  
始妄擔以誤事繼規避以自全且自臣始之而不自臣終之將  
兵連禍結生靈塗炭 社稷震驚即加臣鼎鑊死有餘辜夫昔  
孔明街亭敗績上疏貶執行事臣雖非其人竊有其志事勢至  
此諠不容辭伏乞 皇上將臣官銜削奪准照先任尚書毛伯

溫穆博勘定安南石衛事例咨臣以兵部尚書量兼憲職前去  
會同督撫巡按查勘倭情因何變動罔使憑何出營若以誤傳  
臣仍取行長小西飛面加詰責或令二使往封或令沈惟敬帶  
同行長等前去頒封完事如果違約是真執送不悔則蒙自彼  
聞信非我失臣即據實奏聞與同督撫諸臣大調兵馬聲罪致  
討賴 皇上之威靈藉文武之智力必期片帆不返永奠東隅  
但願 皇上專任責成假之事權容臣等便宜處置臣必得當  
以報國恩 上報卿為本兵一應軍機悉當居中調度倭事但  
須詳議審處不必親自往勘宜遵旨即出任事○兵部覆陝西  
總督李汶題稱真相等虜自洮州境外搶丙番撥刺等族回至  
地方野牛川等處住牧今又糾合昆犒等虜意欲密搶哈家番  
人乘便窺犯內地又有人在思打令族內竊採謀搶即會陝西



巡撫道將督發恭將周國柱韓完卜等漢番兵馬于本月十四日莽判川腦與昆都魯歹成他卜囊等賊相遇對敵斬獲首虜一百三十六名顆題獲頭牧約二萬有餘夷器無算兵馬保全無失臣照火落赤等虜自移居海上伏誘順義西來大入河沈備肆荼毒一時獲軍殺將全陝大震數年間薪膽雖殷聚癰如故人人搯拳腐心積毒未釋茲天厭其兇雖未至汛掃兩川亦足以少雪往憤陝西巡撫賈待問題總兵官劉綎報級至一百五十顆科臣徐成楚所以有勦核之疏也正在議核而賈待聞隨有兵戈擾攘之際查數未的米萬一百三十六顆具題候奪○諭兵部朕昨覽文書見遼東撫按疊奏倭情反覆兩使李宗城暗竊逃回沈惟敬縛執拘留其情形已露勢甚猖獗可馬上傳與撫按鎮巡等官嚴加設防隄備其調積兵馬糧餉卽與議

處并行文與朝鮮著彼國君臣各路積兵防備偵探務保萬全勿致疎虞○諭內閣趙志臯卿翼贊忠勞朕所洞知雖有浮言信任不移近以兩次諭即出辦事何乃尚未進閣通者天變示儆又聞倭情變動軍國事殷卿為首輔重臣正當竭忠宣力為朕分憂豈得堅卧求去于心何安茲特遣宣諭宜即出以副朕惓惓倚望至懷○戊子金呈犯井宿○命內閣滕進 累朝寶訓及 實錄以乾清宮大殿災舊本忘失補之○革廣州海防遊擊彭信古任行巡按御史提問以陳大科奏餽遺請託也○問過犯官夾江縣知縣趙應裕擬徒○諭刑部天氣暄熱兩法司及錦衣衛見監罪囚皆罪無誣者宥之徒流以下減等擬罪發落重囚倚可矜疑升枷號人犯都酌量奏進定奪○己未大理寺卿周光鎬奏辭新命 上命供職○工部郎中岳元聲

秦泰石呈主封誤國乞親臨御初廷臣嚴決戕守不報○吏科  
給事中戴士銜奏臺省缺人乞開言路急行選補疏入不報○  
禮部覆應天巡撫趙可懷題原任尚書畢鏞年八十與存問  
上命准加太子少保存問如例○兵科署科事徐成楚奏倭之  
為中國患久矣顧今之倭非昔之倭則今之備亦不啻僅同于  
昔日之備先年倭患多在東而如末樂有望海竭之役正統有  
桃渚大嵩之犯嘉靖有浙直閩廣之擾彼其欲不過子女玉帛  
其人不過鼠竊狗偷我第以一二巖邑委之然後邀其稠載擊  
其墮歸往往得志今舍東而不犯直趨西北又屯茶舍馬持  
久計所謂舍肢體而攻腹心此其志足畏也前此倭患雖棘大  
抵不過數千我以眾敵寡以靜制躁猶時有猖獗之患今動輒  
以十數萬計即囊沙增竄未必皆真而投鞭斷流人情易憾此

其來足畏也昔朝鮮之役不過行長徒銜耳王京之陷勢如破竹今平秀吉且儼然自將封豕長蛇海窺上國惘疑虛喝先聲震動此其氣足畏也臣故曰今之倭非昔之倭夫朝鮮天朝之屬國遼左之藩籬也軍備內竭士馬外殘其不足以當日本之憑陵明甚我不獲則彼必折而入于倭援之則我代朝鮮被兵而先受其弊且登萊係山東門戶天津亦神京肘腋揚帆飛楫可以倏至其重俱不在遼左下臣故曰今之備倭不啻僅同于昔日之備倭今除調兵選將及議處糧餉戒諭朝鮮已經奉有勅諭聽該部議覆外惟是遼陽作何戡守登萊天津作何預備朝鮮應否再援而兵應否調募副使楊方等應否從兵撤取并一切未盡機宜伏乞勅下兵部悉心酌議開欵題請臣聞輕敵者敗重敵者無成功往者西北視虜太重故並遣吏士駢首

就戮至不能望賊加一矢頃一二文武大帥極力振剝倭有奇  
捷未聞耗兵挫刃此其效可知也今我之視倭亦太重矣夫兵  
法帶甲十萬日費千金千里餽糧師不宿飽今日本越大海操  
舟楫而與我爭勝于戎馬之郊所謂萬里行師也其不能裹糧  
以從明甚彼深入則虞歸淺入則固利欲掠則我清野以絕其  
望欲戰則我堅壁以疲其鋒或斷馬嶺之道扼旅順之險塞咸  
山之口使進無所犯或密諭福建巡撫巫選良持銳卒直擣沙  
街護屋使退無所歸夫不戒赤壁之敗曹瞞而效符堅之窺晉  
朔臣以馬關白送死或未可知是在文武將吏協力同心伺其  
便以圖之耳章下兵部○虞申諭內閣傳示兵部覽卿等奏獨  
甚見馬國忠勢至急昨日撫鎮李化龍董一元奏金山倭奴趕  
擊殺元隨使從人其誦詐受勅已真卿等傳諭本兵使呈夜馬

上侍與督撫鎮巡等官及沿海一帶調積兵馬相機防禦嚴加  
偵探合行事宜遵諭使議來行勿使違緩事若殊虞罪有所歸  
○辛酉夏至大祭 地于 方澤遣公徐文壁恭代○壬戌兵  
部尚書石星題封事情形忽變據遼東巡撫李化龍報正使于  
本月初三日出營據李宗城家人馮景生稱有倭通事二人來  
對正使說行長到倭京與關白計議回來將沈惟敬調至前路  
一緝惟敬歸罪使臣即催二使過海正使得信即行潛出王中  
軍隨後亦出又據撥馬官孟良相稱在草溪迎過李正使中軍  
走馬倉慌答言李正使于初三日夜二更帶領家人密自出營  
不知何往據哨探軍士宋如漢稱有金山出來倭于跟趕至東  
業梁山李正使未獲止趕回隨行人役二十餘名俱擊進金山  
內殺死一名又云楊副使家人等具稟倭營並無變動其稱李

宗城出營沈惟敬被執闔面自將提兵入犯則初五日內事也  
其稱揚副使差官與各撫按所遣員役皆自套回云倭營並無  
變動則初九日內事也恭詳前報則倭變情形在遼東尚無的  
報臣等何踪懸斷第止使出營已真未詳何故倭揚方亨差官  
到日乃有定論耳得旨覽奏倭情前後揭報互異殊為可疑還  
行與撫按衙門從實奏聞○兵部尚書石星題止使李宗城已  
出倭情已變臣等即將一切倭防事宜題請申飭調集兵餉今  
據督臣議用陸兵以擊其前用水兵以絕其後均為制禦長策  
移文宣大督撫即預備精兵六千山東巡撫民兵三千浙江巡  
撫調發標兵一營仍調領戰水兵三十并應用福倉艘哨船隻  
隨軍器械候倭情緊急請旨調發方令水陸智勇將官統領直  
赴薊遼軍門分布防範各兵合用安家行糧安家餉兵部行糧

屬戶部俱照先令征倭事例給慶其浙江水兵所備一年本色  
米菜各船堪否裝載可否徑從海道過遼如一時發解不及准  
與該省鎮衙門查堪動錢糧暫借支給至于糧餉乃三軍司命  
既議調兵宜先備餉除所請戶部三十萬兩聽其委官解發外  
本部先別行太僕寺動支馬價十萬以備安家犒賞之用其督  
兵將官臣等所見雖有其人然必督臣自擇所知臂指易于相  
使聽其違違南北大將咨報會推選用其應後朝鮮各兵駐劄  
應在何所俱聽督臣便宜料理及移文朝鮮國王令其整集兵  
馬據守險隘預備糧草以待救援督臣孫毓備倭備虜雖皆其  
職任而目今所急在倭應仍移住遼陽或朝鮮近便地方庶聲  
息易通調度尤使所有薊保總督事務查照二十二年事例暫  
令順天巡撫李顯帶管再照釜山事情據報雖有異同應援已



有成命如此後續報倘倭首原無他變事出誤傳臣仍與督撫  
虛心的處量完封事以彰 皇上懷遠之仁若闕白果已背盟  
別圖狂逞臣亦與督撫同心計議務保疆場以紓 皇上宵旰  
之慮伏乞特賜 乾斷將臣官銜削奪准以尚書管理待臣俟  
有成緒聽候 聖明處分得旨孫鑣著移駐朝鮮近地以便調  
度劉保事著李順暫管卿樞筦重臣官銜不必辭調兵轉餉選  
將等事俱如議行○癸亥大學士趙志舉奏長子鳳梧改廢傳  
旨趙鳳梧准改高寶司司丞趙世庠補送國子監讀書○南京  
吏科給事中祝世棟題應變陳言內稱今日嚴育一切不許朦  
朧推陞將士壯者老者死此輩得後世之名而 皇上不得  
需時之用深為 陛下惜之真修真者去失去啓莫如信任大  
臣開釋罪惡眾臣而起用之 陛下為此不難第從見災而懼

之初心一轉移之而已臣仰荷 聖慈偶不以不言去俯念臣職寧忍終以不言留有如行臣之言不見效臣請伏妄言之誅疏入不報○禮部尚書范謙題感疾乞休不允○靖遠伯王學禮題大漢將軍守直不到 上命嚴行查點不許寬縱○甲子吏科給事中戴士衡叅論石星欺誤五大罪未報○刑科給事中李應策亦交章論呈誤國罪無所逃先正典刑李宗城宋應昌顧養謙並行議處以肅軍政及多方整理兵餉以待不虞上報有旨其餘事情俱下兵部○是日復諭各衙門禦倭戰守事宜令九卿科道官持李應策戴士衡所奏秉公竭忠會議停當上聞○吏部尚書孫丕揚求免疏至十三上 上冠以致身大義倡率羣僚堅意求去有負委任所辭不允○改冊封事于五月初旬行復諭見今各科缺人正使著翰林官去所推另擬

來用○戶部題調兵防禦合用芻糧所據請發銀三十萬值今帑庫內絀難以全發合先發銀一十二萬該臣劄行管糧郎中于見存年例銀內通融湊濟餘俟續解如倭警輯寧前項准充二十五年年例正額不得別項借用至于浙江水陸兵弁山東原募兵遂間行糧聽各該巡撫計扣程限即于彼處先行查給本部仍咨薊遼總督并浙江山東遼東各巡撫知會報可○乙丑兵部題副使楊方亨奏稱臣奉命封日本迄今已踰一年遊擊沈惟叔同行長渡海之後釜倭大勢帖然無譁雖市有被虜在倭之人流言互異殊無的據據倭將義智沙古厲門等各稟報聞白開封甚喜蓋遣館舍已完祇迎冊使在邇但俟風順行長即到乃四月初三日夜正使李宗城變服前去中軍官王承烈祀總王世賢徐延壽續後亦去其餘員役至曉方覓衆心詢

洵倭奴分投追趕臣恐倭衆深入朝鮮致生他患卽令通事林小鳥傳倭將義智等將追倭沙古鴈門等撤回其遺下行李止有日本國王金印冊使闕防各一顆夫東封一事所係匪輕以事出創始本兵擇舉元勳貴品彈壓島夷且小西飛自闕下隨出久傳彼國極知鄭重今昏夜潛去不惟倭衆失望臣等亦各無依恐訛言播惑竟不知倭報孰的竊謂事若不安釜營大勢帖然沈惟毅行長雖未回倭有稟報事若既妥正使何至變服潛出乞傳諭正使速回釜山并差風力臺臣前來相機行事部議沈惟毅李宗城止據謝隆等無端流言遂聞道出營倭衆雖行追趕一聞方亨傳調卽回未常不奉約束而楊方亨稱金印尚在營中倭衆甚喜是望封之心在彼似猶甚切而頒封之典在我詎容中止但李宗城既已出營無復再入之理楊方亨未

奉 明旨難以擅自行事伏乞俯從臣請將冊封日本勅印及使關防令楊方亨就彼收管待倭將來迎之日面證無他據實奏報或添遣文臣以揚方亨充正使完冊封事李宗城輕信飛言倉惶潛出國體所關非細但倭情狡詐原自難測相機行事又奉欽依乞暫行寬假取令回京待事完另議梟徒謝隆妄稱關白起兵屢催冊使出營又慎懋龍未見沈惟收消息關白真情輒聽倭通事密傳駕空捏言互相煽亂以惑人心又有家丁張應宿者扶同假報昨至京師本部喚令一審輒即逃匿其詐可知蓋此輩惟計冊使出則必罷封封事罷則必用戰于是得應募行間以圖厚利耳倘或封事果從此徯兵端果從此起諸臣亦以此重臣誤國之罪臣死不足惜而兵火牽連于異邦蒼生塗炭于原野流禍豈淺合無勅下遼東巡按御史速將謝隆

慎懋龍等解來京其張應宿丞五城御史緝獲從重究處示儆  
其調兵轉餉選將事宜并督撫移駐等項雖已奉有明旨仍  
容暫停數日以俟後報上恐據楊方亨揭報接情既未變詐  
著照舊選風力科臣一員與楊方亨去冊封李宗城身膺正使  
烏何潛夜私逃辱聚國體令彼處撫按即便扭解來京究問謝  
隆慎懋龍撫按官嚴審興誼惑眾情跡具奏張應宿五城御史  
嚴加緝拏其調兵轉餉選將防禦機宜遵旨行勿得有誤軍機  
○准戶部郎中鄭璧陞五品京堂以其管理兵餉節省至四十  
餘萬優推以爲各邊餉臣之勸戶部題也

大明神宗顯皇帝實錄卷之二百九十六

大明神宗顯皇帝實錄卷之二百九十七

萬曆二十四年五月丁卯朔河南道御史周孔教題奏石星誤國并奏趙志臯內言東事之始志臯不顧宗社大計曲昵私交引同鄉家應昌幾敗乃公事先是臺臣郭實上疏力爭不可語侵志臯乃志臯切齒貶而去之聞彼時刑部侍郎朱鴻謨自南都移書責之詞嚴義正志臯佛然不悅夫家應昌通國皆曰不可用志臯獨曰可用東倭通國皆曰不可封志臯獨曰可封力排羣議從設石星為此禍階實其戎首乞并加罪上命九卿科道一并會議停安務期萬全勿貽後日憂患○遣武安侯鄭惟忠新寧伯譚國佐編修吳道南楊繼禮董其昌同討傳新德編修湯賓尹史繼階寺丞張鳴峒行人劉尚賓崔廷健潘國重黃化龍中書蕭近高冊封衙府衙定王翊護世子常渡嚴封



為衡王妃王氏進封為衡王妃新樂王載堃嫡第一子翊銘襲封為新樂王代封新寧王肅勻進封為代王吉府吉王翊璧庶第二子鎮國將軍常汶加封為德化王夫人陳氏加封為德化王妃又庶第三子鎮國將軍常灝加封為福清王夫人周氏加封為福清王妃毅城昭憲王翊鉉嫡長子常濫襲封為毅城王夫人吳氏進封為毅城王妃晉府寧河恭懿王知辰庶第一子新睜襲封為寧河王楚府東安厘惠王顯統庶長子英燧襲封為東安王周府保寧端河王在玠嫡第一子肅溟襲封為保寧王遂寧康僖王在鈺嫡長子肅瀉襲封為遂寧王海陽莊恪王勤煇嫡長子朝陞襲封為海陽王夫人張氏進封為海陽王妃韓府樂平王謨桐選女狄氏封為樂平王妃。禮部題朝鮮國王李松奏臣守藩無狀幾墜先臣之緒今日之所冀以蓋愆者

惟有擇嗣一事而庶子之中長曰臨海君瑋次曰先海君瑋五  
二子同母而母亡臣固無他意于取舍也瑋性質凡近臣為擇  
師傳授以經術求以變化氣質而既長之後亦不遵臣戒君國  
子民之寄決難承當曩于萬曆二十年小邦猝被寇禍國內崩  
潰臣分遣諸子號召四方以圖收復而瑋往威鏡道不善綏集  
終陷賊中瑋早自好學聰明端厚又能斥去紛華簡儉自奉臣  
謂此子為賢嗣續之托夙有所為及國土殘破義州正當賊衝  
令瑋奉廟社主從以若干臣僚往駐江界倚險自保而諸臣勸  
瑋速行瑋涕泣言曰今日之事惟進往東南通一國氣脉乃犯  
露露披荆棘出于安歷黃海東至江原道伊川縣所過傳檄招  
募諭以大義旬日之間得衆數萬遂北歸威鏡南通畿邑且過  
黃海諸路使平壤之賊後顧而不即西向又以臣在西聲勢相

懸運駐平安道成川府調遣信臣李鑑等協助臣所遣諸將堵截順安等處順捨之路以待天兵之至天兵既至則奔走肅川來柔龍岡之間督運芻糧接濟軍前凡所駐劄經行之地去賊窟皆不過一二舍之遠此天朝諸將之所目見當此之時臣棲泊一隅所恃者徒以琿在耳琿既陷于賊其生其死莫得聞知及琿自賊中還驚憂成病琿于先弟之間尤且反叙日萬故臣于立嗣一節不復致疑初疏只照例請封至于再疏始舉文武陪臣耆老合詞之請此實出于羣情之不可抑非臣所得為己子張皇也部議主器必長子禮之常也亂世先有功事之變也然所謂有功者必基業中興事同再造安危所係愚智相懸未有一則失德未彰一則大功未建可舍此而立彼者也朝鮮當財新之時為當壁之請諒非曲徇受憎自階喪亂而紊亂典

常象禮之國恐非所宜且光海君若能獎率三軍枕戈待旦外  
捍禁點內靖郊圻民望所歸國將馬往若當覆瓿之會先拂長  
幼之經此既以弟而先无事原不順彼且以強而凌弱兵豈無  
名臣等之執持非但為萬世守典禮亦為本國計長久也得旨  
如議傳與朝鮮王尚書范諶以朝鮮易封一事已三上疏時國  
儲未立中外惕疑故部議長少之分儼然其不可假辭正而意  
則傲矣○史料左給事中葉繼美題東封一事大約呈之智不  
用之以料敵而用之以彌縫楊方亨等之言非倭中之情形乃  
受呈之指使大倭封之不可滿朝知之流害于今日今便聽一  
細人之揭決意不肯罷封是何呈之奸性不移而 皇上之信  
奸不撥若是乎 上曰朝廷差科臣往便來推諉明係避難不  
以君命為重著即推來不許遲誤○驗封司主事王就學題各

王府誥命愆期章下所司。○江西道御史馬從聘題參李宗域乃臨非侯李言恭之子宗域既以辱命被違言恭應解兵柄罷斥不聽。○吏部覆山東巡按李思孝核東征功罪 上依擬。○戊辰勅陳良弼總督京營戎政。○勅王保以原官充海防禦倭總兵。○戶部題差主事王階往浙江郭惟寧往江西趙世德往湖廣魏可簡往蘇松沈榜往山東各監兌所屬府州縣盡數解完本年錢糧方許離任若果拖欠于布政司庫銀借支起解催徵補完有未完者照例叅治俱載入監兌勅從之。○己巳大學士趙志臯陳于陛沈一貫題差科臣往封日本于計未便舊例冊封遣使必用正副二員蓋慮正使倘有事故則副使可以代攝是副使者本所以為正使不虞之備也今李宗域既以出營而揚方亨尚在彼處以副代正于理為宜况今倭情傳聞紛紜

實難預料若高屬恭順則一楊方亨沈惟敏亦足完事若真有變動則前此正使輕出已夫觀望萬一今次差出之人更有遲延趨赴之狀則于國體所傷益多故臣等以高即令二人在彼充使于事焉便是日志阜又奏高備陳東事許封始末乞賜審察以定大計并乞罷臣以息群喙夫倭奴猖獗之初朝鮮入道俱已殘破行長清正等盤踞平壤咸鏡諸處聲言內犯朝野聞然于是議遣經畧大臣徵調諸路兵馬一以救援屬國一以代彼狂謀戰勝平壤直抵開城而行長等不識戎兵虛實自願退出王京與王子陪臣并求封貢其時東征之臣以士卒困疲馬匹倒亡糧食不敷應援不至遂因機就計以取王京而又欲示信于倭因以封貢為請 皇上俯念兵力倭既逆遁敕不窮追姑允其言然亦未曾經許屢奉 明旨一則曰倭奴既稱畏威

悔罪朕以大信受降豈追既往一則曰傳諭宋應昌一意叢兵  
防守勅令盡數歸業一則曰倭情變詐只是竊窺使曲在彼豈  
有今日遂以悔罪為真通行沿海撤備之理令愈加嚴謹朝鮮  
太修戰具防倭再舉一則曰防禦事務行該督撫官用心料理  
是議封之始原為竊窺初未嘗藉封以忘戢守也雖而經略宋  
應昌因人言乞歸我皇上後遣顧養謙料理東征未幾養謙  
又被人言孫鑛往代即欲主戰而夷使小西飛已至遼陽朝鮮  
國王又力為倭乞款具奏節奉 聖諭議行于時小西飛入  
京多官會議皆云可封訂以三事然 皇上勅諭兩使往封暫  
住遼左以待乃先位王京繼往釜山延遲幾及一年其跡不無  
可疑然其供事甚謹兩使屢報倭並無譁新造船隻以迎兩使  
又若無可疑者臣考之萬典自洪武以至嘉靖常遣使宣諭日

本日本遣人修貢自汪直倡亂東南而貢遂絕矣不意今日因  
聞朝鮮之案而復有此請也夫中國之禦夷狄順撫逆勦本為  
常經因經行權亦常通變罔使奉命經年李宗城輕率逃出不  
無可疑而方亨之報又謂並無變詐已經督撫諸臣揭部轉奏  
朝鮮倚我為命必不背我以向倭使果為變必能馳報順逆未  
定而舉朝之人先自致皇亦非所以示中國之威于外夷也且  
倭奴遠在海外去中國五千餘里國家兵餉正值疲乏豈易以  
興大衆而弊中國臣謂今日機宜剖決在即倘海上的報再至  
倭夷照舊帖然則我亦難以批囊科臣已奉旨差遣敢不遵行  
但兩使守候逾年恐事久又生別變不若只以揚方亨充正使  
諭令來倭盡遣不許別樣要求暫與一封以結目前之局申飭  
朝鮮上緊設險練兵多差偵探以備不虞然人臣竭忠報國不



必執有成心拘泥已說以壞國事諸臣何遂紛紛謂臣為誤國也臣不去諸臣議論不止乞賜罷臣以定國計 上諭卿數年以來為朕籌畫倭事主戰主封殫獻竭忠皆朕所鑒知原諫以一封鞫縻兼安華夷之民沿邊備禦亦不廢地倭若果變乃彼自逆天我無所失隨機戰守自當殄滅何必以未定情形預先倉皇詆封為誤國卿勿因浮言輒求引去宜安心即出輔理不允所辭○是日諭內閣自前歲關白乞求許封南北紛紛言不可者十有七八說可者未見一二 祖宗時封朝鮮琉球諸國或內臣或文臣為正使亦未全用武臣况李宗城暗竊逃回其彼中事體從遣使至今有言萬分停安並無他虞有言變詐已真調兵防禦彼此互異難以測度雖副使之為從原為正使他故非為偷生尋命待以為預也且今欲遣科臣充正使者一以

知忠義之道二就以充封而劫彼中情形以杜狂惑又實遵  
累朝故事何為不可乃料臣輒自推諉多設游詞且本兵所言  
悉識破彼意故未阻撓若依其請但慮雖完事于目下尚遺患  
于後日罪有所歸○庚午大學士趙志臯陳于陛沈一貫題仰  
惟 皇上留神邊事洞悉倭情欲封事之早完青料臣以避難  
又謂完封日下尚恐遺患後日尤為計慮萬全臣等不勝悚服  
竊以正使即用楊方亨免差科臣一節先該本兵言之閣中公  
掄及臣志臯疏中亦言之揆之事體似為便宜伏乞 聖明早  
賜裁允施行至于諭中所言臣等為 皇上一一剴晰伏讀  
聖諭云自前歲開白乞求許封南北紛紛言不可者十有七八  
既可者未見一二蓋天下事建議則易當任則難頃者倭夷侵  
犯屬國我兵遠出救援士馬損折甚多錢糧耗費無算故不得

已因其請封而許之在本兵則不欲復無辜之生靈于鋒鏑之下在司農則不欲素有限之膏血于溝壑之中而臣等亦欲為國家息事安民主持此議所謂慮切同舟者止此數人耳此言可封者之所以少也其他則皆事外旁觀之人信口而談隨聲而和但取一時之言說可聽而不顧國家之利害何如言之而偶中則自說其寄言之而不教亦無以為罪何依其紛紛數呶日多不已或至近日冊使既逃則言不可者愈益甚而言可者愈益孤然臣等終以言可者為老成憂國之計言不可者為幸災喜事之謀此 聖明所當洞察者一也伏讀 聖諭云彼中事體從違使至今有言萬分停安並無他虞有言變詐已真調兵防禦彼此互異難以測度夫此兩端議論相持已久殆非一日在主封之人喜其事之成就故凡所謀所講者多為恭順之

言在破封之人疑其事之難成故凡所謀所講者多係變動之語况破封之人或素懷執拗之成心或身任封疆之重寄平時雖無亂形尚有異說而况有正使之逸豈不執之以為據但見今倭形實未嘗變亂副使尚安處在彼闖白又未有抗命犯順之跡若止因正使之出遠為變詐已真似未然也臣等竊虛心詳之則使入營已久渡海無期或者闖白意望尚多邀求未遂因此推捱日月此誠可疑之端也然自諫封以來已二年矣闖白即欲稱兵窺犯誰則禁之乃駐營釜山絕無詳動奉我兩使供饋惟謹此實恭順之效也若但信李宗城褫魄宵奔之言而遂棄二使臣于度外止憑謝隆慎懋龍等道路不根之說而盡疑楊方亨之拘為虛誑使停封事換易前局則諸臣之慮過矣此 聖明所當洞察者二也伏讀 聖諭云今欲差科臣充正

使者一以知忠義之道二就以充封事而勘彼中情形又諭云  
本兵所言恐識破彼意故未阻撓竊思 皇上之神明精察似  
疑倭情之終屬難料而必倚托科臣以覈實也又疑本兵之苟  
且完事而故阻撓科臣之往勘也臣等以為夫情狡難諭于山  
川兵家變態在於呼吸此誠難以逆料而預知者但本兵石星  
年來力主許封無非為 皇上借民有事圖安國家以仰寬東  
顧之憂豈有一念自為身謀近日倭情變動朝議紛紛遂至飲  
食俱廢病積欲死臣等未嘗不憐其操心之危而悲其任事之  
苦况封之一事華夷萬眾所共見聞豈可以一手盡掩人之耳目  
使冊使即今渡海亦必待其竣事回還島夷數年無所侵犯  
乃可言封事之成是又安能以一人譎巧掩飾數年之久使無  
破綻乎今封事未可遽停且當責成本兵付之楊方亨等不必

更懷化疑入漆一科道往勘此 聖明所當洞察者三也伏讀  
聖諭云慮雖完事于目下倭果不退若遺患害于後日罪有  
所歸此誠我 皇上長念却顧萬全久安之至慮竊惟倭首雖  
至桀驁夷情雖至狡詐操縱駕馭其權原在于我今日議論即  
甚紛紜總之不過三端一曰封二曰守三曰戰要在當事者慎  
酌其事機之緩急而行之耳夫本兵之議以爲今李宗城雖還  
一使尚駐釜山一使尚留海島群倭未有變動而遽欲罷封恐  
無以服遠夷之心不若暫以封事爲羈縻之計即有他變所爲  
師直爲壯蔑不勝矣此許封之議似尚可從也廷臣之議有謂  
調兵防禦爲急者夫總督撫鎮皆有封疆之責勅書中原兼有  
禦倭職任及今調集兵馬預備儲餉或先揀選良將量帶勁兵  
前往朝鮮爲之教練士卒固守險隘可以振中國之先聲壯使

臣之膽氣使屬國有所憑恃不至折而入侵至于主戰一事督  
臣廷臣之議即欲以大兵直抵朝鮮逼臨釜倭臣等竊以為未  
可蓋我師遠出倭若執稱無變踰伏不動或潛踪遠遁不來應  
敵炎風暑雨之下師旅難以久駐勢必至于潰亂此憂在外者  
也萬里轉輸數十鍾而後致一即使督趣嚴辦供饋無闕邊鎮  
疲民畿輔重地誰能堪此此憂在內者也歷覽前史如謝玄淝  
水之捷虞允文采石之戰皆嘗以少卒孤軍力抗大敵竟收勝  
算其在本朝嘉靖庚戌之事又如近歲寧夏之亂亦皆迫而後  
應危而復安未有以堂堂天朝臨區區一島夷遠寇未臨輒  
爾張惶失層如今日諸臣所扼腕爭談者臣等竊料事機大畧  
如此但望皇上主持于上仍將以後推用文武官員速賜批  
發但使內外之任事有人戡守之機宜不失雖有他患亦必不

至馬社稷之深憂矣○兵部尚書石星奏文武體統不同矣  
狄情形亦異查得琉球出使皆用文臣虜王頒封皆用武弁今  
日本之封正與虜王相類又事係到始禮節難周在武臣或可  
權宜在文臣豈容假借倘威儀不備順之不可責之不能將安  
從乎况李宗城既出倭必馳報關白向雖恭順無詳今則情形  
難料科臣到彼不入則無以報命輕進則恐蹈不測是不可不  
熟慮也且聞白欲封果真必已遣將來迎方亨來使前去事機  
甚便若科臣奉命計其請勅等項旬日始得出京即兼程前去  
亦必兩月始到稽遲既久變故易生一番舉動又成畫餅頃者  
同封諸王 皇上念六科之人不准差用而外夷之封較之諸  
王猶輕是又可以無遺矣呈復稱病 上言昨元輔等亦說科  
臣往封不便恐破壞彼中事情招繫失信依擬全榜方亨充正



使沈惟敬充副使待日本來迎渡海行糧其會議戰守准左右  
侍郎代口壬申直隸巡按曹學程題倭情已變封事宜停本兵  
謂連東撫按之報先謂流言今兩使李宗城之揭將不足憑乎  
倭情已變猶云未使封事已壞猶云可成賊臣誤國一至于此  
吾誰歎歎天乎今據李宗城揭閩白執沈惟敬要求七事原  
不為封雖不顯言大都據倭情愛詐異常貪饕無厭得封不  
已必求入貢入貢不已必求互市互市不已必求和婚和婚不  
已必求朝鮮納賦納賦不已必求割地割地不已必廢捲朝鮮  
渡鴨綠江而薊遼危矣倭情吐露不待今日宋應昌經畧之始  
李如松入援之時沈惟敬使倭之日已與軟盟即不盡許七事  
業已輕諾二三顧養謙封貢一疏李如松與沈惟敬一札情形  
敗露不在于沈惟敬就擒之日已覺發于諸龍光未死之先矣

不然朝鮮日本一輩可航恣恣年餘何不一決此其故不難于一封而難于七事不辨可知也右星狼狽自用志阜碌碌倚阿元輔樞臣不得辭其責矣 上報曰今差科臣乃是 上意且景朝往封朝鮮琉球或內臣或文臣充正使副使今李宗城執務乳子偷生辱命欲着一風力科臣前去一以完封二以看彼中情形何 召命方下輒紛紛阻撓推諉常時每以做細之故喋喋煩瑣欲伏斧鑕不辭及至委用又推遲不遵其附和取榮背 召棄義又明矣奉旨原推科臣未推御史輒來徇私抗潰內必有賄囑關節下學程錦衣衛問○癸酉 孝宗敬皇帝忌辰遣官致祭 泰陵○協理京營戎政右都御史沈思孝奏封事三策一謂戢守亟宜修而會議不雷稍緩以失事機一謂科臣似不必遣即往勘亦不宜深入致損國體一謂會議務各

仲其說人先其長以俟揀擇主議者母得以位高曲從非則必  
斥母得以職卑故斥是則兼收報曰只令九卿科道官遵旨使  
會議覆奏如何遲遲推諉徒事空言紛紛噴授○甲戌諭吏部  
急推風力科臣一員來用○工部都水司郎中岳元聲題泰石  
呈內言三辱四耻初遣祖承訓全軍淹沒一辱也再遣李如松  
碧蹄橫潰二辱也三壞于家應昌密謀受和三辱也惟是三辱  
不差遂生四耻小而飛過闕不下耻一石呈早辭厚贈耻二沈  
惟救主盟赴約耻三字宗城寅夜逃走耻四豈惟四耻兼有五  
恨石呈用心賤劉肖海購買蟒衣金幣齎送闕白者無算市賈  
通知一可恨用亡命沈惟救挑選戰馬三百餘匹齎送渡海不  
逞二可恨密謀揚方亨慳寫軍情至與撫接揭報互異欺蔽顯  
然三可恨傲劉綎甲兵自決我軍節制四可恨諸龍光死南兵

殺王保且復用五可恨五恨不戒且有五難五難者何即近日  
李宗城所揭報要求七事臣聞其五未聞其二也彼倭奴全以  
金幣要我我必不能飽犬羊無厭之欲一難彼倭奴且以割地  
朝鮮要我我不救援而棄以與狄則唇亡齒寒之憂我必不能  
免二難彼倭奴且以貢要我我必不許彼將借不許貢為兵端  
三難彼倭奴且以市要我我必不許彼將借不許市為兵端四難  
彼倭奴且以和親要我我必不許彼將借不許和親為兵端五  
難惟是五難不備必有五危有如倭奴長驅朝鮮朝鮮自度不  
支且暮稱降則藩籬危有如倭奴送兵鴨綠寬甸遼左攻我無  
備則奔翰危有如倭奴屈指直沽靚泊天津震動畿輔則肘腋  
危有如倭奴東寇登萊既塞要害伺我根道則咽喉危有如倭  
奴烏舉城下所向螫毒束手失策則社稷危目前急者惟有

急調劉綎屯兵鴨綠急遣風力臺省一員如梅國楨監軍寧夏  
事例以防欺蔽急補廢幹有識之將如董安置畿輔以備  
緩急疏入留中○己亥昨城王府已故宗室朝鈞弑父命斬首  
雙屍○吏科等科給事中葉繼美等上疏認罪 上怒其抗違  
請侵食祿志 君受爵避難葉繼美王佐職為民奪劉道亨  
等俸一年并奪禮兵二部堂上官俸四月該司官蔡宗明賈維  
鎬亦掌職為民其餘俱降雜職 上意欲推風力科臣一員性  
勤而部科又不報致觸 聖怒○諭吏部近來各部屬官不修  
本等職業往往徇私狂妄頗言亂政未及春以候補之官言會  
議之事必岳元聲見彼言未下故暗相為使本俱當擊問姑從  
輕未及春岳元聲都掌職為民○初豐城侯李璟為南京守備  
掌中軍都督府事○丙子 太祖高皇帝忌辰 奉先殿行祭

禮○兵部等衙門左侍郎李禎等題李愿策戴士衡徐成楚周孔教奏疏及會議各官孫丕揚蕭大亨楊俊民邊維垣范謙徐作田葛連格葉繼美沈思孝疏揭通抄到部該本部備錄分送九卿科道衙門于東閣會議戰守及倭封等事雖言人人殊大畧謂宜守朝鮮而或又謂朝鮮不易守宜調兵馬而或又謂兵馬不易調宜運糧餉而或又謂糧餉不易運深思遠慮無非謀國忠獻臣等叅詳衆論酌量時宜今日所議者惟戰守封三事耳封則正使雖出楊方亨等尚在營中遠爾言罷無論數百人員皆將化馬左衽轉為鄉導而我之兵力未集倉卒難應尤屬可慮謹遵詔旨今楊方亨等在彼靜待關白來迎則封不迎則罷若兵家所謂用間緩敵首我惟以戰守為實務固不可張皇啓蒙亦不可怠玩疎防今關白雖狡詐難信我兵即遠不過

禦之朝鮮止耳未有越海往征者但戰守之具如兵如餉皆常  
預謀業已遵旨轉行薊鎮督撫專聞調後至于糧餉作何備辦  
海運應否開復係戶部職掌聽其詳議奏請令朝鮮已經殘破  
糧餉空虚代守固難而不援朝鮮得為倭有不惟前功盡廢且  
慮不支折而從之人增一外敵也第宜將薊遼重兵日加訓練  
用防鴨綠成虎豹在山之勢近倭處所扼其要害仍令朝鮮自  
加奮勵選將練兵修屯足餉且朝鮮素號守禮之邦嚴禁我兵  
秋毫無犯可以得其心我兵資其屯餉省我內運如諸葛之雜  
居渭濱魏民安堵如故勿徒止以禁約之文了事至于直隸山  
東浙閩地方原有防海衛所統于將帥只在各該督撫精于整  
頓足成常山蛇勢而京營當居重之勢尤宜精整如此封可也  
不封亦可也何是彼倭丸之侮哉并及元輔本兵當去 上報

朕覽諸臣條議多有為國忠謀今不論封事成否戰守二端在  
我原不可廢況副邊督撫等官見帶有禦倭職任者便用兩鎮  
兵馬加意整練親自巡閱近朝鮮地方周視要害積兵儲餉仍  
選謀勇將領量帶精兵中嚴紀律前往朝鮮協同教練士卒固  
守險隘其天津登萊浙直閩廣等處通行各該督撫將吏一體  
嚴防守禦宣大邊兵及浙兵俱揀選聽調自古兵行糧隨若儲  
餉不充調兵何益令戶部與地方官多方設法轉運或開通海  
道或就遼東雜買務使軍興不乏并薊遼總督作速傳諭朝鮮  
國王令其厚積芻糧以待我兵救援天朝決無越數十里轉  
餉為彼戰守之理各直將官有曾經禦倭慣水戰者兵部使  
博加訪求移調畿輔重地各召赴京營聽用其議中條件尚有  
可採擇者該部不妨參酌另請旨原議戰守事宜未議大臣



去留輒擅評議姑且不究元輔及本兵俱已有旨○丁丑大學士趙志臯奏辯臺省及沈思孝諸臣論其欺誣蒙蔽內言議封之始係本兵力為擔當此小西飛至訂以三事止許一封公疏盡知列名諸臣盡允毫無間言今據楊方亨彙報尚謂倭奴如舊前者所報闖白統兵二十餘萬已至南原崖又未見有下落而封疆之臣見在議兵積餉以待其來初不因封以忘戰實未嘗為欺為誤為蒙蔽也惟因疾乞骸以謝諸臣上諭封倭一事原係本兵彙議朕心獨斷卿有何欺誣蒙蔽不必深辯今雖倭情未定朕且欲以一封蕪糜其諸戰守機宜方在督飭中外着實修舉未嘗失策卿耆碩首臣受恩深重正當為朕任事分憂豈可因浮言橫詆力求引退宜即出入閣輔理毋得再辭○浙江副使蕭雍致仕○戶部題本部協濟大工銀兩難于措置

舊增贖罰銀兩已蒙停止第減銀數十年竟無着落官民何所  
裨益乞行照舊加增解部濟工其自山東浙江等省司道各加  
銀有差從之○戊寅 仁宗昭皇帝忌辰遣官致祭 獻陵○  
兵部尚書石星奏羣言淆亂人情疑畏乞將妻子寄住京師自  
解部務往朝鮮地方便宜處置若聞白恭順來迎即催暫楊方  
守等遵奉新旨渡海完封萬一聞白以正使出營之故及調兵  
征剿之說疑畏變動即檄召行長小西飛等面加詰責宣布德  
威至于一切戰守事務一聽暫撫整理臣毫無干預倘倭果不  
馴即聽暫撫征調兵馬大行掃除如或未允臣行乞從罷斥之  
請以謝人言 上報曰卿再疏懇請自料理封倭事情足見為  
國任勞欲釋主憂之意但本兵職總樞機關係甚重豈可輕易  
遠出還着安心居中調度以副委任其妄言誣讒者已有旨薄

處不必必辯疑阻。戶部題周府汝陽王府鎮國中尉勤燭等  
濫安之子朝壽等七名各歲給本色米十二石以父列之日支  
給不許先期冒支從之。山東巡撫致允濟題留標兵三十免  
其征調照舊本處防海軍下兵部。工部題趙府請修社稷  
壇宇。上曰大工方興此工暫停。刑部題乞寬御史曹學程  
適簡大明律例並無應撤罪名懇宥不報。庚辰科臣葉繼美  
王佐以違官倭封事與兵禮二部司官並削職堂上官亦奪俸  
閣部大臣皆有疏救至是于禮部尚書范謙疏得旨卿為大臣  
先國家有大事義當效職盡忠分憂釋惑如何以奉行之旨尚  
爾畏難違背今撫以別故又救激漬擾姑且不究禮部該司官  
周嘉賓等與司務徐文斗等都革職為民不許朦朧推用。吏  
部題降謫諸臣有專任其事者有教習駙馬萬建崑賴克俊差

任山海關張時顯并署員外郎張日新主事楊東野朱誥俱先  
期奉旨公差在外似難並降 上報蔡宗明賈維鏞等遵前旨  
行萬建崑等及張時顯等姑免降止奪俸一年○起原任雲南  
副使金節為福建副使○准趙祖蔭承襲祖爵○申寃男子一  
名王良在朝自刎○原任萊陽知縣王從正男王士佃為父聲  
寃章下都察院○陞太平府知府顧汝學為四川副使○辛巳  
兵部題據遊擊沈惟敬塘報先是行長正成稱封事遷延日久  
非日本愆期蓋緣 天朝各衙門往往奉差員役及朝鮮人等  
進營言語不一是非顛倒以致清正好事密報大闢日本人心  
多疑行長不實因而未決今見遊擊先渡海事無虛謬方深怒  
清正阻惑壞事復據豐臣三成長盜稟稱清正以詐謀欲妨大  
典罪難逃道又縱章卒作賊書翰分明今令盡撤清正等案俱

各渡海責成行長正成專理船隻館較迎天使務在萬教除來  
萊營已經本年正月十五日焚訖分設將機張竹島加德安骨  
浦各營棚房盡行燒燬仍令十總沈懋時汪明和守催朝鮮各  
倭退地方府郡縣官員俱領管過地上印信結狀完日另行具  
申今惟敢暫駐護屋地方係日本咽喉去處一動一靜皆待聞  
知亦喫緊着也據前後塘報真的則倭情原無變動封局無事  
更敢惟是使臣所林符節與閩白詔初冠服去寫印池等項皆  
回封之所必用者今據稱似各無存止有同使關防勅書及兩  
封金印其原頒閩白詔書雖存亦損壞不堪事屬外夷觀瞻相  
應初下禮部移文內府該衙門亟行補給齎副揚方亨等以便  
渡海往封上曰這倭情原無變動已有確報止因我使臣出  
營乃致封事遲延其符節詔初冠服等項該衙門即便補給作

遠差官齋去交與揚方亨管領往封以後塘報員役依擬立限  
與他如或稽遲該事及有造言壞事者俱以軍法處治卿呈忠  
清任事妄言誣讒朕心洞知不必再行鞫問鎮撫司將差來人  
役而審彼中情形虛實覆奏○戶部題南京初修虎賁等衛倉  
廩一十五座計工料銀五千二百五十九兩四錢六分支修  
造完日繳報可○吏部題東事告急開納事例出身銀兩有差  
從之○士子吏部題福建右叅議張鼎思馬邦良各精副使照  
舊管事以其人地相宜業有成績報可○戶部題遼鎮一隅餉  
銀有依經費不足合將見行事例款內摘其便于上納者行該  
鎮撫無拘土著及各省流寓隨任經商人等該鎮告納併附近  
北直永平薊州山東登萊等府木棧統裕處照依後開各項銀  
數自運米芰等糧徑赴遼東管糧衙門告役分撥各缺糧倉口

上納其載運脚價在山東登萊等府航海者遞減脚價其山海  
管關主事聽該部劄付凡遇運納人員到彼驗實執行每月終  
將放過人役姓名其所運糧石開送管報司官上緊催納以杜  
奸人影冒及出關玩法之弊報可○差行人備齊臣往建德王  
府主祭○命各省直府州縣官員缺官依銀收過商稅及無礙  
錢糧查出解部協濟大工○癸未陞薊鎮松棚路遊擊賈應龍  
馬薊鎮建昌路叅將○總督薊遼經畧梁傑右都御史孫鑣題  
倭情一事關係封疆甚重必須集衆思慮思益尤必須設有專  
職分任責成乃免有濟今薊遼兩鎮各部道有司等官俱各有  
分土難以帶攝合照近例酌量添設數員專理倭事應給勅書  
關防者照例請給一應俸薪原費等項俱照直隸遼東部道有  
司例議處通候事完之日查照資俸及功次分別優敘相應題

請一議贊畫查得近年經畧虜倭播夷諸臣俱設有部屬贊畫  
今茲倭情重大公無于兵部司屬中遴選心存忠義多智慮知  
兵事者一員隨臣贊畫資其籌算商確成機一議監軍查得各  
省有成政處所間設有監軍道今所調各鎮各省兵馬出于四  
鎮邊防之外別為一項合無專設接察司官一員商閱兵馬出  
內錢糧監督戡守稽察奸弊查有臣所屬昌平道僉事陳一簡  
志慮忠純沉毅多算堪以改用合量加布政司叅議一議經畧  
朝鮮為捍敵今禦倭必須朝鮮為主而我助之又我兵若往援  
朝鮮必須與彼國將士犄角防禦是必意孚情貫然後可以共  
圖決勝遠東各道遠制為難合無特設接察司官一員為遼東  
備倭道選材智出來畧遠而慮稍者委任責成專一料理朝鮮  
兵務會同朝鮮國王將該國武備加意振勦凡抽兵派餉生聚



訓練扼守險要一應防禦事宜酌議停妥從實修舉我兵到彼會同總兵官及贊畫監軍道將該國兵衆與我救援兵馬酌量分派協力戡守我人與朝鮮人如有爭執俱聽斷理一切公文自我達朝鮮自朝鮮達我俱係轉行駐劄處所從本官自行擇定一議管糧官員查先次經咨設有管糧主事一員合無仍委遼東糧儲卽中總管再添設府佐四員二員分管戶部錢糧一員專管兵部錢糧一員專管朝鮮錢糧俱于見任者司中擇廉明有心計者查照資俸酌量陞推改用章下所司○吏部尚書孫丕揚乞休疏十六上 上諭卿爲掌銓大臣值國家多事用人之際正當竭力致身率衆效職何乃稱病久卧求去不已殊非朕委託之意宜遵旨卽出供職不得再辭○戶部題石土二甯改造官船一百隻以備漕糧起剝之用從之○兵部題開封

日本副使楊方亨稟稱朝鮮先奉旨差官偵探倭情護軍黃慎  
見住釜營慎係彼國戎子科文狀元非通事類也二十八日又  
有朝鮮國王差問慰使持字至職若倭情果變朝鮮逃走不暇  
國王何暇問慰于我差官又何敢出入釜山國王與職字一并  
呈送本部又據遊擊沈惟毅稱十四日王相馬島十七日抵南  
皮計程六百里惟見隨路館舍俱係新設一應供給甚備十八  
日釜山營倭將平調信報至內稱李正使見駐慶州去往未決  
且清正之檄已有聞白成令今惟款此行惟恐清正乘隙報知  
李正使出營致使聞白心存恍惚必當一會以安其心庶彼此  
信義明白事體無有不安十八日王南皮人家頗多新造板房  
三處又比相馬島支應加厚各官皆備倭卒喝道披報具題較  
之前報尤確大抵在釜山者帖然無諱在海外者違約惟謹恭

慎不言可知 上報聞戶部題計自東征以來本部供辦糧  
餉初發帑銀至踰一百餘萬兩各穀幾四十萬石此皆出于歲  
額之外臣等焦心殫思多方計處僅乃充之至于運左叢爾之  
區輸輓易餉遠出異域以致軍民老瘁竄逃不啻過半車馬額  
斃千里盡為丘墟彼中之人迄今談及猶疾首蹙額如不欲生  
倖藉 皇上德威軍被克渠泥首乞封乃得偃筆休兵人情稍  
有生氣不意頃者海外流傳正使驚遁議者將欲旦夕間提十  
萬之師為國防守其詞激烈豈非為國忠謀顧今度勢審時  
較量重輕似有難于遽發者除先題發帑銀一十二萬兩解送  
遼鎮管糧郎中另項收貯併摘開撥納事例題請聽附近鄰省  
各項員役盡輸本色糧米赴緊要倉口上納倭果侵化方准支  
用再查得登萊二府密接遼東年歲收成米莖統裕從海道糧

運旬日可到行各督撫官協恭計議雜買輸運及別管糧卽中  
查本鎮軍需暫放折色一月將存積本色聽候別用一轉移聞  
事可有濟至于後情靡定經費難量臣等自當酌察緩急曲加  
料理務使軍興不乏以紓 皇上東顧之憂 上報閩諭以那  
職司儲餉宜悉心經理以濟緩急亦不得虛糜國用○江西彭  
澤縣生員方事仁進資易太平書一部以光 聖孝以廣 聖  
治 上命留覽章下禮部○乙酉陞蒲州叅將姜河為甘州副  
總兵○丁亥大學士趙志昇題取中歲選貢生卷進呈，兵部  
題李宗城門下中軍王承烈傳播流言恐嚇正使 上命錦衣  
衛徑解來京問，兵部覆校西巡按喬廷棟查振火落亦揣庫  
兒及板勝等在事諸臣功罪得旨蕭應宮振林紀錄尚賢武大  
振等各賞銀有差仍紀錄優用板勝恰阿蘭牙監候取決○戊

子刑部題黃岫縣知縣劉夢周父劉中重辟繫獄年八十以上乞求開釋行恤刑衙門予卷查明入于矜疑項下具奏從之○又題四川巴縣民徐起建叫寃皇極門稱被同鄉舉人劉世輔奪墳殺弟進皇木一萬一千二百根銀十萬兩穀一萬石行四川撫按查審從之○己丑大學士趙志舉題編修楊道賓袁宗道簡討區大相管理誥勅○先是巡鹽御史楊光訓題稱行鹽地方到減鹽引增多商困引重要將寧遠新增引目除二十四年以前奉有勘劄投到者照前開支徵納餘銀解部補庫外其二十五年為始亟議停止如寧遠不可忘備兵餉更祈不恤內帑時發佐邊俾鹽息奉款年之後再議增引充餉戶部覆奏謂引稽益以註銷民販鹽以納課若民食未盡即增引何益向來設兵加餉計無所出不得已添引輸糧無非權宜之計今御史

楊光訓目擊壅滯故有此建白但增引遵停前項兵餉從何供  
辦况今倭警飭防大工協助並在喫緊請給太倉則貯積無多  
加派田畝則各奇直罹災頓仍民資徹骨至于內帑錢糧尤難  
擅議應行總督寧夏巡撫遼東及陝西巡按兩淮長蘆巡鹽各  
御史并劉管糧郎中將前項寧遼新增淮蘆引鹽自二十五年  
以前奉有勅劉者照舊召商報中運令完糧填給勅合投繳運  
司查照前例即于產鹽場分買鹽附掣嚴追餘沒銀兩另項解  
補太倉解錢之數其二十六年以後寧遼新增鹽引悉行停止  
且兩淮道中額引止七十餘萬而該司掣單限銷九十萬計若  
按其中少銷多引從何壅今請行鹽地縮民食有限掣銷不及  
每歲止銷六十七萬餘引以致壅積近報各邊未到額引六十  
餘萬已到未銷四十餘萬存司遵沒等引一十六萬餘俱係歲

派頭引事剛正課應行巡鹽御史嚴行運司將未到未銷者依限掣銷分別頭項報可○庚寅兵部題覆各鎮疏陝西三邊東起榆林西盡嘉峪南抵洮河北至賀蘭延袤四千餘里套酋卜失先等無日不思報復無歲不圖劫掠蓋念水泉之敗明安之誅觀崇來暇已非一日宜分布官軍于定邊鞏井舊安邊柳樹澗寧塞鎮靜等處以遏虜之大舉一寧夏鎮于花馬池興平營等處分兵駐援責令副總兵馬孔英督理一固原鎮移陝西總兵駐下馬關西援莊浪西寧北救海刺安會一甘肅鎮合鎮城正奇遊三營之官軍相度緩急以為戰守總兵官居中調度如虜犯要區各布兵馬嚴加防禦一副守邊東自延鎮鎮靖西至寧夏橫城重撥步兵分段擺守四布輪番一呼即集防守良策莫便于此一議總兵延鎮總兵移駐鎮靖寧鎮協守應援下馬

陝西總兵移駐該關犄角戰禦若河洮虜情稍緩臨洮總兵亦  
即移駐安會以防套虜一申某援長情告急防守為艱如西寧  
有警蘭河兵馬過河夾攻歸德有警西寧兵馬連馳犄角一議  
勸賞賞功銀兩在甘鎮者俱已用盡寧鎮未報延鎮固鎮所存  
無多欲行再發收貯以備不時之需一更將領如蘭州恭將副  
總兵馬應龍西路總兵熊世錦宜章任左營遊擊蕭韶成右營  
遊擊都司李國用原任遊擊丁光宇陝西坐營都司姚德明宜  
酌調一議城堡安會一帶乃狡虜入犯必踰之路宜速修葺務  
期堅完得旨如議行○朝鮮國王李昫奏據陪臣黃慎狀啓臣  
蒙差跟隨遊擊沈惟敬四月二十五日前往熊川倭將平行長  
營裏宣諭各處倭酋至五月初五日行長率其代倭若干下海  
而去于六月二十六日日本回來說稱聞白已定撤兵之議差



官迎候冊使勾當自此各也倭兵輦言裝東下海臣分遣通事  
及哨探員役適行各營查省下龍塘德倚浦森浦長門浦蘇  
津浦永登浦七處倭設營棚房屋已行撤燬金海府城房屋係  
是本國舊設蒙遊擊府分付未燒西生浦倭兵移駐頭毛浦林  
即浦倭兵移駐安骨浦營棚俱已燒燬又據陪臣李恒福狀啓  
有內封副使及正使為同平行長正成等奏請不已本月初八  
等日自密陽府起身進入釜山倭營又據沈惟敬咨十月內倭  
將平行長差小將平調信往報閩白今調信回稱天使罷臨須  
煩朝鮮一二陪臣同渡向修葺好本府調載內國貴國亦宜權  
衡為之結局又于正月二十日陪臣黃慎啓有首平行長正成  
小西平玄蘇等奏興遊擊府先行過海于本月五日駕船下洋

結小邦慶尚道沿海地方者自左道蔚山郡至右道巨濟縣首尾二三百里之地總有一十六營欽蒙 皇上特遣進擊將軍沈惟毅奉旨宣諭自上年七月以後各營倭兵有漸次撤回之形焚燬營柵房屋者已有九處而顧惟金山竹島加德骨安四處倭兵尚無渡海之期倭將清正移據頭毛氣勢頗盛岡封正副二使高留金山未進念倭賊要得小邦通信蓋欲試臣以義所難從之事而其為計實所難測小邦與倭奴隔海而國固有比鄰之義今既無故興兵燒焚屠戮至于禍及丘墓雖怨已深實不忍與伊相通況此賊兇狡有素難以信義相期設使臣欲釋怨包羞苟紓目前之急恐不足為伊去留之決而必且益肆反覆以啓釁端則小邦將無以應之而後患方大此臣之所以慚憤迫蹙不知為計者報聞○兵部覆既兩巡按林道楠查核

延綏清平鎮朔等處獲功員役乞行賞賚 上以功次既核明白應陞賞追贈俱依擬銀兩着太僕寺給發○辛卯大學士趙志皋等題翰林院修撰翁正春編修馮有經充起居注館史官○兵部度原任總督葉夢熊男葉世仍加錦衣衛指揮同知總督李文男李國禎廢授錦衣衛左所副千戶世襲達雲男達奇勲廢授涼州衛指揮使世襲俱報可○壬辰 穆宗莊皇帝忌辰遣官致祭 昭陵○給總兵王保防海禦倭總兵官關防○乙未兵部題西寧大捷先行紀錄俟後有功并敘 上報西寧斬獲虜首力戰可嘉李文田樂王賦業劉敏寬達雲龍應高第余世威黃天澤柳天澤各陞休養各有差○旌是府通山王府奉國將軍羊堆孝行○順天撫按李顯等題五月十四夜有墜星下撫寧至地為石○關白將清正等所住房室盡行燒燬共

五十二百三十間

大明神宗顯皇帝實錄卷之二百九十七



大明神宗顯皇帝實錄卷之二百九十八

萬曆二十四年六月丁酉朔大學士趙志皋奏東事未寧羣言  
汲及先陰已暮國是難定當此之際雖周公復生猶當思避况  
臣以不肖之身敢後一日居於位哉疏入上諭朕于卿信任  
甚焉凡浮言巧誣皆洞燭其情並無疑惑今國家多事何可因  
此遂思求去昨見倭報安靜紛紜妄瀆者多自浙沮益見卿特  
識慎重為國效忠偶疾不妨暫時調理即出供職毋得固辭有  
負春倚○戶部覆浙江巡撫劉元霖題將曝茶銀兩暫借織造  
其贖罰銀兩解部協濟人工從之○禮部題朝鮮國王李松差  
未信臣戶曹參判具武守辭宴應移文光祿寺照例折給報可  
○起原任延緩遊擊左國師為國原遊擊○陞陝西總督孫下  
左營遊擊蕭韶成為協守寧夏東路副總兵○吏部覆巡撫浙

江劉元霖題馬考滿官員傍薦三次照例准給恩典傍薦二次者查勘另題○吏部題留南京都察院楊成泰辭免新命上命赴任供職○戊戌通政司田蕙奏恭揚應龍差人楊鰲送銀一百兩乞賜究問得旨田蕙發奸守己宜用心供職楊鰲下法司○庚子兵科給事中徐成楚條陳黎英二首判撫事宜章下兵部○吏部覆浙江巡撫劉元霖題水利副使薛夢雷陞叅政與金嚴道唐守謙更調○禮部題考過歲貢吳獻策等分送南北二監讀書○兵部題任將清正某于初十日過海報聞○又題楊方亨奏稱流言軍馬被倭將殺死數多令造冊送科俟回還之日查照有無欺蔽報可○協理京營戎政沈思孝乞休不允○陞都司僉書管密雲車營進擊王宗道為延綏八衛進擊甘肅高臺進擊羅星為甘肅巡撫保下進擊延綏執甘堡守備

高廷梧為寧夏興武營遊擊原任甘肅莊涼遊擊范良材為陝西總督軍門標下遊擊。甘肅巡撫田樂題火首求路歸套章下兵部議。辛丑浙江道御史何爾健題捉獲插州宣府司楊應龍下賊日張文在京窺伺踪跡下法司。降侵冒錢糧南京工部主事趙學仕饒州府通判。改淮安兵備曲遷喬專管揚州徐州兵備徐成位分管淮安地方。戶部題總督漕運尚書褚鈇會同總兵官新建伯王承勳巡漕御史况上進揭稱每年浙江江西湖廣應天蘇松四道督糧兵備等道管押重運糧船過洪畢日回任每道仍各委通判二員押運至徐立法精詳足稱至善但道府各官乘坐船隻并隨從員役經過直隸地方供應浩繁小民苦累要將浙江江西湖廣徽寧四道叅政等官以後止令暫押所屬糧船盡數催入瓜儀間內即與漕儲道交代



回任其蘇松四府漕糧獨多計程止隔一江仍令該道督押過  
洪每道止選委精明通判一員尾催至徐州方回如遇改折漕  
糧不及十萬道府俱免押運仍通行申諭各官不許多帶從人  
騷擾驛遞糜費供應報可○壬寅南京浙江道御史黃華秀題  
佞倖叵測難恃慙乞思患預防內言朝鮮嗣于位且危疑請以  
此時令其以功自見能定倭亂者封之調南兵非策請就宣大  
沿邊去處召募徵發有事易聚無事易散速催智勇之將議戰  
修備 上報已有旨○司禮監太監田養奏乞簡發內外諸司  
章疏不報○陞崔黃口守備馮幾思為密雲板武營遊擊○陞  
都司俞書管甘肅古浪守備事任應舉為甘肅高臺遊擊○癸  
卯賞朝鮮差來陪臣內庫段疋○命南京法司捉解小教場把  
總朱印來京問以楊應龍用事張文楊繁供稱央求轉陞故也

○甲辰戶科給事中程紹題恭原任題撫周光錫議其控報軍餉事屬欺罔章下兵部○南京吏科給事中祝世祿奏議天津衛添設總兵一員以防海路下所司○兵部題加刺卜合圖師名號給與勅印于番俗中擇其威信服衆者量加一二名千百戶名色令其統束各番墜心傾禦從之○乙巳兵部度大首歸套恐其假路鎮羗宜再加講求隄防務保無虞報可○丁未司禮監太監田義奏乞寬宮人內官刑罰不報○加陞西寧兵備叅政劉敏寬按察使○己酉先是安南黎維津擅兵攻殺貢夷劫奪印信已而東身待命退地代身一一恭聽處分惟謂金印失去無存聞交事有日夫黎維津一夕遁去總督兩廣侍郎陳大科題奏謂安南之事雖一切移文稱召黎維津而其實權臣鄭松主之莫動而黎強故莫今日不得不折而入于黎然黎

庸而鄭狡繫在他日將終為郭所有身據謀報繫維澤之回國也蓋鄭松呈夜飛騎四次來追維澤遂冒大雷雨而去蓋鄭松惟恐澤一朝被天朝之名號則彼將不得肆馬以行其篡奪之謀姦爾維澤望其術中不之覺耳科臣徐或楚謂交南自黎莫兩酋構亂幾五年所即該督撫按諸臣奉旨勘慮亦既三年于茲夫迺問金印之存燬倏爾消化失落又倏爾描摸誤用議莫氏之安插倏爾恭聽處分又倏爾未敢聞命代身之金人已驗旋復暮夜持還欵貢之表疏已完擬云器具未辦彼黎維澤者何所聞而來抑何所見而去也臣聞日中不昃是為失時操刃不到失利之期此亦芟割之一時也迺彼方以欵進我我復以欵自進徒幸彼之不通為黎利為莫登庸而不察我之所以處利登庸者抑何容易也大郭督撫利在釋負故不俾以延緩

為竊糜荼首志在養威故不難以支吾為恭順萬一廟堂誤聽臣恐損威辱國玩寇釀亂未必不自今日始兵部覆議移文廣西總督撫按將題議事理詰荼維漳緣何執行宵遁若實係鄭松主使作何處治務期操縱在戎處置得宜勒限完報以憑覆請定奪得旨依議行○兵部題先解草糧一十萬兩動用其應解本部文武缺官俸薪併為價地租銀兩容設法催進以助大工報可○慧星見東北方芒指西南○庚戌賑恤過漳泉福興四府所屬被災縣分人民○加陞巡撫大同梅國禎右副都御史○辛亥陞河西安遠堡備倭李文漢為甘肅洪水堡遊擊○壬子大學士趙志舉等捐俸助工上覽奏褒諭嘉其忠愛報聞次日復諭內閣昨覽卿等所奏捐俸助工共見忠君體國之義且卿等夙夜在公殫忠竭力匡襄佐理足稱盡職況俸以

奏廣祿以酬功乃國家常典今既卿等又揭其乞所請○差員外韓光燭管放軍士冬衣布疋○癸丑 睿宗獻皇帝忌辰奉先殿行祭禮○吏科給事中劉道亨奏今天下因循叢挫之故蓋有二病一在廢官一在侵官然侵官之病在廢官始也如工部尚書職掌邦土講營結河梁燒織器用于是乎總理項宸居鼎建而獨不得大司空董成非所以為重也南京吏部佐尚書統馭百官今留銓之貳既久虛非所以率屬也通政司職司喉舌宣上達下今且數推不允國子監祭酒表率六館素稱美官今一推不補而以司業代之太僕寺少卿修馬政今數推不補而別官署之禮部莫重于儀制五朝典禮各藩名封之類賴以裁決可虛無人乎兵部最要職方九邊謀議將領然陟之類跡其主持可懸缺久待乎兩浙多士之區六年不經歲考適

且士習憑陵非藉學使者振肅之則濫觴可畏也天津北拱神  
京南通運河舳舻之會冠蓋之場鴨綠揚帆三日可至今該道  
缺而以易州道帶管之則孤懸可慮也滇南番漢錯處岢嵐當  
虜騎之衝隴右值秋高之際閩西衝閩隘之梗皆延竄潤絕鈴  
析是驚今無專官管理此攻彼瑕不能兩完則及州洮河之事  
可監也至如科臣叅取諸事今掌科無人而以散員署之一人  
而領十差奔走不暇叅取而守科直鼓又誰為之代庖乎臺臣  
責任尤煩且重今二人而掌十道即今河南等六七差報滿又  
誰為之攬轡乎夫官之設為民非為官也百官之補民之利非  
官之利也闕而不補于官何損而民則實受其禍非所以自為  
社稷計矣昔楊巍為吏部職守廢今孫丕揚為吏部而職守  
亦廢蓋昔之廢在私濫而今之廢在壘隔欲安丕揚則當使盡

職欲盡其職則當取先後所上推補及行取諸疏次第批降以補諸司及臺省之缺 聖心一念轉移間而丕揚與內外多官各得其職而治平可立待矣疏入不報 給青州府顏神鎮捕盜閭防 與原任廣西總兵呼良朋祭葬如例 免熟審過犯人徐棟等一十三人裴賢等二十九人枷號原擬發配發落釋放笞罪等犯人一百四十名 甲寅兵部題河南都司凌應登劄令星夜前來統領京班報可 命工部侍郎徐作不妨部事提督工程 南京刑部題禁地盜銅戴海陳用等下法司 乙卯府軍前衛千戶仲春等奏閩採以濟大工命工部查例差官 陞太原知府趙彥為奇嵐兵備副使 丙辰陞遊擊管遼東全城守備事劉大宗為遼東廣寧軍車營遊擊 丁巳吏部覆戶科給事中程紹泰寧夏巡撫周光弼回籍聽勘 庚申兵部題

沈遼擊與楊正使稟帖云五月初四日至和泉州堺津地方次日正成從山城州來見言三城長盛來接後關白親至相連正成復往山城惟敬在王蓮寺駐歇于三日止成又至稟稱大關之子年方四歲本日在彼立做關白因有許多事體未及來迎只在三五日後俱即至矣其撤釜山各營倭衆俱無萬行言李天使既去再不必說只請楊天使過海完事等語惟敬計此時清正等衆必已渡海行長決行申請副使東渡但此時不知副使已未奉旨及符節等有無抹到只恐行長撤兵一盡即請副使渡海不知中間有此情節乞速行催取以使速結封局部議約至六月末旬齋去勅語冠服可到釜山七月內應有封事的報 上報聞○大學士張位等題大選期迫乞發推陞一疏是日命下戶部題四川盱眙等縣水患重輕從實報聞以便改



折從之。禮部題唐王頌曠奏稱承休王頌鰥乞將長子宙枝  
進封為承休王許之。陝西法歲等六寺刺麻番僧尼竹劉石  
等三十名進貢方物馬匹各賞給衣馬價等物。辛酉。太常  
寺少卿程全祭代定王。壬戌。孝莊廢皇后忌辰遣官致祭。  
裕陵。大學士趙志舉以疾乞休。上諭朕集旨諭卿日望  
入理閣事何乃又有此疏卿元輔重臣老成萬德政本之地倚  
畀方殷且精力素稱強健偶感微恙使當全愈豈可求去有員  
朕隆禮信任至意宜再慎加調攝即勉出為國匡襄大政毋得  
再辭。准將南海子週圍枯樹採伐送琉璃窑燒造。癸亥。禮  
部題准巡撫甘肅田樂咨番首判卜余先因剿虜有功已該本  
院酌議具題覆奉欽依加授國師名號因未頒給勅書印信圖  
書入不信服難以管束部查所據該道呈議請給判卜余勅書

一道印信圖書一顆敕刺亦加授指揮官著亦加授十戶且令  
授百戶名色亦各請給勅書以便統束部番夫位號原係虛名  
而鼓番人偵探虜情不廢公帑無礙職銜况西寧正在多事之  
際虜中動靜全賴諸番應與給發報可○兵部覆陝西巡按喬  
廷棟題查勘通甘州官軍出塞斬獲功次乞賜陞賞 上命保  
定何崇德等各賞銀有差○命各撫按嚴覈逋欠立期解用以  
濟大工以考成例稽查分數叅劾工部請也○兵部題該協理  
京營戎政右都御史沈思孝條陳五事京營特設重兵非馬觀  
美乃強幹弱枝居重馭輕之至計也顧恬熙日久法制易弛在  
上憚於改絃在下安於故習所繇來漸矣今東西交訐備禦當  
設而策較之下振刷宜先所據條議深得思患預防之意一日  
久任將領二曰教練標兵三曰舉用豪傑四曰增補馬匹五曰

繕修戰具得旨如議行○陞寧夏安定堡守備吳平虜管寧夏  
王泉營進擊事○前遼總督孫鏞奏趕免殺舊民之子而兼併  
魏賓恃西虜之勢而價肆要求點急鮮倫貽妬該路前此將劫  
于虎狼積威雅恃全贖為媚賞費日溢虜心日驕自路將戴延  
春受事以來獨握機權力為制馭祖謀頓阻歲貢無絕一路賴  
有長城而此首則視為寇讎設非諸路設備有常官軍決命爭  
勝此首萬一長驅而入寧獨塞上惟其荼毒而 陵京震動所  
損豈細故哉再咨應修城堡酌議衝要分派軍丁上紫修完其  
功要查勘明確酌議上請下兵部○甲子 孝穆皇后忌辰遣  
官祭 茂陵○乙丑戶部題差官勘礦意謂千聞不如一見地  
之孰厚孰薄礦之或衰或旺採挖煎燒作何置辦工食器具作  
何處給管理應用何官收護當用何兵礦徒作何禁戢奸宄作

何防禦一切停當奏聞其千戶仲春等原無執事令其在京等  
待不必前去 上言方今國家多艱官民兩竭且闢株光年已  
經科道屢請照嘉靖年間例差戶部錦衣衛官各一員押同原  
奏官赴彼開採陸續解進只督百姓自行採取不得支費公帑  
騷擾該撫按仍調兵防護務保安靜不許阻撓○工部題請四  
火黃銅 上以備各衙門年例奏討不許其鑄錢令買辦隨工  
鼓造

明神宗顯皇帝實錄卷之二百九十八

大明神宗顯皇帝實錄卷之二百九十九

萬曆二十四年七月丙寅朔甘肅巡撫田樂疏薦參政陳祈職  
朱朝聘守備副使劉敏寬霍鵬黃子美管甘肅行太僕寺事按  
察副周一經俱于兵防有賴章下吏部○命戶兵部出銀二萬  
兩一千有奇約戶三兵一給臨洮總兵劉繼家丁充餉卽劉繼  
移鎮以原議省兵輪戍前餉停○賜朝鮮陪使沈友勝等銀幣  
如例并給劉伴送○丁卯吏部尚書孫丕揚奏數月以來廷推  
闕失行取停矣年例廢矣諸臣中或以功高優叙或以資深量  
遷或服闋而除補或覆題而註授其生平素獲原不在損棄之  
列者乞體國政設官之意念國步多事之日將近日推官章疏  
簡發間有註撤未當亦乞明示另推容臣再行兩補不報○南  
刑科給事中鄭明選劾論南福建司主事褚國賢竊盜庫銀副

書後念文舉皂象劉淮等奪之而散于國賢為莫夜之金子劉  
淮馬白晝之掠偷奪之風上行而下甚事下法司問○工科署  
科事給事中楊應文奏府軍前衛副十戶官仲春等開礦有害  
無利乞行停止戶科給事程紹亦交章議罷內稱嘉靖二十五  
年七月內奉旨差官開採礦硎自本年十月起至三十六年十  
二月止委用官四十餘員防守兵一百八十名每名廩食  
并合用器具鉛炭總計費銀三萬餘往來夫馬之勞供應之擾  
又數十計及考礦之所出纔有二萬八十五百有奇所得不足  
以償所費蒙 皇祖洞察特下禁株之令其事竟廢言甚切至  
不報○兵部奏寬奠副總兵馬棟言行長婿平義智率部下從  
倭兵二十五船于十二日蟻渡值風且止而行長聞我大兵將  
至惶懼不安奏請使臣楊方亨先行渡海留副使沈惟敬中軍

李大諫暫住金山候勅命符節至日即督燒營柵似出恭順至  
情別無要挾萬勿過聽浮言發兵過江則前功盡棄關係匪輕  
渡海之舉約在六月十五日遊擊陳雲鴻則云初九日倭衆已  
渡而但量留倭小西飛船以候勅命至十五日行長率衆渡訖  
因船不敷留平調信待對馬島船至續載語前後參差而又云  
李大諫沈懋時亦留在營候倭焚營在營謂在倭營也○戊辰  
四川道御史汪以時奏地方缺官之害藩司分守臬司分地職  
掌各屬每遇員缺則撫按必擇近使者一人使之攝理職錢穀  
而攝軍屯職兵戎而攝鹽馬夙昔未獲嫻習旦夕烏能旁通頗  
委不暇究心畧刻難于判然聰明少有未徧寧免乖違才力稍  
有不同豈無懸謬舞文者乘此弄其機械玩法者藉是恣其浸  
漁文移之往來獄訟之聽斷近者數十里遠者數百里又遠者



十有餘里道路奔走歲月幸經費用不支勞苦勿恤或鬻買其妻子而事尚未完或轉死于溝壑而寃莫可訴司道缺官廢事病民為害大端如斯至于罷縣守令最為親民民之倚命守令不啻赤子于其乳母使罷縣而可陝官則是赤子而可斷乳也使守令而可常使署攝則是赤子而可終歲寄養也蓋專官如押贖之典守政任怨勞而不辭攝職若傳舍之經行誰肯竭心力以從事乞行推補不報○定海衛鎮遠接于五月二十五日災軍器殿○浙江撫按勘逆原任尚書董份縱僕招尤祭酒苑應期儒臣極寬未雪事章下部院役○下南京工部主事趙學仕戶部主事褚國賢法司問學仕自起家縣令累以墨敗及為南戶以抽扣商銀耗支木價于二十一年為工部侍郎周思敬所糾初擬誦戍而後乃蔽罪家堂量為外調抑逮就之處分也

至是為御史朱吾弼申劾而因及尚書趙參魯之失出閣臣趙志昇之庇覆故學仕褫職與褚國賢并發南京法司訊○差即中戴紹科徃河南開礦 上命戶部曰開礦事宜着遵照前旨行毋得糜費官錢騷擾地方卿等預言四事恐啓異日釁端足見為國遠慮各該撫按悉心經畫設法防護毋得推諉務保無虞開採之端一開廢弁白望獻礦硎者日至初差部屬董之猶可而後竟以原奏官自領之害益滋矣○命戶部遵旨于真保薊永所屬湯庄地方開採仍差官押領原奏官員陸續解進不許抗違煩擾○詹事府錄事曾長履等奏顧縣所屬英旗嶺有礦乞開採 上命遵新旨行○錦衣衛百戶陸松鴻臈寺隨堂官許龍等順天府教授馮時行等經歷等官趙鳳華等各奏宸居鼎建等事無慮以開採為名章下戶部○己巳 仁孝又

皇后忌辰遣官祭長陵○賜輔臣趙志舉張位陳于陞沈一貫等魚鮮○協理京營戎政都察院右都御史沈思孝以疾求去不允○吏部文選司郎中唐伯元奏銓曹之職昔稱要津今為畏府臣日與堂官計議如何一清銓法如何一洗積垢凡利在百代害在一時者必行不敢少貶以殉浮議凡利在部內害在部外者必革不敢姑息以市恩私每遇內外員缺臣度量註擬具呈堂官請自上裁間有奉旨照陪者知上意獨斷也有奉旨另推者知上意慎重也乃數月以來則有一槩留中不答者夫臺省郎著方面赴部候補者動至經年多至盈庭內外官俸大半踰期不得遷轉各道道事情緊急無可代庖賢愚同滯朝野咨嗟莫知其解此誠臣擬議不當聖心以致封章不蒙批答乞賜罷斥上不報特允其去蓋伯元以積滿宜陞

太僕寺少卿獨以請下留中一疏夫 上意竟罷○命內府收  
謀各安撫司各寺都綱頭目徹吉丹班歲等補貢方物○給賞  
副總兵馬孔英來保銀兩有差以黠虜節經入犯英保等斬獲  
有功斥都司僉書劉繼將急玩回衛○刑科都給事中侯廷佩  
奏差官熱審其典甚盛臣昨同諸臣業已會審其輕重罪犯放  
釋俱當情罪夫臣所見者皆已成之獄耳其監候未成之獄在  
陛下慎之而已豈無有窮治庶獄至于累年者乎豈無有猥  
予承旨明知故待者乎豈無有小吏惶恐諸所連及一切陷人  
者乎豈無有見涉影响定以無可解之辭事類傳聲坐以不可  
逃之罪者乎至于出口招禍發語傳喋輸之司寇辱之奴隸小  
吏罵詈則有不可令衆庶見者有一于此則冤塞之氣皆足以  
傷 天地之和而召災變之至昔唐憲宗問李絳曰諫官多訛

朝政皆無事實朕欲摘其尤者一二人以警其餘如何絳對曰  
此殆非上意必有邪臣謀壅蔽聰明也人臣生殺係人主喜怒  
敢發口者有幾晝夜度思朝暮剛滅比得上達十無一二故人  
主孜孜求諫猶懼不至况罪之乎臣以爲近日司寇請解曾侍  
御之獄宜亟俞之至于求戍之條以一身之罪而禍延子孫法  
爲尤毒乞勅法司務秉公直一切刑獄與其議問釋于既成之  
後孰若慎議擬于未成之先疏入留中○命欽天監擇日鼎建  
乾清宮以七月初十日辰時治木○庚午勅都察院轉行江北  
巡按御史勘明河工并稽官員勤惰錢糧出納○尚寶司卿徐  
璞致仕○壬申工部左侍郎徐作題條陳大工十款一議水運  
一議木植一議夫匠一議灰戶一議預支一議支放一議給錢  
一議巡緝一議書役一議文任 上以其有裨大工如議行○

差御史劉景辰監督工程○癸酉冊封日本正使楊方亨奏于  
六月十五日渡海冊封開白○戶部尚書楊俊民題薊永真保  
易州等處間礦恐傷龍脉乞行封閉并求治陸松王應龍言保  
之罪 上以其離隔 祖陵遠且曰 皇祖時已開過者遵前  
旨使差官問採陸績解進該地方官不得借言阻抗○禮部題  
南京禮部尚書林庭機謹許之○中元節遣武定侯郭大誠陸  
平侯張炳陽武侯薛鉦宣城伯衛國本東寧伯焦喜熊武靖伯  
趙祖蔭清平伯吳國乾成安伯郭邦相永年伯王棟于 九陵  
行禮都指揮使李承恩于 袁冲太子 莊敬太子墳所行禮  
惠安伯張元善于 景皇帝陵復行禮致祭○賜四川糧谷安  
撫司都綱頭目畜僧徹吉等宴以侯徐文輝待○甲戌巡漕御  
史沈上進題議改建間座築壩水工部覆奏如議行 兵部

尚書石星條復善後事宜蓋因正使先渡對馬島謂封局可結  
故耳 上諭許倭乞封原係竊糜一切海防善後事宜即行與  
各省直總督撫按官遵照條議着實修舉若有仍前怠玩虛文  
裹責着該科叅奏重治還行文責今朝鮮國王亟圖戡守自保  
宗社以全 天朝字小之恩勿得恃安自懈○兵部題冊使渡  
海訛言易興乞行禁止 上報曰近來內外棍徒將偽揭私書  
抄謄傳播惑亂視聽不特倭報一事妄宜懲究善廠衛五城緝  
事衙門訪拏重治還行勸諭總督撫按官于冊封渡海之後務  
要偵探的實具奏不許輕信流言仍前妄報餘如議行○抄過  
犯人張誠等莊園墳地賣給皇親鄭國泰及原衙門者如數領  
發其民地無從查給俱入乾清宮子粒地內徵收在餘田地東  
廠暫管賃佃徵租于年終類進○丁丑大學士趙志臯張位陳

于陞沈一貫上 聖母仁聖太皇后起居以聞○夜昏刻東南  
方有白氣貫月一更月北南斗魁第二星○慧星見西北方如  
彈丸大蒼白色芒指東南入箕宿度約長尺餘往西北行入○  
協理京營戎政右都御史沈思孝奏副留守何良臣山東都司  
吳檄章下兵部○陞陝西副使李國士馬陝西叅政廣東副使  
徐應奎馬河南叅政○廣東地按劉忠奏地方異常旱災乞行  
蠲卹章下戶部○戊寅 仁聖懿安康定皇太后崩遺詔內外  
文武群臣予以菲德獲配 穆宗莊皇帝于潛邸者九年比即  
位初元升僂宸極母儀天下者六年不幸 昭陵上賓于乾乾  
在疚賴今 皇帝光纘膺服純孝天至集薦徽稱聿隆敦養者  
又二十四年于茲尊榮祉福亦既備綏頃當寢疾危微 皇帝  
躬省葉膳叩禱神祇尤極虔悃茲得永終天年優侍 先帝左



右大僕何愷念惟 皇帝負荷 祖宗鴻業艱鉅憂勞宜以萬  
幾為重不得過于哀戚中外文武羣臣務協恭秉忠巨贊治理  
以永億萬年無疆之祚喪制悉遵 先朝典禮以日易月二十  
七日而除君臣皆同母廢 郊社 宗廟百神常祀母禁中外  
臣民音樂嫁娶宗室諸王但遣人進香在外大小文武衙門並  
免進香持茲告諭其恪遵行之○諭內閣今日午時 聖母仁  
聖懿安康靜皇太后上賓乃朕積愆深禍延 聖母不勝悲慟  
諭卿等知○閣臣趙志皋張位陳于陛沈一貫上奏恭慰○禮  
部題已故侍郎蔡汝賢卹典如例子祭○命禮部會同翰林院  
訂議 聖母仁聖懿安康靜皇太后喪禮○免 皇太子講讀  
一百日○命抄沒地方俱入乾清宮照舊徵租類進其村落荒  
僻處所房屋行全該地方官作速緩賣若香山鄉丹家村宮村

各地盡行入官不許私占其涼山河在房回土俱着做 壽宮  
皇座着 天壽山守備暫管○己卯 仁聖皇太后寅時小殮  
未時大殮○輔臣趙志舉扶病赴 慈慶宮門哭臨行禮隨入  
閣辦事○華副留守何良臣都司吳檄任回衛○辛巳差中書  
行人等官齋捧遺詔前往各處開讀○造辦 仁聖皇太后冥  
器○勅雲南貴州撫按嚴治霑益上首安邦慶不許擾害其烏  
撒繼立事宜作速公同勘處并將阿備兵形查實相機便宜擒  
剿○諭內閣覽卿等奏懇悉見忠愛至意但朕自入秋偶爾感  
冒通聞 大行聖母仁聖皇太后上賓驚仆哀恸頭目眩暈身  
體戰軟昨以聞喪力疾趨赴几筵行禮奏謁 聖母面承 聖  
母慈諭着朕務遵遺詔抑情節哀以 社稷 宗廟為重勿得  
過傷致隳萬幾恭承 慈諭服藥調攝以安慰 聖母愛子之

心諭卿等知○內使陳高子竇寧門外捉獲不知姓名男子一人手持內閣出入關防牌一面 上命錦衣衛擊送鎮撫司究問○壬午內閣諸臣恭詣徽音門外進香文武衙門各官恭詣慈慶宮門進香其聽選辦事官員人等免○癸未 成祖文皇帝忌辰遣官致祭 長陵○甲申陞太常寺少卿鄭繼之通政使司右通政左庶子李廷機國子監祭酒御史何悼光祿寺少卿安慶知府徐氏武南京光祿寺少卿○工科署科事給事中楊應文題 慈慶宮進香諸臣班行雜亂儀度周章乞行禁戢 上諭進香大禮禁地森嚴如何不行敬謹姑不查究以後各官行禮務要整齊嚴肅違者指名叅奏重治○乙酉差承運庫太監王虎同戶部郎中戴紹科錦衣衛僉書張懋忠于真保薊求等處開採樣沙進覽○勅河南撫按官防護開礦悉心計

畫務保安靜○鎮撫司問過犯人王承烈下刑部擬罪提謝龍  
等到京俱係倭情事○命禮部于二十一日百官恭聽宣諭謚  
號○丙戌 皇帝制諭禮部朕惟 母后恩深聖善德備生則  
享萬方之養沒則垂永世之名此國家俱終之異章亦臣子追  
先之達孝也惟我 聖母大行仁聖懿安康靜皇太后溫柔有  
容柔嘉維則初配先 皇于潛邸襄陰教者九年既正 后位  
于中宮作母儀者六載肆朕冲齡而纘曆服式承懿訓以御家  
邦六宮繇之肅雍二紀賴以寧謐方祝壽祺未介何期孝養長  
揭罔極之恩莫酬終天之恨徒切懷徽音而增勸佩遺誥而興  
悲嗚呼連維 聖德宏深人心協戴薦加顯號國典攸存是宜  
殊論于公後天而謚布告中外昭示無疆以稱朕尊崇之意禮  
部其即集廷臣傳議以聞○命禮工二部堂上官各一員領欵

天監會同內官監恭詣 天壽山相度 大行仁聖皇太后禱

萃 昭陵事理。差鎮撫。發書楊宗。吾往河南開礦。吏科。署  
科事。給事中劉道亨。奏南京刑部尚書趙參魯。曲庇工部主  
事趙學仕。致梓里之好。結相府之驩。際微調外。修擬革職。乞行  
切責。嚴勅。後。來。勸官。從公。執法。章下吏部。輔臣趙志皋。奏。辭  
明心跡。不使貽累。參魯。內稱。主事趙學仕。係臣族叔。雖係同宗。  
原非親分。且其生平。負高使氣。與人多不合。一南一北。音問甚  
疎。其造船買木。有無侵剋事。在彼中臣。亦無跡而知。上諭。趙  
學仕。已行勘問。自有公議。卿素懷敦慎。此事原無相干。不必介  
意。宜安心供職。以副眷倚。○丁亥。戶部尚書。題據太僕尚寶寺  
司閏稱。坐官捐捧。以後除補新官。係本部者。徑行扣捐。係別衙  
門者。令其移文本部。知會扣捐。以免煩奏。至于陞遷。事故等項。

即有新官繼任俱于二十五年六月初一日方准開支事體畫  
一 上從之○戊子陞遼東寧遠叅將麻承勲為副總兵管延  
綏巡撫標下遊擊事○戶部覆巡漕御史况上進一議慎重改  
折以固國儲一議酌時定折以博實惠一議嚴飭印運以清旗  
甲一議酌除關禁以速回空一議責催糧銀以蘇軍困一議責  
催空船以速新運得旨如議行○己丑巡撫陝西兵部右侍郎  
兼右僉都御史賈待問題六月二十四日真相等虜隸泚河谷  
口鐵鯉山入犯泚岷叅將孫尚賢率領官兵對敵用鎗砲打死  
達賊馬匹數多就陣斬獲首級一十三顆又二十五日子紅峽  
峴斬獲虜級五顆乞勅查勘章下兵部○禮部題 大行仁聖  
皇太后神主牌位單座合用檀香栗木其伐木治木吉期轉行  
欽天監選擇○兵部題閩白鹿教清止過忌置之于罪秀家為

乞養女壻敗露國中醜態姑念其效勞年久奪其半俸散其土地人口削髮流居據此則闕白望封之心委屬真切清首阻撓之事俱已敗露并將沈惟敬原稟進覽報聞○西亭地方于六月十一日暴雨迅雷擊碎椽杆震死班軍范叔等○順天巡撫臣李順疏陵京所關甚重株礦為利甚微祈嚴天戎保固圮窳以永萬年治安不聽○存問原任戶部尚書畢鏞奏謝○庚寅刑科都給事中侯廷佩奏南京刑部尚書趙參魯不能執法俟趙學仕勘明另議蓋史料給事中劉道亨論劾既嚴侯廷佩復有此疏參魯辯奏染指易為踈逐奉出諸司之書審多贓乃得調外議歸北都之度分章下所司○給事中戴紹科前求真保等處開礦開防○潞王進銀一萬兩助工 上覽王奏捐祿助工嘉其忠定勅撰書復王而自是王府捐助之請亦累至○

辛卯發銀二十萬六千有奇補給薊鎮後半歲主客兵餉○南  
京兵科等科署科事給事中鄭明選等題復漕規以蘇京軍重  
漕臣以裨國計章下戶部○欽天監擇八月初八日恭上 仁  
聖皇太后寶冊七月二十九日卯時代木八月初二日治木○  
壬辰文武群臣議上 大行仁聖懿安康靜皇太后尊謚伏以  
地稱博厚乃持物而同天坤著順承爰配大而言至于昭 聖  
母光纘皇圖若稽懿行于當年宜著芳猷于來世斯薄海共尊  
親之意亦明時大禮典之先也欽惟 大行仁聖懿安康靜皇  
太后柔順正中安貞靜一簡于 世廟配我 莊皇潛邸嗣徽  
壺範齊輝于儲德 中宮正位母儀肇化于王風富榮華始盛  
之時豫根本萬年之慮佐成 先皇之燕翼垂建 上位于青  
宮迨乎踐祚冲齡弘資保佑乃茲成仁必世大藉儀刑養備稱



乎福獲之綏未艾得全獲盛顯光之闡彌彰宮庭式未練而度  
肅珩璜威厲屏流車而動循規履方期遐壽遠爾考終猶屢遠  
詔之頒顧念續圖之重戒茲百辟媯于一人訓澤如新張鸞  
輿之不返徽音孔赫祐麟趾以無疆臣等祗奉明綸逃稽謚典  
雖至德有難于盡測乃鴻稱實採于輿情宜大錫之曰孝安  
貞懿恭純溫惠佐天弘聖皇后上依徽送翰林院官擬撰冊  
文進覽禮部題昭陵開工修整事宜命擇日興工兵部  
題給聞白誥勅等件先于五月二十七日差官齎發七月初八  
日方抵奎營其李參鶴等聚眾作反係朝鮮顆賊該國自審討  
平不在倭情事內報聞

明神宗顯皇帝實錄卷之二百九十九

大明神宗顯皇帝實錄卷之三百

萬曆二十四年八月丙申朔大學士趙志臯等題考天下貢士  
上中卷進呈○大學士張位等題八月初八日恭上 大行仁  
聖皇太后尊謚初九日頒 尊謚詔乞 聖躬親詣○吏部等  
衙門題南京刑部尚書趙參魯以寬釋主事趙學仕一事遂致  
人言應念其素望容令策勵供職其趙學仕行南京刑部等衙  
門公加究問毋再姑息 上從之○勅南京刑部右侍郎謝杰  
照舊供職仍允給恩典○巡視京營戶科給事中程紹等題叅  
原任京營副將任自強神樞營副將佟正養五軍營副將施朝  
卿保定遊擊胡澤山海關叅將楊元俱行法司究勦以為行賄  
營遷之戒章下兵部○命浙江杭州衛嚴四府退換絹緞至十  
四萬疋二十四五年次第完納無致虛耗○戶部覆南京兵科

署科事給事中鄭明選等題復漕規以起京軍重漕臣以禪國  
計等疏從之○錦衣衛百戶吳應麒奏往山西平陽府夏縣等  
地方開礦府軍後衛指揮王允中奏往山東青州等府沂水等  
州縣開礦俱章下戶部○禮部題八月十七日萬壽聖節百  
官俱公服行禮以仁聖皇太后在殯故也○差主事李叔元  
往江南徐來儀往江北徐安往閩內馮若舒往關外各審決○  
丁酉諭內閣朕覽卿等揭奏朕豈敢自逸偷安惟是昨者寒火  
上攻乍作乍可朕今頻服藥餌調攝且初八日恭上尊謚大  
禮朕力疾親行其于頒詔俟傳免御卿等體君忠愛至意若  
皇太子等質尚脆弱未暗禮儀難以陪從諭卿等知○秋祀遣  
禮部尚書范謙于先師孔子公徐文壁于大社大稷代  
行禮○命禮部與做番國師印給國師刺卜命○禮部覆昭

陵開工事理及祭告 大行仁聖懿安康靜皇太后几筵○遣  
侯郭大誠張炳薛鉅伯銜國本曹允成焦夢熊吳國乾楊世階  
方燁祭告 長陵 獻陵 景陵 裕陵 茂陵 泰陵 康  
陵 永陵 昭陵各行禮○遣侍郎呂鳴珂祭 天壽山及  
后土司工之神○兵部覆操江都御史陳鷹條陳七議一禁官  
軍改差一議營基營房一議改造戰船一議請給關防一議選  
任補職一議覈實功蹟一議江海要區得旨如議行○命管理  
河北郎中黃承玄挑濟南旺等處運河○擇八月十五日 昭  
陵興工命禮部左侍郎劉楚先工部左侍郎徐作相度具奏○  
戊戌以 萬壽聖節欽賜四輔臣及日講官等金銀篆字符書  
有差○大學士趙志臯等題御史員缺大差之人乞將都察院  
前疏發稟不報○大學士趙志臯屢疏乞休 上諭宥勿贊襄

朕正倚老成令中外多故卿居首輔當竭力盡忠以副眷注况精力未衰偶疾不妨調理何可屢次求去不允所辭○原任袁州府通判華光大奏父華富製有神異火器職方試驗堪用比報東虜小歹青入寇廣平以火器攻虜虜輒扶傷奔北既而督撫傅檄搗巢委督放火器得獲大捷至水戰大船不必挽槳止用二人潛以盤水車飛輪攬之一船可燒敵船百艘欲為天津通州海口備禦計章下兵部○刑部覆浙江巡撫劉元霖題卿官董份縱僕招尤儒臣范應期極寃未雪等事發遣章椿丘邦卿等發配王九齡陸應時等○山東巡按李思孝題臣巡歷瀋陽中衛據遼東鎮坐營中軍陳九圍正安堡叅將張奇功鎮堡守備張承祖報糶花卜言顧范大等在營將各家達子祭旗聚兵圍搶廣寧地方見在可可母林也住副總兵李如梅領兵移

瀋陽督陣備禦方時新遊擊王守官佟養直恭將張奇功等于  
母林迤北離牆三百餘里哨見達賊偶值天雨陰霧官兵一擁  
向前在陣擒斬一百九名類內賊首一顆勤實以聞章下兵部  
○己亥太常寺題恭上 仁聖皇太后尊謚先期遣公徐文壁  
祭 南郊侯徐文煒祭 北郊駙馬許從誠祭 太廟伯王學  
禮祭 社稷○辛丑有流星青白色尾有光自虛宿往西行後  
有二星隨之○禮科左給事中張企誠題 祖陵防患宜周河  
流分洩當亟乞將前勘應開下流諸工俟秋水農隙果夫興舉  
其凡一應開洩入海白駒場等處河道都侯再勘不妨暫停以  
省勞費章下工部○壬寅命造真保薊求開礦戶部錦衣衛內  
官監各官關防○西華門城樓工竣命侍郎徐作祭告 后土  
司工之神○初定講期諭禮部如今天氣炙熱經筵暫免日講

照常行以後經筵春以二月十五日起至五月初二日免秋以  
八月十二日起至十月初二日免歲以為常○經筵秋講是年  
暫移八月二十二日嗣後仍照前旨以 大行仁聖皇太后喪  
禮故也○工部題覆總督河道工部尚書楊一魁條議分黃導  
淮事宜十事一議辰河岸以固隄防蓋舊河身闊二百餘丈尚  
有縷隄遺隄以束之而新河面窄土鬆伏秋之防不可不慮宜  
于新渠中堅處所再開二十丈以廣谷納兩岸做邊隄之制另  
築厚隄一道以固衝擊其王家口周三莊高運經之地令加濬  
鑿并築堅隄以便牽輓工期三載費約八萬于大工餘剩數內  
支用一議長夫以特修守蓋黃壩至五港口約至三百餘里河  
隄始創勢易潰決議設夫一千七百名以待修救之用而州縣  
之加派果難乃于鎮口開原議夫內襄四百名夫高家堰隄夫

八百名盡調新河防守于山陽長夫哀撥高堰清江浦諸處分  
守又以折益引銀歲募五百名責令遇有淺阻亟為挑濬則夫  
不增而用是一議設專官以便責成蓋修濬雖以夫役而督率  
要在專官其娘子莊以下應以府同知張兆元專為督察仍管  
清軍馬政而以總捕巡鹽二事改委通判其為用巡簡者改設  
主簿二員各有信地則管理可以無虞一議裁新堤以免壅潰  
蓋築堤所以障淮而恐以泗為壑新堤可以議裁而恐裁去太  
多或貽後悔且應量裁數段以洩淮漲仍開瓜儀二閘以分高  
寶之害庶上有洩而下有歸也一議修祖陵以培國脉蓋以  
二十五年為始查閱應修所在估料工費于糧漕衙門移文南  
京工部動支以憑開註類繼一議分河官以理淮泗蓋以鳳陽  
府同知兼管淮河泗州同知盱眙縣丞加管河名色專屬南



河分司遇有修築前呈管河衙門科估起工歲終告成甄別一議設官兵以嚴緘察蓋五港口淮口地方四鄰河海既通奸宄出沒屢添設五港巡簡司屬安東縣提調官吏方兵俸糧于益課募夫數內勤支專司譏察一議改湖水以疏漕渠蓋高竇諸湖原係沃壤自淮黃逆壅衝決汪洋即歲加隄障猶多昏墊今入江入海之路既濬分黃導淮之功已成應于涇河于嬰溝金灣河諸閘并瓜儀二閘並為閘治大放湖水就湖疏渠與高竇越河相接既避運道風波之險而水固成田給民菽稷漸議起科以充河費一議建廟宇以答靈貺蓋河之有神所從來矣而自建功以至竣役河伯效順酬報宜隆除岔廟及五港口立廟外議于黃壩周莊處所各建廟祀請賜廟額以示崇報一議備錢糧以儲歲用蓋守救之官役既立則物料亦宜并儲宜于瓜

洲通濟鎮口諸開如儀真事例量取船稅以濟河工之用一議  
開清口以導淮流蓋清口為淮出之門而苦為黃壘今雖挑濬  
而恐水分勢緩泥沙復入合議歲修以圖永利一議濟海口以  
免內漲蓋以黃水倒灌正以海口為阻即分黃工就而伏秋水  
漲勢恐復閘則石碇口衣家港白駒場諸處海口全灣芒稻諸  
河宜乘時開刷以為預圖酌量功程修舉者也疏上如議行○  
貴州宣慰司安穩臣奏副宣慰宋承恩以考較生儒為該學教  
諭熊夢祥辛諸生毆辱并求更定 祖制下所司○給勅書提  
督大工大臣并監察科道官員○癸卯 孝康敬皇后忌辰遣  
官致祭 泰陵 上御皇極殿奉冊寶詣 大行仁聖懿安康  
靜皇太后几筵上早謚冊文曰維萬曆二十四年歲次丙申八  
月丙申朔八日癸卯孝子 皇帝臣 稽首百拜上言臣聞

德茂坤純祇仰母儀之備禮隆渙號光昭宗祐之休美申股薦  
之彝式播明章之烈恭惟 皇祖大行仁聖懿安康靜皇太后  
潛歆淵靖並詒端教蚤隗 先皇揚鷄鳴而佐理暨開冲眇垂  
燕翼以貽謀奠神器而置諸安丕顯簡能之績葆聖真而歲于  
密逾高幽贊之功四方從緝練之風萬國景珩璜之教璇宮玉  
食方隆長樂之儀萃蓋駕旗遽返蓬萊之駕瞻隆天而罔極踴  
厚地以增傷追惟至德無疆香華夷而共戴是宜鴻名有赫煥  
日月以增輝庸叶人謀請從天錫謹奉冊寶上 尊諡曰 孝  
安貞懿恭純溫惠佐天弘聖皇后伏願 聖靈昭鑒載懿美于  
無窮慈祐長延配安貞而未久○是日閣臣趙志臯等上奏恭  
懋○戶部題廣東廣州等十府乞議蠲存留停積過賑窮民三  
事如議行○八月十七日恭遇 萬壽聖節遣撫寧侯朱繼勳

成山伯王允忠等九員于各陵行禮○日講官禮部右侍郎  
兼翰林院侍讀學士馮琦再疏以親病乞歸上以其情詞懇  
切准暫假回籍者馳驛給賞路費銀二十兩紵絲一表裏○甲  
辰頒孝安皇后尊謚詔于天下詔曰朕惟盛德光昭必紀鴻  
名以立極尊親禮備用襄達孝于慎終闋余疚懷祗循經制欽  
惟我皇妣大行仁聖懿安康靜皇太后安貞應地柔順承天  
始儼先皇殫憂勤而佐潛邸者九載旋正后位秉雍肅以  
總陰教者六年誕弘樛木之施茂衍螽斯之慶撫朕冲昧嗣續  
基圖式承文母之徽音獲真祖宗之洪業聖善昭垂于內  
則神功默運于中區愛日方殷二紀聿隆孝養昊天罔極寸心  
未報慈恩遠違長樂之權倍切永懷之痛捧訓詞之淳切仰願  
優以悲恩追趨深仁直掬揚而莫罄崇增顯號庶招攝于無窮

特諭禮官傅泰庭議協從令吉先備慶章以八月朔日致告

天地 宗廟 社稷 卷上 皇妣尊諡曰 孝安貞懿恭純

溫惠佐天弘聖皇后鳴呼德並福以萬隆貽萬禔母儀之懿範  
榮與哀其威備整九圍黎庶之輿情詔布四方咸使聞知○乙  
巳 孝慈高皇后忌辰 奉先殿行祭禮 上以萬壽聖節頒

賜元輔趙志皋次輔張位陳于陞沈一貫誨官劉元震等銀幣  
有差○兵部題委指揮官王吉齋捧符節誥勅冠服等件已到  
梁山朝鮮陪臣黃慎等護送渡海倭將平調信等出營遙迎龍  
節率眾叩頭恭拜足見尊奉 天朝之體報聞○命工部侍郎  
呂鳴珂提督 大行仁聖皇太后祔葬 昭陵工○禮部題喪  
禮以日易月 先朝舊典但 梓宮在殯服色未用全吉在  
憲宗皇帝居 孝莊皇太后喪服除後仍素翼善冠素服腰脰

御西角門視事文武百官素服角帶朝奉不鳴鐘鼓 武宗皇  
帝居 孝宗皇太后之喪服制亦如之待 神主祔 廟後禮  
部奏請變服此 累朝之舊典也至 世宗皇帝居 章聖皇  
太后喪服除次日即遇正旦朝會祭享皆為吉禮禮官仍舉舊  
典酌議以請擬元旦 上服黑翼善冠淺淡袍黑犀角帶御殿  
受賀宴請乃奉欽依具黑翼善冠黃袍御殿百官公服致辭居  
他處服黑布至喪次仍素服百官俱青素冠服 郊有事吉服  
作樂 廟有事淺色服不作樂奉引安靈仍用縗衣以終之此  
皇祖之獨斷也臣等查據舊典斟酌禮儀除服之後大事未  
襄居艱仍遵 累朝之道典遇有吉禮如 萬壽聖節諸凡朝  
賀等事則遵 世廟之權宜報曰可○准上旨照例給文起送  
入貢○提誠意伯劉世延究問 上諭劉世延妻被諭劾稔惡

不悅朕念篤勲姑容省改今乃擅用關防牌票私造兵器聚衆  
殺人意欲何為其關防何年鑄給下部核奏○命戶部開洙河  
南葉縣等礦以龍虎衛指揮陳永壽奏也○保定巡撫李盛春  
奏停開礦內言畿輔重關礦連陵脉上諭開礦事着差去  
官斟酌採取如果關係陵脉處所不許輕動○原任戶部尚  
書耿定向卒定向道學自命立朝侃侃初入臺班即以彈劾權  
要忤嚴嵩再忤高拱張居正終以不能曲從時好致仕歸未克  
厥施士論惜之○丙午贈已故南京禮部尚書林庭機太子太  
保○刑部等衙門尚書蕭大亨等奏明罪犯熟畜應發懇求  
聖斷得旨鮑駕等南京刑部查照遣配發落劉世延罪大惡極  
三法司會奏定奪○給馮琦父母誥命以其日講效勞不在考  
滿例○戶部題總督漕運尚書褚鈇條議六事一久任運官以

責成劾一改造京船以省浮費一覈肅完欠以正賞罰一預啓  
京口以速糧運一政解預支以防掛欠一更換交兌以便民情  
上命如議行○己酉兵部覆陝西巡按徐倫題火真諸苗入  
犯極邊防禦事得旨防剿西虜事情行督撫鎮守官酌量虜情  
順逆相機調度勿致疎虞○陝西巡按任萬化題時正秋防警  
報踵至順義王會同着力克河亦克火落亦來邵卜分報侵犯  
約在八月十五日內順天巡撫李願奏八月初八日據西路副  
總兵李芳春報兩虜部落要犯薊鎮行各路道將嚴加防禦章  
並下兵部○勅黃明臣充總兵官鎮守昌平居庸等處地方○  
庚戌招集平日盜礦居民以其熱憤採取仍擇富民編為礦頭  
從太監王虎請也○留守後衛百戶王守仁奏以御賜祖遺財  
物仰助大工梅叔祖王樹為閩國功臣封定遠侯長女則楚貞



王元妃也。擢卒于幼。依妃而歿。賜陝西庄田八十六處。赤金六萬八十餘兩。二百五十餘萬珠寶。不可勝計。皆寄楚庫。凡六傳。至王錦。楚府沒其寄銀。而庄田之利。自未樂至今。凡八百餘萬。願盡所出。以助大工事。下部覆議其奏。○辛亥。兵科署科事左給事中徐成楚。奏點虜合謀入犯。逆陸勢甚可虞。乞輸順義王堅志內向。無陽款陰逆。致革市賞。并勅當事。糧臣便宜決策。防禦。章下兵部。○禮部奏。寧夏平虜城獲功。該賞功銀三十六百餘兩。命于兵部馬價給。○壬子。萬壽聖節。免朝賀。○江西萍鄉縣布衣民羅正彝。奏進帝範錄二部。上留覽。下其章于禮部。○癸丑。兵部題沈惟敏于六月二十五日到日本。見閩白荅。收感激。天朝差使。將沿途迎接。正使并進日本地圖。續報正使同平行長于二十一日渡海。訖。專待閩白會至。金山倭營盡

繳上覽奏報聞。禮部題萬壽聖節天下諸司進列表文凡一千一百一十八道進收報可。甲寅兵部覆兵科著科事刑科左給事中徐成楚題奏白羊城守備張未齡廣東瓊崖叅將周易皆以行賄營陞并及原任職方司郎中賈維鏞鏞舅張子忠受囑等情。上嚴旨切責張未齡周易著革任回衛聽勸張子忠法司一并究問所奏鑽刺干請全在該部執持秉公推用未可全諉薦舉塞責這次各堂上官姑且罰俸二箇月以後務要正己率屬司官如有不法者當即叅治毋得縱容姑息且近日武官陞轉頗數無益地方使啓剝削營求之端以後還委久任責成庶得實用。丙辰賜卹明頭目徽吉丹班歲等該土司奉祀前朝名臣姜維李德裕李沐祠名實佑封號仍照前代原官以其有功蜀土且從番夷信鬼之小禮節請也。福建巡

撫金學曾題前刑部侍郎鄭世威贈諡章下所司○吏部題大學士陳于陞給錄加太子太保詹一子入監讀書給典新銜誥命○丁巳 憲宗純皇帝忌辰遣官致祭 茂陵○大學士陳于陞特恩 上諭卿贊襄恪慎世勲忠勞考績加恩朝廷獎典宜承眷命不允辭再疏奏謝報聞○通州城工竣賞給遺總督孫鏞順天巡撫李順直隸巡按高舉密書兵備按察使王見賓通州知州陳登通津營叅將王文元等銀有差○戊午山西巡撫魏允貞追論貪肆監司薛亨多贖革職閑住○陞山西叅政馮露為湖廣按察使○陞戶部陝西司署郎中事員外郎鄭璧為南京尚寶司卿○復除江西左布政馮孜為湖廣左布政○工部題 梓宮發引委員外葉鹿整道○己未薊遼總督孫鏞奏奉旨東巡敕陳禦倭機宜一議形勢一議設兵一議聚糧一

議額餉皆以遵旨所云不論封事成否戰守二端在我原不可廢乞加酌議章下兵部○准總兵麻貴奏病○署兵科給事中徐成楚題樞筦善後事宜條陳論奇論俸薦用正途而罷聽用効勞等官內除大將不拘資敘復請寬文網以無掣當事之肘款小過以無灰裹革之心與其數起數廢孰若免其廢而降罰以示懲與其條參條薦孰若恕其參而成飭以使過乞行覆議章下兵部○庚申大學士趙志舉五疏乞休上仍諭留之○南京吏部尚書蔡國珍以衰病乞罷溫諭不允○浙江巡撫劉元霖題杞段料價缺乏下所司議○辛酉原任刑部尚書舒化男舒體震請卹典章下所司○壬戌大學士張位奏除丕陽辭疏票擬招尤乞罷免以謝家臣先是丕陽求去之疏已二十上閣票擬故而丕揚實無去意故啣之上溫旨諭位曰卿輔弼

重臣忠誠清慎朕所鑒知奏辯朕已甚悉卿不必以此介懷宜即出安心輔政用副眷倚不允所辭○大學士陳于陞以三年考滿乞進父贈官緣父秩高先次兩叨恩命皆不得給至是疏辭加恩綸旨有世効忠勞之語奏討加贈 上諭卿父以勤先朝碩輔茂著忠勲准加贈太傅及卿嫡母並給誥命○癸亥吏部尚書孫丕揚奏輔臣張位黨沈思孝救丁此呂依御史周孔教給事中劉道亨馮謀主共逐特賢時賢丕揚自予也其以柔樞允放軌爾終憤 上諭奏內事情多涉鄙胥影响非朕倚任之意今後宜協恭和衷毋得自相牴牾以傷國體着照舊供職不允辭○大學士陳于陞沈一貫題尚書孫丕揚揭帖為權臣主謀鷹犬効力其中疑詆大學士張位事多出一時粗鄙猥賅之語乞加體察保護以全閣臣之體仍賜綸旨溫留臣位將

不揚去留親賜裁奪 上諭內閣覽卿等所奏朕已洞知昨見  
丕揚之本因疑使氣逞忿誣蔑甚失體面正所謂含血噴人全  
無大臣風度而效儉夫之術可見前委疏乞休乃矯情飾譽原  
非本心且次輔位久侍講憚小心慮慎朕所素知况近政務皆  
朕獨斷敢誰黃鼓何所倚借丕揚以瑣瑣小事形于裙札其與  
小臣儉邪之計徇私逞臆不言可知至于本內所言三月未踵  
臣門已失古人速嫌之意而欲攬權招附明矣元輔亦以無根  
之言頻欲求去卿等可傳示二輔方今國家多事之秋正賴匡  
襄贊理及朕委留之意不必以誣詆浮言疑畏介意可即遵旨  
入閣同寅協恭劾古大臣休容之美共保太平之業諭卿等知  
○甲子勅蕭如薰左軍都督府僉書管事○勅侍郎李禎管理  
乾清坤寧二宮大工班軍○禮科等科奏稽察章奏隨事考成

奪劉元霖超可懷徐兆魁等俸有差初及時完報註銷○戶部題 仁聖皇太后殯宮合用硃翠金銀寶石急缺之量賜裁減召買供進諭係 大行喪儀之費實非得已著作速進○給乾清坤寧二宮總提閱視監察等官提督東廠官較辦事司禮監太監孫暹錦衣衛指揮使王之楨提督街道錦衣衛指揮同知李如祜巡視工程錦衣衛正十戶王繼祖各抄書一通○秋分遣公徐文壁于 夕月壇行禮尚書楊俊民分獻

明神宗顯皇帝實錄卷之三

大明神宗顯皇帝實錄卷之三百一

萬曆二十四年閏八月乙丑朔大學士趙志皋奏謝 聖諭朕  
眷留元輔朝夕在心昨特傳諭翼鄉祇領機務煩重宜即遵承  
入閣辦理慎無再有所陳 大學士張位奏陳謝悃并乞放還  
臣奉職無狀近被尚書孫丕揚恣言誣讒有玷恩私連日省愆  
自艾席榮侍罪仰荷日月無私照臨至隱不特斧鉞寬貸更被  
筆袞寵榮昨日閣臣沈一貫遵奉 上命詣臣私寓傳示 聖  
主勉留大恩相與誦譯 皇論汪洋大訓湯實恭而胥臣上理  
効休容以共保太平叩首欽承銘心佩服有 君如此莫忍負  
之獨念臣孤根自憐一介寡合處實被誑把愚不塞以潔身正  
己相規不虞直道招恣是積誠不足以乎人一無補之以忠  
若愛國相勗不期異言啓疑是素行不足以信友二無補也矯



情飾譽者嗜尚利口之賢足徵其轉移無術三無補也攬權  
招附者悻悻違革心之化足徵其表率不效四無補也 明主  
不畜無用之臣愧也又夫尚可貪榮總祿辱鼎鉉而羞當世也  
與我自 祖宗設立內閣以來體貌稍崇朝著懷妬今內閣清  
肅自守避跡遠嫌乃吏部用舍任情蟻趨蠅附况蒙 乾斷處  
分愈滋不悅願指氣使執敢抗違恐閣臣難乎其居矣伏望  
皇上矜臣自料自畜之真憫臣知足知止之願放歸山林免墮  
免機保全晚節 上溫諭覽奏卿既體朕憊憊眷注之懷何得  
尚言求去機務繁重宜即遵諭入閣佐理 命太監陳增督同  
府軍衛指揮曹守約往青州等府開礦不許動支官銀及擾害  
地方 兵部題朝鮮管撥官孟良相揭報倭將沙古屬門五萬  
等與國王所差陪臣朴弘長相見執法甚恭賓主交讓庶幾封

事可成蓋仰賴 皇上一封息兩國之爭而照兩國之好報聞  
○原任詹事府少詹黃洪憲題勘明心迹屠大壯不候覆試擅  
自逃回乞勘大壯用賄有無章下部院○命司禮監差公正內  
官領原奏留守後衛百戶王守仁及撫按長史官查明恭進家  
財○己正二刻日食初虧正酉午初四刻食九分餘○丁卯大  
學士趙志皋奏天變屢形懇乞 聖明大振朝綱以回天心以  
維世道事臣惟天人相為感應變不虛生在人 君修德行政  
以轉移之而已今年三月乾清坤寧二宮災六月欽天監奏慧  
星見又奏閏八月初一日日食至九分餘此皆天變之所不常  
有者而見之于數月之內可不修德行政以消弭之于臣愚以  
為修德行政之要則莫先于振綱紀國家二百餘年紀綱何嘗  
一日不立而今日之事則有夫可慨者矣 皇上臨御以來日

視朝講萬幾親總五夜夙興又且留心民瘼加意人才召對輔  
臣諮訪部院間誠納諫虛己受言惟上而 聖心憂勤故下而  
臣工惕勵大臣師師小臣濟濟稱太平極盛矣通年以來玩愒  
起于治平憂勤怠于安逸紀綱之不振未有甚于此時者臣私  
心慮之于此不言是終無可言之時也言而見諸行事臣之幸  
也事若不行猶有臣之言在也願 皇上少垂聽焉臣惟古之  
帝王南向而聽天下嚮明而治居尊御卑絲近遠無有弗屆  
皇上之不視朝將十年于茲臨御久虛人情漸弛雖法度未  
嘗盡廢而詐偽不可盡窮不及此事反之恐將來益難支矣  
皇上意在效法 皇祖然 皇祖晚平亦為權奸蒙蔽左右誣  
周賄賂公行濁亂朝政幸未一怒而舉安然亦晚矣此乃前事  
之當鑒者而可獲蹈之耶臣願 皇上勵精圖治質明視朝或

五日一出或一月三出 元威不遠咫尺功儼然翼趨進而  
蹶喑在朝退而恪恭盡職此朝綱不可不振者一也六曹章疏  
奏發有期敕年以前 皇上雖不視朝章疏隨時即發且多御  
批威如雷震恩如雨露皆不可測乃今一禁不發夫推官而不  
發則官不得職奏事而不發則事不得奉行近因尚書孫丕揚  
之請一日發下二十餘本京城歡聲動地然所未發者尚多也  
至于奏請行取蓋選賢與能以司耳目也內而臺諫不可久虛  
外而知推不宜久滯且使部中進士待選與起復養病補任者  
不致久稽也又內而部寺之性遠外而藩臬之聽補守候甚久  
胡可遲之願 皇上俯從部請照常票發俾人才不致阻滯此  
朝綱不可不振者二也國是人心聞于世道往時大小臣工同  
心一德朝無異政人無異言而邇來則漸乖隔各懷已私各持

已見竇同伐異亂是與非一人倡之十人從而和之必求勝而後已據國家之事弗顧也又有不修職業而出位言事者志在彰己之直有自具疏草而倩人代上者意圖售己之謀堂徇有定分也欲逞其奸則侈口劇談而不顧名分邪正有定論也欲肆其害則極口醜詆而故違其心徇私結黨引類成羣漢唐宋黨綱之禍可立見也是在 皇上察其幾而亟反之庶賢者得行其志而世道可挽回耳此朝綱之不可不振者三也官邪既以不正則顛風波及下賤彼不得用之小人因而哄然蠢起幸邊疆之多事得以負戈從戎于其間流言道路惑亂聽聞而好事者又從而樂道之以遂其攻訐害成之謀誠不知其何心也又有一番罷閑官吏舉監生儒如樂新爐之類箴唐京師技入勢官衙內作文寫書四布投遞旋即送入報房令人抄報傳示

四方夫報房即古之置郵傳命以達之遠近者也非奉命者不敢抄今則朝奏疏而夕發抄不待命下而已傳之四方矣近日又有假劉世延一本論臣與位及兵部石星與李禎玩其詞頗不類世延語因查通政司並無有副本乃知儉邪小輩假此以誣詆善類其風豈可倡哉此朝綱不可不振昔四也劉世延以窮兇極惡之姿肆亂臣賊子之行中外遠近側目已久今一旦置之于法舉朝臣民無不歡忻鼓舞誦 皇上之英明神武而非尋常之所能測識矣然世延之惡虎狼之禽也其肆惡也顯而易見世固有心術險詖智巧艱深氣馘足以薰灼一時機權足以籠絡衆志壞朝政而不顧國家之利害者此蛇蝎之毒其肆惡也微而難知察之不早鮮有不誤人之國者此朝綱之不可不振者五也王人者尊利而布之上下者也孔孟大聖賢也

孔子曰放于利而行多怨孟子曰王何必曰利蓋防其源也利源一開則賄門遂開奔競之途啓攘奪之患生未有不亂者是三者貴五穀而賤金玉藏富于民而不藏富于國蓋人君以天下為家四海為富錦衣玉食瑤臺瓊室何所不有安用此無盡藏之貨寶充積後宮也此臣之所大惑也且利能令人智昏自古英明才智之主夫豈鮮哉一徇于利則志昏于得恣多取之念肆無厭之求凡可以濟民而肥己者無不為之此唐德宗瓊林天盈之積可鑒也彼世稱為何如主哉臣不願萬世之下致皇上之冒此名也即近日採礦一事一疏允之十疏繼之至有一省請開三十一處者小人之狡諛至此然生靈盡為國家謀我無非違君之欲遂己之謀徒以長奸民之釀亂耳余除開採已有成命外以後再有聞風潰奏希圖竊利者悉行禁止此

朝綱之不可不振者六也夫昔年星變既已兆其亂萌今復再  
見豈可幸其無應伏望 皇上軫念 上天仁愛之心為先事  
消弭之術祭臣出于愛國無以言為贅疣將所陳六事俯賜施  
行力加振作務使紀綱正而風俗還斯 宗社之福臣民之慶  
也疏入不報○吏部尚書孫丕揚以切責不自安疏再上乞休  
上命其馳驛回籍痊可起用○陝西總督李汶題青把都兒  
搶掠鎮番敘原遊擊以失事擬戍領兵官徐龍管隊家丁李朝  
選宰桑務三人深入破敵功乞行查勘覆議章下兵部○戊辰  
遣公徐文壁祭 歷代帝王侯郭大誠伯方燁尚書楊俊民范  
慎各分獻○大學士趙志臯六疏乞休 上以君臣大義勉其  
與三臣協忠匡濟為國任勞毋得自逸○准協理京營都御史  
沈思孝馳驛回籍病痊起用孫丕揚既去沈思孝劉道亨周孔



教周獻臣相繼求罷謂趙學仕一卽署以墨敗事經卽訊何以不俟到部而卽爲外補善地丕揚實主之既經南北交章論判乃無端而指閩臣去已蔽罪諸人乞并罷斥以釋險陂之憾上允思孝去而道亨等留○命太監陳增于山東沂州龍扒山虎頭溝三山洞等處開礦○命保定總兵杜桐填補延綏總兵○己巳下李宗城于法司從重擬罪以其辱命損威偷生惑衆爲兵科左給事中徐成楚奏劾故也○差錦衣衛僉書莊德福往楚府查明王弼家財○西華門樓工成○司禮監太監孫舉奏王弼家財十萬悉寄楚府俱經承奉司收管切恐承奉郭倫等先行逃遁武將玆寶等物轉匿乞勅撫按拘禁防守章下部院○戶部奏議閩株事宜在江文進則稱沂州礦有茶白黃三種繁者最佳龍扒山米家埠大銀場十三洞次之郝承爵則并

謂費縣膝縣石井大小銀場皆第一劉鑿稱登萊二府樓霞招  
招達等縣虎頭溝三山洞並裸金礦馬滑則稱文登趙良將稱  
臨朐王允中又言蓬萊福山師家溝陳莊掠口洞古集項鄒家  
庵全家圳杏樹坑石巷踏庵其江文進與郝承爵說稍同而山  
東一省裹採者六官其直隸之永平房山及河南諸所尚不在  
是夫一礦之開則曰以其半與民爲開鑿運送之費不領于公  
帑且云勿擾民相度山原有闢龍跡者勿動意豈不善而開採  
之釁一啓亦何得而問之乞以次開鑿勿并發于一特如煎採  
利薄間隙地方者罪之不報○南京大理寺寺丞陳應芳奏犯  
人趙學仕招情刑部尚書趙參魯辯疏蓋謂招詞必大理寺詳  
允然後具奏今于臣前後駁詞不一開列恐干清議謹直陳允  
收緣繇以備再勘章下刑部○准原任侍郎卞世威贈諡○勅

大監陳增并開山東棲霞招遠等縣金銀礦。○四川設印土倉  
安雲翔女土官者氏隴松各奏叛首安詔度越境擅殺職官乞  
勅擒剿章下兵部。○甯陝西巡撫賈待問織造愆期罪勅後運  
全數解進不許支吾潰擾。○免山東秋班官軍調京。○癸酉朝  
鮮國王李昫奏乞將原調兵馬于鴨綠迤西近邊地方暫行駐  
劄以為聲援并乞勅部裕餉以為兵行之計蓋自李宗城逃歸  
之後倭封之情形屢變一倭未撤而冊使之渡海日以為言或  
云沈惟敬被縛要挾多端故總督李化龍一面整理軍興集衆  
聚糧欲于全羅觀變朝鮮翼封之俛成而患兵聲一動封事必  
移故有是請章下兵部。○戶部題覆總督孫鎮議朝鮮設防以  
糧餉為先欲將東昌五倉米豆共一十萬餘發用人本部原發  
防倭銀一十二萬兩以其半抵年例餘暫留為朝鮮邊警應援

之助得旨如議行。刑部尚書蕭大亨以老病乞休不允。南  
京刑部主事劉冠南題狂熱肆惡等事。上諭今國家無事劉  
世延妄指星象妖言惑衆又詐旨擅造軍器動稱起兵入援征  
伐與反叛何異着南京三法司嚴等究問聽候處斷蘆洲事一  
併下部。查明張家灣官店八座差內官照例徵收。勅戶部  
礦場關係。陵脉處所詳細踏勘不許輕動。給河南開採關  
防從錦木衛指揮楊宗吾請也。留守後衛營所百戶王守仁  
恭進家財冊。上徹御覽以便差官查取。刑科部給事中侯  
廷佩疏楚府之奇託無因中使之違行必妄乞行追回成命不  
聽命奪俸一年。遣鴻臚寺官宣諭大學士趙志臯入閣辦事  
。甲戌先是行人司憲奉使朝鮮頗濫受贖物有左驗至是  
上命刑部追比折納銀兩解進。乙亥禮部覆懷柔伯卹典給

祭葬如例復原任刑部尚書舒化卹典給祭葬如例還加謚○  
丙子刑部浙江司犯人茅崇誥妻夏氏奏謂夫以代元父罪事  
無主名又繫不釋先死父母老將并死朝夕無以爲生願以身  
代夫受戮使夫得終孝養下法司○欽定九月初六日審錄重  
囚○兩廣總督陳大科題裁革海北鹽課司提舉章下吏部復  
准章○原任倉場總督邊維垣妻趙氏奏乞夫卹典○原任日  
講官劉虞夔弟劉虞龍奏乞賜兄卹典并給贈謚錄廢祭壘俱  
章下禮部○河南巡撫荆州土巡按涂宗濟奏停開礦 上報  
已有旨○給已故尚書吳允祭葬加祭一壇○南京四川道御  
史陳燧奏原任工部令轉戶部侍郎周思敬發奸庇奸從公  
勘問章下吏部○遼東巡撫李化龍三懇休致不允○原任寧  
夏巡撫李性大理寺卿周光臨被言乞勘下吏部○己卯廣西

邇接黃紀賢奏安南反履靡常而要領終歸約束與倭虜事具  
乞寬歲月再行詰勸如不妨以竊靡為義則姑少持重以俟機  
備必威嚴為功則至宜命將出師斟酌緩急指受方畧章下兵  
部○勅造河南開礦內官錦衣衛魯坤等各關防○補鑄楚府  
等府銅牌○庚辰兵部覆兵科左給事中徐成楚題將官論資  
論俸論薦數實四議皆簡妥可脩是以因時收弊如議行○戶  
部侍郎周思啟乞罷不取以不肖之身累兩京法司及冢輔諸  
臣以重其罪蓋陳陞泰思啟姑息以趨學仕多職而止引餘銀  
一十一百餘兩侵水腳銀三十兩且曲為之解或無遁同倚弊  
似為阿附前揆之意章下吏部○勅倪尚志以原官充顏守保  
定等處地方總兵官○兵部覆總督孫鑣條議形勢等事依議  
行○差中書余廷積造已故尚書舒化墳○辛巳南京兵部尚

書周世選以病乞休章下吏部○給河南開礦戶部關防○壬午命御史姚思仁往河南黃一龍往廣東各巡按○特賞山西巡撫魏允貞銀十兩是賞一事各違動稱要挾而魏允貞奇歲一市六年之賞補發于一日而節省至六萬有奇一歲所省足支六年之用雖奇歲近辛志登之才辦優而督撫之功著矣故特賜奏賞云○湖廣巡撫李得陽以病乞休章下吏部○癸未四川播州土司楊應龍子楊朝棟各進大木二十根以備大工之用下兵工二部○差工部司務郎明良領銀二萬兩往南直隸採買木植○增設河南懷慶府捕盜通判○命山東撫按接濟開礦地方并造地名入數兩奏報以沂州為天下第一礦洞故也○先是奏回青出土魯番吳域去京師萬餘里去加峪關數十里而御用回青係西域回夷大小進貢貨之甚難因命甘

肅巡撫田樂設法召買解進以應燒造急用不許延誤○給貴  
州巡撫郭廷梧祭如例○癸未命戶部督催各省直天工支費  
銀于當年解完毋得延緩○命陝西督撫衙門巡按御史將妖  
犯羅元即時處決為示張朝臣監候處決張諫等依擬發落以  
偽造天書妖言惑眾謀不軌為張朝宰張詔行所首刑部上請  
定奪○陞河南參議楊植為遼東寧前兵備副使山東參議岑  
應春為山西奇嵐兵備副使○乙酉革河南衛輝府昭城縣知  
縣宋汝牧為民汝牧以笞責親藩禮生逆斃杖下為巡撫參奏  
故有是命○命遼東巡撫李化龍在任調理以談鎮秋防事重  
故也○起原任南京禮部尚書王弘誨不允所辭○陞四川僉  
事張俊甲為四川副使分守川東道○陞戶部署郎中事王事  
賴宇坪為山東右叅議整飭遼東等處兵備○霜降節遣隆平



侯張炳陽武侯薛鉅武安侯鄭惟忠定西侯蔣達元豐潤伯曹  
允成南和伯方燁襄城伯李成功成山伯王允忠武平伯陳如  
松于 長陵 獻陵 景陵 裕陵 茂陵 泰陵 康陵  
未陵 昭陵都督同知杜惟忠于 袁冲太子 莊敬太子墳  
所患委伯張元善于 景皇帝陵寢各行禮○給原任總督倉  
場右都御史魚戶部右侍郎造維垣祭葬如例○應天巡撫趙  
可懷題應天蘇常等處災傷章下戶部○初太監王虎併閩深  
水房山等處礦洞○勅太監王忠會併閩永平礦洞○命工部  
暫停戰車修理○朝鮮國王李暇奏兩使已渡海報稱即撤四  
營之衆氛聞白留下釜山若干人衆益為叵測或因此別有要  
挾意起他釁為日後禍患亦未可知又要素小邪陪臣甚急令  
兩使屢次移咨勸諭是必審時度勢有不得已而然者已順差

原委查勘撤回倭營倭臣黃惟急遂渡海進隨兩使聽候伊情  
變動乞勅該部參酌預為極濟之地章下兵部夫督臣之請技  
備曾幾何時朝鮮以為無事而今復為此奏何事機之不定也  
○己丑改補原任右布政姚學閏為廣東右布政○命戶部尚  
書楊俊民朝審主筆○禮部題九月初一日進二十五年祀冊  
服色原從吉以仁聖皇太后梓宮在殯服色尚未改故奏如  
常行○辛卯大學士趙志昇等題陞右春坊右諭德兼翰林院  
侍講劉應秋左春坊左庶子兼翰林院侍讀字本坊印信陞司  
經局洗馬兼翰林院修撰朱國祚右春坊右諭德兼翰林院侍  
講字右春坊印信陞右春坊右中允兼翰林院編修邵德溥司  
經局洗馬兼翰林院修撰字管司經局印信陞翰林院修撰唐文  
獻右春坊右中允兼翰林院編修報可○壬辰給日講官劉虞

受祭葬如例其父判崇文谷一壇母合葬○西河王泰將故祀  
資產進獻助工 上命會同撫按官查明具報○工部覆浙江  
巡撫劉宗霖巡按唐一鵬題織造龍袍缺少工料乞賜寬運暫  
停改造借留戶部米麥折抵銀查添戶部找糧稱係每年進  
貢金花額不可缺難以准借停造又係現缺應用二者俱難准  
從乞將五運之數或每年一運或又分爲十運則工料稍舒而  
指處易爲力矣 上曰這織造袍段係供 上用難以停減偏  
每既稱財用缺乏無稅設處且准將五運之數每年一運照舊  
春秋二次起解再不許延候資援○兵部題亂兵平定等事  
上命給賞勳總督孫鑛大紅飛魚一襲銀五十兩後遼東捷  
功併敘順天地撫李順陞兵部右侍郎照舊巡撫賈紱絲二表  
裏銀四十兩總兵王保陞實授都督同知詹一于試百戶不世

襲仍賞銀三十兩其餘副總兵陳霞字如樟遊擊陳雲鴻李金  
恭將管一方方時輝遊擊王必迪兵備方應選郎中李開芳各  
陞職賞銀有差○擇九月十七日辰時 皇太后待宮撥引二  
十二日卯時入金井捲土本日午時 神主入 大明門二十  
八日午時奉安几筵○兵部題山東原借留班軍一十名仍到  
京補班着役毋得延緩致誤大工并准徐撫按題催班軍一體  
起解從之

明神宗顯皇帝實錄卷之三十一

大明神宗顯皇帝實錄卷之三百二

萬曆二十四年九月甲午朔應天巡撫趙可懷疏債不敷乞原  
題戶部開稅米布草折等銀暫行那用章下戶部○乙未 聖  
母孝安皇后梓宮發引到 山陵內官監太監盧寵復捲土尚  
膳監太監黃恩復題兵部給飛騎馳報○兵部題陞山西叅將  
周一乾為著都督僉事神機營右副將○起原任山西叅將姚  
國忠為遊擊管山西東路代州等處左叅將事○丁酉 孝恭  
章皇后忌辰遣官祭 景陵○陞宣府鎮撫姚九疇為宣府守  
備○准原任南京兵部尚書楊成以原官致仕○戊戌兵部復  
劉瓚准授散官縣騎將軍及母喪請命○山東巡撫張允濟乞  
留班軍准暫留防守○雲南巡撫馬鳴鶴奏停止開礦 上勅  
用心防護隨宜區處毋致滋亂○兵部尚書石星奏少延殘喘

以果束封事 上諭卿偶疾不妨調理痊可卽出供職印務不  
必辭○陞陝西僉事李日茂爲山東泰統分守朱寃道○命太  
常寺少卿鍾化氏量陞都察院右僉都御史巡撫河南向以賑  
荒之役大有施于中州故有是擬久不下閣臣趙志舉以爲請  
至是報可○起顧養謙都察院右都御史兼兵部右侍郎協理  
京營戎政○工部奏河工告成宜加錄敘以酬積勛如楊一魁  
褚致季戴沈思孝徐作呂鳴珂故天秩樂元聲張企程蔣泰芳  
楊俊民荊州土張允濟楊元訓况上進涂宗濟等及袁光等七  
員黃金玄等六員及有司官共效贊襄供應分別陞錄廢故卽  
一手一足繫常酬養以竣通濟護 陵分賞導淮之績○兵科  
著科事刑科左給事中徐成楚奏東夷抄花卜官顧花大等會  
合五路并西夷頭目以兒郎等子哈歹額力素聚兵安從廣寧

鎮靜堡等處入犯東虜起立光等大小頭目共聚精兵二萬餘騎東虜黃達子哈剌哈銀燈領一萬餘騎俱要犯搶廣寧昔高平之役大將首鼠觀望賴撫臣嚴行振刷方始交鋒遂成奇捷今除縱寇各官通倭虜逃之日計酌功罪議處乞勅兵部移文遼鎮剋期驅剿據實奏聞章下兵部○己亥戶部題發陝西下馬關等營新召丁馬月餉○山西巡撫魏允貞請停礦役以光聖德以安民生謂開採之說獨二三武弁言其利而舉朝爭之不得竊謂礦自開闢以來常有之曾不聞古聖帝明玉間之碩輔良臣言之果有之何經傳不一免也而大學之言大道尚書之言不殖王孫困之對簡子齊威王之折魏惠又何漂漂也惟陛下以堯舜湯武之政為法以天下四海之富為家誠無所藉于此即大工之舉自有戶兵工三部為之計畫又軍事



宸衷之重而羣小之紛紛我矧此時水旱適于周秦之郊天  
鳴地動星流氣射之異四方日報外夷匪如中外軍興而嗜利  
小人借間採以肆饕餮倚公役以拓私囊倘榮錄中作決烈患  
生應之交忙而曠夫役留為禍尤長然後求投珠抵璧之說用  
之晚矣即必不可已且先試之一方較其有無多寡漸議舉工  
毋令四出誘張使天地之氣耗而民生之害滋也不報○山東  
巡撫張允濟奏既欲防曠并欲防倭內指言陳增奏下史料給  
事中戴士衡復疏內監招權漸不可長並陳增疏云一應事宜  
聽臣便宜行事事竣之日將所委文武職官會同撫按分別舉  
劾魯坤疏曰各官既承任于臣宜有所轄故科奏極言漸至之  
患以折其萌不報○改景東衛儒學屬景東府○命兵部曉諭  
防護 聖母孝安皇太后梓宮執役官旗夫匠人等都守法度

不許延通傷人回參及放馬匹作踐亦不許擾亂居民偷盜財物及爭競喧鬧或奸頑逃躲不來赴役耽誤事務仍者緝事衙門訪拏並許受害之人首告拏來從重治罪其該管人員鈐束不嚴一體治罪○命錦衣衛并五城兵馬填墊平治京城街道至德勝門外土城以待 孝安皇后梓宮經過○禮部題十月初四日 中宮殿下千秋令節命婦朝賀免○庚子禮部題火真等首入犯官軍斬獲有功以大捷告 廟 上運公徐文壁祭告 南郊伯朱世雍祭告 北郊駙馬侯拱宸祭告 太廟、總督李汶巡撫賈待問總兵劉綬各陞敘廕及僉事張棟參將周國柱以下有差及本兵石星李禎余立等叙火真入犯將士首虜功也○初駙馬侯拱宸充奠獻使護送 孝安皇后梓宮大學士張位題 主尚書范謙監禮○壬寅雲南巡按李炳

奏左布政使楊芳却麗江府土官知府護印聽叢土舍木青賄  
銀一十兩乞賜表異以風群吏章下吏部○癸卯禮部題 孝  
安皇后靈柩至 陵之日遣僕張炳祭告 后土僕薛鈺祭  
天壽山伯未繼勳等九員祭告 長陵等九陵○禮部題 孝  
安皇后發引給官軍人等行糧鈔錠○刑科都給事中侯廷佩  
奏 孝安皇后梓宮在瓊今年暫乞停刑○巡視蘆溝橋御史  
蔣汝瑚奏東西河南稅查閱地圖分別疆界謂陝南從小直沽  
河入者應報東河而山南南自五臺山運木絲新落河至趙堡  
口謂之西河與小直沽相去遠近而前旨并入東河則西河之  
稅虛而御史可以不設說與管河郎中格不報○甲辰兵部題  
孝安皇后梓宮發引提督大臣四員總督京營戎政秦寧侯  
陳良弼中府掌印兼管大將軍靖遠伯王學禮左府僉書寧陽

侯陳應詔名府僉書彰武伯楊世楷如擬○總督漕運褚鈇奏  
再議分導未盡事宜修陳塞黃洞等事章下工部○山西巡  
撫魏允貞奏革慶成王府輔國中尉新墳馬廐人送閑宅以其  
致死人命抵罪○乙巳吏部題改原任湖廣提學薛士彥補陝  
西提學僉事○差御史喬廷棟往真定巡按○丙午太常寺題  
十一月初三日冬至祀天 上遣公徐文壁恭代○伏差伯  
毛國輔卒弟毛國器奏襲爵章下吏部○戶部題賑濟真定府  
武邑安平二縣災傷發倉穀九百石蠲免大名府長垣縣秋糧  
四分支倉穀一千三百六十五石易銀抵補災免之數依議行  
○戶部題應賞布花軍士人等木折色如數給○丁未禮部題  
十月初一日頒曆百官朝服祇領○遣行人王修儀封王府黃  
吉士彭德王府李朝寅南康王府各掌行祭禮○遣行人曾守

身與原任尚書吳允造墳。戊申諭禮部朕自閏八月初旬偶  
爾疾疾深注左足動履不便令大行皇妣發引不能恭行攀  
送不勝哀慟着遣真獻使代行卿等還傳示務安虔潔敬慎恭  
誠供事。命內官陳增并開山東文登縣礦洞王虎并開房山  
縣礦洞。己酉大學士趙志皋等題人主之孝以尊親為大  
事親之禮尤以送終為大。祖宗舊典至尊以社稷為重  
固無遠送之禮而親捧神帛朝祖及躬送至承天門則累  
朝遵行未嘗有改。乞勉強一行成此送終大事以垂聖孝於  
無窮奉聖諭覽卿等所奏朕知道了。攀號送終大典孝道以  
光朕豈不知疾流注足屢服藥餌以致軟弱且足心踵痛不能  
蹈地朕保養此身祇承社稷宗廟之重竒耳昨諭着真獻  
使代行供事實為不得已之情即今哀痛不已非敢不重母

表以圖使安以貽讒議也卿等為朕輔弼股肱宜體悉之。是日以發引祭告 諸神廟祭品賜輔臣。○庚戌吏科署科事給事中劉道亨題江西分守湖廣道叅政張世則不職既經部覆調簡僻用但以才守無用之人止調簡僻簡之民吳罪馬通來市恩遠怒之情多而梅法叅處之人少江西此舉可謂大破拘學矣然論列既未盡其過端處分又不符其罪狀乞行罷斥以馬貪墨之戒章下吏部再議。○太監王虎叅奏保定巡撫李盛春阻撓閹株 上嚴旨切責朝廷差官開礦以濟國用李盛春如何玩視不遵又捏旨惑眾擅驅商賈騷擾吾民好生違慢本需重處姑從寬其所拘執之人速釋應役。○吏部左侍郎孫繼臬刑科都給事中侯廷佩俱乞 聖躬親送 母后以全大禮留中。○禮科左給事中張正學河南等道御史陳遇文等各奏

請 皇上扶病勉出以光 聖孝俱不報。戶部覆應天巡撫  
趙可懷奏留閩稅等銀以濟織造將蘇松二府布折銀兩漕折  
銀兩宗人府折批銀兩准議留通融分發二府供辦織造其庫  
貯事例與浙鹽閩稅俱不許濶借從之。辛亥三邊總督李汶  
題狡虜突犯將士奮勇血戰拒堵邊外斬獲首級行巡按御史  
查勘陞賞。又恭報大捷寧夏舊威鎮堡達賊入犯官軍斬獲  
三百二十六顆俱下兵部。壬子山東巡撫王允濟巡按王立  
賢各陳地方艱苦之狀乞罷閩採俱宸旨切責不允所奏。禮  
部題十月初一日孟冬享 太廟遣公徐文壁代侯徐文煒伯  
朱世雍分獻。差欽天監副榜如常往淮安府改開堤溝。准  
鄆城王戴端出廓送先安墓勅令當日即回。禮部題韓王朗  
琦孝行著聞 上諭韓王孝思純篤樂善施仁懿行著聞既經

勘實照例寫勅差官獎勵有司具綵幣羊酒并給典坊扁以示  
表異○鄭陽馳撫馬鳴鑿乞留上班官軍防礦章下兵部○癸  
丑原任鴻臚寺主簿今致仕張以述恭獻白鹿一隻銀一千兩  
助工 上報聞白鹿者該監喂養助工銀兩送部收用○昌平  
兵備陳一簡奏奉 明旨行愚衷等事 上曰朕已聞地圓通  
礦洞離 祖陵寫遠與龍脉無妨着遵旨即便開採其防護等  
項照屢旨行不許又未潰擾○甲寅巡視西城御史何爾健奏  
奏原任鴻臚寺主簿張以述罷閑官員違例潛京 上命釋之  
○乙卯兵部題日本山城州等處地震山傾海嘯壓溺焚死倭  
衆萬餘人雖為彼中變異而詔使員役未損一人倭衆益加叛  
畏且聞白婦各清正阻封航延日月以致異變衙宇傾頽人民  
多死為 天朝譏笑已擊清正誅戮待衙宇修補方請冊使入



城報聞。差御史蔣汝瑚巡視山海關。使通灣官店稞糧命  
司禮監查差張燁同起承勅前去體勘。太常寺題十月初一  
日孟冬詣 聖駕親祭。上遣公徐文壁代。湖廣道御史畢  
三才題請遣伯王學禮子王維科色服騎馬不行迴避。孝安  
皇后侍宮。上命法司提問。丁巳大學士張位恭後題。主  
禮成。楚王華奎奏王守仁非係王弼親裔。寄贖財物皆屬虛  
誣。假以進助馬名希圖承襲。乞賜研究。明正典刑。以爲欺  
君之戒。不報。南京刑部奏誠意伯劉世延預逃三期。候緝。章下  
祈司。浙江巡撫劉元霖議裁各省監苑官員。上命照舊存  
留。戊午湖廣巡按趙大炳奏楚王請令選官掘搜。疏入不報。  
己未保定巡撫李盛春奏內臣王虎騎橫受賄攬棍橫行。恐  
釀邊關大害。疏入留中。總督薊遼孫鑛題趕免白馬關失

利之後集差部夷在开連口等處撲殺擄夜石塘口副總兵戴  
廷春西路協守副總兵李芳春親統三屯營千把總羅文等密  
雲右營副總兵梁文軍門中軍副總兵高策等于石塘嶺關在  
陣斬獲首級九顆恭報章下兵部○勅王虎等會同該道分委  
廉能官全採房山礦○差太監田進開昌黎礦○庚申兵部題  
遼左之勢倭犯絲海旅順為衝必須添設水兵陸則南有金復  
東惟鴨綠地十餘里安能無所不防惟俟朝鮮報警之後而後  
州兵將移之金州金州兵將移之黃骨島岫嶽設一備禦增五  
百土兵九聯故址新築一城名曰鎮江以為備倭之計從之○  
薊永開礦戶部郎中戴紹科奏費用孔亟礦政高微 上諭分  
技開採○差行人張敦復往陝西與勵韓王孝行○辛酉 孝  
安皇后神主回京詣 奉先殿遣奠獻使侯拱宸恭捧 神主

行禮○兵部覆總督漕運尚書諸缺巡按直隸御史蔣泰芳等  
題揚州地方切近江海新設遊擊一員以防聞白其分守揚州  
遊擊袁世忠新改天津遊擊但人地相宜久任近例乞將袁世  
忠仍分守淮揚其天津遊擊陳望東照舊留用報可○楚王華  
奎再奏百戶王守仁誣罔謂王樹止從藍玉出征則偏裨耳而  
世所不經見之實以千計及坐監玉黨逆被戮而餘金以數百  
萬計庄田地以八十計同事之所必無且王妃之死與王鑰之  
撫時差二十四年王奎于先前之妾爭已抵詔獄而楚府于武  
崗王之攝已經多官盤閱數世之淨銀止十八萬何得復有數  
百萬又云積年之租銀至八百萬此輩小人虧 聖德而殘懿  
親傷國體罪應殊死不報○原任戶部侍郎裴應章以疾辭任  
不允○南京刑部奏審錄重囚 上命照例會官處決○壬戌

大學士趙志臯等題 皇妣孝安皇后神主還京奉安禮成仰  
惟 皇上孝通神明常遵典制尊親大典既置備于 慈闈在  
御之時孺慕深懷尤殷薦于 薦馭升遐之日茲者祔 梓宮  
于陵寢歸 槩主于几筵大事克襄 懿靈永安既送終而靡  
憾念追遠之宜覓况頃承 宸翰知 聖躬方在調攝且近過  
冬寒于時尤宜保衛伏惟 皇上抑情理性順序頤和崇護  
宗社神靈眷顧之身俯慰寰宇臣民瞻戴之願 上諭朕以足  
疾不能恭行攀送奉迎之禮致缺大典深自痛恨覽卿等所奏  
悉見忠愛憂慮至意

明神宗顯皇帝實錄卷之三十二

明神宗顯皇帝實錄卷之三百三

萬曆二十四年十月中子朔 上頒賜四輔臣與日講官曆日  
各有差○兵科答科事給事中劉通亨奏奏戶部四川司前外  
林世吉戶部廣東司主事滿守正工部司務黃崇學刑部河南  
司主事曹可東俞縱章下吏部議復○巡視太倉銀庫史料科給  
事中等官張正學等奏奏戶部前外林世吉郎中何瑛俞昂不  
謹章下吏部議復○乙丑 孝潔廟皇后忌辰遣官致祭 永  
陵○丙寅工部覆直隸監察御史蔣春芳題河工告成善後事  
宜條為一十六款乞初河漕部院等官遵照施行一築堤隄以  
障潰決一切新河以禦衝刷一截淤隔隄以縱洩流一截落清  
口以防壅塞一疏舊家河以分橫流一開五港口以助宣洩一  
建減水壩以分暴激一積物料以濟緩急一設鋪舍以處夫匠

一議修閘以杜陵患一復淺船以疏河身一填泗城以護  
陵後一治溝築以興水利一塞黃咽口以防河徙一固王公使  
以保漕築一專責成以臻審效其說與漕臣合部覆如議而後  
復有會勘之議○工科著科事刑科給事中李應策奏河漕意  
見稍分乞勅協謀以急國志事部議黃咽口之決西南也在蕭  
場墩宿則病于淪沒在徐州至宿連三百三十餘里運道崎艱  
故漕臣階缺謂黃咽旁決太多徐邳之河幾奪以塞咽口為第  
一義河臣楊一魁謂決口至一千二百餘丈深三丈兩岸沙浮  
築塞回難措手難下棍捲築猶之無益河性趨下勢不可回况  
往年全河盡注徐邳下流壅塞鎮口狹秋每患灌淤今年黃咽  
分流纂淤得決既于鎮口有補又于運道無傷惟當于水濕地  
向築草壩制木閘引諸湖之水以濟日前濬小河口增築連堤

通雖省一路之整護慨四萬年之脉蓋漕自主運河自主各  
自為見而方經膏脊之餘遽為異同之見故不得不再行折議  
者也○太白盡見○丁卯河道尚書楊一曄漕運總督褚鈇各  
奏辭登 上以治河底積加恩已有戒命不允所辭○工部覆  
工科給事中楊應文題參兵仗尚奸商張澤等侵冒錢糧以復  
各監勾套討錢糧保舖尚上納者勒巡視科道監回驗收并用  
印信揭帖以防奸偽從之○冬立祀 天免百官受戒宴○戊  
辰禮部等衙門尚書范誦等日講官劉元震等太常寺等卿范  
喬等吏科等科給事中張正學等浙江道御史周孔教等俱送  
耕宮回還恭慰 聖懷○給太監田進昌黎開礦關防○已  
巳大學士趙志皋等題臣等竊惟吏部缺尚書該部會官議推  
後已經再疏中請臣等亦為代請迄今已經二月未奉 明旨



黜用日切仰望且復交責臣等不能代請今吏部之疏又再上  
美臣等安能然然已乎大國家設吏部尚書以為六卿之長掌  
百官之命否然所以肅官常以勸吏治官為獨尊權為獨重與  
各部所司我糧典禮兵馬刑罰營造止於一事者不同也其職  
任既不輕其遺選亦不易合凡卿科道公同推舉又必推舉四  
首以備選用其慎重如此近日之推蓋密考其生平參之輿論  
亦嘗諮之臣等而後奏之 宸覽無一毫之可疑者 皇上久  
不黜用而以侍郎珠離臬權者部事然侍郎之署管可暫而不  
可久可以舉行常事而不可以擔當大事蓋權非專主則體統  
不尊威望不立動多掣肘曠畏易生如吏胥緣法以為奸棍徒  
感衆以射利前日之誣騙詐害者可鑒也此猶其小者至近而  
百司底僚遠而四方羣吏其縱恣不節如臺省刑殫撫按論列

者不少若不有冢宰一官以董治庶寮之安望其一舉公守  
法不負國家之任使豈譬之家然家無主而使共子弟代之欲  
其截然整齊各就約束亦難矣蓋各部可以暫攝吏部決不可  
以久代誠有如侍郎孫繼舉之所請者 皇上英明神斷豈念  
不及此哉至于選司郎中亦不宜久缺部中之事尚書主其綱  
選司理其目若頭目之與手足不可相無者也伏願 皇上俯  
從部請即將會推四員欵點一員俾到任管事又將選司郎中  
一併點用管理司事然後將在外官員令其次第推補此  
今日第一要務原擬泰國環東貞吉蕭大牙皆一時人望故聞  
臣力以為請○改長前堡備禦為遊擊移駐鎮江城地方以河  
南巡撫標下遊擊李都填補○陞都司僉書管廣東虎頭門寨  
把總事劉宗漢為壽梧等處叅將○差序班魏寶秀徐鳳翔往

浙江買鷹平等木。○庚午陞福建副使楊濟惠為湖廣叅政。○  
刑部覆兵科徐成楚奏被逮使臣待命日久。上命李宗城監  
候刑部先核李宗城回在奎營經十四月而闈白無一語相通  
又云防範漸密供應日減則傳言沈惟敬之執固亦宜然而云  
中軍楊貴子總謝隆俱向宗城泣訴謂闈白志不在封要稱兵  
內犯又云內有頌言不一則要挾之狀可知宗城稱于懼而逃  
并失符節罪亦安所寃哉然以多証未集故拘而待訊。○刑部  
奏訪復事。上諭熙典乃祀神之事甄常照等輒敢禁地搭竊  
熙銀大肆不救着加等斬罪監候處決傳常戴等都發烟障地  
面永遠充軍。○蠲陝西金縣秦州秦安會亭秦州街蘭州街二  
十二年以上逋賦河州漳縣甘州中護衛臨洮衛鞏昌衛狄道  
渭源伏羌階州隴西河州街階州十戶所二十一年以上逋賦

○戶部題徽州府稅契銀俱照各省直每兩三釐起數原稅每兩二分以其獨重議改從之○戶部題雲南賦役各將應徵稅糧徭費數目增編後每歲實省銀一萬六千八百五十餘兩黑白安五律提舉司原編歲用并續增應朝路費每歲一裁省銀六百九十三兩著為令其總理左布政使楊芳等應加紀錄從之○辛未革江西左布政張世則職閒住以吏科給事中劉道亨再論貪肆故九○吏部題河工諸臣楊一魁褚鈇徐作等各陞敘痊疎如工部議報可○刑部尚書蕭大亨疏言御史曹學程為議東封一事冒觸天威已經責問乞免擬超釋上怒曰曹學程抗違詔旨違難忘君無忠義心着遵逆臣失節斬罪監候處決○免令至節命婦朝賀○命太僕寺給與互市節省文武官員銀兩○刑科都給事中侯廷佩申敘累臣曹學程謂

持節而逃者身且有完膚為逃而謀者臂乃無完肉今學程告  
荒獄中使 皇上有殺諫臣之名大臣有順上旨之誦即來事  
果竣亦非完典不報○壬申戶部題每年十一月初一日起至  
次年正月終止命各兵馬委每日糞粥賑濟貧民本部發銀太  
倉發米務要人人沾足從之○都察院左僉都御史郭惟賢奏  
摘陳風紀切要事宜乞賜採納一曰行取不宜久停二曰言官  
不宜久繫三曰臺臣不宜緩補疏入留中○陞四川松潘東路  
遊擊王元周為本路叅將○陞南直隸柘林把總署指揮僉事  
藍芳威為河南巡撫標下練兵遊擊○工科給事中楊應文奏  
乞查 陵工預支工價銀核實收以清姦弊章下工部○贈原  
任刑部尚書舒化太子少保○癸酉衍聖公孔尚賢奏曲阜  
知縣孔貞教罪大惡極不思不孝欺 君者三背祖者二乞行

視職履治其罪章下吏部○命侍郎曹朝節充講筵侍班官○  
甲戌大學士趙志臯等奏御史曹學程繫獄日久屢欲懇請特  
恩寬釋然意 皇上咎其所言未當或姑禁繫困苦以示懲創  
致未敢遽陳昨見刑部疏謂其體傷甚楚捧瘡潰裂淹禁患病  
狼狽可憐竊謂 聖慈垂測必當曲貸不意嚴旨迅發臣等咸  
相顧錯愕以爲 皇上寬仁御下從來未嘗輕加人罪如此且  
學程乃言事之官以言人罪尤非盛世事是以敢不避雷震呼  
天而有請也學程言語不倫致干 天怒臣等不敢更爲辯解  
但據政體言之人主以三尺之法整齊海內雖威福生殺歸于  
獨斷而擬議必定于刑官輕重必裁于律令正爲示天下以公  
也見今司寇諸臣忠直不阿奉法惟謹若律例有可擬之罪豈  
肯縱以違 上命又豈敢代爲解說而觸 上怒哉正以原情

定法如是足爾而不謂 天威嚴誅之遽至此也且學程身係  
言官所論者國家之事即狂慙妄發不能無罪但身無差遣之  
命非有所違抗而解避慎重科臣之行意在隨事而効忠令若  
以踈謬妄言褫奪降黜已為過甚矣馬有大辟極典而可輒加  
之于朝廷設言官為耳目寄也今論事一不當遂加重罪豈但  
失法之于其于清朝治體不大有累耶臣等既叨輔弼竊念此  
事關係甚大何敢畏威緘默不言伏望 皇上擴天地之量垂  
父母之慈俯察臣等所言赤心無他將曹學程罪從末減重加  
譴罰庶刑法允當人情咸安不報○乙亥工部題漕河黃塌口  
應塞應止公同會勘報可○丙子兵部題勘過白馬關功次總  
兵官王保副總兵李芳春等紀錄陞賞嚴諭虜王約束趕首撫  
賞悉照原定額例不得分外加增如議○陞貴州署指揮仝事

柴南仁馬四川遊擊○兵部題榆林鎮羗堡懷遠堡功次紀錄  
總督李汶等賞孤山叅將王威銀十兩○刑科題處決重囚已  
經三覆本 上命使行決○廣東道等衙門監察御史况上達  
等題慮囚符名籍開坐請決 上報乙有旨暫免行刑令繫獄  
如故○丁丑刑科給事中侯廷佩等乞推廣停刑普及天下不  
報○吏科署科事給事中劉道亨奏嘉興縣知縣陳儒防簡  
甚疎主事褚繼良代金圻請託乞賜議處以警官邪章下吏部  
○橫嶺開礦錦木衛千戶鄭一麒奏地方官員欺 君蔑皆叅  
將梁心守備李獲陽得旨梁心等阻撓礦事違背 上旨錦衣  
衛使差官較孛解未究問李獲陽姑且降一級在彼待罪管  
事務遵委旨行慎加防禦協同開採不許仍前抗拒踈慢如若  
故違別有事端定行重治不饒其圍山地方令王忠查核一併



間株 上諭戶部便行文傳與各差開礦內外官員務遵旨親  
押原奏官民在見開礦洞處所督理巡視其各該地方官不許  
抗撓俱遵委旨行如有違拗疎慢定行重治○戊寅兵部題錦  
州遊擊栢朝萃弟寧遠舍人栢朝楫承受伊先斬首功級以弟  
承先例應量減二級詎襲指揮僉事其栢朝柱恩陞二級改正  
歸一止應栢朝楫陞授正千戶從之○都察院左副都御史張  
養蒙奏三輕二重一曰部院之體漸輕夫六卿分職八柱承天  
誼取股肱象司喉舌 祖宗朝于部院大臣如劉大夏戴珊等  
膏面召商確政事有奏必允體貌固甚重也年來似漸輕矣或  
虛其位而不補或用其人而不任如冬官一曹嘗以臣卿專署  
乙為異事乃冢宰何官四年三易銓衡正位數月虛懸不知統  
百官均四海果可令代庖否恐人心未易服也劉世延罪惡貫

蓋法司奉旨議奏詞嚴義正竟爾留中主事劉冠南疏入即發  
何小臣聽而大臣不聽單疏下而公疏不下也以至戶部三疏  
諫開礦不納臣院九疏催行取不報甘苦異味喜怒殊情爭正  
事則十疏而九不行遇正推則十人而九不點此等機局若示  
之趨下士爰寵榮上士爰名節矧大臣師表百吏以道事君倘  
非甚不肖誰肯以待盡之餘平而喪難保之晚節也 陛下奈  
何輕之至此忠盡者憂于見疑各思解綬浮沉者幸其得計  
相率彈冠此幾分而國事將何賴乎臣願 陛下重部院之體  
勿再狎侮且慎簡名碩亟正冢宰之位用者任推者黜隨事執  
蹇者欣然樂從庶部院得行其志而紀綱不患于無統矣一日  
科道之職漸輕夫給事中專司叅駁御史獨任糾彈七品卑官  
百官震肅 祖宗朝廣設耳目正所以防壘蔽之奸職守固甚

重也年來似漸輕矣舊綱者有賢有否不知其盡綱之絲新勾者有語有然不知其混勾之故五科都給事中久虛不稱自昨年始御史曹學程久繫不釋自今年始西臺東省列署半空一薛居州所敘能幾行取定例也中行推知等官歷俸有逾六年者屢請屢格是不欲言路之充也復除常典也給事中羅棟項應祥御史馮應鳳趙標等屢催屢闕是不欲言官之入也人各有心人各有口果朝政無闕寧須設隄防苟有可言豈必臺諫批項下之鱗請高方之劔耿耿烈士何代無之先朝羅倫海瑞固皆自別衙門出也陛下奈何輕之至此徒使唯唯諾諾之風成蹇蹇巧諂之士連豺狼利于不問狐鼠便于縱橫此幾分而國是將何定乎臣願陛下重科道之職勿再摧折且亟下行取之旨以求忠諫之助除者允繫者釋前後削謫者酌量

起用庶科道得伸其氣而紀綱不怠于不振矣一曰撫按之任漸輕夫撫臣擁旄專制按臣持斧代巡一路生靈惟其造福祖宗朝有專設有特選信任固甚重也年來似漸輕矣勿論臧克舉劾等疏往往見格即如開礦一事各該撫按無不嚴旨切責然猶曰君父有命不敢違也鄭一麟一十戶耳輒奏督撫孫鑛等泥玩是十戶制督撫之命矣王虎一中貴耳輒奏巡撫李盛春誣捏是中貴制巡撫之命矣紀綱不倒置乎夫曠天地所生之財非撫按之私財也夫民祖宗所授之民非撫按之私民也若祖宗之民採天地之財以結貂璫之歡而通陛下之意苟可覲顏誰不攘臂願肯忤近倖抗至尊以取愆戾哉誠懼其生事釀禍以貽陛下之憂而甚異日封疆之重罪耳宦寺之忠非可望于風憲之職陛下不惟不納其諫又從而

怒辱之一端得志諧端效尤一處鴟張各處虎噬巡撫歛手又  
何有于監司縣官奴顏又何有于佐吏陛下之赤子將無人  
做主矣且撫按所以能彈壓四境全仗陛下寵靈恃有此威  
重也假令平日體已褻矣威已輕矣曾一武弁中貴之不若矣  
萬一山洞騷然變起卒以採過不暇之巡撫而欲責以必勝之  
方畧治軍則軍不畏戢民則民不服氛霧交飛誰執其咎此時  
雖食啖其肉亦何救于敗乎臣願陛下亟重撫按之權勿再  
惑于讒倖之說凡開礦地方聽彼便宜約束差出監衛各官但  
有不遵詔旨縱下擾民仍聽彼其實叅奏處治庶紀綱有寄而  
禍端可潛消矣一日進獻之流漸重夫有道之君不貴異物匹  
夫愛感厥有常刑故周武拒竅漢文却馬史冊美之穆王受白  
狼白虎荒服因以不至通采市井之佞抑何紛紛也名藉大工

實探 上意今日經歷捐俸若干明日儒士助銀若干此輩出  
身支香糊口何顏悅首書札剝髓何從然猶曰小人獻芹或無  
他望至于王守仁捏無影之寶貨蓋欲騙久絕之僕封也而使  
陛下恩薄于懿親張以迷購無用之白鹿蓋欲復已褫之主  
簿也而使陛下德損于玩物部臣糾之不聽巡城御史糾之  
不聽業已明示好惡大開受獻之門媚于小人狡袂競起恐有  
無耻之近臣獻靈瑞賦頌以博寵幸者矣恐有觀蒙之達臣貢  
珍禽奇獸以希分外之恩者矣恐有敗節文吏犯贓武官馮藉  
錢神妄冀特准致用者矣更恐上行下效殆有甚焉海市可趨  
水山可倚咳唾可成雨露矜矜可戒癩痕其究將使黃精白蠟  
悉入篋篋義于乾鬼濫登掘聞不至如嘉靖末年之海內濁亂  
不已也書曰不矜細行終累大德詩曰爾之教矣民須效矣臣

願 陛下寡嗜欲端好尚正王守仁欺誑之罪以睦親藩下欲以迷于理以馮匹夫熒惑之戒再有進獻瑤巧珍奇者重法不貸庶紀綱一清而侍門可求塞矣一日內差之勢漸重夫虎賁緞衣自周已備列在御但供掃除我 太祖戒內監之官不許干預外事何其嚴也浸淫于正統之初濫觴于正德之季賴世宗英斷一掃而革之海內蒼生始獲甦息 陛下在御二十四年而天下宴如也邇來中使紛然四出矣有關礦者有勸寄者有查店房者尚且乞請之章無一日不上批答之旨無一日不下矣夫細人之心先利則動 天子之貴豈當患貧惟 陛下有藉大工以實內藏之心故左右藉京弁以營差京弁藉左右以圖利捨成團套誑惑 聖聽 陛下方厭外臣動多引例阻撓謂幹辦家事必須家奴一聞武弁之言喜有可據陸松等

請差內相卽差內相趙承勳請差張燁卽差張燁百言百聽如  
取如揭直衛弁皆急 君之義士而朝紳盡國之逆臣乎  
陛下試思二十年前 聖意未動之先何京弁掖璫無一人一  
子及礦店等事乃今違章累奏指地坐名其爲交結違逆意亦  
可見惟是巧伺之黨實煩有徒肘判頭鑽靡所不至必將以小  
信而飭其大詐以小忠而濟其大貪採礦不已漸及採珠皇店  
不已漸至皇庄繼而營市船繼而後鎮守內可以謀坐營外可  
以謀監軍正德弊風其監不遠恐非 社稷蒼生之福也臣願  
陛下早燭羣豎之奸慎于再遣已遣出者宜卽召還或嚴加  
戒飭勿得信憑牙爪痛毒地方庶郡縣得保其命而紀綱亦不  
至凌替矣疏入留中己卯戶部題浙江杭嘉湖三府水災照  
被災分數全年改折有差○業遼東總兵官童一元任馬兵科



胥科事徐成楚所奏也。○革戶部員外林世吉任馬民刑部郎中。曹可東冠帶閑住。戶部郎中何瑛降二級調外任。戶部主事潘守正工部司務黃從學俱革任。聽勘。○庚辰差御史周盤往淮揚巡按。○陞詹事府詹事魚翰林院侍讀學士掌翰林院印信。余繼登禮部右侍郎。魚官日講。○陞湖廣叅議章邦翰廣東副使。巡視海道。○陞廣西叅議林震四川副使。分巡川北。○南京刑部尚書趙參魯以人言乞罷不允。○辛巳。誠孝昭皇后忌辰。遣官致祭。獻陵。○換給工部右侍郎徐作閣防提督工程右都御史。○壬午吏部題革曲阜知縣孔貞教職。聽勤于本宗。選用科貢一人補用。○兵科左給事中徐成楚奏薊鎮斬獲虜首四百九顆。章下兵部。○是日又奏西虜變幻有年。撫款機宜。當慎乞勅。當事諸臣虛心集議。章并下。○原任河道都御史

顧養謙奏辭新任京營協理不允○癸未勅薊州總兵都督同知王保掛印鎮守遼東地方○順天巡撫李顯題羅文峪新獲虜級四十九顆章下兵部○乙酉陞江西參議史可大應天府府丞○御馬監左監丞張輝查勘得通灣店租額規每年四十兩分爲四季按季解進章下戶部○慈聖皇太后聖誕命婦朝賀免○丙戌刑部題各直恤刑官照例寬限報可○丁亥南京兵部尚書周世選再疏乞休不允○兵部題河南扶溝等州縣私農等衝所七十四處各罹秋災其漕糧正折照災傷分數如例徵收從之○戊子光祿寺卿李樞題節筭過大官署器皿價值每歲八十兩併乞發回用過器皿于本寺作正支銷所弁不贊仍勅南北兩京工部每造一器預進一樣發下本寺馬式章下工部○己丑通政司在通政取定力乞先取定向郵典

章下禮部○辛卯大學士趙志皋等題又書官吏實發下朝鮮  
國王一本為本內不填官名口傳 聖意欲臣等擬旨詰問查  
得此係舊因不填名者淳中國教朝廷也不必詰問○給太監  
張燁收通灣租稅關防○初允鞭先鎮守薊州永平等處地  
方兼備倭總兵官○壬辰總督邢玠以疾辭任 上命前來供  
職○總督漕運褚鈺以病乞休不允○朝鮮國王奏乞倭首謝  
恩人數首約鈐束章下兵部○象房倉失

大明神宗顯皇帝實錄卷之三百四

萬曆二十四年十一月癸巳朔甲午祭 三皇于 景惠殿徹

祭品頒賜四輔臣等官○乙未冬至節遣撫寧侯朱繼勳武定

侯郭大誠武安侯鄭惟忠武平伯陳如松豐潤伯曹元成南和

伯方燁宣城伯衛國本東寧伯焦夢熊永年伯王棟于 長陵

獻陵 景陵 裕陵 茂陵 泰陵 康陵 永陵 昭陵

各行禮○遣衛安伯張元善于 恭仁康定景皇帝陵寢致祭

上命遣官代填祝版，遣伯朱世雍尚書楊俊民范謙翰看

冬至祀牲○丙申 郊祀告成賞定國公徐文壁銀五十兩紵

絲四表裘○蜀王進助工銀六十兩命工部取答王書○丁酉

恭讓章皇后忌辰遣官祭 陵寢，戊戌刑科都給事中侯

選佩題巨睿請漢史仲長統曰先武溫數世之失權祿枉恩直

故不任下雖置三公事歸臺閣三公之職備員而已然政有不  
治猶加譴責反以策讓而欲望勲立于國家績加于生民不亦  
遠乎人主誠專委任三公實在責成而在位病民舉用失賢百  
姓不安爭訟不息天地多變人物多妖然後可以分此罪也此  
仲長統之言臣以為今之六部即漢之公輔也今政事任下否  
耶臣以為匪徒備員而已南北六卿缺久未補是員且不備御  
戒各部屬官及外方面以百數而員亦不備銓部進擢少所稱  
可大臣數告之而不聽諫官雖言之而不從候選各官雲集歎  
嘆在官無人位虛事廢庶民病篤怨氣已作以致陰陽失和水  
旱為災職此之繇若積弊大壞禍亂並起雖如漢之策讓三公  
至于誅罰何濟之有臣以為今日大小臣僚之位有缺急補慎  
補則可久空則不可得人則可無人則不可分任則可不任則

不可缺不得其人人不稱其缺令再推則可不下則不可疏入  
留中○蜀克河間等府被災應錢糧○己亥兵部題烏撒應繼  
土官以安欽良為掌印知府照例世襲暫令祿墨晏安氏撫養  
安咀葛為冠帶知府令其催集錢糧並奏朝廷綱紀不得相傾  
并勘安紹慶有無助逆仍責令擒獻河備正法以贖前罪如再  
桀驁定行勦處烏撒印信責奢隴高獻出從之○兵部題遼東  
鎮邊堡違虜謀反官軍追至可可母林擒斬一百九顆內有賊  
首一顆緣係大捷理宜薦告 郊 廟擇日宣讀報可○吏部  
題原任郎中黃承玄駐劄徐淮兼管呂梁洪徐州洪事務報可  
○命成山伯王允忠南京右軍都督府掌印管事○命協守薊  
鎮東路副總兵署都指揮僉事陳霞石軍都督府僉書管事○  
改 慈慶宮子粒入乾清宮○兵子禮部題請給翰林賞功銀

兩 上以內庫缺乏著太僕寺給與○戶部郎中戴紹科恭進  
樣砂銀成錠一百五十兩餅銀二十兩砂二百斤驗進自是進  
樣砂樣銀亦復踵相接矣○英國公旅元功卒○趙王進助工  
銀一千兩報聞覽王奏捐糧助工可嘉答王書○陞分守薊鎮  
喜峯路叅將署都督僉事張守愚為協守薊鎮東路副總兵○  
辛丑命鎮川北川東地方照糧數災傷分給○兵部題發遼原  
任協守遼東東路副總兵祖承訓等于貴州都司銜等處帶俸  
差操○壬寅三邊總督李汶題甘鎮斬獲虜級一百十三顆章  
下兵部○癸卯河南開礦太監魯坤恭進樣砂銀一百二十兩  
砂三百斤進收○南京工部侍郎董裕題吳常水患濟汶浙兵  
營房章下兵部○甲辰南京浙江等道御史黃華秀等奏百戶  
王守仁誣害親藩乞免遣內臣專委撫按查勘復實回報疏入

留中○兵部題董一元報聞白己于九月初一日受封初九日  
兩使回已到南戎產報聞○禮部題侍郎馮琦討父卹典命與  
祭一壇仍給全葬以日講加恩故也○又題原任戶部右侍郎  
石應岳討父卹典 上命與祭一壇減半造葬○湖廣新州生  
員李建元奏進本章綱目五十八套章下禮部書留覽○刑部  
題武弁公行鑽刺發陳彩等邊衛充軍○丙午紀錄雲南布政  
楊芳却於重賄○給狀定向祭葬如例命與謚○差行人張養  
才往魯寧王府趙可教往松滋王府各掌行衣禮○丁未停止  
助工起運○勅成山伯王允忠提督操江兼管巡江不妨府事  
○肅王衛王各進銀一十兩助工○戶部題應天等府照吳傷  
分數改打徵收從之○戊申改陞神樞二營練勇參將署都指  
揮參事歐陽寨馬分守南贛參將○陞管前鎮石塘嶺參將署



部指揮僉事戴延春馬薊遼保定軍門標下右營遊擊○橫嶺  
閭破太監王忠進樣銀三百兩樣砂六十斤進收○乙酉戶部  
題平虜衛破石槽等處水寬災傷乞行蠲免從之○差行人劉  
一規與耿定向造墳○吏部題遼簡家臣 上命從公再推候  
擇○差御史汪以時管屯田印馬○命工部嚴催本植甄石以  
濟大工急需○庚戌 孝惠皇后忌辰遣官祭 茂陵 孝烈  
皇后忌辰遣官祭 永陵○辛亥 上以 聖母慈聖宣文明  
肅大皇后萬壽聖節頒賜四輔臣上尊珍饈是日次輔臣張位  
沈一貫恭詣 慈慶宮門慶賀復賜酒飯燒割○陞神機八營  
佐擊著都指揮僉事余德榮馬神樞二營練勇恭將○陞佐擊  
管京營操兵左營事張宣為昌鎮標下右騎營遊擊○陞遊擊  
管萬全都司李印事陳邦哲為宣府東路承寧等處右恭將○

陞遵化右車營遊擊署都指揮僉事張栒馬分守薊鎮石塘嶺  
等處叅將○太監孫舉奏寄頓錢糧等事 上報曰楚府寄頓  
財物符券既奉旨查勘承奉郭倫高推等違抗藐視所奏冊內  
皆本府之物且無符券非王弼家財承奉還嚴刑追究與同原  
奏官詳審查對定奪其鳳陽文冊到日另行具奏○壬子命禮  
部將勳爵應襲送監讀書○昌黎等處開礦太監恭進樣銀一  
百七十兩樣砂三十斤進收○甲寅勅御史李思孝閱視遼東  
○命宣武門東河橋小門南北各折十丈便運木石○乙卯開  
山東金嶺等處礦○准毛國器襲先伏老伯爵○福建撫按金  
學曾等題本省地震章下吏部○丁巳給英國公張元功祭墓  
造墳如例○禮部覆祭文體詭異行各省直從學官將試卷依  
歲底解部得旨邇來文體險佞集經 明旨申飭全無改正所

奏依擬著實舉行以後從學官務查有無轉移士習為礙最不  
許聚擬陞特○吏部覆海防同知專防海事不許著府縣印缺  
從之○己未贈耿定向太子太保○工部覆總督褚鈇黃烟口  
速行疏濬報可○江西南昌等府在京官吏人等理糧等奏真  
仙祐護運艘沾危委彰顯應捐貲為建許真人廟宇乞賜碑額  
章下禮部○命侯陳良弼陪宴大寧衛夫人○府軍前衛千戶  
仲春奏廣賜閩株俯順民情等事報朝廷差官閩採原濟瘠竭  
况已委有明旨著差去官督回原奏官民親詣開採礦洞處  
所從調督理如何違拗不遵姑不查究本內所報礦洞著差去  
各官分頭照圖從實開採照委旨行不許仍前怠玩違慢重治  
其本內擅設督務及分委王府官員人等俱革回原衙門供職  
不許如容留用其盜竊礦砂越百戶者錦不衛便差官較扭解

來京究問○庚申浙江巡撫劉元霖題乞罷撤調之議以安東  
南重地事內言浙之額兵額船勢難復調臣撫浙則計浙亦如  
督臣之計遼也乞勅暫停以俟封事之定章下兵部○勅禮部  
冊封朕長女榮昌公主其選中駙馬南城兵馬司副指揮楊繼  
男奉元成婚先期合用兩誥儀仗及一應禮儀都依舊例行○  
擇十二月初三日遼東功次宣捷遣官祭告郊廟○賞麻  
責解一清銀兩有差以陝西巡按于永清勤寧塞功次成也

明神宗顯皇帝實錄卷之三〇四

大明神宗顯皇帝實錄卷之三百五

萬曆二十四年十二月癸亥朔總督三邊尚書李汶辭免思廕  
上以其邊功懋著加恩已有成命不允辭○兵部題套虜畏  
威悔禍乞恩納款急宜議處以安重鎮事謂卜酋既已叩闕莊  
明緣何不至著李二首先經議款緣何復犯寧鎮乞從從長計  
議得旨套虜乞款事貢馬既經收入依擬准勅本鎮銀量給犒  
賞其應否許款還行與該督撫官再加詳察虜情順逆明立約  
束務要從長議處定奪○送江西宗室多塔等閑宅居住○禮  
部榮昌公主婚禮擇正月十五日午時上冠十九日辰時上冊  
一應禮儀間坐上請報可○甲子給新選駙馬榜春元誥命○  
命兵部嚴行催促班軍以濟大工○乙丑吏科給事中劉道亨  
題吏治五議一慎推陞以點陪推恐為巧官造化之資一罷掣

載慈法久獎生美缺皆可預擬一嚴京官考滿議行屬官註考  
送部的量性點一禁被論抗辯一議酌外官考語以撫按註定  
為愆意在鯨數名實章下吏部○丙寅 慈孝獻皇后忌辰  
奉先殿行祭禮○諭兵部朕見奎虜乞款事在邊臣則請在此  
會議在該部又請在邊詳計雖意貴從長實互相推諉何時而  
決朕思戢守止理款事羈縻均不可廢果以誠乞款宜明定約  
束必須一年無犯方准一次款市恭順在先給賞在後驗其背  
向以為行止聽邊臣所請不必遙制前此幸賞毋得輕補後此  
背約毋得掩飾明白正大威信兩全你該部使着酌為定議行  
與九老遵守○薊遼總督孫鑠奏朝鮮國王咨稱閩白因朝鮮  
不遣王子致書使欲興兵清正等今冬過海大兵明年調進乞  
要先調浙兵駐別要告以為聲援章下兵部○寧夏巡撫楊時

亨以疾乞休以邊方重任者令供職○成辰兵科署科事刑科  
左給事中徐成楚題爲國恥乞早決戰守大計以固藩籬以  
絕窺伺內獻六議一救朝鮮一調浙兵一廣儲積一周間諜一  
假便宜一速應捷章下兵部○己巳工科給事中楊應文奏奸  
商張澤等侵冒軍器錢糧乞行嚴究以清庫藏以防積蠹章下  
刑部○是日又奏勅留漕臣褚欽與河臣楊一魁同心協理章  
下工部○命吏部註選儀判司主事一員教習駙馬○命鑄山  
西開礦內官關防○庚午大學士張位疏一貫疏近日科臣劉  
道亨論劾吏部侍郎孫繼皋文選司員外蔡應麟父孫繼皋具  
疏陳辨供蒙發臣等擬票上進連日伺候未奉 宸斷臣等殊  
切違違竊惟吏部衙門天下官員並集侍選合十二月正當選  
期例有過堂點選考較騰缺推陞急選等項事務煩瑣時日急



迫乃令堂屬各官悉皆杜門行罪並無料理之人所有前疏似  
應即發令九卿科道定其去留庶幾餘事有歸選法不誤臣等  
又惟繼舉爲人久在詞林素稱清謹即科臣劾跡亦皆牽連得  
辭非有指實似難于輕棄者故于其自陳之疏備擬照舊供職  
實係公論非敢私也伏乞 皇上俯垂鑒宥從其即出辦事但  
彼終係副貳必須正官掌理部事方有主張更乞 皇上將前  
會推吏部各員特賜照用併將文選郎中早准定補此政體所  
關之大者不報口原任大學士許國卒國南畿鄉試第一人乙  
丑進士選翰林院庶吉士隆慶改元授翰林簡討萬曆改元自  
編修陞右春坊右贊善充講官時 上日御絰帷無間寒暑而  
國齋心夙夜多所教陳視儆輩有加 上手書責難陳善大字  
賜馬預修 兩朝實錄書成敘賚遷南園子監祭酒教人作士

諄諄不倦天下名為人倫師表歲久不遷公論頗以為言國曰  
序固應爾其退讓溫文若此癸未春以吏部侍郎充會試副總  
裁夏間拜禮部尚書兼東閣大學士入贊機務己丑春再與會  
試時文體沒壞國激揚不流之弊所錄粹然一出于正初有獨  
科場事語侵大臣者國請辨邪正以定國是謂昔之專恣在權  
貴今在下僚昔之淆亂是非在小人今在君子人言大臣猶梗  
桡也宜取其閱歷畧其寸污言官猶江河也宜導之疏通息其  
風波時以為名言庚寅元日 上召見閣臣于毓德宮擁 皇  
長子膝前命閣臣諦視諭所以保定之旨是冬國以三事進規  
其一兩立深以不得所請為慙疏留不下久之有詔明年春舉  
行兩立戒羣臣勿譴方靜以待命而主事某之疏上應復拘以  
進冀有所調護 上不悅遣中使詰問國知言之非 上意也

上書乞休五上乃得予告給傳歸國冲和馬粹有大臣體惜未  
竟所施云○士甲差太監曹金開採浙江孝豐諸暨等處礦洞  
○是日又左太監趙鑿開陝西西安等處礦洞○禮部題原任  
工部尚書雷禮郵典上命祭葬如例○甲戌楚王題奸惡誣  
讒親藩欺罔天聰等事上悟諭朕初念開國萬勲故行查  
勘據王所奏冊籍年遠散逸無存又厄過多艱始不深究以示  
親親之意其差去內外官員及原奏都使回京還著部院該科  
行先年案卷緣絲查明詳細具奏○乙亥太子太保禮部尚書  
文淵閣大學士陳于陛奉大學士趙志舉等題陳于陛自為修  
撰供事講筵簡在聖心拔置輔弼奉公必謹持身肅清雖世  
掌絲綸而儉如寒素明達國體多所贊決臣等方賴同心協力  
裨助萬幾頃緣冬至分獻感冒風寒一疾遽捐深可悲惜所有

應得卹典伏乞初下禮部查例上請以彰 聖朝逮下之仁奉  
旨覽卿等所奏輔臣于陛偶疾長逝朕甚憫惻應得卹典着禮  
部從優查例未者陛舉辛酉鄉試戊辰進士改翰林院庶吉士  
庚子授編修充實錄纂修官丁丑充日講庚辰擢司經句洗馬  
己丑再起日講官遷詹事府詹事掌翰林院事庚寅上䟽請立  
東宮辛卯擢禮部右侍郎掌詹事府壬辰典會試己復同諸臣  
同請兩立雖未俞允而並封中止皇儲出閣大有力焉己又疏  
請 上勅朝講接臣工如性歲不報是秋擢禮部尚書兼翰林  
院學士仍掌詹事府陛下從父太傅習國家故實入詞林後更  
留意通今之學國史家乘無不折衷而討其至謂 實錄寶訓  
秘在金匱而會典職掌又渙而不當野史諸家史記而不與苟  
不及此時修正史何以昭一代之盛乃上疏請做宋正史例開

局纂修詔允行甲午秋以原官兼東閣大學士入閣叅機務  
上知陸深陸亦感上核擢首上六事一曰接見大臣二曰採  
用人才三曰勸獎外吏四曰清察違訥五曰儲養將材六曰選  
擇邊吏上皆嘉納允行乙未言官同時被旨落籍者二十餘  
人陸校獨力謂諸臣建白各有主者又或遠在留都或奉使外  
者平時往往抗直不避禁而逐之是言亦罪不言亦罪天下且  
謂陛下陰惡其言而名以不言斥之臣等亦何以自解言拙  
委婉上雖不行而中外翕然誦之會兩宮災陸同諸大臣  
直中內殿問懇親向陳政事不得見已上疏引咎乞罷不許反  
冬至有事南郊感寒病竟不起提千戶趙承勳孫龍來京  
與吳質等面質侵欺奸弊以管理通灣店稅太監張輝叅奏故  
乞崇王進助工銀一十兩丙子世宗肅皇帝志辰遣官

致祭 永陵○賜江西許真人祠名靈祐以獲運有功禮部請  
也○丁丑 貞惠安和景皇后忌辰遣官致祭 陵獲○賜已  
故大學士陳于陞銀一百兩紵絲四疋表及殯殮諸物○兵部  
題朝鮮管撥官孟良相揭闖白賁偷朝鮮禮節亦非盡虛楊方  
亨等住對馬島鐵山地方的孫守風別無他故臣等已宣諭  
皇上于封大恩務令講信終好不得背約啓釁俟得回使的報  
另行題請報聞○國子監奏進漢書三十冊晉書三十冊留覽  
○河道尚書楊一魁奏酌復漕河舊制謂黃涸口一股蹂躪城  
夏邑按碭山蕭縣宿州至宿遷出白洋河一小股分蕭縣兩河  
口出徐州小浮橋相去不滿四十里且係先年河經故道所當  
疏濬與正河會接濟運道夫役之用集山東河南徐邳徭夫二  
萬限止兩月更于鎮口開以裡諸湖之水通放與小浮橋二水

倉則黃州口不必塞而運道益無阻滯之患部覆如議行○臺御史趙仕登往順天巡按○禮部尚書范謙趙已故大學士陳于陞家學淵源憲章淹貫十年侍從私多啓妖之功奕世刑誥堅守廉貞之節嘉猷時進共期協贊乎經綸正史總修方擬裁分乎采鉞乃志堅而疾革業未竟而考終忠勤是閭禮數宜隆上深加憫悼諭陳于陞講讀贊襄忠勞茂著准照例與祭葬加祭二壇差官護送還輿他謚○差行人張五典往韓府掌行喪禮江川等王薨卅二十一日輟朝○命開陝西藍田奇縣河南信陽州等礦洞○戊寅大學士張位沈一貫題昨日蒙發留守中衛指揮王一清奏內言反煤炭革欲收牙稅今日蒙發通州衛指揮白龍奏內言臨清李家道口請設店課臣等竊見近日言利紛紛俱出武弁之奏此輩原不知國家大體及民生利

病苟可乘機設法以圖取利肥己之事何所不為雖借言為國  
其實國家未得毫髮之益而遠近百姓將受剝削無窮之害終  
至利歸被身怨歸朝廷厥心含怒厥口詛訛輦轂之下畿輔之  
間必至人人被害家家懷恨是以芟小微利而累 皇上愛養  
覆育之深仁盛德也其言豈可聽信乎故臣等于此二本俱不  
敢擬行今後凡如此類伏望 皇上大奮 乾斷痛加逆絕勿  
中牟小借言行私之計凡事必經部院大臣擬議然後施行庶  
幾 聖政光明人心愛戴而太平之治可以永保無虞美不報  
○己卯南京國子監祭酒馮夢禎題隆儒優士一曰加制額以  
拔優其二曰清久曠以核實劾三曰氣序撥以澄流品四曰優  
禮遇以作士氣五曰催取舉人入監以抑惰學六曰酌久任以  
固實効七曰補師屬以專教習八曰隆接見以全監禮九曰督



微解以給稟餼章下禮部○給存恤科道關防○給已故英國公張元功墳價銀三百兩○增直隸贓罰銀四百兩以濟大工直隸巡按畢三才請也○順天府府尹田疇題清查孤貧上報朝廷養濟貧民須令各沾實惠下其章戶部議覆○庚辰南京吏科給事中祝世祿題言官有言反坐言官之罪故成否隔之形言官之罪滋大矣否隔生于裁抑之大過裁抑之太過生于厭薄之太深厭薄之心執而不化豈必言官安往而不厭馬吏部昔為榮階今為罪府昔之擢吏部者裨冠相慶今之擢吏部者扼腕自吊甚至選郎不補冢宰虛懸臺諫推之不報該部臣催之不報吏部亦何負于陛下厭薄之至此宮工大興屢請補司空董其事而陛下故虛之臺臣久繫司寇原情定罪乞陛下從末減而陛下故重之自獻金穴之武弁濫起而

文士結舌自徠金穴之中貴四出而外臣掣肘以至今之閹臣  
非昔之閹臣也威福還之朝廷事權還之部院論道輔德固其  
所職而亦經時不覩 天顏大政闕失而陳無從托之審揭密  
揭不已至于露章然猶上不能一回當宁之心而下又無以解  
于天下人士之口其為否隔何可勝道疏入不報 楚王進助  
工銀二萬兩 上嘉其意進牧復王書 辛巳立春節百官行  
慶賀禮 是日以羊節頒賜三輔臣及講官劉元震等銀幣有  
差 河南僉事邢雲鶩奏大統曆差錯乞賜改正大統推今年  
冬至在甲正一刻而臣測在未正一刻臣測立春在乙巳而大  
統推在丙午臣測夏至壬辰而大統推癸巳臣測立冬己酉而  
大統推庚戌下禮部者議 予原任禮部侍郎何雄文父何立  
卹典如例 癸未南京工部尚書葉臺然以疾辭任著赴任供

職不准辭○乙酉直隸巡按符春芳題運副趙鳳威係元輔趙志昇子故事三公子不作外吏乞量改兩京相應之職章下吏部○差主事周傳誦護送已故大學士陳于陞靈柩歸○丙戌直隸廣礦太監王虎叅奏田進越俎妄行得旨田進着遵照勅內前去昌黎地方開採其薊永所屬等處及新報礦洞着王虎遵勅開採不必爭擾○橫嶺開礦太監王忠進樣銀六百零四兩樣銀六十斤着銀兩進收不必再解○禮部題類報災異上諭今年災異多端朕心深切警惕爾中外大小臣工都要痛加修省恪恭職業以仰承上天仁愛至意無事虛文○丁亥禮部尚書范謙題已故大學士許國雅量汪洋躬行長厚早休尤于潛邸歷展采于清華詞林著作蔚然周情孔思政本經綸允矣曹隨杜漸九年協輔中外頌賢相勳猷累疏乞休進退著

大臣風節方重東山之望逸動北印之悲允合賜謚易名照例  
加祭諭許國輔政多年勤勞茂著准照例與祭葬仍加祭二壇  
與他謚報朝禮與陳于陞同○差尚寶司司丞張文徵與已故  
大學士陳于陞造墳○大學士趙志昇代子趙鳳威奏以原官  
致任下吏部議○命四川巡撫巡按將該省庫貯銀兩買木解  
進○辛卯行 大峪禮進公徐文壁奏代遣使徐文煒伯工學  
禮分獻○遣少卿徐世相祭五祀之神○禮部題年終類繳勅  
諭 上是之近來各文武官有不領勅書竟自赴任者好生玩  
忽該部科將不曾領去及遺漏不繳的通指名查奏○ 上以  
祭告 太廟 祫廟校司脯醢果酒頒賜三輔臣○兩封日本  
正使楊方亨題闕白于九月初二日受封報聞



明神宗顯皇帝實錄卷之三百六

萬曆二十五年正月壬辰朔

上免群臣朝賀大學士趙志臯張位沈一貫詣會極門行禮○  
是日楊三輔臣上尊珍饈○四川地震三日○甲午 宣宗章  
皇帝忌辰遣官祭 景陵 丙申冊封日本正使都督僉事楊  
方亨回至釜山以事竣奏聞兵部覆言關白平秀吉感激賜予  
封典迎候使臣始終無愆禮具謝恩表文宜如北虜俺荅受封  
事例代為封奏免其入京以省勞擾惟是日本貢望朝鮮一節  
在朝鮮咨報若謂情形巨測今行長育書到臣內稱已與秀吉  
講明悉聽 天朝聖中處分又云逆容善處決不違 天朝約  
束而沈惟敬揚中謂事體結局無難則日本調兵渡海之事在  
朝鮮固宜院防亦不必過為張皇日本既聽處分似宜量為分

解楊方亨令先回京復命沈惟教令暫住釜山調戩兩國朝鮮  
禮文當修則諭令信臣舉行而王子必不可遣日本餘倭當撤  
則諭令盡數回巢而王子必不當索自今伊始餘倭既退釜山  
仍屬朝鮮以見日本奉約之誠其對馬島原係日本地方亦不  
許朝鮮妄擾自瑄起釁之咎有旨覽奏日本改封恭順可嘉但  
釜山餘兵尚未盡撤既非原議而兩國之疑終未盡釋該部便  
行文與日本國王繳還釜兵以全大信又行文與朝鮮國王即  
差陪臣以修文好謝恩表文還令日本使臣同楊方亨先來沒  
命沈惟教待兩國事完回還吏部左侍郎孫繼皋上疏乞罷  
以科臣程紹諭初故也不報丁酉以河間領軍遊擊署都指  
揮僉事楊官為昌鎮右軍營遊擊宣府赤城堡守備署指揮僉  
事劉三省為署都指揮僉事九神機營遊擊吏科給事中戴

士衡以督兵科給事中徐成楚劾論原任副將施朝卿修養正  
奏辨諸事語多侵已謂代二犯具疏伸寃上疏直陳巡視職掌  
以明心迹○已亥刑科給事中李應策疏言銓法偏廢印務漸  
頽乞勅查例選補并決侍郎孫繼華去留以明 祖制留中○  
辛丑工科給事中楊應文請究履錦衣衛百戶李論以其請差  
內官總理採木也○壬寅 孝恪皇后忌辰遣官祭 永陵○  
陝西款紀等族番人劉世福等進獻方物賜絹鈔如例○時河  
決黃烟口有言宜塞者有言不可塞不易塞不必塞者議無定  
一于是議潘小浮橋沂河等口以濟徐邳逆道以淺碼頭瀾漫  
由歸仁堤以設 陵寢而總漕尚書褚鈇上疏極言壩口宜塞  
縱不能盡塞亦宜量為節制不則全河南徙官將立見請行巡  
撫巡漕御史親詣一勘工科給事中楊應文言壩口旁淺害大



浮橋引水利微一濟誠為永賴則口可無塞如僅為一時權宜則塞口宜急請勅令酌議的確部覆從之）癸卯以宣府入衛遊擊署都指揮僉事孫繼盛為分守宣府中路葛峪堡等處左營將）甲辰吏科給事中戴士衡言當今事勢其不可知者有三天意不可知民心不可知氣運不可知其大可慮者有五紀綱廢弛可慮夷狄陵陷可慮根本動搖可慮武備疎畧可慮府庫匱竭可慮而吃緊宜圖者有一則在人主一心疏入不報○乙巳巡撫陝西侍郎賈待問條上洮河防禦事宜一創築衝邊謂洮河地方打傘加山等處城堡低塌宜創築以資防禦一鼓舞為番謂哈六東哈六卜傾心內附款各加職銜以昭激勸一議改將領謂歸化孤懸將輕兵寡款改守備為遊擊以重事權增募兵馬以壯聲勢一議復將銜謂洮州原設副總兵統制階

州參將及文縣舊洮岷州西固四守備後改協守為參將與階  
文將官顏頤威令不行款仍改協守以資彈壓部覆如議惟歸  
德改將增兵一守自萬曆十九年建議已經停寢今復議改增  
設募宜行該鎮督撫熟計長使後督撫復言改設增募事不可  
已從之○丙午陞宣府獨石城守備署指揮僉事壽宗為署都  
指揮僉事充宣府入衛遊擊○先是留守後衛百戶王守仁奏  
輯伊祖逆遠侯王弼遺資寄頓楚甯楚王華奎奏輯得旨令查  
議至是戶部覆奏守仁妄認弼為遠祖所奏盡屬虛妄詎留中  
○戊申 英宗睿皇帝忌辰遣官祭 祔陵○戶科給事中程  
紹奏請罷中州閒採以固腹心不報○己酉朝鮮國差陪臣鄭  
朗遠等十三貢陳奏倭情賜衣服靴鞋并折段銀兩○工科給  
事中楊應文奏以大工經營業已就緒乞量寬楚蜀黔三省採

辦限期以恤民艱不報。庚戌工部覆四川湖廣貴州採木事  
宜川廣各于原派木數內先採運十分之六限以六年分作三  
運川西道副使劉卿加銜又任專督該省採運貴州地險民夷  
風稱窒之先採運十分之三仍限六年分作三運協濟銀兩坐  
採福建廣東各五萬而直浙江各三萬江西河南山東各二萬  
山西一萬命依擬行。○辛亥月犯心宿。壬子命翰林院編修  
顧天堦劉孔當簡討劉生中李騰芳教習內書堂。○刑科給事  
中侯廷佩浙江道御史周孔教各疏請速簡銓臣不報。癸丑  
命禮部右侍郎兼翰林院侍讀學士協理詹事府事曹朝節字  
翰林院印信并充經筵講官。大學士沈一贯以妻喪乞假請  
卹。上暫准給假治喪予祭葬如例加祭一壇仍令給傳回籍  
○四川撫按諱希思王明以採辦役重請留本省銀兩協濟部

議暫准留新增賦罰併缺官俸銀得旨如議○陞太僕寺少卿  
萬自約為太常寺少卿○陞陝西左布政使徐汝陽為南京光  
祿寺卿○復除原任刑科右給事中羅棟原職○復除原任山  
東道監察御史喬壁星原職○陞南京吏部主事周汝登為廣  
東僉事專管屯田鹽法水利○甲寅巡撫山西魏允貞以病乞  
休且自言撫晉罪狀虜情幸其久欵未振外戚罪一民生幸其  
有年未臻內治罪二知萬象春王國等之賢而不能破格力薦  
使兵速進罪三知張嘉績祁光祖等之不肖而不能執法早論  
使兵速退罪四以廉隅持身而竟至聲色之過罪五以官箴飭  
吏而不免恣氣之加罪六憂讒思譏不能盡舉憲綱致蹈常  
不能盡洗弊竇罪七數年來天鼓鳴地屢震而無消拜之寔四  
境內子殺父弟殺兄而無感化之本罪八乞賜放歸以避賢路

章下所司○吏部左侍郎孫繼皋乞早放免不報○乙卯大學士覽志皋請用吏部尚書言今吏部字印無官四司諸務停閣昨冬十二月大選遂至黜廢內外官負待補者六七十人又或至一二年行取官負未得命致令舊者不陞新者無缺臺省差遺之人各處司道守令懸缺未補者甚多此皆祖宗二百年未有之事乞將吏部堂屬官負亟賜署置凡內外官待次者悉令除補以光聖治詔入次日下徐汝陽等十人又次日下曾愈黎等三人又次日下高鎮位等二人○丙辰孝靜毅皇后忌辰遣官祭 康陵○朝鮮國王李昖以倭情緊急請敕兵部言此奏乃去年十一月以前事是時冊使未回日本以朝鮮遣使官卑禮薄不納其使歸報有仍款索要王子等語分場方有奏報封事已竣止是責備朝鮮禮文已經覆誥令沈惟執調

戰矣其請兵一節宜勅朝鮮自為旣備不得專恃 天朝救援  
得旨行朝鮮國王修備修睦以保疆土毋得偷安起釁○丁巳  
總督三邊兵部尚書李汶以病乞休令在任調理○己未大學  
士趙志皋等再請點用吏部尚書不報○庚申以鼎建乾清坤  
寧二宮興工祭告 后土 司工之神遣都御史徐作行禮○  
崇信伯費甲金捐祿助工不報○辛酉兵科署科事刑科左給  
事中徐成楚疏論兵部尚書石星因言輔臣趙志皋雷同欺蔽  
于是志皋奏言東封一事始于經畧宋應昌之請尚書石星許  
之言官身之事幾成而款敗賴 聖斷查完言官而謀論姑息  
倭使既至破封不已又值有李宗城私逃之事議論更多幸  
天威震怒逮繫宗城別遣楊方亨而封事成矣金日奎山之任  
未撤為索朝鮮之遣使以致二使指違未還謝恩使使未至然

按之事體日本既退王京又還王子陪臣則今日朝鮮亦宜遣使修睦以釋舊憾乃成楚必歎興兵動衆以開禍端誠不知其何心也既入不報命五軍營叅將署都指揮俞亨朱始慶加副總兵職銜管分守鎮邊城等處叅將事

明神宗顯皇帝實錄卷之三百六

明神宗顯皇帝實錄卷之三百七

萬曆二十五年二月壬戌朔）癸亥大學士趙志臯等以日講請因古經書俱已講過我祖宗嘉謨善政比隆帝王具載實錄中歎每日摘取一條進講以備皇上法祖通今之助不報已得旨詩經講完時請旨別講他書不得輒換講章已再請欽定經書亦不報）先是泚河大酋以三千餘騎突犯松藩四川撫按諱希思王明奏言松藩一鎮在蜀為極邊從來未有虜患者以臨泚足以飽谿壑吐番足以備捍蔽也今關中之兵勢振矣勢不得不捨彼而趨此各番之弱者捨掠盡矣勢不得不諭番而內嚮蜀之隄防有不可一日弛者條議五事一移置岷岫總鎮移駐松藩協守松藩副總兵改為遊擊移駐建武一增修墩堡一募兵買馬一集餉製器一留用邊需部彙報可）



嘉興府地震湖州下黑雨落黃沙○平涼府風霾瓦獸口內出  
火水灌不滅○吏部左侍郎孫繼皋上疏乞歸不報○吏科給  
事中戴士衡乞點吏部尚書不報○兵科左給事中徐成楚以  
科事煩重奏乞協理官負不報○甲子祭三皇于景惠殿  
遣禮部侍郎余繼登行禮○巡按直隸龔文選奏言革除時原  
任禮部侍郎黃觀及其妻女同時赴水死節請行贈錄並于原  
籍資池縣建祠表墓仍查釋當時并迷姻黨程翁二姓永戍章  
下所司議行○命鑄給監理四川採木關防○大學士趙志皋  
乞點吏部尚書并下留中未發諸疏應陞補者次第陞補不報  
○乙丑以視駕榮昌公主冊文賜輔臣趙志皋等雖帶有差  
○刑科給事中李應策奏請速補六科負缺不報○丙寅集廷  
臣會議倭情時朝鮮陪臣刑曹鄭期遠痛哭求援速東副總兵

馬棟報倭將清正領兵崎艇二百餘隻于正月十四日到朝鮮  
岍至原駐機張營駐劄給中徐成楚言海艇一隻小亦不下  
百人今稱二百餘隻兵當不減二萬餘衆防禦事宜亟當早圖  
乃下廷臣會議○吏部左侍郎孫繼皋乞休致不報○丁卯祭  
先師孔子遣大學士張位行禮○祭大明于朝日壇遣公  
徐文壁代○山陰王俊柵請建儲位剪髮隨本進獻不報○戊  
辰祭太社太稷遣公徐文壁代○月犯五車○己巳御史  
周孔教黃紀賢論劾樞臣石星輔臣趙志皋扶同欺罔上命  
一并會議志皋跪乞罷斥以謝人言不允○南京刑部右侍郎  
謝杰言陛下通來舉動似稍不及前條為十規以獻前此媚  
于西宮同一色養令則問寢之議久曠慶賀之禮亦疎孝  
安皇太后發引之辰且并一送缺之矣是孝親之美鮮克如初

者一也前此 太廟四季之祭 聖駕無次不親今則每祭皆代是尊 祖之美鮮克如初者二也前此 聖心研究文學揚確古今今則講席講官祇為虛設是好學之美鮮克如初者三也前此 駕出視朝子在披星開鼓頗倒趨搶今則大內深嚴累年不出是勤政之美鮮克如初者四也前此旱魃為災至親步 郊壇今則 園丘帝享久缺齋居 宸宮告災未深修省是畏 天之美鮮克如初者五也前此水旱不時獨內帑遠賑今則信用奸徒開礦抽稅中原三輔之地騷然受民之美鮮克如初者六也前此宮中用度有節外府積貯充盈今則大官尚食不給度支邊儲勿充而江右之磁江南之紵西蜀之蜀閩中之絨往往逾溢初頗是節用之美鮮克如初者七也前此諫者多見採切問有違謫亦不袪踵而歸今則封事南陳嚴論隨

降但經棄外永無賜環輕或累疏留中重則一勾盡逐是聽古  
之美鮮克如初者八也前此宗室祿糧多方謀廢一聞賢孝動  
見旌褒甚有邑令誣刑而天威赫然震怒今則楚藩見誣中  
璫尋出以市井之奸問親王之尊事既烏有刑猶緩如是親  
親之美鮮克如初者九也前此官盛任使隨推隨補今則大僚  
推而不用庶官缺而不補是賢賢之美鮮克如初者十也不報  
○庚午蕪昌黎開礦大監田進回京原奏礦洞下主王虎并採  
以進與王虎爭語故也○直隸巡按御史秦懋義奏都御史袁  
貞吉黨比官止姜士麟以已疏參士麟豪惡命下都察院已又  
直待士麟奏辯始為具題乞改行應天撫臣宥勘貞吉奏辯以  
明心跡河南道御史陳遇文奏改行巡撫非法仍聽巡按御史  
勤問為正供不報○辛未孝貞純皇后忌辰遣官祭茂陵

○發百戶王宇仁原籍當差以前妄奏楚府查對不實也○鑄給新徵天津等處店租內官關防○時倭勢猖獗舉朝皇皇上疏言本兵悞國罪狀者日凡數四俱命已着會議候旨行○壬申兵部等衙門左侍郎等官季禎等言朝鮮之當應援不待再計而決也議援則必議餉兵議兵則必議運餉議兵餉則必議設官今廷議已詳援兵請于宣大薊遼挑選七千名其應募浙兵三千七百餘名令督臣即于本鎮募用以省勞費省直水兵陸續調發行月二糧折色取給中國本色折辦朝鮮設海防司道一員專管防倭事務擇歷練知兵者連往朝鮮料理談國兵食策應戍守事宜并擇一驍將領遼鎮西兵三千名同住朝鮮固守烏嶺全慶等處毋得浪戰沿海一帶嚴加申飭以防突犯得旨東封雖許竊慮其修備防禦事宜已屢旨申飭今倭情可

疑朝鮮告急兵食將乏等既經多官集議宣大薊遼各兵俱照  
數批選增募調發應用各省直水兵行彼處斟酌議處糧餉折  
色戶兵二部處給本色令朝鮮備辦海防司道官及備倭總兵  
官吏兵二部推用遊擊以下聽督撫坐名咨請管糧官吏部速  
行選補其戰守救援緩急進止俱聽督撫總兵相機行事不許  
縱敵貽患亦不許輕動損威沿海地方該部嚴行防守毋致疎  
虞勿以虛文搪塞及怠緩慢事違者科道官叅治○史料給事  
中劉道亨以倭患實隣遼海需人乞亟簡銓臣不報○登百遼  
東督撫孫鎮孝化龍各稱病乞休 上以防禦事殷督撫官正  
宜用心料理不許告病推諉○甲戌先是萬曆十二年潞王借  
績成國公朱鼎臣錦永衝指揮錢世龍原開鹽店二所及十七  
年 潞王之國復運兩家仍開鹽店至是八年矣管理鹽店內

監張燁查復舊租黎皇親家人李吉等阻撓 明旨私收鹽利奉旨下鎮撫司問送刑部擬罪主事洪其道謂燁奏為有據擬成追銀爰書已具尚書蕭大亨而斥其非謂二店乃兩家之私店唯鹽取利六兩家之私租潞府討鹽而奪之民間豈奉有鹽禁耶潞府之國而運其兩家實其固有也蓋潞府有店則旨行潞府歸店則旨停當以之國之日為止內臣未差利當在民內臣差利方歸官富以查復之日為始則所謂不奉 明旨私收鹽利其說似是而非今追其租入已為過當而况歛重其罪乎其道具疏兩請 上裁不報于是大亨直陳事情始末言張燁但知二店為潞府所借而不知為兩家之民店故以侵利劾劾皇上亦不知為兩家之民店故以阻撓掣問錦衣衛亦不問借債緣由但坐兩家歷年所得租銀七千二百兩主事洪其道

但見李吉等為被逮之人懼送輒有不測之罪既歆追錄入官  
又以把持道成臣等極言其非法之平而詰曰兩家鹽店乃民  
店非官店也潞府當年價賈乃私借非奏借也潞府後來歸還  
乃明諭非借給也潞府奏討八店招商固鹽未嘗奏禁民間不  
許囤鹽也今天下鹽商不止數萬家天下鹽店不止數萬處若  
兩家招住鹽商為有罪則天下鹽店皆有罪乎且兩家所收八  
年店租在潞府既運之後皇店未立之前未見把持何人阻撓  
何事此事當送實送公具招擬罪豈宜畏罪誣民以欺 天聽  
亦不報○吏部左侍郎孫繼皋懇求放歸不報○禮科給事中  
張正學河南道御史陳遇文奏倭將清正領兵紅二百駐機張  
營驅逐太守其勢甚急請急救朝鮮速補吏部尚書以理鈴事  
俱不報○乙亥大學士張位沈一貫奏陳經理朝鮮事宜言歆



為自固之謀先擇要害適中處所以立根基使進可以戰退可  
以守始為萬全之計莫若于開城平壤二處開兩立鎮西接鴨  
綠旅順東援王京烏嶺勢便則遣輕兵以趨利不便則虎踞此  
處以壓其邪心練兵屯田用漢法以教朝鮮之人通商惠工開  
利源以佐軍興之費選賢用能立長帥以分署朝鮮八道之士  
閒平既定次第取慶尚忠清黃海等處日逼月削倭可立盡既  
定此策即當通登萊入遼之海路從此轉餉以資軍興渡軍以  
講水戰使往來之人不疲于陸且令二鎮聯絡可以相援又可  
以通朝鮮之黃城島涉釜山而窺對馬此為長策當急行者也  
古者欲轉浙直舟師泛海入遼北海風高少山嶼無柁泊所不  
若從內地至登萊駕登萊之舟以入遼此安穩之計又今言兵  
者動稱南兵南兵非經戰之士盡市井少年耳體力不能過北

人獨其擊刺之法與器械之利本為制倭設者不可不循倣而用彼方老将猶能言之臣等以為招南兵不如求南將教練甚易與所募南兵參而用之此亦長久之計也 上然之令下部議部請行朝鮮國王同司道官詳議具奏如該國推托不使不妨別議得旨設官經理朝鮮原為保全屬國目前戰守進止此為長策待效力能自立官兵即當撤還天朝不利一民一土督撫官傳示國王俾知朕意作速計議奏報以圖自全後朝鮮漢中國吞併疏稱都舊漢城開城平壤今並殘破所居漢城亦荆棘未除小邱形勢全廢二道為重慶尚門戶全羅蔚藏也斯倭所必爭我所以守倭若據全羅則遠之西海一帶近之珍島濟州皆為密穴縱橫無所不通便風一二日抵鴨綠即開城平壤不足為固性在壬辰倭陸抵平壤又逆水犯全羅純出西海幸

舟師扼于閩山嶼今倭據慶尚左右道而釜山西生浦為其巢穴對馬釜山間海洋數百里為其糧道若于慶尚要害設險屯積兵餉時以輕兵相機攻剿逆陸地以蹙其勢而又以利艦銳卒出沒海上邀截其後庶幾有濟若屯田則土地屹踊終不如南方議遂寢○兵科左給事中徐成楚請急罷趙志臯石星以絕禍本不報○吏部文選司郎中白所知兩疏請急簡家臣不報○丙子兵馬梁桂奏採煤利助工得旨煤乃民間日用之需若官督開取必致價值倍增京城家戶何以安生梁桂託言濟工計圖占奪姑不究○兵部尚書石星請自往朝鮮諭兩國就盟退兵不許○命鎮守高直隸江西副總兵著都督僉事朱文達以原官充總兵官鎮守廣東地方○命原任鎮守延綏等處總兵官署都督同知麻貴以原官充備倭總兵官○大小九卿

科道官會議倭情言款安中國須亟救朝鮮款救朝鮮須亟更  
樞筦石星前事多誤方寸已仄軍國機宜豈堪再誤 上命吏  
部會推熟練邊務者五六員以聞○先是貴州烏撒土知府安  
雲龍妻隴氏與安國正謀殺雲龍遺腹子官保以非真子不當  
立而雲龍親弟紹慶之子劾良宜為後紹慶陰令阿溝擁劾良  
興兵據監倉以請部議以劾良世襲貴紹慶擒獻阿溝以自新  
至是初良率阿溝來降撫臣江東之虞紹慶尼大不掉阿溝怙  
終不悛請嚴旨禁約責令紹慶鈴束阿溝以弭後患報可○甘  
肅地震○丁丑署兵科給事中徐成楚奏倭將豐茂守等領舡  
六十餘隻復入竹島與原留倭衆合勢駐劄西生浦等處又却  
坐舡五百餘隻且別起倭舡絡繹過海清正深入晉州等八州  
郡四散打圍又零賊踏勘晉州迤西道路則朝鮮存亡此時已

不可知矣奸臣黨蔽謬謂西國相爭祇為禮文缺典世豈有興師十數萬浮海數千里爭一煩文緝節者哉旨下兵部會議事宜作速舉行○都察院左僉都御史郭惟賢請速簡銓部大臣不報○浙江巡按唐一鵬奏海防重地時事可虞乞暫停開礦以弭禍源不報○戊寅京師風霾○兵部覆總督薊遼都御史孫鑠奏原議調發薊鎮南兵二千石但部伍不敷難以遠發議照先年戚繼光伍法共選三千七百八十五員名以原任副總兵吳惟忠領之原議遠兵三千名今議再加挑選以原任副將楊元領之遼海參改楊鑄監督二將刻期前往以救朝鮮得旨先行○己卯浙江道御史何爾捷奏奸輔誤國乞罷趙志皋○庚辰祭 歷代帝王遣公徐文辭行禮侯徐文煒伯王學禮尚書楊俊民范謙分獻○ 景皇帝忌辰遣伯衛國本祭 陵寢

○辛巳宴四川打喇兒寨遊貢普僧必兒卜等四名陝西大崇  
教等七寺刺麻僧速南九母等三十五名俱候陳良弼待○改  
南京吏部尚書蔡國珍為吏部尚書自丕揚去後懸缺數月至  
是始補印務命戶部尚書楊俊民暫署以俟國珍○先是吏科  
署科事給事中劉道亨論劾吏部侍郎孫繼皋負外蔡應麟不  
報至是道亨言大選自二百年來惟土木之變偶廢一次旋即  
議補今昨冬已廢二月又將復廢實啓于臣之一言乞賜處分  
以完重典 上命文選郎白所知以前聽選官負于今月一併  
選用○壬午清明節遣官分祭 諸陵 景皇帝陵寢 哀冲  
蒞敬二太子墳○杭州府大火燒官民房屋一千三百餘間  
岳州鴨舍絮果火挿入屋椽竹茅中四散火起二十二日大熾  
至三月初五日方熄共燒民房四百餘家○癸未兵部尚書石

呈乞賜罷作不報○甲申以大選期迫改二十九日行○先是  
萬曆二十二年鄉試以廷試選貢生俱屬北監不及撥南增額  
二十名至是禮部因南京祭酒馮夢禎加額之疏請量加五名  
酌分北監十五名南監十名專待選貢士著為例從之○西河  
王知燧奏山西安邑等縣礦洞乞遣像賓侯炳周採部議不使  
命下太監張忠併採○福建巡按御史徐兆魁以福建瀕海產  
鹽地廣食鹽戶多乃運司舊例每歲止行附海鹽引一萬二千  
餘苦于不敷議添依山監引三萬三千四百四十引先期請發  
給商相兼解課部覆先行○乙酉山東撫按官以該省逃犯五  
名年久難復請將考成註銷部覆姑限二十五年七月以哀完  
銷過限該科叅奏以後欽依緝捕強盜未及十年不獲者各撫  
按毋得驟請註銷得旨越獄強犯嚴行督捕依限報完仍通行

各撫按官不許輕與註銷○先是原任太常卿徐元春致書輔臣趙志皋以千金賄求起用至是御史況上進發其事志皋奏辨此事在三年前欲舉發以誼屬道家姑為隱忍當即將書斥還因乞賜罷以息人言得旨心跡既明勿以浮言介意○四川道御史汪以時條議倉漕八事部覆允行○丙戌馬湖府屏山縣灾燒燬民房八百九十餘家燒死男婦二十四名口○丁亥廣東道御史況上進疏參兵部尚書石星實官鬻爵誤國欺君請速賜究處以快公憤○大理寺左少卿連格以病乞歸許之○原任總河都御史今起協理京營戎政顧養謙兩疏懇辭得旨准在籍調理○命兵部侍郎李補署本部印務○陞陝西叅政蕭應官為山東按察使專管海防○除授服闋起復蔣吉士林應元為吏科給事中○己丑兵科徐成楚奏石星違君誤國



乞速賜罷斥仍數裂沈惟敬揚方亨所進賄物不報○四川道御史汪以時奏小人等露計窮駕言用兵妄希調度乞召還沈惟敬○阿木等族番人安巴等十四名進獻馬匹方物各賞給馬價絹疋鈔錠○庚寅直隸巡按蔣汝珣奏冊使楊方亨滿載違延乞搜賦正法仍正石呈欺罔之罪不報

明神宗顯皇帝實錄卷之三百七

明神宗顯皇帝實錄卷之三百八

萬曆二十五年三月辛卯朔 孝爾皇后忌辰遣官祭 裕陵  
○壬辰兵科左給事中徐成楚條陳武備六事守重地核守臣  
振武吏銷內饜杜外隙練土著○職方司郎中申用懋奏軍機  
緊急題覆久稽乞賜早斷以安邊疆不報○禮部請舉行 皇  
長子冠禮婚禮不報○癸巳浙江撫按劉元霖唐一鵬條上防  
海六議一嚴招募一建營房一練軍兵一錄吏番一整戰船一  
議任將部覆允行○史料給事中戴士衡奏督撫紛紛請告事  
體非宜乞賜嚴勅以重封疆以前遼三邊山西遼東湖廣四川  
等處相繼稱病也○山西道御史應朝卿奏倭患孔棘民心宜  
固乞嚴探確以弭亂萌○史料給事中戴士衡奏倭情狡詐奸  
臣欺蔽如石星說惟款楊方亨及奸黨假摺偽報陳雲鴻孟良

相等請俱重加處治不報○甲午大學士趙志皋等言大明  
會典 皇子年十二或十五舉行冠禮至于婚禮恒以十五十  
六為期今 皇長子年已十六揆諸典制不可更緩請于今歲  
舉行冠禮明歲舉行婚禮而 皇三子講讀屆期亦請于明歲  
舉行 上諭禮部 皇長子冠婚二禮其擇日具儀以聞 皇  
三子出閣讀書于明春舉行○乙未遼陽副總兵李如梅送鎮  
西堡出塞邀虜失利殺將十員軍丁一百六十餘名馬四百餘  
匹事聞是役也如梅與參政楊鶴便宜自決未受方畧于晉撫  
後如梅以血戰重傷鶴以新命經理俱免吏議○大梁兵巡道  
副使賈希夔以病致仕○贈原任少傅吏部尚書許國太保廢  
一子中書舍人國欽縣人嘉靖乙丑進士改庶吉士授翰林院  
檢討歷陞右春坊右贊善充經筵日講官甲戌典武試丙子典

順天試尋陞司經洗馬預修 兩朝實錄 遼南京園子祭酒太  
常寺卿領園子祭酒事居事府居事兼侍讀學士仍直講惟克  
會典副總裁晉禮部左右侍郎癸未典會試夏晉禮部尚書兼  
東閣大學士入贊機務加太子太保直文淵閣加少保直武英  
殿一品考滿加少傅兼太子太傅會典成晉吏部尚書己丑再  
典會試寅卯間升儲之議未定國以冊立請疏留中秘詔辰年  
春舉行戒群臣勿議會有主事張有德大禮屆期儀物未備之  
疏 上不悅遣中使詰責國等奈何與郎若小臣比國不自安  
旬日五疏乞休遂予告歸給傳丙申卒詔予贈廕加祭十一壇  
祈司啓英謚文穆○刑科侯建佩吏科劉道亨各疏乞先禮臣  
望長子冠婚之請不報○丙申兵部覆廣西總督陳大科奏  
岑溪善後事宜一議劉信地以重裨壘將潯培恭將駐劉大峒

永福守備改為潯州一分割山界以便管轄上七山專隸岑溪  
下七山改隸藤容二縣一拓修城垣以資保障潯旨依議行○  
陝西河清官軍擒獲入犯虜首周印恪捨林太猛謹命處決象  
示○戊戌兵科署科事給事中徐成楚言倭勢漸逼倭軀日增  
請急簡樞臣早圖戰守嚴勅督臣便宜決策樞臬李楨亦毋得  
以代庖自擾得旨防倭事宜該部與總督作速料理毋得仍前  
推諉○巡按直隸監察御史蔣汝瑚因遼帥失利言救朝鮮之  
兵大都取之遼薊平日用以備虜者我之銳卒既東虜必將窺  
伺乘虛入犯奈何又從而挑之況永平馬蘭路等處紛紛開採  
招虜啓釁尤為可虞請行督撫諸臣將近邊各兵速為募補東  
征完日原調各兵係臺者仍補臺係營者仍發營并將近邊關  
保無生虜心上是其言下部議覆允行○戶部尚書署吏部

楊俊氏言兩選悉完部事壅塞謀酌處非陞各項官員細查資  
體疏名上請不報○薊遼總督孫毓請添贊畫部臣二員不報  
○四川分巡川西道副史劉卿加右叅政兼僉事專管採木○  
已亥贈原任太子太保禮部尚書兼文淵閣大學士陳于陞少  
保廕一子中書舍人于陞南充人太傅以勳子陞慶成辰進士  
改庶吉士授翰林院編修充 世宗 穆宗實錄纂修官或陞  
修撰充日講官叙講讀勝加俸一等陞洗馬乙酉典順天試已  
進侍讀學士詹事府詹事學院事禮部右侍郎掌詹事府事疏  
請立 東宮壬辰典會試尋改吏部右侍郎復轉左癸巳滿三  
品廕子入監復請冊 東宮雖未賜俞而出 元子講學有力  
馬已陞禮部尚書兼翰林院學士仍掌詹事府事謂 實錄實  
訓秘在金匱會典職掌浸遠野史更訛認失真請及時修正史

信令傳後詔允行甲午 上特簡為東閣大學士入參機務條

上六事曰接大臣用人 獎外吏清邊餉儲將才選邊吏 上

嘉納以甘鎮功進太子少保已滿二品進太子太保仍錄一子

丙申冬 上切責言官落籍二十餘人疏救甚力未幾 丙宮

突叩 內殿請面不獲引罷不許已從 南郊感寒卒 上命

卹典有加遣官營葬護喪復諭 元子陳閔侍若講讀宜卹其

喪 元子暹中官致金幣此故事所未有也 于陞世為史注心

經世凡往代制典朝家令甲與名願所規條攷鏡甚詳故翔正

史之議易名時余謂惟勤學好問博聞多能可狀于謚文憲比

宋金華彭安福費鉛山良不忝云○兵部奏報倭將清正欲移

駐慶州請勅督臣亟令吳惟忠楊元各將兵前往朝鮮扼險張

威相機戰守仍催總兵麻貴兼程前進以決長策 上是其言

今各將官作速前去前議增設經理朝鮮巡撫許久不見推用  
逸情重大如何若此怠玩具速行○命宣大副總兵姜顯祚陞  
都督僉事管理總督標下中軍事○湖廣道御史周惟翰乞免  
禮臣寇婚之請不報○山西巡撫魏允貞奏西河王知燧歿于  
安邑縣解州絳縣等處差儀賓開礦富峪衛指揮王守信歿于  
平定州稷山等處開礦請併歸太監張忠開採為便不報○庚  
子 皇第七子生○命發太倉庫銀四萬二千三百七十餘兩  
為固鎮下馬關四營新丁本年月餉送總督請也○贈管河主  
事袁允宇太僕寺少卿以其治河積勞也○山西按察使劉天  
衢以病乞休命加太僕寺卿致仕○工部都水司郎中孫健乞  
正石星假獻取媚之罪仍將內監所收楊方亨所受禮物發出  
棄毀不報○改貴州副使徐秉政提督河南學政○辛丑以



皇七子誕生賜元輔志皋大紅雲紵二疋金花一對次輔位一  
員各大紅雲紵二疋銀花一對及講官劉元震等三員有差○  
予原任吏部左侍郎趙用賢祭一壇以經筵久勞仍給全燕用  
賢常熟人隆慶辛未進士改庶吉士授翰林院簡討充纂修會  
典官疏論首輔張居正奪情廷杖削籍癸未用薦起陞右春坊  
右贊善時選人皆召選意氣發抒銳意更始異議者指為朋黨  
用賢上疏極言朋黨之名非盛世所宜有引歸不允已充經筵  
講官陞司經局洗馬管園子監司業事右春坊右庶子掌坊事  
陞南京園子監祭酒詹事府少詹事其在雍舉高士鄧元錫劉  
元卿修忠臣黃觀廟子丑間請定儲位宥言官李沂斥大璫張  
鯨漢引歸不允已陞南禮部右侍郎疏請早教元子移禮部  
左侍郎兼翰林院學士再引歸不允會有三王并封議即上

書極陳不可登已陞吏部左侍郎兼官如故是秋有監生吳鎮  
計奏之事鎮故御史吳之彦子初用賢與之約婚及用賢削  
籍之彦恐不利已中悔用賢察其意以書幣告絕之彦大喜為  
得計越十三年趙女已適人而鎮突以絕婚奏先是用賢乞休  
疏十二上曰不歸無以謝忌者雖曾史爽由不點不止至是果  
然用賢性剛直持議嶽嶽意所不可雖貴顯無所避當被杖時  
到敗內如掌要陳恭階而積之輒持眦以誠而卒孤立行一意  
為同鄉柄人所扼不得大用天下惜之○壬寅以 皇七子誕  
生告 內殿選駙馬侯拱宸行禮免群臣稱賀大學士張位  
等言吏部會推經理朝鮮都御史楊鏞才兼文武精敏沉毅一  
時無出其右請亟賜點用不報○工科給事中楊應文奏沈惟  
款無籍棍徒久通倭將有識寒心望 皇上獨斷勅令回還

上令閩臣擬案取回張位等言惟敬懷疑懼罪持之愈急則益  
望其逃命之心反為國患今但令督撫取回報効庶使不生他  
心不報○山東巡撫張允濟奏各礦地方但係上中照舊開採  
但係下等即行停止不報○癸卯泗州大火延燒民房四千四  
百餘間燒死男婦五人盱眙縣同時火延燒民房一百六十餘  
間事命撥漕糧二萬石以賑被災者○南京浙江道御史黃華  
秀等乞罷斥石星趙志皋發帑金以修外禦而又停礦使巫選  
除補守令亟行取以圖內治不報○管理山海關主事張時顯  
奏倭奴緩兵之謀最狡楊方亨沈惟敬進御之物並詐乞奏決  
戰守機宜悉畚私貨什物不報○甲辰 武宗毅皇帝忌辰遣  
伯譚國佐祭 康陵○陞叙州知府胡宗洵為四川副使兼石  
叅議○陝西有茶市先是御史李楠議禁湖茶謂自湖茶行後

各商利于夾帶短販得以盛行甚且漢中保寧僅止一二十引  
茶戶歎辦本課往往私販出邊蕃族利私茶之賤因而不肯納  
馬此湖茶之有礙于漢川也又湖南多做茶食之則刺口破腹  
蕃族因此不來納馬此湖茶之不便于蕃族也至是御史徐僑  
請仍行湖茶謂漢川茶少而值高湖南茶多而值平又漢中保  
寧不盡產茶而西紫通已僅足小引食用湖茶之行原與漢中  
無妨漢茶味甘煎熬易薄湖茶味苦酥酪相宜湖茶之行于蕃  
情亦使然湖茶可行而假者不可不禁一塞假茶之源在于寶  
慶新化互置號單比對數日付商收買委廉能官于諸商起運  
時盤驗一清假茶之流在于紫陽茶坊令府縣官一負視驗真  
正方許發號既下戶部部覆折衷二議以漢茶為主湖茶佐之  
各商中引先給漢川完日方給湖南如漢引不足聽于湖引內

度補報可○兵部左侍郎李楨奏經理朝鮮事宜言平壤王京  
釜山三處乃朝鮮要地必城池高深可恃無恐各宜修建大城  
其善有五聲援與策應兩當堅壁與清野兩得兵食兩便戰守  
兩宜立屯與開鎮兩益得旨建城控險聯絡屯聚誠為保屬長  
策便行總督會同經理及兵道使宜行事仍行朝鮮國王遠為  
計慮並申諭該國臣民俾知朝廷憫彼陷溺代為經營務各爭  
先勸工勉期竣事以振積衰之勢○兵部左侍郎李楨條議倭  
情十五事一定兵計一連救援一偵情形一明地利一審戰守  
一用經理撫道一重總督事權一專防禦謂督臣既奉旨經畧  
不污生鎮薊門救援事宜既設有專臣宜職督臣與新撫經理  
一預糧餉一嚴紀律一絕勾引款將原冊出使隨從貧役姓名  
照數招回使之立功自展毋棄以資敵一懸賞格一備戰具一

禁遊客一廣蒐羅得旨舉行○朝鮮國王李昖上疏求援言倭  
賊不撤餘衆要遣陪臣既非 天朝原約及陪臣隨冊使前去  
又以官卑不納蓋款借此為辭開釁劾兵耳况蒙 天朝大恩  
誥命誕頒而驅迫冊使尅日渡海又不遣一使恭謝悖慢之狀  
此亦可見清正素慄悍今復領兵狂逞決不可以他計廢之若  
天朝救援少遲則全慶忠黃被賊蹂躪鴨綠遼東徧為賊窟  
乞速發南兵數千為犖援隨調大軍運糧餉水陸夾剿并乞給  
船角硝黃等材以備戰用部覆得旨救援兵將立限催發遲延  
以違違論罪兵行糧送勢不可緩該國備辦本色預待境上應  
用中國再從便發糧由山東海運接濟毋得臨期推諉誤事○  
戶部覆保定巡撫李盛春奏防守天津事宜言倭情叵測春汛  
方殷議將天津營春秋兩防歇班官軍加給行糧留防海口既

省召募之費且得修備之用矣郵可○浙江撫按劉元霖磨一  
鵬以觀海衛孝封諸寨八寶等處礦山遣官開採各上疏言浙  
濱海近倭防倭必不能防礦請停以消內外隱憂不報○吏部  
奏科道缺人乞准行取不報○吏部奏會推樞臣候旨日久乞  
于蕭大亨等六員特簡一員不報○乙巳改戶部左侍郎李春  
光為兵部左侍郎協理京營戎政○陞山東右叅政楊鎬為都  
察院右僉都御史經理朝鮮軍務○史料給事中戴士衡疏請  
查覈沿邊吏不諳邊務者部覆報可于是調登州兵備副使王  
學謨于充西以普州兵備張世烈補海防道并調山東巡撫張  
允濟于履地用○陞陝西分守隴右道副使郭顯忠為本省右  
叅政兼僉事專理靖虜兵糧潼關兵備副使張維新為本省叅  
政分守隴右○除補翰林院編修劉曰寧原職元正史館纂修

官○兵科左給事中徐成楚奏倭患震隣內治尤急乞查核原  
額兵餉勿令詭冒更調沿海各官務求稱職蒞鎮督臣速赴鮮  
邊通中處所庶使策應真定撫臣當帶領標下精兵暫任天津  
浙直閩廣等處督撫兵憲等官各宜分駐海衝以防內犯不報  
○丙午陞管河運同羅大奎為山東副使仍管曹單黃河身督  
理小河口工程○丁未以洮岷禦虜功賞叅政蕭恩官守備武  
大振等銀兩有差○除銘朔州衛軍糧四百九十餘兩以丈量  
增額累賠故也○留雲南查盤過三年錢糧充本省邊儲○戊  
申以原任陝西副使張登雲降補河南右叅議分守遼海原任  
戶部郎中艾維新陞山東右叅議兼僉事備兵開原從薊遼總  
督請已已而維新以病告許之而用河南僉事邢雲路○朝鮮  
國差陪臣權快等十三負陳奏倭情并請稍黃劬角准支太僕



寺銀二千兩自買運四折宴賞如例○已百補原任四川僉事  
王志為福建分巡興泉道兼管兵備事○冊封日本正使楊方  
亨回京上疏直言封事頗末正欺罔以絕禍源臣于萬曆二十  
三年十二月蒙充副使自出都門至王京一應事機俱聽正使  
行止臣住居昌隨沈惟敬屢差中軍請臣前進云一入釜山倭  
即撤還臣遂發密陽入釜山未幾而正使李宗城亦入此時倭  
情帖然去年正月惟敬忽有預行教禮之說同行長渡海副聞  
惟敬住南戈壁行長往見闕白相問二三月音信杳然宗城又  
被謝隆之感薦然潛出臣即揭報兵部備言倭情狡詐請遣臺  
省或邊道前來查勘可封即封可罷即罷當事者以文臣破敗  
封事故不請遣乃改臣正使惟敬副之初議釜山一倭不留然  
後性封已奉兵部劄釜山倭戶務安揅得所又改書行長令臣

或位對馬區或位尚茂崖候欽補物件臣因于六月十五日渡  
海沿途館舍委有新創供德太為堂是八月初四日至和泉州  
秀吉差倭將迎慰送禮閏八月十五日欽補諸物甫至行長肥  
泰秀吉即擇九月初二日于大坂受封惟敢先去教禮封時委  
行五拜三叩頭禮呼萬歲次日至臣宮稱說感戴天恩及言謝  
恩禮物俱被地震損傷臣于初四日拜秀吉秀吉云冬月西北  
風多渡海不便不散久留天使及臣將行秀吉差倭僧向惟致  
貴儀朝鮮禮文倭奴狡詐百端志在蠶食于此可見當事者尚  
以小首行長為可恃歎苟究目前復貴臣以謝表完事然受封  
之後倭衆果退即謝表遲遲亦不為過今使節尚未運朝倭衆  
仍舊其地即有表文亦何益也其表文臣見字跡欠恭書丙申  
紀年而不奉正朔乃兵部貽臣書云日本原未頒曆與玩球朝

鮮不同又貽書臣謂 皇上喜金珠天鵝絨惟收因賈程程體  
天鵝絨以進詭稱秀吉所送其名程程毬者出自南蕃秀吉鋪  
地皆此物不過巧立名色耳天鵝絨即廣東剪絨小事欺罔如  
此大事可知因以本兵密書十三紙封進書中大指款苟完封  
事無令督撫破壞而已孝宗城亦上疏白心跡吉去連本兵踵  
聘來憑本兵致書于是本兵疏論方亨及覆附會以向來書揭  
十五紙進呈語多涉督臣陰事疏入 上令九卿科道看問明  
白以聞及會問而揭中所稱清正與督臣通書受其線帶方亨  
不肯承亦並無哄誘宗城出營請節奏聞 上命將密揭公同  
驗對果否方亨手筆並將孝宗城慎懋龍而究具奏不許含糊  
欺隱已復會問奏聞得旨爾等既言石星歛息兵省餉但輕聽  
誤國情有可原姑革職候旨定奪又言清正漢來非因孫毓所

致令柱門避避恐失事機亦革職聽勘總督負缺即便會推楊  
方亨及覆小人本當重處念其遠使辛勞姑令革任永不叙用  
○庚戌賜元輔銀彩扇六把銀釘銀扇十把車碾釘銀扇二十  
把次輔併講官有差○兵部左侍郎李禎奏倭掠緊急聞外之  
事全在總督料理几遣將調兵扼要退倭望 天語丁寧務獲  
萬全宜勅朝鮮急令該國將士奮勇雪恨得旨覽奏具見著倭  
至計便行與總督殫心竭力及時料理仍諭朝鮮共圖濟屬保  
國拒敵○吏部言急選多官候旨日久懇賜批發吏科署科字  
給事中劉道亨亦以為言俱不報○戶科給事中程紹初兩廣  
總督陳大科貪縱乞賜顯斥不報○賜韓府通渭王漢瑄謚忠  
穆楚府江夏王英煥謚恭懿○辛亥大學士趙志昂等請以性  
理大全接續進講不報○大學士趙志昂三懇引疾求歸不允

○浙江巡按王業私言關疆于浙不便者六五洞皆水未易乾  
潤一也洋因露而露虛生疾二也民畏閭閻各有離心三也礦  
利喧傳奸徒四起四也採取無獲攻劫屠戮五也守禦久弛煩  
兵費糧六也乞亟停不報○都察院疏催速發吏部行取諸臣  
之議以重風憲不報○壬子陞岳州知府李蘇為西淮都轉監  
運使司運使○吏科給事中戴士衡條上禦備事宜一嚴防守  
一廣召募一簡守臣一處糧餉一蒐異才一詰奸細一審軍機  
一更偵探部覆得旨依議行其事于軍機章疏無令松抄傳播  
若有違犯及奸徒假以獻策為名聚集酒樓者嚴衛五城嚴拏  
重治○癸丑加蘇松兵備督時聘為湖廣右布政使兼副使照  
舊管理○兵科著科事左給事中曾官徐成楚等古樞臣評奏  
揚方亨一十五紙已經九卿科道看問具奏呈因清正一封方

亨不認又出私揭四紙以求印証臣等審察其意不至甘心于  
督臣不已夫督臣何德于清正何仇于樞臣樞臣挾數萬之贖  
不能使行長去督臣以四幣之力何能使清正來試問石星倭  
而入寇督臣與之戰耶樞臣與之戰耶戰如失利罪樞臣耶罪  
坐督臣耶蓋督臣職專節制身在利害之中樞臣責止運籌身  
在利害之外人情熱不趨利而避害彼坐觀者賄倭使去乃當  
事者沒誘使來鎖雖至愚必不其然況清正主戰行長主款陽  
若相左陰實相通以玩弄我股掌之上乃星不自悔為行長所  
賣而反誣總督與清正私通是愈墮其術中耳乞亟遣星歸俟  
東事結局另議臣廉責成該部及督撫等官悉心料理務保全  
勝毋得以浮言陸阻庶幾問不行狡夷自屈不報○史料給事  
中劉道亨奏乞備乞部院之請亟下行取之令不報○甲寅河

南道御史陳遇文等奏石星擔當封事孫鑣果有四帶遠消正  
以壞封事星于此時何不即舉以奏聞直待今日而後發覺乞  
遣星回籍勒該部及督撫嚴行設備不報○乙卯陞歸德知府  
丘度為陝西副使○陝西督撫李汶以蕃族歸降上分處事宜  
言河西屬蕃 祖宋朝領袖納馬不侵不畔實為外臣東起金  
城西抵哈密而者北虜隔絕不通猶然漢武斷匈奴右臂之故  
事也正德初年查虜亦不利獲罪于主降附中國接邊于甘涼  
間引領望赦當時地方官畏虜如虎不捕不納虜見我之歡志  
于招納又窺我有歸還意但謀之意且深知我無如彼何遂寔  
我邊垣經我內地佔處青海殘破五衛實由處置失策以致虜  
之右臂復肅盡河湟兩川混為虜巢驅兩河諸番靡所寄命甘  
心為虜之耳目擊謀以戕虐于我頃者 皇威大震捷虜逆徒

各著有意內馨又自以流寓之久趨趨觀望而不敢入一得相  
番白旗消其疑畏之意西寧甘州陸續降附者萬餘人今當厚  
撫番之既歸者以勸其未歸之心鼓舞者之嚮我者以制其夙  
仇之虜布恩令而俾之安居嚴約束而禁其通虜所以斷匈奴  
既聯之臂復 祖宗豫附之夷夷者臨不外此部覆報可○  
致妃李氏薨逝傳旨封為 皇貴妃禮儀照 世廟皇貴妃禮  
儀例行營葬吉地禮部請遣官于 天壽山悼靈左右相擇  
上命禮部尚書范謙欽天監監正張應侯往○丙辰陞太原知  
府趙彥為山西副使○戊午大學士張位等言東方兵寄燕榆  
那玠乞用為總督蕭大亨堪任本兵乞改兵部尚書楊鎬適值  
親喪宜奪情起復復再疏保舉大亨俱不報○吏部左侍郎孫  
繼皋乞歸不報○己未賜三輔臣解稿○陞兵部左侍郎那玠



為兵部尚書兼都察院右副都御史總督薊遼保定軍務兼理糧餉經畧禦倭○自河決南徙徐邳復見清泗議者謂全河水微不利運道決口不塞貽害地方且恐下蓄歸仁為二陵惠獨總河尚書楊一魁謂烟口深澗難塞議濬小浮橋沂河口小河口至是工程報竣運道通利奏言河徙無妨運道今日已有明驗惟是議者尚以祖陵為慮請假任事洪武二十四年河決原武黑陽山經開城北又東南經項城太和潁州類上至壽州鎮陽衝入淮行之二十餘年至永樂九年河稍北入魚臺塌場等口未幾復南決由渦河經懷遠縣入淮時兩河合流經鳳陽歷泗州以出清口若惠及陵寢祖宗當何如為慮者而卒未聞計及也嗣復又行之四十餘年至正統十三年河復北決衝張秋至景泰初先臣徐有貞塞之河乃復渦河東南入淮

亦不聞病及 祖陵也嗣後又行之三十餘年至弘治二年河  
復北決衝張秋先臣白昂劉大夏相繼塞之沒漢河南流一由  
中牟至潁壽一由亳州渦河入淮一由宿遷小河口會泗時則  
全河大勢縱橫于潁亳鳳泗之郊而下且愆溢于符離睢宿之  
境矣然亦不聞虞及 祖陵亦不聞隄及歸仁也惟是正德三  
年以後河漸北徙或由小浮橋入漕或由飛雲橋入漕或由板  
亭入漕全河大勢始盡趨徐邳出二洪運道雖稍資其接濟之  
利而亦受其泛溢之害矣至嘉靖十一年而河臣建議分導者  
始有渦河一支中經鳳陽 祖陵未敢輕舉之說夫當全河而  
徙之時不聞為 祖陵患及全河故之核僅認導一支乃反足  
為患乎然當時間有濬祥符之董益口寧陵之五里鋪崇澤之  
孫家渡蘭陽之趙皮寨又或決睢州之杞丘店界牌口野雞崗

寧陵之楊村舖俱入舊河從亳州鳳陽等處入淮南流尚未絕也亦何嘗聞 祖陵之被患乎至嘉靖二十五年以後南流故道始盡塞或由秦溝入漕或由濁河入漕五十年來全河盡出徐邳奔泗入淮而當事者方認各作主日築垣而居之以致河流日壅誰不敵黃退而內漕遂貽今日 祖陵之患此寔由于內水之停壅不由于外水之衝射也萬曆七年先臣潘季馴始慮黃汎倒灌小河白洋等口挾諸河水之衝射 祖陵乃作歸仁隄為保障計而復張大其說以為 祖陵命脈全賴此隄無怪乎議者習聞其說而遂疑黃壩之決或下督歸仁也不知自黃壩一決下汎易淺必無上灌之虞況今小河不日工完引河歸復故道去歸仁益遠何煩過計哉部覆報可○兵部左侍郎邢玠奏防禦朝鮮機宜 上以用兵進止聽旨經使宜作發兵

餉責戶兵二部同心共濟初各督撫鎮道仍令朝鮮整頓備辦  
以待大兵時督臣孫鏞所徵南北官兵止一萬九千餘名部議  
以其數比先臣經畧宋應昌往援兵馬未及三分之一應聽督  
經酌議得旨允行○兵科署科事刑科左給事中徐成楚奏行  
長清正皆平秀吉腹心將領一向裝成團套認相左以欺中國  
樞臣遂墮其術中而不覺茲據倭艇四十餘隻係行長管下裝  
載軍糧兵器又倭艇三十餘隻係清正管下進往西生浦其同  
心協力之狀至此畢露且沈惟敬素主和議亦云調兵設兵以  
防未然彼此情形大畧可暗援救朝鮮誠不可緩內地防守尤  
不可不嚴乞早簡樞臣急圖方畧不報○浙江巡撫劉元霖以  
慶元地方曠徒哨聚官兵驅逐業已散但恐此防彼發滋蔓  
可虞不報

明神宗顯皇帝實錄卷之三〇八

明神宗顯皇帝實錄卷之三百九

萬曆二十五年四月辛酉朔孟夏享

太廟道公徐文壁代侯徐文煒伯王學禮分獻○戶部條陳開  
憲沿海荒田加增蘆浙鹽引並紀錄大同鎮開荒官負俱先行  
○甘肅西寧地震○刑部左侍郎呂坤疏言收拾人心數事洮  
蘭之間小民織造僅販以糊口自傳造以來百姓苦于作繭桑  
桑農而捻線者數百萬人提花染色日夜無休至于山西之絀  
蘇松之紗羅既銷歲額已自日盈與其積于無用孰若定有以  
常如四季袍服歲用千疋則造一年預造一年是宮中省收歲  
之累天下無多取之憂而江南陝西之人心收以採木言之丈  
八之圍非百年之物或孤生何崖或叢長千里暮霧常濃人烟  
絕少寒暑饑渴瘟疫瘴癘而死者無論矣乃一木初出千夫難

移每行不過數步，遇險跌馬死者常至百人。至于墮撞之處，豈無傷痕？官贖謂不合式，依然重代。每木一椽，官價雖云千兩，比來都下費不止萬金。倘少其數日，減其尺寸，而川賈獨廣之人心，收嘉靖年間河而墮洞，初該省撫按誰敢侵剝？民自一切在官供應，礦夫工食，官兵口糧，皆倚辦于毀寶戶，而民多累死。自都御史李盛春最肯切責，而撫按避嫌，勦撫馬鳴鸞與臣書謂文家洞近二千人，聞之三月止見砂十六眼，銀之有無費之寡可懸知矣。今礦稅無利，散民間納銀，民不能支，括庫銀代解，朝廷得一金，郡縣費千金，豈開礦之初意哉？乞勅各省使臣嚴禁散砂，不許借解，而各省之人心收自趙承勛造四千之說，而皇店開自朝廷，有內官之道，而事權重且馮保八店為屋幾何，而歲有四十金之課，解進數有四千，徵收豈止數倍不奪市民？

將安取足乎縱使內臣庶舒長隨掛塔吞噬群俊內臣無由知  
寃氏何由訴望將各店內臣仍取回京原坐租銀責令所在有  
司照數進解而畿甸之人心收 楚王毫無惡狀神奸王守仁  
王錦襲冒認王弼子孫捏稱受寄財產假傳詔旨暗隔 親王  
宜誅此西賊而宗藩之心收崇信伯之貧十箱珠寶之誣通因  
所知也始悞于風聞今既真知其枉又禁錮之何不直示聰言  
之悞嚴緝搦害之奸運費甲金革去之祿復五城嚴衛降勅之  
官釋王坤覺大義之罪而勲戚之人心收臣待罪刑部三年矣  
每見詔獄一下持平者多拂 上意後重者皆當 聖心如往  
年陳恕等以隱瞞家產坐盜王正等以知情藏匿擬徒甄常始  
等以白晝搶奪擬遣臣等已自廢法 陛下猶以為輕俱加處  
死如近日李吉等本非把持也必欲擬軍張澤等預支局料也



必欲追銀天財庫本無揭瓦也必監王進忠等必欲坐盜此皆  
真屈真枉惟俯從司寇之平而罔圖之人心收釋監候之曹學  
程還一勾之科道簡建言得罪之逐臣分別召用應復除者即  
與復除應行改者即為行取而士大夫之心收朝鮮請兵而二  
三其說許兵而延緩其期惟早決大計併力東征而屬國之人  
心收解京糧料一物十費措辦既苦轉運尤難今庫廠物料粗  
惡者固有朽腐者亦多可指萬姓膏血化作一房塵土倘每年  
查盤晒晾重典手之罪變惡為美但一年可備三年之資則本  
色暫改折色既不虞乏國用亦未暴殘民財而解納之人心收  
祖宗時稅富戶以實京師自商人有預納有鋪墊一報在官  
百年不替而上富貧自暴民聚衆凌奪奸民設機騙詐遊食者  
坐耗民財淫汰者誇奢民俗而中富貧自各衙門印結之雜捕

送之輕無批票而緝勾攝本良弱而誣盜奸而下富貧自房號  
重于優免之濫科派苦于各色之多一身家役而貧者愈貧自  
抄沒法重株連數多又有刁惡乘機恐嚇挾勢固利撥編京師  
伏望省不急之上納禁監守之鋪整嚴駟奪之刑重需索之罪  
清差役之煩定優免之則慎抄沒之舉而都下之人心收列  
聖在御之時宦官官妾死于垂楚者未之多聞陛下半未疑  
深怒重廣廷之內血肉淋漓宮禁之呻啼號悲慘吉祥之地豈  
宜如斯且宮闈近地護愛聖躬惟在此革今環門守戶之衆  
皆傷心側目之人彼懷朝不保暮之懼何愛九死一生之身臣  
竊憂之臣望法令不嫌于嚴鞭朴不至于死而左右之人心收  
斂入不報○吏部左侍郎孫繼皋病懇歸田不報○癸亥戶科  
給事中程紹言倭變礦變勢難兼防乞停浙江山東沿海開採

之後不報。甲子以秦雍指揮賈臣詐為勅印騷擾地方遣官  
旗速明仍命欽差官關防隨從毋得縱容生事。予南京都察  
院副都御史傅鎮祭葬。乙丑予原任左都御史袁貞吉祭葬  
如例。謚簡肅。○復除原任河南副使王貽德于四川分巡下川  
南道。○調補原任浙江左叅議郭士吉于四川分巡川東道。○  
丙寅。○皇七子孺月禮部上剪髮儀注。○陞河南左叅政蕭良  
幹為山西按察使。廣東左叅政鄭人遠為雲南按察使。○湖廣  
巡按趙文炳言王守仁王錦襲假刻。皇祖制書欺誑朝廷侮  
辱楚藩窮凶極惡不宜僅發回原籍請垂正天誅。迺繪圖以進  
不報。○丁卯總督薊遼兵部尚書邢玠言原調宣大兵馬尚未  
選發宜責成鎮道挑選至于前請兵馬尚不足用宜將薊延入  
衛二營先選四千前往朝鮮把守門戶遠東見貯糧餉缺撫設

法運至鮮界聽鮮撫自行執運其召買事務各撫臣或委該道或設專官酌議接濟得旨兵馬糧餉及設官專理事宜戶兵二部速議處應用仍行各該撫臣協力共濟遲悞者部科及總督參治○戊辰十戶尹英言揚州設官鹽引逐季搭賣可得銀六萬兩大學士張位等以廢壞成法請寢不報○以題寫恭順榮莊瑞靖皇貴妃銘旌賜輔臣位一貫銀各二十兩紵絲二表衷及中書官馬繼文等有差又以恭視寓香冊文賜二輔各銀二十兩紵絲一表衷及中書官湯應龍等有差○己巳補賜聖母慈聖宣文明肅皇太后萬壽聖節首輔銀五十兩紵絲三表衷次輔各銀四十兩紵絲三表衷及講官劉元震等有差○寧夏總兵官李如栢以病乞歸許之○以西寧甘州禦虜斬級功賞按察使劉敏寬副使黃子美副總兵達雲等各銀十五

兩同知龍膺等有差○禮科在給事中羅林請修武備不報○  
庚午命經理楊鎬照譚倫例奪情視事鎬疏辭不許○補原任  
浙江右叅政曾士彦于山東督糧道○賜遼府松滋王憲燧謚  
莊懿○辛未戶部尚書署吏部楊俊民請公舉邊才并嚴舉主  
之法報可于是科道各疏所知以聞○以陝西綏德等十六州  
縣重災蠲免存留錢糧并賑酈州等十四州縣衛所之被災者  
○兵部乞查究楊方亨取齋表文務極情實以為使臣奉職不  
減之戒不報○癸酉 孝懿莊皇后忌辰遣侯朱繼勳祭 昭  
陵○吏部請簡用樞臣惟點蕭大亨等不報○甲戌先是四川  
巡按王明勛報功罪與巡撫譚希思持議不合彈章不令與聞  
于是希思具疏乞休得旨令照舊供職撫按官公心體國自無  
異同今後不得各持意見致悞正事○論請虜失事罪逆擊麻

濟邦革任回銜副使郭顯忠以代著未久免究○命鎮守延綏  
總兵官右都督杜桐以原官掛印鎮守寧夏南京前軍都督府  
僉書朱先充總兵官鎮守廣東已先以老病乞休令以新銜致  
仕而用浙江總兵侯繼高○乙亥山東道御史喬壁呈以臺諫  
缺人請將聽補科臣項應祥等台臣趙標等復除不報○禮部  
右侍郎余繼登以病請告不報○丙子陞山西左布政萬象春  
為都察院右副都御史巡撫山東○刑部右侍郎呂坤以病乞  
歸許之○河南道御史高攀上急圖安豫要務疏不報○丁丑  
吏科給事中戴士衡劾論葉夢熊呂坤孫鑣等給事中劉道亨  
吉士衡為輔臣張位所劾並位疑舊歲孫丕揚論位既出自坤  
手授意報復也于是張位既歸坤回籍之旨出自內批非臣所  
能衆預乞留呂坤并罷臣以謝天下得旨言官懷疑妄言不必

與辯呂坤之去乃朕心獨斷卿即出輔政不允辭○通政司右  
叅議李宜春為戴士衡論劾疏乞休致許之○吏科給事中劉  
道亨請允補聽補科臣劉為楫楊廷蘭侯慶遠項應祥四員○  
庚辰錦衣衛東司房小旗錢士魁私充沈惟敬旗鼓官送日本  
回緹帥王之禎以聞旨下法司監候○辛巳大學士趙志舉以  
篤疾四疏乞罷上溫答不允○壬午吏科給事中戴士衡因  
劾道亨疏留呂坤復上疏訟坤庇護石星撥置孫鑛而道亨與  
星同鄉力護封事以此恨臣得旨呂坤已去不必又說今後大  
臣被論科道建言俱聽朝廷公斷不得偏護爭辯○陞工部主  
事何堪之為江西副使○巡撫遼東兵部侍郎李化龍以病乞  
休許回籍調理○癸未陞戶部郎中張應鳳為陝西副使○陞  
山西右布政使高時為本省左布政使○乙酉兵科左給事中

徐成楚請簡樞臣不報。丙戌兵部左侍郎李祺言川陝接界而松藩向無虜患者以吐蕃為之屏蔽也。自俺酋西牧遺孽兩川全陝殘擾迄無寧日。近西鎮戒嚴舍隄趨蜀將川上鮮寧謐之期矣。臣閱地圖自北界作兒革迤西至殺鹿塘毛兒革地方其間番族為虜所挾者十有八九。是我之藩籬已與虜共而間道可達內地者多不隔三舍。幸中有層巒疊嶂屹然天險如鎮虜堡為牌臘門戶紅橋關為松城咽喉堡關之外或嶺或崖皆可據守。守阿玉嶺則虜必不能越出岷際而窺鎮虜。守黃勝場則虜必不敢踰絕塞墩而寇紅橋。以至外而橫山子不竟日可抵窩石崖二十里。即達松城鎮。尤為要害。皆當亟為防禦。請行談撫鎮計畫以聞報可。賞榆林衛都指揮使河州叅將周國柱銀一百兩。副千戶鄧鳳俸一級。國柱前以首功加實職二



級部言都指揮使例不加授都督故改賞○丁亥大僕寺少卿張企程以病請告許之○戊子予大理寺卿張夢鯉祭葬如例○己丑陞山東布政張思忠為都察院右僉都御史巡撫遼東督理軍務兼管僉倭○白河決黃烟總河尚書楊一魁議開小浮橋築義安山濠小河口引武沂泉以濟運及是以久旱不雨上源水枯又復衝開義安東水橫壩二十餘丈致小浮橋來水細微運河淺濞于是魁議挑壩口逾上掃灣淤背二處仰受黃流救小浮橋以上數十里之壩并乞寬過洪原限部覆報可○河南巡按姚思仁疏言中州困疲乞停開採一曰礦盜曠聚召札之可慮二曰礦頭累極土崩之可慮三曰礦夫殘害逃亡之可慮四曰礦兵糧缺謀呼之可慮五曰礦河通開浪費之可慮六曰礦砂銀少通買之可慮七曰民間開礦失業之可慮八

曰奏官肆橫激變之可慮不報○先是戶部評中鄭材以疏論  
堂官調南京至是欲計南北郎中俸通理給由南考功主事吳  
華以被言調南者例不通理格其請材隨報陞雲南僉事因上  
疏乞休語侵華華具言職掌皆下吏部○南京四川道御史陳  
燿言吏部大選掣籤與會典選法背戾以致人地不宜宜查舊  
例以禪吏治不報○河南巡撫鍾化民言中州民困已極懇亟  
停採礦不報○兵部以府軍前衛副千戶仲春首議開礦留守  
後衛百戶王守仁王錦襲寤誣楚藩俱請斬不報○庚寅命宣  
城伯衛國本編修孫慎行等為正使簡討王國行人潘國東等  
為副使持節冊封魯王壽鏞通安王朗緒建寧王謨堂蒙陰王  
帥鉉邵西王常澍福山王器瑛清源王器鉅汝寧王任叟蒙陽  
王翔銘杞李氏固原王璟渭旭郭氏

明神宗顯皇帝實錄卷之三〇九

明神宗顯皇帝實錄卷之三百一十

萬曆二十五年五月辛卯朔命分守西寧署都督同知達雲以原官掛印充總兵官鎮守延綏○壬辰大理寺訪獲強賊七名法宜決不待時上以正當熱審諭內閣停之○癸巳總督邢玠言往歲救援朝鮮經畧宋應昌督兵七萬有奇今倭兵不下十餘萬而前督臣抽調各兵總計不及三萬欲再行召募恐烏合之衆教習為難事定之後解散不易議遂調川東施州衛八司酉陽石柱土司邑梅平茶二長官司湖廣永順保靖土司兵一萬名不足再于叙馬澁道屬土司土紳奢世續下選補分為三營令叅遊吳文傑等三負各領一校而以臨洮大將劉繼統之以川東副使王士琦監之并用府佐吳良墮李培汪京三負隨營查督然土兵必須土官隨行如無土官必不可入選行分

作三載將官專管約束文官稽查虛冒更請將刑部尚書蕭大亨  
速補本兵以便調度章下所司○大學士張位沈一貫言臣  
等昨為本兵缺官特薦蕭大亨今邢珍條陳東事亦請用大亨  
輿論所孚簡任當亟乞將擬進票帖從中批發不報○陞湖廣  
副使劉弘道浙江副使蔡逢時河南副使陳簡各叅政弘道浙  
江逢時湖廣簡未首陝西左叅議張悌臨江知府高使禮瑞州  
知府孟紹履戶部郎中余夢鯉楊應中各副使悌本省送禮福  
建紹履雲南夢鯉廣東應中山西刑部郎中謝時泰兵部郎中  
杜允繼各僉事時泰浙江允繼河南浙江右布政使曾如春陝  
西右布政使鄒國士各轉本省左原任廣東僉事黃仁榮補河  
南察降原任雲南副使田瑄補廣西右叅議送著部楊俊民請  
也○甲午禮科右給事中羅棟乞舉行 皇長子冠婚大禮○

吏部侍郎孫繼臯乞放不報○直隸巡按龔文選言民間罪應死者每恤刑審錄情法可矜疑者疏請改永遠充軍蓋各犯之惡無干後代今日永遠則子若孫世家于戍正法免一身之死而遺罪流累世之禍也雖新例以著位後所生子孫替後不許行拘原籍子孫第各軍在伍生有子孫其根本必思原籍其軍裝必寄原籍或明闕或時逃久而必致闕文清勾里排管解其騷擾有不可勝言者乞勅下法司斟酌擬議不報○乙未以瑞陽節賜三輔臣上尊珍饌○南京太僕寺卿余一龍以病乞休令回籍聽問○陞河南知府張中鴻為山西副使管遼東苑馬寺馬政○浙江巡撫劉元霖條議調兵事宜一揮將言浙兵自山東天津撤回前鎮殺戮之後人情畏怖今應調者聞訛生疑必得一素附之將領之始無他虞一恤兵令進有所用退有所

歸無至失所一水路由內河以進天津部費水兵若由內河必  
須計程定限毋以水淺為詞致悞事機餘如議行○丙申以京  
營叅將陳寅平總謝周梓為薊遼軍門標下訓領南兵將官送  
那珣請也○發太僕寺馬價銀二十五萬七千兩以備水陸各  
兵三月糧餉及防倭官兵犒賞○陞山西分守口北道按察使  
孫維城為右布政使駐劄宣府分管西南二路以寧北道兵備  
副使張國彙補口北道雁平道兵備副使趙彥調岢嵐道送宣  
大暫撫請也○陞浙江副使林烜為廣東左叅政○兵部車駕  
司主事徐中素言祖宗舊制有上下兩利不得不議說公私  
俱病而不得不議更則召商閩中以裕邊酌議清勾以實伍是  
也按永樂中每鹽一引輸邊粟二斗五升商人爭出財力募民  
墾荒天順中斗粟值銀二分邊儲大裕成化中尚書葉洪議改

折也商徒農散樂土變為萊蕪後雖有仍徵米豆芻秣之令然不過十中之一二耳商人寧厚值以易粟無寧墾田以多費糶所從來久矣今誠沛下明旨漸復輸粟之規不十年而舊制可舉矣往土著之民見種粟之可以永為利也又爭募民以種粟且商人自置墩臺自隴保伍突有虜犯人自為戰此不惟有益于鹽法而且有益于此改不惟可以助耕而且可以禦虜計無便于此者至清勾之令民之受害甚矣然使害民而有裨戎務吾猶甘之乃軍戶有幫貼而軍戶病里甲有管解而里甲病有司以取盈考成而有司病一入行伍半多乞羸將毋用今剝軍也莫若量其附近而調補之北人近邇而補南者則調而北南人近邇而補北者則調而南又慮北多虜警邊軍不可少耗即以本額數糧鈎召募壯士補之則人人樂業免逃亡之患在在



皆兵鮮冒濫之弊此不惟有便于民而且無損于軍不惟有益于軍而且無耗餉者也既入留中○丁酉 孝宗歡皇帝忌辰遣侯薛鉦祭 泰陵○戊戌夏至大祭 地于 方澤遣公徐文壁代侯徐文煒伯王學禮大學士張位尚書范謙分獻 五嶽等神駙馬侯拱宸先期代詣 太廟請配○辛丑四川茂州地震有聲保縣同日震○壬寅 仁宗昭皇帝忌辰遣官祭 獻陵○初淮鹽運江廣直隸御史牒送南京鹽政道御史親詣石灰山關掣驗名曰京掣後以不便裁革至是御史楊光訓言各商輯自京掣革後奸商夾帶私販正鹽壅積議仍舊使部覆報可○巡按廣西林道楠以石星悞國壞事乞請正法併焚揚方亨等所進夷物○甲辰內閣會同翰林院官考試各處歲貢取中上卷六卷中卷三百五十五卷選貢取中上卷三卷中卷

三十三卷○建州等衛都督指揮奴兒哈赤等一百員名進貢  
方物賜宴賞如例○乙巳戶部言遼東所積米豆及朝鮮見報  
糧數止二十餘萬石恐經用不足請行山東發帑三萬金委  
官買糶運至登萊海口令淮甯運至旅順遼甯運至朝鮮又借  
臨德二倉米各二萬石運至登萊轉運得旨事關軍機不許延  
誤○戊申鄖陽巡撫馬鳴騫以採礦利薄民困難堪乞賜停止  
不報○戶部覆總漕褚鈇奏蓄糧餉以備急令淮揚二府沿海  
州縣各借庫銀糶穀仍勸諭鹽商當舖量力積穀遇倭之食平  
價糶賣事寧之日在官者易價還庫在商者聽其變價營運允  
行○己酉上御朝宣奉延鎮捷音百官致詞稱賀行五拜三  
叩頭禮是日祭告郊廟遣公徐文壁侯徐文峰駙馬許從  
誠各行禮先是萬曆二十四年三月延鎮總督李汶等以套虜

卜首陽歐陰逆分道出師首功四百有奇至是勦實如例宣捷

○庚戌陞廣東按察使張一坤山東按察使龔勉四川按察使沈九疇各右布政使一坤江西免浙江九疇陝西皆以陪推用○兵部覆總督邢玠調兵事宜言督臣議增調川湖土兵一萬誠為得計但查川夷叛服靡常應量選六千負名所調用文武各官及分營定限一切事宜皆請如議得旨劉綎以原官免提督土漢官兵禦倭總兵官王士琦加叅政監軍將官吳士傑等俱准調用同知吳良璽通判李培根長史汪京准加銜及改原官用該部差官守催不許推托稽延以悞戰守○協理京營戎政兵部左侍郎李奉光以選鋒數少議增七千名以足二萬部以糧餉太費量增二千名得旨准增一千名○山東道御史喬璧星以任情篤驚異常疏上四議臨朝以鼓人心發帑以犒將

士簡樞臣以資調度器礦店以珥內札不報○辛亥叙延鎮文  
武將士功鑑督李汝加太子太保于原廢錦衣衛見男加陞一  
級世襲賞銀八十兩大紅紵絲飛魚一襲原任巡撫李春光右  
都御史廢一子錦衣衛試百戶世襲賞銀六十兩大紅紵絲四  
表裏各給與誥命總兵麻貴加都尉同知廢一子本衛正千戶  
世襲賞銀六十兩大紅紵絲四表裏兵儀道趙楫張悌蕭察俱  
陞一級邊郎高拱辰陞俸一級叅將杜松王威師以律俱陞副  
總兵孫朝梁定柱副總兵遊擊戴燁卜天兆郭有光俱陞叅將  
王國棟准沒叅將叙用秉登閔逢時俱加叅將衛守備李震加  
遊擊衛傅棟遇缺推用馮大柱戴守禮各陞實職一級自趙楫  
以下賞銀有差以區畫勅勞李棟余立各陞俸一級賞銀四十  
兩紵絲二表裏李棟仍廢一子入監該司署印官陞俸一級賞

銀十兩餘各八兩原任尚書石星誦媚倭奴欺君辱國不准叙  
戶部尚書楊俊民賞銀三十兩好絲二疋吏署兵科給事中徐  
成楚陝西巡按御史于永清各賞銀十五兩○浙江巡撫劉元  
霖條議靖海島嚴催徵二事部覆先行○壬子叙廷鎮功輔臣  
趙志舉加少傅兼太子太傅進建極殿大學士廕一子尚寶司  
丞張位加少保兼太子太保進武英殿大學士改吏部尚書沈  
一肅加太子太保進武英殿大學士改戶部尚書各廕一子中  
書舍人仍各賞銀幣有差○癸丑江西道御史黃紀賢請速簡  
本兵至國禦倭之要不報○先是刑部奏旨天氣暄熱將在監  
罪囚分別具題已蒙矜恤外又將御史曹學程亦祈矜例微恩  
未下至是刑科部給事中侯廷佩亦以屬言不報○巡按山東  
王立順以刀尖火起變出異常乞停罷山東開礦不報○甲寅

總督邢玠疏陳倭情言今日傳報者見倭不動輒曰安靜不知其動以嚇朝鮮不動以愚中國正狡倭變幻之術世豈有賊兵坐集稍一按兵即謂之安靜乎倘憑紙上之言而奸細又送中假捏傳播 皇上一疑則各部必然禦肘部堂一疑則督撫必然掣肘請今後倭情容臣小者類報大者日報不動則不必報果撤兵逆諱臣細即報不拘五日之期總之今日當嚴整兵糧為三年計萬不可希倭倖圖節省如先年議撤川兵南兵致今日倉皇無措也至所調邊兵皆騎兵而朝鮮之地利于步不利于騎步兵惟南人可用宜南北兼募行浙江撫按委道將各一員召南兵四千行順天撫按委薊容永三道召北兵之有武藝者各二千共足萬人用南將總領分練而募者于南北募兵處其難敵川湖土兵慮其易擾則天下無可用之兵惟恃邊兵耳

選兵可多調乎至如大將劉綎一時并用臣亦慮其兩不相下然不用川兵則已用川兵非綎不可請勅令同心共濟毋容參差其有兵將造謔及山人星客星相誣罔諸人來書引用糜費錢糧者乞嚴行禁緝仍望廟堂以兵事責督撫以耳目寄巡按而私揭悉屏不聽使東征文武將吏精神氣力不分于毀譽是非之場又臣等任事者之幸得旨朕以東事當付于卿決不中制亦不為浮言所惑中外各該衙門都要協心共濟以圖成功探報但求的確不必拘定日期一應兵糧事宜上緊題覆無得輕聽曉言致令掣肘誤事部覆俱如議上命南北兵如數召募將官務要同心共濟不得分彼此異同遊客諸人假託談兵惑亂軍事在京者嚴衛巡城緝拏在外者各該御史及管關主事訪察不許潛擬出入○乙卯賜三輔臣鮮筭○丙辰 穆宗

莊皇帝忌辰遣官祭 昭陵

明神宗顯皇帝實錄卷之三十一





明神宗顯皇帝實錄卷之三十一

萬曆二十五年六月庚申朔時懋腰台吉糾衆逆聲言講事  
宣大總督王世揚言北虜自市馬外仍有貢馬市馬每匹價止  
五七金貢馬每匹除欵賞外必十金乃犬羊嗜利違臣姑息每  
年貢市之馬一例老瘦另以厚價轉求他馬以進自臣撫宣以  
未諭各酋長好馬十貢其一各酋長聽命獨擺首經年不貢每  
未討賞今且聚兵將寇遙矣臣已轉行各將飭兵以待俟其至  
違果違約進馬臣必不敢多事貽朝廷西顧之憂如其狂逞當  
相機堵勒以示剴懲部覆河套虜情行談督撫審察酌處以彰  
恩威毋得批蒙養惠○辛酉戶科給事中程紹以礦變多端火  
光示異請罷開採不報○京畿道御史連標以石星欺君辱國  
陛下既已深惡宜速宥曾學程以明功罪不報○壬戌南京

兵部尚書周世選再疏乞休不允○詔四川安綿兵備副使馬朝陽于松藩道○加陞山西冀北道副使盛世承按察使兼祭議樞舊管理○癸亥先是湖廣巡按趙文炳言巡撫李得陽病將一載乞放歸不報至是吏部以請亦不報○乙丑遣內官祭祀中霤之神○陞南京大理寺右寺丞陳應芳為太僕寺少卿○大學士趙志華六疏乞休懇辭叙功官廕不允仍令即出辦事以慰眷懷○時兩宮鳩材就緒業已安頂築基惟壁柱未成明旨科道官恐暑雨地氣潮蒸木料損傷乞頒示日期以便遵行不報○丙寅陞國子監祭酒李廷樞為詹事府少詹事兼翰林院侍讀學士充正史副總裁南京翰林院學院事右春坊右諭德周應賓為右庶子兼翰林院侍讀充纂脩官○除授眼闕起復庶吉士朱國楨為翰林院檢討○予原任南京應天

府府尹王鶴奏養如例○以延綏捷功加陞陝西按察使趙楫  
右布政兼副使張悌右叅政兼僉事叅議蕭察副使俱焯  
舊管理○庚午賜三輔臣枇杷果○吏部尚書蔡國珍言目今  
南北九卿布按道府缺官數多自今九臣部推擬或正或陪惟  
上所用或正陪不當明示另推其郎署有司而下曲賜允從至  
于起復病痊各官亦應還其故物不報○南京史料給事中祝  
世祿言倭舡鱗集海上假和懷戰請復登萊防禦舊制摺釜山  
牧獵業穴並乞亟補樞臣不報○辛未陞懷陰兵備按察使萬  
世德為山東右布政使兼副使照舊管事送宣撫請也○壬申  
甘肅巡撫田樂言涼州衛掌印指揮徐國卿侵盜鑽刺通判趙  
之牧發其狀乞下巡按嚴究之牧却賄執法應紀錄叙用不報  
○癸酉革前鎮副總兵李芳春保定遊擊王之卿守備咸潤朱

李龍桂提調焦時菲任濶性仍下巡閱御史周以會儒被初故也○中右軍都督府僉書署都督僉事陳霞以原官充總兵官鎮守臨洮○甲戌總督邢玠復疏陳調兵事宜言先年經畧宋應昌東征馬步官兵七萬餘今總計前後募調土漢官兵止三萬八千餘耳此時騎兵已足惟步兵一萬臣滿望于川湖而缺部恐詎發多願此失彼願臣所議調者庚司之土兵也該省所用以防虜者民間之軍兵也軍兵勢不可調臣亦未敢輕議土兵則土司所以自衛其人以兵為業以戰為事以立功報朝廷為榮先年調征九絲臘乃黃甲等處累立戰功即征倭虜亦皆調之及其以勝凱旋各歸其業非若四方無籍之徒原無歸着者比臣在川貴時知之甚悉而或者謂其悍而難制是在取之耳夔州水路至荊州只三四日程舟由襄陽而河南而南

隸與浙兵起遼地里亦不甚相遠也請將已准發七千員名分  
為二營先後進發續選三千三百名為一營挨次起行文武將  
吏以各兵之擾不擾為功罪至于倭奴水陸皆有備而我水兵  
止浙之三千及朝鮮水兵壹枝共止五六千耳須再得二千稍  
可分布水兵惟浙直閩廣為家但浙兵調發已多廣東道里甚  
遠于福建南日等寨或直隸吳淞等處抽募精兵二千隨與器  
械兼程前來以為夾攻之用又先年官兵東征朝鮮苦之甚于  
若倭今已行經理鎮道各官嚴禁部軍不許秋毫無擾害乞再頒  
明旨著為軍令庶節制之師稱矣得旨川兵水兵如數調發  
餘下部議部言水兵一節督臣原詠未有定屬切謂吳閩皆防  
倭要區若二十之眾取足一方不免以撤防為解若強以不堪  
應命有名無實不若各抽取一千兩地簡叢為便 上是其言

各兵依議調發總督經理約束將士不許纖毫騷擾犯者即行斬首示衆仍著為令○丙子陝西木沙割來等族番人革令尔節等二十六名進獻方物馬匹給賞如例○先是誠意伯劉世延有罪下獄至是熱審南京刑部尚書趙參魯以請上以開國勳裔姑免死釋放革去冠帶黜四原籍照沐朝弼例令其子承襲祖爵後世延仍任南京命法司差官押回令本處撫按官覈管○丁丑內閣會同翰林院考試各處額就教職歲貢取中上卷五卷中卷三百二十八卷○浙江撫臣言兵餉已減俟情復變乞酌定減存額數以甦民困○戊寅三殿災工諭內閣傳示禮部議行修省事宜以回天意先是萬曆丙申三月丙子丙寅宮災時誠意勳衛劉世學知象緯語所知曰火象尚未已也至是火起歸極門延至皇極等殿文昭武成二閣周圍

廊房一時俱燼永樂辛丑夏四月庚子 三殿災正統己巳夏  
六月南京 宮殿災弘治戊午冬十月 西宮災正德甲戌正  
月軋清宮災嘉靖辛丑夏四月辛酉 九廟災嘉靖辛酉 萬  
壽宮災皆以己酉午戌丙丁戌年月 宮殿俱災則國朝以來  
所未有云○大學士趙志昂上疏恭懇張位沈一貫阮請而慰  
旨先因率文武大小諸臣詣仁德門行叩頭禮○己卯 皇七  
子命名祭告 奉先殿○賜三輔臣收回祭設三卓○大學士  
張位等言昨捧 聖諭曰失德曰懼切臣等誦之相顧泣下今  
欲挽回 天意惟在以實心行實政夫火神謂之鬱攸氣鬱為  
火徵人鬱為亂徵解鬱渠和在 皇上一念身今以群情鬱結  
之最甚者條列以聞一引答施恩頒示詔赦一戒諭臣工上下  
交修一御殿朝見批發章疏一躬親 郊 廟一早定國本一



除補缺官一行取科道一錄用廢棄一優容臆直一停減織造  
燒造一收回礦使一撤皇店稅監一寬宥左右細過一開釋繫  
獄輕犯既入上荅曰覽奏悉見忠愛其事關朕躬者已知詔  
赦蠲逋并戒諭百官卿等議擬以聞應缺官員吏部擬推來用  
卿等亦思元首股肱之義愈據忠蓋任怨任勞克贊化理共圖  
消弭勉勵辦事不必陳辭○庚辰陝西魯班等七寺番僧令治  
連兩等三十五名進貢宴賞如例○大學士張位等疏請礦  
店二事言臣昨所進言非欲即停止實欲調停善處使上不虧  
國課下不累窮民若以差官可信撫按部臣不可信則國家財  
賦千萬皆托地方有司徵解法度叢密與無籍之徒欺罔侵隱  
者大相懸絕望特發明旨收回礦店諸臣勅令撫按部臣管  
領其事其自陳一節或止令在京二品以上自陳其三品以下

及南京與督撫等官止免以省煩擾○大學士張位等擬請陞  
殿常朝及發勅等項暫改于文華殿文華門○大學士趙志皋  
疏言時政一崇敦畏以格天心一躬祭祀以祈神祐一遷朝儀  
以肅衆志一定國本以慰人心一聽忠言以舉善政一行選不  
以惜人才一補缺官以修庶政一起罪廢以慰人心一罷礦稅  
以釋民怨一平喜怒以安群情一慎刑獄以惜生命 上報聞  
○禮部尚書范謙條上修省事宜一請 皇上躬告 郊 廟  
社稷遣官分告秩祀神祇一延見群臣一戒諭百官一罪已  
肆赦一告諭諸藩一錄用廢棄一補大小缺官一行選取一撤  
礦使一罷畿輔店稅得旨 上天示警朕心兢惕所奏修省事  
宜閱朕躬者已知其餘該部速議來行務候實政以回 天意  
○右副都御史張養蒙言重災不可再玩實政不可再虛乞

聖明正己心以回天心戒心有四一曰好送禮祀倦于躬親朝堂倦于時御章奏倦于批覽齋居靜攝乾健不息似不如此一曰好疑遇人疑人遇事疑事疑及于近侍左右莫必其生疑及于外庭察案莫舉其職為物不二似不如此一曰好勝厲威嚴而寵愚智喜諂諛而惡慤直獸封豕而樂傳宣下濟光明似不如此一曰好货以聚歛為奉公以投獻為盡節珠玉惟恐不豐錦繡惟恐不侈瓊林大盈竟為誰積造物忌滿似不如此四心既戒則百志惟熙以此回天心何災異之難弭哉既入不報○大學士趙志羣張位沈一貫各上疏劾罷以謝天譴 上令共圖交倣不允所辭○壬午吏部議上補官選取求言三事奉旨缺官准陸續推補科道官務選老成正直者見在聽補者先具題請旨其欽降罷斥官員訪擇可用者分別等第疏聞○吏部

奉旨分別為民官貧人品正大心事光明急宜起用者王教范  
偽植南星張棟王如聖馬經綸王學曾鍾羽正顧憲成郭寶額  
于仁李沂馮逆吾張貞觀才有足錄過無可棄亦宜起用者喬  
胤難大祐冀體任秀蔡季獻可臣大倫王佐繁繼美季來命武  
尚耕蔣時馨安希范張同德吳弘濟李瑄馮生虞何選欽勾科  
道及因事因人註誤陸續起用者耿隨龍鄒廷彥黃運泰黎道  
昭毛一公王有功李宗延王慎德孫羽侯袁可立李本固費必  
興盧大中柳佐李文熙聶應科葉龍光項復弘姜仲軾蔡宗明  
周嘉賓王宗恭徐文斗欽降官人品正大心事光明急宜優用  
者鄒元標林材萬國欽林培韓范運中立林熙春楊恂何喬遠  
朱爵才有可用者遇有可原亦宜優擢者王紹先顏文選俞介  
孫如法楊東明張濬鹿久徵顧允成周希聖劉弘寶陳洪烈薛

款教曾礪謝廷策張約陸胡克倫因人誥誤陸續陞用者劉士  
驥黃中色章嘉禎時偕行楊述中江中信何出國都名宦紫恪  
王金星袁惟慶錢焜胡士奇為民謫降內議論未定者盧洪春  
黃正宿錢一本孟養浩陳尚象涂杰丁懋遜葉初春舒弘緒鄒  
德泳吳之佳唐世充陳遠璋楊其休譚一名孫繼有盧明詠姚  
三諫吳禮嘉岳元聲朱長春姜鏡夏思鄭如川伍文煥慕才顧  
際明薛繼茂何遠于孔無曾偉芳陳楚產程僖張集義強思楊  
文煥周弘禴周玄暉沈昌期夏之臣涂喬遷朱鳳翔吳文粹王  
德完賈名儒○刑科都給事中侯廷佩因災上言謂臣有過君  
譴之君有過天譴之人怒以氣天怒以火怒氣徹天怒火發為  
祭祀不親則天怒開礦剝山則地怒故曰天之怒務動天之喜  
唯印閣臣部臣所請速賜施行則人心悅天意亦悅矣○禮部

議上祭告事宜 上因駕顛服藥調攝令智道官恭代○通政  
司左叅議屈灼請急行修省實政曰罷開礦寬近侍敕曹學程  
起諫官勤朝講親 郊 廟下章奏舉冠婚急行取停皇店不  
報○癸未賜三輔臣鱗魚○大學士張位等擬暫停正史纂修  
事務以皇極門左右兩廊被災故也○兵部左侍郎李振請稱  
本部尚書命吏部開原推職名具奏○以浙江右叅政唐守欽  
兼兼事調溫慶兵巡道送撫臣請也○陞左春坊左庶子兼翰  
林院侍讀劉應秋為國子監祭酒○甲申以火災遣公徐文壁  
等分詣 南郊 北郊 社稷 太廟 朝日 夕月壇及  
太歲 東嶽等神祇致祭 上于宮中行軒禮○賜三輔臣收  
回祭送三卓○復除科道官十一員劉為楫吏科都給事中楊  
廷蘭吏科左候慶遠兵科右項應祥書大成俱禮科曹楷劉曰

梧陳效俱浙江道御史趙標河南道馮應鳳江西道張大謨湖  
廣道○六部九卿各上疏自劾求罷不允惟吏部左侍郎孫繼  
皋准回籍○以宣大總督標下遊擊劉綬國為協守大同副總  
兵榆林衛副千戶王武卿為延綏靖邊營守備大同馬邑城守  
備鄭國珍為神樞營遊擊舊州守備丘英為神機營坐擊○命  
陝西總兵劉承嗣為南京前軍都督府僉書甘肅總兵王賦業  
為右軍都督府僉書○以延綏參將王國棟為本鎮領軍遊擊  
原任副總兵賂尚志為神樞營右副將大同井坪城守備吳世  
登為總督宣大標下遊擊宣府四海冶堡守備宋德隆為大同  
入衛遊擊○乙酉 孝莊睿皇后忌辰遣官祭 裕陵○賜三  
輔臣及講官鱗魚有差○丙戌戶部乞嚴開礦店稅二事以圖  
修省實政不報○丁亥 孝穆皇后忌辰遣伯吳國乾祭 茂

陵○諭禮部以 三殿災戒諭文武群臣及詔告天下其擇日  
具儀以聞○己丑工部言修省事宜請停減織造及燒造二事  
不報○翰林院庶吉士劉綱言天災重見謹告可虞懇乞 聖  
明實圖修省以弭凶敗并祈時祿輔臣趙志舉不報後當事以  
考功法錫綱秩惠死公論惜之

明神宗顯皇帝實錄卷之三百十一





明神宗顯皇帝實錄卷之三百十二

萬曆二十五年七月庚寅朔黃花鎮雷火燬臺垣及神火器具  
○壬辰大學士張位等以戒諭百官請 上御文華門而發諭  
文旨暫免○禮部上戒諭羣臣及詔告天下儀注○吏科給事  
中張正學言天變異常輔臣張位言礦店二事違迎遷就甚為  
欺罔乞速停止以回 天意并容輔臣解任別置輔弼共圖泰  
理不報○直隸巡按蔣汝璠言火災示警請亟罷沿邊礦河以  
杜膏粱不報癸巳初諭群臣朕以涼德嗣守丕基夙夜兢兢克  
勤 天戒昨歲乾清坤寧宮災驚悸未定乃今年六月十九日  
皇極等三殿復災夫三殿乃朕奉 天紹 祖臨御萬方之地  
視寢宮猶重能逾歲所疊見咎徵變不虛生誰貽之威蓋緣朕  
之不德間于大甲第仿乾柄之下移不念亢陽之有悔諧臣頌

為明聖則不覺其入深懿士激以免亡則忠滋其不信上下之  
交否隔愆尤之積日多罹此大災罪其為護頤爾中外百職若  
能導朕者誰以模稜為長厚既無望其据當以訕訐為風操亦  
奚資于補救言清行濁至誠感發之謂何陽是陰非盡力維持  
之安在事多請託官靡執持安據無策而動輒譁張行業不修  
而競為浮詭貪贖難禁苞苴之入自如侈靡相高素絲之風絕  
少似此難窮之陋習已歷往歲之戒書曾莫有憂重干災變自  
懲自艾朕既知非分念分猷汝寧不愧茲用勅爾文武群臣其  
各痛滌前愆勉圖後勅大臣務正己率屬無以禮法假人小臣  
務精白守官無以驕蕩凌德共建持危扶顛之策各摠奉公憂  
國之忱忠邪自昭于朕褒賞罰常懸于朕握國豈負爾爾無負  
予異命哉頤成宜遵守仍飭在外郡國邊鎮軍民有司一體遵

行庶承 皇天仁愛之心用建國家靈長之祚欽哉故諭○  
仁孝文皇后忌辰遣官祭 長陵○是日例宜御門視事命暫  
于文華門行○直隸巡按馬從聘言近日泰山崩相離一里有  
餘賈由開礦斷絕地脉所致請亟停止以圖消彌不報○刑部  
主事范鈞言明詔將下罪已之名雖聞罪已之實未睹即令二  
三輔臣泊各衙門條上事理當次第見之施行不報○甲午陞  
浙江左叅政吳獻台為本省按察使○調補原任湖廣副使張  
克臣于雲南○陞寧波知府吳安國為浙江副使兵溝全衛○  
刑部尚書蕭大亨請修實政以回 天意言今一事而株連數  
十人一題而遲留十數月有律無比附而欽定特重者有例無  
明載而違成極逆者有諫言坐斬而在廷諸臣屢請未恤者有  
賦由風聞而家屬淹禁無進者有罪止徒流笞杖應發落而不

得釋放者刑獄寬濫莫甚于此時將奉旨加罪十五名候旨未  
下併干連輕犯八十四名欽發追贓無証難結九名條列具陳  
不報○乙未陞山西右叅政宿度為陝西按察使廣東副使蔡  
應科為陝西右叅政○總督西廣兵部侍郎陳大科因科臣徐  
成楚程紹論初疏辭乞休令供職如故○予忻城伯趙泰修祭  
葬如例○予原任太子少保兵部尚書協理京營戎政傅希聲  
祭葬如例○予原任太常寺卿徐元春祭葬已禮部言元春行  
賄敗節不宜濫恩乞收回成命以示干進之戒○延綏鎮臨邊  
三道名曰三路中路則榆林西路則清邊東路則神木去秋中  
西二路套虜求款獨東路莊禿賴築驛不肯進馬至是擁衆離  
邊一二十里結營御史于永清以聞請申飭督撫鎮守諸臣相  
機戰守部覆報可○先是洋子江永正等洲為盜賊澗藪一位

夫事南北官兵互相推法至是暫撫議將永生洲地方添設把  
總一員召募官兵一千名雇覓沙缸四十隻分哨巡守部覆送  
之○吏部將陞補各官查始原題開列 上請定奪不報○丁  
酉詔赦天下奉 天承運 皇帝詔曰朕仰荷 天庥恭膺寶  
曆二十有五載于茲迨惟嗣服之初蓋亦無時豫怠每緣歲積  
順恃政成兼以多病侵尋猶須涖居靜攝 部 廟闕躬承之  
禮朝講壽醴御之時喜怒有失其平用舍未歸于當章奏每滯  
官曹半虛忠言寡聞民隱莫達方際多故兵食之徵調日繁營  
造又興開採之徵求四出加之早乾水溢析民室家汚吏貪官  
腹民膏血業此人怨集于 天和乃于萬曆二十五年六月十  
九日皇極等殿望極等門文昭武成二閣內外週迴廊房一時  
被火夫寢宮煨燼曾幾何時正致崇爇又復罹此震驚 列聖

憂惑 慈闈躋地跼天廡所容措况一人統御之地乃萬國衣冠所歸 天意若斯朕實不德茲已度中翻濟痛如艾憊被志改圖誓送今始嚴勅庶位各獻忠猷惟 天視聽在民惟民歸依在德爰稽典制特布詔條庶藉有衆之歡以回 皇穹之眷消咎愆于已往迓福祉于將來所有寬恤事宜備列于後一自萬曆二十五年六月十九日昧爽以前官吏軍民人等有犯除十惡至死與詐傳詔旨交結近侍通夷失機強盜人命及侵盜服御違腹倉庫漕運沒官錢糧并貪贓枉法逆黨左道營幹鑽刺指稱誑騙潛住京師窺探為奸者不赦外其餘不分已發覺未發覺已結正未結正咸赦除之若奉欽依的選奏請定奪有以赦前事相告言者不許准理一凡政治得失軍民利病及可以正士習糾官刑剔奸蠹裕軍國等項中外臣工各宜講求長

便直陳的確以求實用如有不公不法科道官即時參奏不許容隱一凡欽降罷斥官員吏部遵始新旨訪擇可用者分別等第查開職名議擬具奏其各衙門缺官准陸續推補相應負名補用一內外文武官負任俸戴罪者悉皆宥免始舊開支管事一罷閑等官不係考察被劾貪酷在逃但因事註誤原為民者許復冠帶原闕任者許復原官致仕舉監生儒吏員人等有不係干碍行止違法受贓止因公衆罪情將一二開革示懲者許其疏辯奏請定奪一撫按官專制一方朝廷重托乃有地方利弊通不究心官吏賢否偏信耳目供張借侈費用浩繁歲時慶賀之儀不勝奔走廩餼常供之外復多餽遺司道官又借視聽于窩訪取私費于官庫以致貪官污吏有恃無忌收徵則增加火耗更添勒索借名色聽斷則無端株連惟求贖罰充盈仍復多



攬浮薄生徒曲媚奸頑里老受賀儀納旗帳收門生結通家建  
生祠立改碑官箴既已廢墮惠澤何能及下除已往不究外自  
今以後撫按官宜正己率下申明憲條違法有司痛加戒飭舉  
廢以前吏治以安民生撫按不稱者科道官實指糾舉毋得容  
隱一近來私揭公行顛倒是非奸人得志善類含冤至有屬官  
獨害上官軍民誣讎本管若有仍行投遞者各衙門不許受理  
舉發治罪其奸徒駕言報効恐赫官民挾騙財物但有實跡許  
據按官即便嚴拏正法重者問擬具奏一宗室子女奏請名封  
選婚者齋奏人使故將文書要緊字樣塗改計騙以致立案不  
行及行查勘承奉長史等官探尋抑勒年久無力停廢失所今  
後凡經參駁作違查報該部勘無違碍即與題覆其事體不明  
者俱始先年題准要例一體查勘選擇儀賓只聽宗室自擇良

配不許有司給文揆選及成擔闕一宗室節年因事減革祿糧者除敗倫傷化奸盜人命重情外其餘詔書到日全革者准支三分減去一分二分者准復全支以資養贍一宗室祿糧除宗少祿足地方外其宗多祿少地方有司設處無措就延久缺養贍何資今後祿糧不足處所着布政司查始舊題限祿之法將覓在應給祿數均派縣省田地出辦以免設處偏累永為定額不得增減庶使宗祿無缺民困可舒一各宗庶人糧石多寡不同原因所犯有異近來有司不審來歷不查要例縣以宗室視之任意多寡有原多而給少者有原少而冒多者今後務查明白不許一縣混施有失親親差等之意一各處孝子悃孫節婦列女多有貧做幽僻湮沒無聞有司加意體訪查實具奏旌表軍民職官有歿于戰陣王事未蒙優恤者撫按查勘明白奏請

其道路遺駱所在有司務與掩埋無令暴露一各省直軍民人戶拖欠除金花漕運糧料三府祿糧始舊催徵外其餘夏稅秋糧馬草農桑人丁絲絹布疋絲綿花絨已田莊田籽粒門攤商稅戶口食鹽米鈔諸色課程鹽課魚課富戶等項自萬曆十七年以前如已徵在官及已經解戶人等收受者仍裁數起解其有未徵在官係小民拖欠者悉准蠲免不許將已徵捏作未完侵欺作弊如發覺治罪一蘇松常鎮四府錢糧較各省直拖欠獨多念先年連被水災特與蠲免萬曆十八年一年一山東河南南北直隸各該牧馬草場籽粒租銀自萬曆十七年以前悉准蠲免一各省直歲辦光祿寺菜筍果品厨料粳糯米折銀青白鹽斤粟米黃蘗赤黑豆等項供用甲丁等庫織茶銀硃銅錫等料自萬曆十七年以前悉准蠲免一各處起解糧草等項中

逢遇有水火盜賊曾經所在官司勘明到部者自萬曆十七年以前悉皆宥免一各鎮曾有商人攢典侵欺泯壞本折米豆草東追贓正犯或係親父及子孫與同居共爨兄弟監造五年之外勘無家產者銀二百兩米豆五百石草八千束以下者徑自豁免銀三百兩米豆六百石草一萬束以上者奏請定奪其餘親族與罪犯無干被累者不論年月遠近欠數多少俱准豁免若有曾經奏請者仍奏請定奪一各處江河湖海有天漲塗田水蕩砂塞衝徙不定糧稅賠累民逃竄者地方有司踏勘准與減免攤派但毋令錢糧虧損額數一鰥寡孤獨廢疾之人有司依例存恤勿令失所在京在外安插官房給散糧米務令均沾實屯毋許棍徒包攬侵匿虛耗錢糧一軍職官被劾降黜除一應重大事情不赦外其有辜豈失誤被人指劾陷害情可矜

疑及因父祖同寮連累與混保不應替繫查無賄囑情弊等項  
罪名成與滿除奏復許其自新一運糧管班管屯管捕管局等  
軍官違限候事被祭降調係二十五年六月以前者不拘已未  
問結缺撫按官分別輕重久近具奏定奪屯田籽粒年遠久拖  
者并議 上請蠲免一各邊軍民人等或因犯罪逃入虜中或  
因搶去遂馬虜用有來歸者或赦往罪所在官司務加存恤安  
插如有半歸衆多反者夷歸附者厚加撫恤仍具奏酌賞錄用  
一武官襲職十年以上人文不到部者例不准襲但路有遠近  
家有貧富藥行革襲不無可憫今量寬二十年以內者仍准替  
襲其久未績黃許本術所保勘明白准續一罪廢將領見今征  
倭禦虜有私自初立有功勞在叙賞之列者許其贖免若功次  
與贖相當有餘仍與勅酌候叙如大僻永茂澳大功方贖其間

更有特建奇功不妨越次重用一京營巡捕倒死馬匹應追買  
補及格棚等銀除已徵在官外未完者悉與蠲免順天等府寄  
養馬匹有十年以上不堪充軍負累小民餽養者太僕寺督令  
州縣正官酌量變價解寺買馬支用一起解清勾軍人極馬里  
甲苦累今後勾解除嘉靖以後犯罪發遣軍人仍舊外其遠年  
祖軍本族丁盡者准銷有丁者許赴告清軍衙門類題到部具  
奏改充附近地方一內外各衙門見監應決重犯今歲暫免行  
刑一月外問刑衙門有囚正犯在逃監禁家屬日久不獲者除  
叛逆劇賊外其餘悉令保候挨拏有情罪矜疑律例不合事難  
決斷與人命無屍可簡強盜賊仗不明及年久無賊人犯無證  
原問衙門未成獄者即與從輕當奏請者即與請撤守監人犯  
暑月易生疾疫每夏四月比始熱審事例清查釋放一充軍終

身人犯已經著伍如不係引例發遣及年七十以上并殘廢篤  
疾不堪差操者俱准釋放一免死充軍本因矜疑寬典而致累  
其子孫因輕及重深為可憫今後止發相瘳極遠充軍終身若  
復逃歸本鄉仍坐以死一內外各衙門追贓正犯除情罪明顯  
始舊監追外其查盤坐侵訪察出入原無証據者如果查勘家  
產盡絕不分年月久遠不論還官入官給主約銀一百兩以下  
徑自豁免一百兩以上奏請定奪內外各衙門追贓家屬係正  
犯親父及子孫與同居共爨兄弟監追五年之外勘無家產者  
銀二百兩以下徑自豁免二百兩以上奏請定奪其餘親族若  
平昔與犯罪之人無干被累者不論年月久近銀五百兩以下  
俱准豁免五百兩以上及曾經題奉欽依者仍奏請定奪其經  
管錢糧人等查盤坐侵以監守自盜論向無刺字之例不許刺

字一內外各處造作除城隍河道倉廩官舍急務具奏修理外其餘一應不急之務暫且停止各衙門不許擅自移文興工修造果有應造者奏請定奪一浙江布政司并向直隸松江鎮江二府自萬曆十五年以前拖欠未解紵絲紗羅綾錦詔書到日即查價銀如係機戶領出侵廢見監造者不赦外凡係小民拖欠查明確數聽候處撫按官具奏請旨定奪一各省直等處額辦四司料銀匠價麈皮狐皮翎毛天鵝藤麻靴料葦課黃麻鐵等料折色銀及額辦白麻生鐵紅生熟銅生漆魚膠桐油銀硃貓竹水竹班竹棕毛樹毛等項本色物料自萬曆十二年起至十五年止已徵辦在官者截數起解未徵在官果係小民拖欠者悉行蠲免一山西額派柴夫木柴銀兩自萬曆十二年起至十五年止如果小民拖欠未徵在官者撫按官查勘的實悉行



獨免其已徵在官者盡行起解以上俱不許乘機將已完者那  
補別項錢糧及經收負役從免入已如有此等聽撫按官奏  
重處於戲我國家忠厚比于行葦舊德弘深予一人儆戒切于  
苞桑新恩溥被式慰渴懸之民望仰承 仁愛之天心敷告四  
方咸宜知悉○時卿寺大臣各以修省自陳獨刑部尚書蕭大  
亨侍郎朱鴻謨都御史郭維賢詹事府侍郎劉元震協理京  
營都御史李春光順天府府丞劉士忠疏久不下至是聞臣張  
位等以簡發請不報○下江西副理問傅相儒于法司問以所  
解金花銀兩內有假錠也○調補原任雲南右叅議袁應文于  
廣西○下吏部叅看司經局洗馬鄒德溥先是霍文炳有沒官  
宅一區內埋銀二萬五千餘兩德溥門生王良材偵得其實以  
告德溥遂相與僦房而分之至是東廠以聞御史况上進疏論

偽學盜臣請速行罷斥部覆得旨鄒德溥隱匿官職玷辱清班革去冠帶為民永不叙用法司仍嚴追贓如數解進○金華府人趙汝賓援納吏收值同郡貢生趙之賓掛選病故名籍頗相類而舜文積書姜應周遂與汝賓謀賄冒貢生名偽造文牒倩人赴試已選晉江簿及謁部為銓即發覺事下刑部部議二犯俱斬從之○吏部應變陳言請亟簡樞臣工匠不報○吏科都給事中劉為楫言大臣引咎自陳乞分別忠佞以回天變請斥趙志舉范謙周思敬之奸下蕭大亨李春光劉元震朱鴻謨郭惟賢劉士忠之疏不報○戊戌建州等衛夷人都督都指揮速兒哈赤等一百負名納木章等一百負名俱赴京貢賜宴如例○陝西魯班等七寺喇嘛番僧令治速南等三十五名赴京進貢賜宴如例○辛丑以寓篆恭順榮莊端靜宜貴妃嬪誌賜

二輔臣各銀十兩鈔二千貫及中書官孫說等六員有差○壬寅 孝安皇太后小祥輟朝不鳴鐘鼓是日例于西角門視事亦改于文華門後以爲常○時山西巡撫魏允貞上君臣交儆疏稱召變致災答在輔弼款 上一賜詰問使之改弦易轍因歷數輔臣等罪于是大學士張位孫禕臣素無意顯融誤蒙知遇一二知友見臣不希矯抗之名疑臣爲曲學不知調和變理之任與明諍顯諫殊科臣之所操是或一道也其謂臣昔以覆留拾遺之故而恨考功趙南星又以申救考功之故而處部臣六員不知部官專權結黨之旨乃 天語非閹票也陳泰來等降級調外之旨乃 御批亦非閹票也况此時臣嘗隨同官獨敕存閣可証乃駕此誣臣大不倫矣又謂臣恨尚書孫鑄傾之使去而因及其弟鑣恨尚書孫丕揚傾之使去而因及其友呂

坤此又允貞之誤聽也。鑣鑣與臣惟相欽重，丕揚以病乞身。每一疏輒有一帖與臣等求早生還，臣愚以為信然于其第二十疏為一票去也。若夫呂坤之去則自言官論列，聖心獨裁，臣並無一票擬去而悠悠者。平白巧誣臣不早引去，奚勝為人射的哉！乞賜罷免以為不職，召災者之戒，得旨遙撫自有職守，如何干預朝政，借言攻擊輔臣殊失大體。朕已置之不理，卿不必苦辯，即出佐理以副眷懷。大學士趙彥沈一貫各上疏乞罷志，臯辨魏遵及弟大察去官，子解銀被論，四事得旨。近來各官只以攻擊輔臣為風力，若魏允貞又明為屢推不點，撒潑胡纏，朕俱置之不理，卿不必深辯所辭不允一貫言陞詹一節乞盡割銜名亦不允。尚寶司卿顏素以病乞歸，許之。癸卯陞湖廣僉事陳惇臨為本省左叅議。陞陝西左叅議李應祥為

湖廣副使○陞廣東副使胡桂芳為湖廣右叅政兼僉事兵備

岳州○寧夏河西容通松山河東逼近河套虜首著力克宰僧

諸部落數盤據境外為患萬曆二十四年九月間入犯平虜橫

城地方官兵奮剿共斬首二百七十五顆按臣勘實以聞上

以斬獲數多總督李汶加太子太傅于原廢兒男加陞一級賞

銀六十兩大紅紵絲四表裏巡撫楊時寧陞右副都御史廢一

子錦永銜試百戶不世襲賞銀五十兩紵絲四表裏與李汶各

貽新銜給與誥命總兵李如柏陞右都督廢一子本銜試百戶

不世襲賞銀四十兩紵絲四表裏叅政尹應元陞職一級副使

王道增陞保一級副總兵馬孔英遇大將負缺推補叅將鄂鳳

加副總兵銜管事遊擊吳宗堯准實授應元以下各賞銀有差

○甲辰熒惑犯歲○中元節遣侯郭大猷等分祭九陵伯張

元善祭 景皇帝陵寢都指揮使鄭國恭祭 蒞教 袁冲二  
太子墳○山東巡撫張允濟條上防海事宜一重將權以便統  
取一添兵將以備萊海一復舊營以周控制即墨西統杜營增  
募官兵復設守備一負統練策應一分防守以扼要地一留班  
軍以壯氣勢一討民折以供新餉一并兵力以守險寨青州塘  
頭寨西接天津中有大海口洱河等處家為要害原設官軍單  
弱可虞議調樂安壽光二縣鄉兵各二百共原軍五百名合操  
防守一復衛所以固藩籬部議山東原無路將不必添設大帥  
即將副總兵管登萊青備倭叅將事萊州亦不必添設遊擊增  
募各兵仍聽副總兵訓練班軍戍邊難以借留餘皆如議報可  
○五款巡按周盤條上防倭四事一議復餉兵以足戰守淮南  
六營復官兵二千八百八十六名沙缸三十隻淮北三營復官

兵一千一百員名一移建營屯以據要害通州副將移駐狼山  
一增修城堡以資保障一稽練魚缸以消禍患將沿海漁缸編  
伍約束做保甲法部覆允行○乙巳福建巡按金學曾條上防  
海四事一守要害謂倭自浙犯閩必自陳錢南麋分隴臺礮二  
山乃門戶重地已令北路叅將統舟師守之惟澎湖去泉州程  
僅一日綿亘延袤恐為倭據詠以南路遊擊訊期往守一設節  
制謂福建總兵原駐鎮東但倭奴之來皆乘東北風福寧福州  
乃其先犯鎮東反唇下游欲將總兵于有警時移剗定海以便  
水陸堵截一設應援造大小戰船四十隻募兵三千名遇急分  
提應援一明賞罰部覆允行○禮科著科事給事中項應祥陳  
修首急務言 郊 廟宜親朝講宜行 皇長子冠婚宜舉章  
疏宜答刑罰宜平礦店宜雜不報○山西巡撫魏允貞上言舉

佚賢以俾內治事臣聞晉欽謀虞其臣曰有官之身在淮南王  
謀及獨計漢庭汲黯直諫守節宋以司馬光為丞相遼人至謂  
其種吏曰中國相司馬矣換無開隙則中國之所為制勝英狄  
者不獨邊才也心膂之臣以德望勝則王家屏股肱之臣以才  
猷勝則陳有年沈經李世達王汝訓耳目之臣以忠謹勝則史  
孟麟張棟萬國欽馬經綸郎署之臣以清議勝則顧憲成趙南  
星鄒元標此數臣者五德可佐 聖有論道經邦之謀或才足  
濟時者半屬倡收之績或清比冰玉一介不肯傷廉或忠貫金  
石百折不能易志或以執法受疑或以直言被放誠慨然起之  
廢闕列于有位將不為司馬宮之奇汲黯諸人者乎且諸臣  
之賢群臣舉者多矣 陛下不見信豈以群臣所舉皆私所  
好耶諸臣去任已久而公論愈推正所謂國人皆曰賢也 陛



下何疑焉乞將王家屏等亟賜起用庶顯忠遂良風在朝廷嚮  
德畏威服在四夷其利奚止一遠計一方面得人之比哉不報  
○丙午陞翰林院侍讀朱國祚為左春坊左庶子仍兼原官右  
中允兼翰林院編修郭正域兼向高俱左春坊左諭德兼翰林  
院侍讀國子監司業方汝哲右中允唐元獻俱右春坊右諭德  
兼翰林院侍講編修全天叙為左春坊左中允簡討蕭雲舉為  
左春坊左贊善俱兼官如故○陞戶部右侍郎司思敦為左侍  
郎都察院左副都御史張養蒙為戶部右侍郎○命左軍都督  
病愈書署都督同知蕭如薰以原官充總兵官鎮陝西○命  
陝西撫按官掣解採礦百戶劉謀言東京究問以內監劾其詐  
偽駭撻也○吏科等科都給事中曾官劉為構等言用人宜通  
礦店宜罷刑獄宜清○郊廟不可不躬親○皇長子不可久

稽寇婚冊王景為修省之大不報。丁未。成祖文皇帝忌辰。遣侯陳應詔祭長陵。禮部尚書范謙以吏科都給事中劾為禱論。初乞休。溫旨即令供職。陞戶部郎中李開芳。太原知府錢守成。各副使。開芳。廣東守成。山西。調河南副使李景元。于陝西。○戊。中山東道御史喬璧呈為信詔旨行實政。以拜天。鍾事。一。早罷開礦。一。早罷店稅。一。早雪冤獄。○直隸巡按楊光訓言。天心仁愛。並彰。聖躬責修。宜實請首舉。皇長子冠婚之禮。特沛新綸。簡三堂實。兩晉除。從。允行。取補地方之缺。負從銓衡之推。擬起。近。斥之。臣釋曹學程之。因。停開礦之。後。誅。獻木之。商。罷石。呈。以。歸田。許孫繼。舉。以。回籍。一。轉。移。開。而。國。事。振人心。洽于。四。天。鍾。也。何。有。不。報。○禮科給事中。曹大成。乞。用人。圖治。以。答。天心。請。察。在。廷。諸。臣。家。慈。景。象。○已。酉。山。西。巡。

鹽其楷直陳修省之要極言礦害乞罷開採不報。庚戌陞協  
守遼東西路副總兵署都指揮僉事趙夢麟為署都督僉事掛  
印充總兵官鎮守甘肅葦園。辛亥時順天府鄉試屆期例用  
府丞提調而劉士忠自陳疏久不下于是閩臣再疏簡發不報  
已命太僕寺少卿孫疇提調科場。壬子禮部言 皇長子冠  
婚大典不可再緩請擇吉議行大學士張位等言 皇長子年  
已十六冠禮逾于常期婚禮不能及期矣臣等每侍講讀竊見  
睿體豐隆睿性敬達日充日長大異往年及茲宜室宜家弘開  
麟趾此官闈至樂望 皇上特諭下部即具儀注冊立與冠婚  
並行因擬諭帖以進不報。○調山東副使楊植于河南湖廣副  
使董元學于陝西。○陞山西右布政使楊易送為山東左布政  
使。○及丑刑科部給事中侯廷佩言三殿告災大臣自陳隨蒙

勉留獨蕭大亨朱鴻謨郭惟賢劉元震李春先劉士忠未下堂  
以大亨等可應天變乎不知召災者大臣中有人劫首輔趙志  
臯○甲寅陞光祿寺寺丞張鳴岡為南京大理寺右寺丞改光  
祿寺少卿何倬為尚寶司卿南京吏部主事吳革為尚寶司司  
丞○兵部左侍郎李楨請急補樞臣言部推六臣如邢玠已謁  
力種場外其蕭大亨李汶周世選田樂王世揚足備任使此外  
京都品位相當者楊俊民李春先徐作子願而留都相應者陳  
于陞趙冬魯惟 上取而用之不報○陝西巡按于永清直陳  
一日太平十事下章奏補缺官逆首輔之高允樞臣之去正王  
守仁之法宥曹學程之罪允行取報緣造停礦役舉行 郊  
廟 朝講不報○乙卯大學士趙志臯等奏言自 恭順榮莊  
端靜皇貴妃薨逝暫免日講講章今廢引事畢請接續撰進不

報○丙辰大學士趙志皋十三疏懇賜放歸 上命滿體寺堂  
上官諭留不允所辭○總督邢玠計拘沈惟敬請 旨處分  
上命押解來京姑送法司監禁候事完問擬沈懋時等遁解回  
籍餘黨著嚴緝及巡城嚴加照逐仍有潛匿京邊者緝拏重究  
當阶受事時以惟敬出入倭營久恐其急而走險也先為二墩  
諭安之險令大帥麻省以惟敬屬楊元四路設伏以防其走其  
原帶邊兵二百餘以更換為名令麻帥撤之及惟敬見事不成  
款挑慶州與清正講事元遂執送王京操縱緩急頗中機宜云  
○以宣府保安舊城守備署指揮僉事白煥修為延綏遊擊遼  
東海州備禦指揮僉事趙良俊為本鎮遊擊遼東海州左叅將  
張光先為分守本鎮開原地方叅將延綏守備署指揮僉事張  
達為分守本鎮高家堡地方叅將○總督邢玠條上用兵方略

言先是總兵麻貴家叔候宣大兵至垂倭未備先取釜山臣謂  
一取釜山則行長擒清正走自是奇著時該鎮尚未至平壤楊  
元吳惟忠甫至王京擬遣二將分屯全羅之南原慶尚之大丘  
慶州大將軍駐王京居中調度已聞南原城地盡樵勢不繼慶  
尚一道半為賊據孤軍難入乃檄楊元燧鉤整理南原吳惟忠  
姑住中州入夏雨如注麻將軍七月初始至碧蹄計至王京去  
釜山千四百里而南原中州並相去數百里勢難趨糧且行長  
營釜山清正營西止請如破釜山陸路必由梁山梁山西北有  
峻嶺路險絕南有三浪大江直通金海竹島二處皆咽喉地陸  
並伏勁兵不可不防水路必由巨濟加德安骨三處六咽喉加  
德安骨倭舡鱗次獨巨濟尚無屯兵可以先據又恐一過梁山  
三渡江倭水陸各一枝在梁山東西扼險吾後無應援再蓋以

機張等兵自東來並不可當如破清正陸路自西而東則由東  
萊機張自北而南則由慶州蔚山此路東南大海西北山嶺稱  
曰止可用步兵水路必自東而西由長鬐甘浦開雲而長鬐水  
兵極單弱故雖有奇着而勢未可東臣以為倭所依者水而水  
戰不利正兵須東西各水兵一枝牽其回顧陸兵方可衝突仍  
一軍屯高原捍全羅一軍屯大丘扼慶尚一軍屯全慶中如晉  
忠宜寧為中堅然後分向釜山機張兩陸路水兵東西四面齊  
發此正着而兵糧不難輕動請持久以老之既開上諭與  
經理總兵密圖進止朝廷信任自專惟求全勝不論遲速○丁  
巳先是順天科場提調用太僕寺少卿孫璋吏科都給事中劉  
為楫言代庖不便請以府尹田疇兼攝上以其阻撓專擅詰  
責回詰為楫認罪乃奪俸半年○命戶部尚書楊俊民暫署部

察院印信○南京通政使司右通政孟一脉以病乞休許之○陞戶部主事梁祖齡為山東右叅議兼僉事備兵寧前○補調簡原任江西右叅政鄭時章為雲南副使備兵曲靖○戊午直隸巡按周盤陳修省之寔以彌災變事 郊廟必親以荅 天地 祖宗之貺朝講必舉以通內外遠邇之情正儲位以釋群疑收疆使以消隱患起罪廢于草莽貸任直于囹圄銓補久缺官負批發屢傳章奏出帑藏以佐公費止採買以蘇民力御近習而廣好生減織造而示儉約不報

明神宗顯皇帝實錄卷之三百十二





明神宗顯皇帝實錄卷之三百十三

萬曆二十五年八月己未朔庚申以

萬壽聖節賜輔金萬壽字二副銀萬壽字二副金篆字八箇金  
書紅符一道銀書紅符一道及講官劉元震等二員有差○除  
庶吉士朱延禧黃志清南師仲陳之龍何宗彥劉綱趙用光孫  
如游鄧士龍顧秉謙為翰林院編修簡討○授庶吉士劉餘澤  
白瑜併祺為科道官○陞雲南右布政使王橋為貴州左布政  
使○辛酉大學士張位等言今日翰直講所侍班竊見 皇長  
子詩書寫字功夫大造不勝主器之憂願古今事蹟具在史書  
而闕發心靈須知比對請今後將通鑑逐日與經書相兼講解  
或 皇長子屬思成聯隨做紙並呈 御覽得旨覽奏朕心嘉  
悅但皇長子質體脆弱不耐久勞通鑑俟旨進講對句間日一

行○湖廣巡撫李得陽以久病乞歸許之○命發客房銀十五萬三千六百八十餘兩解運薊永密三鎮為新募南兵六千名行月二糧并馬三料草之用以戶部言庫貯不敷也○直隸巡按喬廷棟請罷礦正儲以回天意不報○壬戌京師風雹○癸酉降原任廣東右叅政朱東光為廣西右叅議○陞副總兵管分守倒馬關叅將事署都指揮僉事王永壽為署都督僉事充五軍營副將○甲子宴烏斯藏闍化王進貢番僧朵爾等一十五名候徐文煒待○丙寅 孝康敬皇后忌辰遣伯銜國本祭恭陵○大學士趙志舉以久病屢疏乞休至是復進聞辦事疏請冊立冠婚又請漢常朝皆不報○加總兵麻貴提督南莊官兵禦倭總兵官原任總兵董一元以原官充總督標下叅贊從那玠請也○改中都署留守朱應兆為署都指揮僉事以叅

將衛管廟灣遊擊事○丁卯祭先師孔子遺尚書范謙行禮  
○命中允全天叙修撰焦鈺主順天試諭德朱國祚中允葉向  
高應天編修楊道賓史料給事中戴士衡浙江編修董其昌戶  
科給事中程紹江西編修劉曰寧兵部員外郎黃崢福建編修  
馮有經兵部主事馮上知湖廣尚寶司御蔣春芳戶部主事李  
長庚河南吏部主事錢養廉工部主事沈朝煥山東光祿寺少  
卿何倬大理寺寺副石九秦山西兵部主事田立家中書吳仁  
度陝西刑科給事中李應策中書侯乾斡四川戶部主事鄧原  
岳行人陳嘉訓廣東工部主事張宗孔行人汪若霖廣西戶部  
主事王天合行人沈時來雲南戶部主事蘇茂相中書鍾兆斗  
貴州各主試○加陝西兵糧道參政兼僉事尹應元為按察使  
○加浙江處州守道參政馮時可為按察使兼參議寧波海道

副使吳鴻洙為右叅政兼倉事昭舊管事以撫按奏久任也○鑄給充東充西各分巡道關防○先是以黃烟塞口衆議未定下請鹽御史會同河漕大臣詳勘議具奏至是總河楊一魁仍主前議疏言今黃河南旋至韓家道盤岔河丁家莊俱岸闊百丈深踰二丈名曰銅幫鐵底故道也劉家窪始強半南流得山西坡永涸湖以為壑出溪口入符離河亦故道也惟徐邳運道淺涸誠為可虞所以首議疏小浮橋寔因其勢而圖資其利乃小決小試頗有效驗若將小浮橋再加挑開未必不為運道之利計不出此而歎自黃烟挽回全河必須挑四百里淤高之河身築三百里南岸之長堤不惟所費不貲抑恐後患無已御史楊光訓周盤馬送聘亦議止挑掃灣直渠展濟濁河及築山西坡歸仁堤以濟運疏 陵費省功倍興總河合獨總漕補缺意

見不同部請再行會勘工料給事中徐觀瀾言烟口之堪三臣  
既同善均泛衆不必再勘請專任河臣以責成功 上是其言  
今該部行河臣悉心經畫應與漕臣會議者不妨從長計議毋  
得各持異議○戊辰祭 太社 太稷遣公徐文壁代○己巳  
秋分祭 夜明于 夕月壇遣公徐文壁行禮 周天星辰等  
神道尚書楊俊民分獻○時四川採木建昌去省城三千餘里  
採運人夫歷險沒瀝觸瘴死者積屍遍野御史况上進疏陳其  
狀古川民各就本地採木業有次第而陔有盡用建昌杉木之  
全此貪吏以杉木為奇貨假公濟私耳請行撫按官聽民就近  
採取惟期堅實可用不必拘定地方并将官價令司道官先期  
給散無假手吏胥以滋乾沒部覆送之○工科給事中楊應文  
亦以建昌採木事論劾劾改刑部旨下吏部○庚午陞翰林院

編修楊道賓為國子監司業○調河南副使劉大武于山西備  
兵字式○陞山東僉事戴燦為廣東左叅議○辛未陞神機營  
佐擊署都指揮余事白標為五軍營叅將○南京科道各遵旨  
會舉選才俱未下○壬申起原任應天巡撫都察院右僉都御  
史喇應麒以原官巡撫湖廣○陞戶部郎中王應霖為陝西左  
叅議○癸酉以中秩節賜三輔臣上尊珍饌○乙亥以萬壽  
聖節遣候張炳等分祭九陵伯陳如松祭景皇帝陵寢○  
賜三輔臣上尊珍饌○朝鮮國差陪臣沈壽壽等三十三員進  
賀萬壽聖節並奏經理事宜給賞伴送如例○丁丑倭破朝  
鮮開山南原等處先是楊元以遼兵三千扼南原至是開山失  
守倭遂薄南原十六日夜猝乘城元驚起帳中跣足逃走一軍  
盡沒遊擊陳愚衰在全州距百餘里懦不發兵聞南原已破亦

棄城北適于吳督臣請相調南京浙直閩廣水兵防倭內犯部  
覆命速行○罰各省撫按官趙文炳等俸五月以考成未完也  
○戊寅大學士趙志皋等以倭情緊急請點本兵力薦蕭大亨  
不報○陞廣西僉事陳堂為光祿寺少卿○陞貴州左叅政王  
思民為四川按察使貴州右叅議莫庸為四川副使禮部主事  
朱三聘為江西右叅議○陞山東副使王學謨四川副使楊佩  
訓山西副使楊紹程俱為右叅政學謨紹程俱山西佩訓廣西  
旋改貴州○兵科右給事中侯慶遠言倭報旁午戎務糾紛乞  
亟定樞臣以私濟艱難已卯命左春坊左諭德方從哲翰林  
院編修朱道宗充 皇長子講讀官 甘肅莊浪衝地震 倭  
事孔棘刑科都給事中侯廷佩請發部堂自陳疏巡視京營給  
事中劉道亨請發戎政自陳疏吏科給事中林應之湖廣道御



史高舉俱請簡用樞臣皆不報○庚辰 憲宗純皇帝忌辰遣伯楊世楷祭 茂陵○太湖縣天降火光丈餘不焚○命編修史繼偕顧天竣楊繼禮陸典簡討傳新德纂修六曹章奏○陞福建右布政使劉孟雷為山西左布政使○壬午榆林天鼓鳴○遣戶部侍郎周思敬祭 京都太倉之神○癸未鑄給高州府海防同知關防○河南道御史趙標陳時事四大患一曰詔旨之不信一曰上下之不文一曰臣節之不振一曰人情之不妄不報○甲申京師地震禮部以修省寔事疏請得旨 上天仁愛不已朕心愈切省惕奏內事關朕躬者已知其大小臣工各要秉公除私盡職以圖消弭○遼陽關原廣寧等衛俱震地裂汚水三日乃止宣府薊鎮等處俱震次日復震○蒲州池塘無風生波汚溢三四尺○山東濰縣昌邑安樂即墨皆震臨

濶縣不雨潦水忽漲南北相向而颺又夏莊大灣忽見潮起隨  
駁進聞駁則丈餘聞則見底樂安小清河水逆流臨清磚板  
二關無風起大浪○爾州涼州天有大光形如車輪尾分三股  
約長三文松山天鼓鳴○吏科左給事中楊廷蘭因災異頻仍  
詳舉四方傳報以聞○雲南大侯部夷奉學勾連猛廷瑞焚劫  
煽亂撫按以聞 上以奉學罪在不赦責廷瑞擒獻自贖○加  
李如梅署都督僉事充禦倭副總兵赴朝鮮策應逆邢玠請也  
○浙江道御史劉曰梧請賜上方劍象沈惟敬于境外即賜督  
臣有阻撓軍機者以此從事又亟出曹學程于獄即令臨陣監  
軍不報○丙戌協理京營都御史李春先再跪乞罷以吏科給  
事中楊廷蘭劾其昏耗無為也不允○吏科左給事中楊廷蘭  
兵科給事中白瑜刑科右給事中羅棟因侍郎周思敬倡不救

朝鮮之說各飛論其罪供不報○禮科給事中曹大成言朝鮮  
與國不容輕棄引宋室不救遼金以為往事之驗不報○丁亥  
吏科都給事中劉為楫以天津兵容備疎議行順保永河真定  
地方查復壯快民兵部覆允行○山東道御史涂宗濬以朝鮮  
危在旦夕沿海宜加院防條上駁餉訓兵用人賞功四事因薦  
原任巡撫鄒汝璧等見任兵備萬世德等役之擁稅建節以當  
一面○禮部侍郎劉楚先再疏引疾不允○經理朝鮮都御史  
楊鎬條上朝鮮納米十事一徵收新限該國稅糧例于正月起  
徵今將禾熟早晚酌為限期大約不得過歲一加納實職凡奉  
常事軍器寺禮贊寺恭奉奉事直長主簿判官僉正寺正等官  
俱開納候補一外官陞級一乞恩追贈一免罪納贖一鄉吏免  
役一奴丁免役該國輝遠應承之人累世闔族不許別業甚者

驅圍困為所役良可痛恨今晚具贖米運為良宗一貢鉅折米  
一老軍免役一尚義翰官部覆如議上嘉納之許以復都使  
宜行隨具奏定奪○刑部尚書蕭大亨乞休得旨慰留○浙江  
巡撫劉元霖三疏乞歸以防倭事重不允

明神宗顯皇帝實錄卷之三百十三



明神宗顯皇帝實錄卷之三百十四

萬曆二十五年九月己丑朔○庚辰大學士趙志皋等請改滿  
大亨為兵部尚書吉侍郎李楨原非將才惟大亨精通兵計可  
計大事不報已又固請亦不報○時經理楊鎬奏朝鮮隱匿糧  
物除限可虞部覆該國窮蹙已極主持無人國王大臣未必知  
此既與同事更當明白問諭凡事悉聽經理調度勿懷疑阻得  
旨朝鮮連年疲敵不能自振以致欺隱糧物全無舉察情有可  
憐非盡險詐朕亦推誠不疑但如此愚計坐整頓亂邦之道該  
部使行督撫明諭國王念我以大恤小之仁當初同舟共濟之  
義集合兵餉協力平倭毋懷疑貳自取敗亡○翰林院簡討李  
騰芳直陳安糧至計八事定戰守重內地明賞罰假將權練京  
兵積芻餉破大法祛宿蠹疏留中○壬辰 孝恭章皇后忌辰

遣伯孝承功祭 景陵 命錦元衛運兵部尚書石星下法司  
議罪以其論賊蘇惠欺君欺國也○大學士趙志皋疏言倭之  
不能北犯中國者惟恃朝鮮全慶二道為我衛耳全慶亡朝鮮  
必亡朝鮮一亡則倭不從陸犯遼必從東漢臨津晴川大定大  
同鴨綠諸江分兵四出凡東南沿海皆有切近之憂此日今一  
大患也故全慶必當屯兵以至沿海邊衛均當預防天津登萊  
莫若添設倭倭撫臣一負南防中原北壯神京東障海岱此內  
防之最不可缺者更乞特遣御史為監軍紀錄功次以明賞罰  
部覆允行○大學士張位陳防禦事宜一因門戶言天津登萊  
淮揚南京浙江福建廣東皆當預防而前三門戶在北勢近宜  
抽在南四處之兵前來應援天津特設巡撫總兵專治海上事  
務歸湖水兵俱屬管領與旅順登萊淮揚聲勢聯絡以振軍威

一懸爵賞一詰戎器一備海軍一重餉務特設才望大臣一負  
專理遼海東征糧餉一調土兵一叙舊勅謂平壤王京之捷功  
久不叙人心缺望宜陞賞以示鼓舞部覆奏允行○大學士沈  
一貫疏陳戰守事宜言為天津登萊計者但曰催督保定山東  
巡撫移駐防守臣以為事權宜一不宜分津萊同是一海不得  
分而為兩兵氣宜揚不宜抑戰守本是一事六不得分而為兩  
今為救朝鮮至于萬里微發顧不謀舟師水戰于津萊之間僅  
令西巡撫移駐防守而已則是舍近而圖遠舍巧而圖拙舍易  
而圖難舍其長技而圖其短策非計也臣生長海上頗知倭情  
倭長于陸吾長于水與倭戰于水則得策在吾其勝十九與倭  
戰于陸則勝負尚未可知蓋我船大而倭船小我能捨氣沒帆  
而彼非正風不能使帆我火器多而彼火器寡我能以船為家



而彼特以舡為寓此長短難易之別也從海道或朝鮮則近而  
巧從陸道朝鮮則遠而拙在拙之師不得從北發今既發矣  
而餉不得繼又不可多發不多發又不勝故曰拙一舡之載可  
三四百人少不下一二百人可以多載師又可以多載糧故曰  
巧從陸而行日不過百里遠而爭利又法所忌故曰拙乘風隨  
潮瞬息千里易進易退朝去夕還故曰巧此遠近巧拙之別也  
今難且短遠且拙者且不憚為之而易且長近且巧者乃置不  
為則有遺策矣以臣之愚使兩巡撫分為之不如使一巡撫專  
其事而權易行使統自守而不言戰不若使之索倭而戰以款  
朝鮮而守自固請于天津登萊沿海居中處所設立一巡撫率  
總兵兵備各遊總轄海道北接遼東南接誰安首尾相應步調  
浙直閩廣慣戰舟師相度機宜進剿釜山關山及對馬密批援

朝鮮有五便焉天津畿輔門戶登萊中土藩籬重兵厚防以戰  
為守其守益固一也朝鮮自開山一失倭無忌憚而并力進兵  
矣今吾師在海而尾其後絕其餉夾而攻之腹背受傷必當殄  
滅二也浙直閩廣之年汎汎而來無所棲泊令其望天津登萊  
以為歸舡有所繫而安餉有所出而飽進止有所稟承節制而  
肅三也欲餉朝鮮則舡楫銜尾費可大減又以舟師相翼而行  
無盜賊之虞四也蒼福沙民等舡有能仗義出奇者地近勢便  
令其就此受成挽則為之代題海內趨功名願報効之人可四  
而而集為助當多五也且老師不戰空糜豪士之氣惟時有徒  
賞始有盡敵之日今遠北抵禦狂虜為卻宜倣此意行之于海  
以漸滅倭必此一舉臣熟計其便不能為國家憚更張惜費用  
也跪入 上答曰卿言天津登萊設立巡撫專管海務以圖戰

守兵見經國遠猷朕意該部即便議行并推熟練兵事者  
以開○戶部尚書楊俊民疏辭都察院印務並請簡用原推院  
臣不允惟令僉都御史郭惟賢即出協理○乙未下逸將楊元  
陳愚表于經畧問依律重處送那玠請也○吏部尚書蔡國珍  
以三年滿考加太子太保詹子輔為國子生○戶部侍郎周思  
敦平予祭一壇給全葬○丙申刑科都給事中侯廷佩疏請錄  
用郭寶釋放曹學程起用孫鑛趙燿韓取善以寶等首排封議  
也不報○浙江道御史曹楷言祈天攘夷先務躬 郊 廟御  
朝講舉冠婚速撤召簡樞臣凡詔書所開載一一着實舉行不  
報○丁酉以重陽節賜三輔臣上尊珍饌○起陳璘為副總兵  
統領廣東營兵五千赴朝鮮援救○兵部申飭聯絡海防之法  
凡兵道將領各分信地深功議罪奉行振刷旨依議行○戊戌

翰林院修撰焦法為 皇長子講官因進養正園解皆擇前代  
故事有闕法誠者 上留覽并賜 皇長子仍以睿體清弱命  
候旨漸進行○命浙江道御史陳效為朝鮮監軍紀錄功次○  
陞山東右布政使萬世德為都察院右僉都御史海防巡撫○  
協理京營都御史李春先三疏乞罷以御史司孔教諭劾也令  
供職如故○史科給事中劉為楨乞特簡兵工二部尚書左都  
御史行取六科十三道簡發擬陞擬調遼海司道不報○己亥  
河南知縣張文中侵欺庫銀文中已故巡按御史請移文原籍  
變產追贖報可○刑部尚書蕭大亨請出罪弁楊紹祖押赴薊  
遼軍門立功贖罪許之○庚子霜降遣侯張炳等分祭 九陵  
伯張元善祭 景皇帝陵設都指揮使都國恭祭 奠 沖 莊  
教太子墳○是日雪○兵部先後調叢浙江吳淞福建南京江

北廣東水兵二萬一千名旨令催備速到應用毋得遲悞○辛  
丑三法司會審前兵部尚書石星釀患禍國擬極逸永戍 上  
以法司徇私朋比切責四詔石星另擬罪于是刑部尚書蕭大  
亨等惶恐引罪命革大亨官銜世襲恩廢白棟革職為民餘奪  
俸一年石星坐隱匿軍情失悞律論死妻子俱流蕪烟瘴永戍  
獄成刑科給事中羅棟仍數呈十二罪劾奏 上是其說○鑄  
給海防巡撫關防○調天津兵備許守恩為易州道易州道兵  
備汪應蛟為天津道以才地互更也○直隸巡按單三才言閩  
白狂逞登萊天津皆我門戶蓋兵餉守扼塞然猶外攘通年朝  
講 郊祀之不親儲位寇婚之未定部院大臣之未補建言廢  
官之未起行私未下帝奏未發礦役未停店使未罷織造征採  
未撤海獄敲朴未釋百孔千瘡耗妬无氣恐腹心內潰蕭牆可

虞不報○禮科給事中劉餘澤言京師連日地震變屬異常乞  
停開採不報○壬寅甘鎮海虜清永等首糾衆分犯官軍先後  
擒截一百七十有奇叙督巡將道等官功李汝賞銀五十兩大  
紅紵絲四表裏田樂賞銀四十兩紵絲四表裏俱賸一子入監  
讀書王賦業賞銀三十兩紵絲三表裏賸一子本衛試百戶不  
世襲劉欽寬王子美各陞職一級霍鵬陞職二級梁雲龍周一  
經各陞俸一級陳所職王經邦各贈一級東保賸一子本衛試  
百戶不世襲魯光祖遇大將負缺推用達雲淮實授都督同知  
姜河加署都督僉事王鎮塊加副總兵銜昭舊管事葛賴吳大  
臣張希孟羅呈各陞實職一級裴應坤王君榮龍膺高第趙之  
收侯倫各陞俸一級王允中加遊擊自劉欽寬以下各賞銀有  
差○癸卯賜肅府會寧王緡部誼恭懿○刑科部給事中佩廷

師疏乞正樞臣今日誤國之罪並追大臣先日朋悞之奸參輔  
臣趙志皋與宋應昌顧養謙等志皋言該封非誤該封之後撤  
兵應戰為誤乞賜首序以為尸素之戒旨優答之○陞陝西按  
察使管甘肅行太僕寺事周一經貴州按察使曹司勳各右布  
政使一經四川司勳福建○陞廣東副使謝東為浙江左叅政  
○乙巳湖廣糧儲道右叅政韓濟以病乞休許之○奪山西巡  
撫魏允貞巡按袁九皋俸半年布政使萬象春叅政麻容俸一  
年潞安知府劉復初等各降一級以織造紬匹違式違限也○  
丁未四川加渴尾寺都綱番僧查麻領占等六名進珊瑚等物  
給賞如例○戶部奏邊鎮歲額淮鹽六萬三千九百二引二十  
斤每引官價銀五錢召商中納萬會二十二年議加四萬四百  
三十三引八十分二十四年復停增引今該增萬兩中法並各

開一萬五千引召商上納本色以備禦倭支用報可○陞成都知府陳興相為四川副使專管採木○命戶部侍郎張養蒙兼都察院右僉都御史督理東征糧餉並所條事宜下部議○戊申浙江巡按方元彥以病乞歸不許○上以兵部不推防海禦倭總兵官傳諭內閣令速推部以見領廣兵副總兵陳璘見領浙兵副總兵周于德見任廣西副總兵侯國弼上請皆南將也○上命周于德充提督天津登萊旅順等處防海禦倭總兵官○添設蘇松常鎮四府兵船○己酉鑄給監察遼海朝鮮軍務關防○庚戌時倭已入朝鮮公州犯稷山等處經理楊鎬馳赴王京鼓舞將士斬級二十九顆賊勢少沮革聞○上命相機堵剿無以小勝輕敵○經畧邢玠請借發臨德倉米及召買糧石並于天津堆放募沿海商漁吳淞淮浙等處搭接運以登



某難運價湧後時不若天津聖旅順止隔一帆也部覆從之○  
辛亥遼山東福山知縣韋國賢奪巡撫萬象春俸一年以礦使  
陳增容國賢阻抗象春黨庇也○遼天津兵備副使許守恩至  
京即訊初經畧邢玠以海防海運修葺三事行守恩查議守恩  
遷延不應具揭稱天津不必防海運必不可行造船必不可用  
至是經畧劾其阻撓悞事故違○壬子戶科署科事吏科左給  
事中楊廷蘭言礦務虐費礦技徒勞乞賜停罷不報○癸丑鑄  
給督理糧餉提督防海禦倭總兵官各閱防○時戶部左右侍  
郎蘇督倉場侍郎俱缺大學士趙志昇等請點用不報○刑科  
部給事中侯廷佩乞停開礦之役恕阻礦之臣以收人心請寬  
章國賢不報○直隸巡按龔文遂以病告不許○乙卯禮部尚  
書范謙禮部左侍郎劉楚先各三年滿考命滕子范茂桂劉啓

和為國子生○河南道御史黃紀賢疏救鞏國賢免解京止令  
山東巡按提問不報○丙辰鼎建 乾清 坤寧二宮迎梁賜  
文武大臣及執事官花幣有差衍聖公孔尚賢乞同京官恭迎  
許之○丁巳加陞昌平兵備僉事陳一簡為山西右叅議兼僉  
事始舊管理送督撫保留也○經河尚書楊一魁言今歲春間  
呂梁二洪淺澗皆歸咎于黃河南徙臣等設法疏導河渠流通  
漕艘既濟漕臣稽致謂黃壩未塞全河不來非一勞永逸之計  
臣忝當司豈慮不及此臣入秋以來自鎮口涉浮橋由小河歷  
歸仁上泗 陵浮睢水下徐深過夏虞抵黃壩及碭山詳觀形  
勢看得歸仁在西北泗州在東南相距一百九十里中隔重岡  
壘嶂高踰歸仁不啻數仞况歸仁之北有白洋河朱家溝周家  
溝胡家溝小河口洩入運河勢如建瓴即無歸仁 祖陵萬無

足慮也濁河泥沙淤墊高出地上潦則溢旱則涸今曹單河身闊一二百丈深二三丈尚不免于橫流徐邳河身闊不滿百丈深不過丈餘徐州以西深者六七尺淺者二三尺而夏永韓家道口回家道口宿州徐溪口符離河等處闊百丈餘深二三丈避高就下水之本性河流已棄自古難復且往歲河水充盈見稍利矣而風波漂溺鎮口病淤不可謂之非害今歲河水微漲見稍害矣而安流無恙歲運全完不可謂之非利乃詠者在性年隱害言利在今日隱利害無怪乎道謀之紛起也查得正統年間睿將湯節謀于徐呂洪南呂各建閘座節水通舟行之有効嘉靖二十年間督治漕河侍郎王以旂復請建置蓋運河原不資黃河之水山東諸泉實運河命脉是閘河乃先朝已試成規今日濟時要務也宜仍復舊制于鎮口之下大浮橋之

上呂梁之下洪邳州之沙坊各建石閘一座以節宣文泗之水  
兜濟充泉源已濬用之不竭而小浮橋沂河口二水又足以助  
之更于鎮口已西築壩以截黃河之水開唐家口而注之龍溝  
會小浮橋入運以杜灌淤口塞之患過漲則聽從由玉山滾水  
壩分洩入埭材湖蓋資其利而去其害寔萬全永賴之計也部  
覆報可 兵部署部事侍郎李禎疏陳倭事急要一曰守王京  
以固藩籬二曰禦漢江以遏征鋒三曰備旅順以息賊犯四曰  
防登萊以障內蔽五曰聯海岸區洋形勢以捍狡襲 上是其  
言

明神宗顯皇帝實錄卷之三百十四



明神宗顯皇帝實錄卷之三百十五

萬曆二十五年十月戊午朔孟冬享

太廟遣公徐文壁代侯徐文暉伯朱世雍分獻西廡。以明年  
大饗府賜文武群臣頒行天下。是日于文華殿行禮。班行錯亂  
攘奪喧譁。禮科給事中項應祥奏鴻臚寺卿張棟序班羅曰東  
等命奪棟俸三月。下曰東等于法司問。經畧邢玠奏言自程  
山截殺後。兵威稍振。請催發川兵。勒限抵閩。水兵須蒼艍由外  
洋抵遼。以便急濟。上以四川撫按官怠玩。各奪俸一年。令該  
部立限催赴。如獲犯。延總兵監軍官明白具奏。己未。孝潔  
肅皇后忌辰。遣伯趙祖蔭祭永陵。兵部覆山東撫按萬象  
奏。著條議一增水。兵一分布班軍。一分設將官。一歸併營衛  
皆允行。庚申。宴琉球進貢使。全仕歷等十三員。侍郎劉楚先

待) 辛酉 中宮千秋令節免命婦朝賀賜三輔臣上尊珍饌  
○兵部覆御史何爾健條議一謂王京乃朝鮮根本國王當効  
死勿去一謂楊元陳愚衷挫師辱國應連正法一謂倭性畏寒  
趁今數月料理事事有備一謂沿海土城不足為恃宜修築以  
固金湯一謂倭奴必不敢越朝鮮而趨內地宜于旅順登萊堵  
截外洋以固津門一謂禦倭于水不若禦倭于陸宜兼用南北  
所長一謂抽運兵定以三月一成一守更番交代一謂岳氏  
漢缸慄料可用宜募為水兵一謂大將雖設當設偏裨以便協  
防一謂海防巡道職掌始山東迤邐分任之例巡歷則始宣大  
一歲二巡之規防汎則依浙直春巡之例庶事有責成人無觀  
望俱如議行○戶部覆督餉侍郎張蒼蒙條議一勸支東省預  
備倉糧一再借臨德倉糧各五萬石一止直山東今歲稔熟宜

收本色以省羅撥一山東逋欠糧銀百餘萬宜令青登萊三府酌收本色以充海運一開事例一增閩稅河西務原額四萬六千餘兩今增一萬五千兩臨清八萬三千餘兩今增二萬五千兩許墅四萬兩今增一萬二千兩九江一萬五千餘兩今增五千兩北新三萬三千餘兩今增一萬兩揚州一萬三千餘兩今增五千兩淮安二萬二千餘兩今增一萬兩一增開益引一開種傍海荒田俱依議行○經畧邢玠奏報倭情言朝鮮形勢王京為八道之中東陞為高嶺忠州西陞為南原金州中間道路相通自南原失事東西皆倭我兵因退守王京王京之險在漢江江底慮倭長驅江干斷絕糧道檄麻帥造舡筏通我師往來分守上下哨口防倭暗襲又募兵守稷山天安經理即身赴王京輸以死守人心始定嗣是九月副將解生中等檄倭于程山祭



將彭大德等進倭至青山共獲級一百五十二顆軍聲漸振臣  
乃遣別將分守鴨綠臨津清川嘉山等江移郎中董漢儒屯義  
州海防道蕭應宮屯平壤又降旨調南北水陸兵七十萬旦暮  
至福廣浙直水兵直擣日本倭聞風遂不敢進行長奔井邑雖  
王京六百里清正奔慶尚離王京亦四百里今日急需在水兵  
水兵惟蒼舡可以擊蕩倭舡宜徑由外洋抵朝鮮海運宜于天  
津山東淮安各處挖求官民漁商舡二三百隻總運一二次以  
救目前之急疏聞 上令獎車將士收功萬金舟師糧餉如議  
速議○壬戌賜三輔臣伏菑○禮科給事中項應祥言 兩宮  
新構宜應在氣亟行 皇長子冠婚嘉禮○吏部言差遣無人  
事多廢墮乞簡發行取疏不報○安慶府通判孫生因倭警輸  
穀三千石戶部議覈獎風勅中書舍人余廷吉指亦如之○癸

去山西巡按涂宗濟告病不許。陞四川右叅政董汝漢為陝西按察使管甘肅行太僕寺事。陞雲南右叅議張喬松為湖廣副使備兵柳桂南京刑部主事閻遠慶為四川僉事備兵安緝。起趙世卿為戶部右侍郎總督倉場張孟男為南京戶部尚書。陞江西僉事查允元為本省右叅議。改南京禮部右侍郎楊起元為南京吏部右侍郎。先是總漕尚書褚鈇遜徐州管河判官程湖沛縣主簿強性寬總河尚書楊一魁稱其功有可錄乞行按臣查勘并自乞休部覆行勅命一魁始舊供職已缺言與一魁素同心共德止緣黃淮遠徙不常害及運道一魁決意分黃不歎導淮意見不同偏執自是臣叨領漕撫卞革貪穢誤事二小官概為一魁挾制異愆不職甚矣尚可觀顏在位乎乞賜罷斥不報。丙寅以四川僉事李開藻提督本省學

改) 丁卯右春坊右諭德唐文獻以病乞休命曰籍調理○加  
陝西按察使劉敏寬右叅政霍鵬俱右布政使兼副使副使黃  
子美右叅政管理船塢以甘肅等處捷也) 戊辰雲南主考戶  
部主事王大合行至普安州有曲請軍民商原任訓導景遇芳  
為其子求通關節大合發覺御史以聞命行按臣將遇芳等盡  
法問遣) 壬申命翰林院編修吳道南充 皇長子講讀官) 予  
嘉靖間太子太保兵部尚書史道祭葬道順天涿州人正德  
丁丑進士改庶吉士授兵科給事中疏陳天變下獄拷訊降縣  
丞薦起原官歷陞大理御史尋調任大同軍叛虜入內地起左僉  
都御史巡撫大同與虜戰于玉林川已陞兵部侍郎督兵三山  
嶺斬虜六百餘級受 上賞以報歸復起撫宣以獲妖逆蕭芹  
功晉本兵加宮保致仕卒後四十餘年始膺卹典云○甲戌鑄

給鎮守山東備倭總兵官閔防○予原任巡撫保定都察院右  
僉都御史李向智祭一壇山西巡撫魏允貞等以尚智操行廉  
白議破格議卹部謂例無可援止與祭○錄剽平廣西岑溪七  
山洞賊功陳大科陞右都御史昭篤繼督賞銀四十兩大缸紆  
絲三表裏戴耀陞兵部右侍郎昭舊巡撫賞銀三十兩紆絲三  
表裏壹元鎮准實授都督僉事銀幣與巡撫同蘇潘林廷陞洪  
有復各陞佾一級賞銀十五兩張文耀賞銀十二兩吏部紀錄  
孟宗文陞著都督僉事陳璘准實授都督僉事吳廣加副總兵  
銜黃鍾陞遊擊銜侯國弼加署都督僉事自宗文以下賞銀有  
差○先是揣苗楊應龍經勘革職至是復肆行殺掠縛去官舍  
燒砍木廠按臣以聞並劾遊擊翟孔開張本不能禁戢得旨降  
革開本其應龍等著查勘具奏○先是安南國本屬陳氏為黎

李輝所警後莫登庸者復乘黎式微攘而奪之安置黎子孫于  
漆馬江莫氏遂為都統制至是莫運中哀黎惟澤執故主之名  
義因國人之推戴驅逐莫裔奄有舊土惟澤皂帽編衣繫組旬  
伏恭進範身代死舉國臣耆奉辭服罪乞嗣服南荒奉正朔修  
職貢繼暫兩廣都御史陳大科以聞部覆國家制馭安南自有  
成法當黎利詭立後以宣廟之英明豈不知黎之偽而不難  
捐已成之郡縣授之權署及登庸詭黎無後以世朝之廢斷  
豈不知莫之篡而不難解已也之將旅授之都統誠念此石田  
無所用之不歎勤兵于遠身夫偏與篡猶許之也其真而恢復  
者乎請授惟澤以名號令其統轄地上約束人民安莫氏于高  
平得一綫猶存血食慶望之法固宜尔也得旨黎惟澤准授要  
南都統使仍寫勅諭并與鑄印俾轄治一方永運王化○乙亥

誠孝昭皇后忌辰遣伯楊世楷祭 獻陵○丙子刑部問擬決  
西知縣侯命郭揮追賊革職為民如擬○兵科右給事中侯慶  
遠論初海防道蕭應宮仍用沈惟敬主和不即奉旨押解 上  
以應宮抗上庇奸并惟敬速繫來京○予西寧侯宋世恩祭奠  
如例○丁丑南京四川道御史陳燧言倭報日急內地帖危乞  
亟停礦使店稅以甦民困不報○戊寅火星逆行入井 己卯  
經畧尚書邢玠以被逮察議許守恩奏辯借說上疏具言本末  
并求罷免得旨用兵大事全在賞罰分明若各相推諉互相遮  
護以後誰肯出力今擊許守恩及蕭應宮出自朕斷正要申明  
法紀使御得展布脚宜盡心竭力任勞任怨上緊滅賊以副養  
倚不得憂讒畏譏款求避位若有諛奸讒害者朕自明鑒不為  
搖惑○庚辰賜三輔臣鮮藕○壬午金山叅將彭紹賢革任回

衛以撫臣勅其不諳軍旅也 甲申加南京坐營陳雲龍遊擊

銜領水兵三千名赴天津○丙戌禮部尚書范謙卒謙皇城人

隆慶氏辰進士改庶吉士授翰林院簡討預修 西朝實錄

大明會典外轉藩臬六任陞大僕卿改太常卿管園子監祭酒

事晉禮部侍郎掌詹事府事充經筵講官正史副總裁東宮侍

班官昇陞本部尚書兼翰林院學士萬曆乙未知貢舉督修

昭陵未幾卒于官謙博聞練識啟歷中外鞠躬盡瘁死而後已

予祭葬謚贈悉如例○丁未山東道御史喬璧呈言天步多艱

台者需人孔棘請始常行取除補以應目前之急不報○吏科

都給事中劉為楫言 祖宗設立十三道御史職司風紀凡始

差必引奏事竣必回道考察遵 祖制也頃者楊俊民換差之

說行而引奏廢矣回道考察又廢矣御史何官巡按何事而可

以輕忽潦草報命乎乞切責俊民以戒紛更不報

明神宗顯皇帝實錄卷之三百十五





明神宗顯皇帝實錄卷之三百十六

萬曆二十五年十一月戊子朔予原任南京吏部侍郎習孔教  
祭一壇孔教廬陵人隆慶戊辰進士改庶吉士授翰林院檢討  
纂修 禮廟 世廟實錄成陞編修撰預修會典充經筵官  
忤權相以星變考察降閣府佐為撫按劾論閣任後薦起由南  
部即歷春坊諭德掌南翰林院事以憂歸復起少詹事陞南禮  
吏二部侍郎俱未任卒部議本官例未得祭而抗論權奸遺直  
足嘉故予之 巡視京營支科等衙門給事中劉道亨等糾劾  
貪肆營官古勇士四衛二營軍勇八十有奇馬數百匹用以護  
衛革數厥係甚重因循日久軍則納班不操馬多倒死不報行  
伍空虛皆由坐營等官剽削影占以至於此而武職左衛坐營  
王添爵貪肆特甚乞賜罷革不報 庚寅通政使司通政使田

萬三年滿考廢其孫敦倫為國子生○孫江成山伯三允忠奏  
陳于新江口營添設中營枕藉江洋拱護留部部遺于戎務有  
裨送之，辛卯是年順天府考試官中允全天叙修撰焦竑皆  
陪推也及撤棘物孫藉藉科臣曾大成舉人吳應鴻汪泗論  
曹著鄭茶等謂竑與分考何崇業賄通關節竑既辯應鴻泗論  
茶皆天叙所取惟曹著為臣所取以禮記少任卷而著獨勝故  
首拔之乃大成疏云千金一擲不知千金投之臣乎抑投之崇  
業乎請勅下部院嚴加根究并乞罷斥以塞言者旨下部司天  
叙亦上疏引退令始舊供職，壬辰恭讓章皇后忌辰遣官  
祭陵寢○朝鮮國差陪臣李時先等一十九名齎方物表文  
進慰大災賜宴賞賚如例○癸巳陞巡撫宣府右僉都御史王  
象乾為右副都御史始舊管事以滿三年考也，甲午原任工

部尚書楊兆孫楊新芳奏進故祖家財及其叔楊汝業違禁通  
夷詣不法狀詳旨奏內扣剋軍餉部銀數及百萬又蓋造違式  
房墳遣司禮監官楊柱同錦衣衛堂上官前去會同撫按查勘  
封解在京者嚴衛五城都查封收進（丙中大學士趙志皋等  
言楊新芳自稱爲楊兆之孫而舉發祖罪似非人情必有別故  
况以家財恭進理宜明白其跪何至假充做工軍人潛入大內  
蹤跡詭譎可疑跪內銀至百萬加以珍奇重寶萬一不實必將  
挾肯帝累及無辜乞勅差官會同撫按送公詳審果所奏皆  
實止將本家見在財寶解進違式房墳拆毀不得驚擾地方若  
其不實尤當勉奏將楊新芳重處切思沒藉一事國家極重之  
法必詳乞奏讞而後處斷今據一妄男子之言不加覆謀迅速  
發行人心懼駭望 皇上深思慎重毋令奸人有以窺伺者

上報曰此輩剋利侵扣譏視法紀朕故怒耳卿等此說意見欲何志臯等護言臣等原非為楊狀解說亦非別懷意見第恐所奏未必的確差人奉行太過必將胡攀亂杜昭害不小况奸民無處無之若隱私挾詐紛紛告訐則皇上本以懲貪人反疑以取財不若消融其可疑可議之迹尤為至治之光也疏入不報○丁酉經畧邢玠奏報倭賊焚倉棄寨退守釜山部議倭奴進退詭秘或因冬寒暫示驚伏大兵相繼進剿斯天時人事之宜者惟是原調川兵馬上馳催浙兵計將抵閩各省直水兵已起行在途續調浙福水兵亦將暫發廣東水陸兵已發行兩月誰揚募獻兵恐後處錢糧不敷儘見兵量給濟用俟到軍前補給得旨倭犯朝鮮首調四川兵馬又屢旨催取如何不到還着馬上立限及時進剿如違通行重究其浙江等處亦着催促毋

誤○賜安南國差來舊日馮克寬等冠帶給賞如例庚子冬  
至大祀天子國丘遣公徐文壁代侯陳良弼伯朱世雍  
大學士趙志舉張位分獻各壇伯王學禮尚書蔡國珍楊俊民  
代視牲駙馬許遂誠代詣太廟請配○遣侯郭大猷等分祭  
九陵伯陳如松祭景皇帝陵寢都指揮使郝國恭祭哀  
沖莊敬太子墳○辛丑免群臣朝賀大學士趙志舉等恭詣  
仁德門行五拜三甲頭禮○以聖母慈聖宣文明肅皇太后  
萬壽聖節頒賜三輔臣金萬壽字二副銀萬壽字二副金篆  
字八個金書黃符一道金書紅符一道銀書黃符一道及講官  
劉元震等各有差○壬寅經畧尚書邢玠以倭夷逃據金山擬  
調兵馬十萬于今冬進剿計米歲用糧八十萬石以十萬石不  
辦朝鮮七十萬石酌派山東遼東天津三處都覆得旨令督發

按濟○選繫前文選司員外郎蔡應麟至京卹訊以方簡招賄  
陞知縣也○癸卯山西巡撫魏允貞以親老六懇歸養不報  
甲辰吏科給事中劉道亨論劾禮部儀制司郎中張世才專恣  
鬻私所差京考皆徇情趨勢李永庚賄得鄒德縛策一道與應  
天雷同順天中式舉人吳應鴻等或冒籍或闕節或疵謬皆不  
糾察宜議處以爲伺私之戒世才亦疏辨部院謀世才橫稜依  
違命調外任用○以寧前兵備道僉事梁祖齡補調遼陽海防  
兵備道以總督標下贊畫兵部員外郎楊位陞山東僉事寧前  
兵備道以兵部主事徐中素充標下贊畫從經畧邢玠奏請也  
○乙巳 聖母慈聖宣文明肅皇太后 萬壽聖節三輔臣恭  
詣 慈寧宮叩頭慶賀賜上尊珍饌復賜酒飯燒割○ 孝惠  
皇后忌辰遣侯薛鉉祭 茂陵 孝烈皇后忌辰遣伯楊世楷

祭 永陵○丁未廣西巡按御史林道補言奸臣石星就逮  
天威大振乞宥曾學程不報○予原任副都御史侯于趙祭時  
准全葬以巡撫山西值虜嗣封有運籌之功也○戊申江西巡  
按葉永盛以病乞休不允○庚戌福建漳泉濱海人藉販洋為  
生前撫涂澤民議開番紅許其告給文引于東西諸番貿易惟  
日本不許私赴其商販規則勒報結保則由里隣置引即簿則  
由道府督察私通則責之海防抽稅盤驗則屬之委官至是法  
久漸敝撫按全學曾等條議一定紅式一禁私越一議委官歲  
委府佐一負駐劄海澄專管權稅海防同知不必兼攝一議引  
款東西洋引及雞籠淡水占坎高址州等處共引一百十七張  
請再增二十張茲竊道收貯引內因道東西聽各商填註毋容  
循胥高下具手一禁需求卸覆先行○宣鎮市賞歲額二十三



萬六千兩自萬曆十九年至二十四年共節省銀二十三萬一千七百七十餘兩足抵一歲市本 上嘉督撫功蕭大亨王世揚各賞銀三十兩王象乾二十兩○天津巡撫萬世德議立操營留班軍募兵缸製器械又請勅諭沿海鎮撫道將華官同心料理互為應援海上漁鹽缸戶及倭中亡命可充為兵者俱得召募部覆允行○巡視中城御史何祺言楊新芳原奏楊北置買在京房屋二十餘所奉旨封訖但新芳稱房俱係客民賃住房內貨物委實與楊無干資本皆係各商自備并無揭借情由伏望 皇上俯念衆商無辜止將原房沒官其房內所有貨物准令姑舊與衆商貿易不報○辛亥以科場風議調翰林院修撰焦竑外任行人何崇業南京別衙門用○甲寅祭 三皇于景惠殿道禮部侍郎劉楚先行禮太醫院院判徐文元離必

肆分獻○禮部覆順天祗論舉人吳應鴻鄭茶詠革丘夢周張蔚然重罰趙士賦鄭宏才量罰曹蕃鄭名言查明議罰惟汪泗論直無整師迴避之禁准會試○乙卯兵部覆給事中鄭明選條議南部構倭六事一鎮要地今南京構倭僉書出鎮京口一補水兵一復浦口城守一造戰艦一勘伏場舊有三十六處年久為墟宜查勘以為設伏張疑之地一安置新舊兵報可

明神宗顯皇帝實錄卷之三百十六



明神宗顯皇帝實錄卷之三百十七

萬曆二十五年十二月丁巳朔戶部條議該海防巡撫萬世德  
言天津濱海荒蕪地土可也種者宜設法召集開墾又該都水  
司主事沈朝暎言天津地方南連靜海東距直沽蓋屬膏腴素  
地可墾民間墾二臣各疏議兵農兩利之策宜咨天津都御史  
行道將環海荒地示諭遠近軍民自備工本儘力開墾官給印  
帖世為己業三年之後方許收稅每畝上地納穀一斗中地六  
升下地三升專備津防餉費先行○予原任巡撫河南右僉都  
御史荊州土祭一壇○廣西巡按林道楠以病請告不許○予  
原任後軍都督府署都督僉事李迎恩祭一壇○吏部題易州  
兵備道缺將山東參政顧雲程調補大名兵備道缺將吏科給  
事中戴士銜陞補不報○戊午日講官劉元震以親老病延再

乞休數不允。南京兵部尚書周世選、漕尚書禔、銜各以病累疏乞休，俱令回籍調理。蔣可起、荆、辛、酉先是兵科右給事中侯度遠論朝鮮君無堅志，臣有避心，宜令督臣問國王若勉力圖存，有進無退。中國不惜財力以赴，若自輕其社稷，不若竄伏中國，即當還師，不與倭爭其速。審擇毋持兩端，至是總督邢玠據其回咨奏言：朝鮮君臣先以賊勢重大，故上下逃奔，屈于力之不逮，亦非甘心于倭者。今我兵于青山等處屢戰屢捷，有轉虛為強之勢，乞憐殘破之苦，令其臣民共期雪恥，庶同心戮力，可無負再造之恩矣。旨下部知。陝西弘化寺番僧魏諸堅、錯等六名進銅佛舍利等物，給賞如例。先是陝西惠安小池鹽通行鳳、漢、平慶四府，邠、永、汧、隴、鞏、遊等州縣，後止行平慶二方，行鹽地窄，遂致販易日少，軍餉無濟。撫臣振民情請復部

議仍舊疏通即以惠安池鹽批補河東課額送之)以鄧紹煜承襲祖爵定遠侯)癸亥下沉惟敬蕭應官于刑部擬罪部審惟款市井惡棍潛通外國倡倭奴乞封之說巧計阻軍致撤遣守辱國損威法宜斬應官聞不知人引奸入幕息惡軍心指悞國事法宜遣得旨依擬)甲子予原任巡撫廣西右副都御史陶大順祭葬如例)禮部奏 皇長子明年十七歲冠婚之禮萬不可緩專候勅旨舉行不報)湖廣潛江景陵漢川三縣水災詠免拖欠府倉銀兩仍蠶賑濟送按臣趙文炳請也○乙丑內旨以孝如松鎮守遼東吏科給事中楊廷蘭言遼鎮總兵擇選以明慎廷惟以示公令送中出恐誤審一關將未科封墨勅之濫送茹起矣不報)丁卯予原任南京戶部尚書陳于陞祭葬如例○戊辰順天府府丞劉士忠八孫乞休許之)而

世宗肅皇帝忌辰遣侯朱繼勳祭 永陵 東廠題楊新芳所  
奏容寬舖店封記僕拘獲楊散審明奏請令會鞠楊執稱止  
討房租貨物係商自備並無借債情由乞釋無辜將貨給商售  
賣舖店租銀按季徵解旨姑允 辛未 景皇后忌辰遣伯李  
承功祭 陵寢 鑄給天津專管軍儲同知及出管造作屯田  
通判各關防並巡撫萬世德請也 壬申予原任南京禮部尚  
書惻斯潔祭葬如例斯潔昌平人嘉靖丁未進士授禮部主事  
歷陞南京禮部尚書萬曆壬午予告回籍卒生平廉正不阿士  
論與之 予已故少傅大學士袁燁妻祭仍加祭 湖廣巡按  
趙文炳奏麻城知縣游朋孚官箴大壞賄鑽吏部主事馮上知  
求免上知典試楚中任迂枉道麻城與朋孚暢飲無忌乞將二  
臣並罷以警官邪 癸酉予河南巡撫鍾化民祭一壇以其拮

據救荒以死勤下也。陞翰林院簡討范醇歌為左春坊左贊  
善先。皇長子講讀官。甲戌雲南御史劉景辰言歲序方新  
乞舉。皇長子冠婚大典亟允部疏以便構辦不報。遼陽監  
軍御史陳劾奏連賊抄范兒糾謀土蠻罕部落衆踰十萬結營  
百餘里搶殺人畜勦以萬計而楊昶白清兩民寨被禍尤慘叅  
瀋陽遊擊陳志吳希漢革任四衛。乙亥以年節賜輔臣志身  
銀五十兩綵段四表裏位一貫銀四十兩綵段四表裏及講官  
劉元震等有差。禮部右侍郎余繼登以儀郎張世才謫調上  
疏引退令供職如故。時原任禮部尚書范謙病故負缺兩月  
不補署印事左侍郎劉楚先請起補正卿并辭印務旨令楚先  
始舊嘗掌尚書負缺吏部推舉以制。吏科給事中劉為楨論  
初吏部主事馮上知枉道行私黃州知府瞿汝稷媚為曲庇皆



宜難卒俱以黨護麻城知縣游朋孚也疏下部議○丁丑叙前  
門羅文谷斬虜首功李顯陞左侍郎賞銀四十兩綵段二表裏  
王保贈一級原歷見男陞實職一級趙祖壽陞職一級李如樟  
加陞都督僉事韓宗功樓必迪牛伯英葉維新郭夢徵丁世用  
俱陞實職一級趙祖壽以下賞銀有差○山東巡撫萬象春再  
疏乞歸許之○吏科左給事中楊廷蘭奏遼左殘破已極河道  
淤塞足虞乞嚴失事之類罰責治河之長策臣惟今天下惟虜  
與河之為患也遼東自振武之捷卜彥把克抄花諸酋何嘗一  
日忘報復哉通未曉卒健馬半在抽調虜之款乘虛入犯也惟  
此時項東西二虜糾眾十萬自塞外以至靜遠堡深入蓋數百  
里自初七以至十四搶掠業將旬日無處不犯無處不破蕩搖  
邊疆斯刈我人民孳繫我士女若非按臣執法直核巡撫張

思忠竟不以實報損國祇而欺君父罪滋大矣所當亟行罷斥者也自淮河為梗墊及 祖陵諸臣創分黃導淮之議豈不鑿鑿可行哉顧當黃涸決口初開之時不能見形察微以遏其奔駛之漸今滔滔下注力無所施矣然自黃涸決而始有小浮橋之疏泄而復有李吉口之潘夫一歲既濬佳濬一歲之運道倘今年李吉口改挑未已而明年復濬今年二十萬之煩費未已而明年復然恐歲塞歲開終無已時為今之計果河自南徙故道可復即自宿遷一帶築堤建閘設壩穿渠以一勞圖永選說者謂泗河北承汶泗南連黃雖果可開鑿即一而估計不撓于浮議可也河臣楊一魁拘守之見未破所當從長經理以責成功者也○戊寅鑄給整飭神木等處兵巡道關防專管漳州海稅關防清軍兼理海防同知關防○己卯大學士趙志昇等以

年內講過經書講章類寫裝潢進呈○庚辰協理京營戎政都御史李春光十疏乞休准回籍調理○辛巳禮部奏明年值朝覲會試之期天下藩臬郡邑計吏與各省直所舉士雲集闕下請亟舉冠婚大典以慰中外臣民之望不報○辛未陞陝西按察使尹應元為都察院右僉都御史巡撫山東○甲申雲南道御史劉景辰言石星以誤國論罪曹學程料封事不成之言已驗乞早賜寬釋不報○乙酉京師地震○禮部以年終詳開各處巡撫奏到災異一併類奏得旨今年災異頻仍朕心深切警惕爾中外大小臣工俱要痛加修省潔己愛民盡心供職以仰承上天仁愛至意毋事虛文○丙戌行大禘禮于太廟遣公徐文壁代侯徐文煒伯王學禮分獻兩廡先期告祭太廟祧廟遣公徐文壁駙馬許從誠行禮○賜三輔臣收田

祭設三卓○順天府官進春○賜故禮部尚書章懋祠額崇儒  
從浙江巡按唐一鵬請也○丁亥鑄完 慶府蒙賡王 蓋府  
勳西王 唐府福山王 清源王各麒麟紐鍍金銀印○先是  
十一月乙卯經略邢玠抵王京議進勦而所調宣大延浙之兵  
並至乃分三協左李如梅右李芳春解生中高策並以副總兵  
分將令大帥麻貴同經理楊鎬督左右協自忠州馬嶺向東安  
趨慶州專攻清正恐行長自金山未援令中協兵馬近宜城東  
援兩協西扼援倭又于三協中摘馬兵千五百與朝鮮合營由  
天安全州南原而下大張旗鼓詐攻順天等處以牽行長是月  
丙子大會于慶州探倭屯蔚山城依山險中一江通釜山寨其  
陸路則繇彥陽通釜山麻帥欲專攻蔚山恐釜倭繇彥陽未援  
令中協高策等扼梁山左協董正誼等赴南原張疑又遣右協

盧繼忠以兵二千屯江口防水路援已卯進攻蔚山遊擊撰奏以輕騎誘倭入伏獲級四百餘倭盡奔島山于前連築三寨翼日遊擊茅國器統浙兵先登連破之獲級六百六十一倭堅壁不出島山石城新築堅甚我師仰攻多損傷諸將曰倭艱水道餉難繼第圍守之清正可不戰縛也乃分兵圍十日夜倭至噉紙充飢先用礮者礮發輒命中瞰我師稍怠佯約降緩攻而行長來援行長亦慮我襲釜營止選銳倭三千虛張幟蔽江上明年正月三日經理聞報即倉皇夜遁倭襲兩協棄輜重無算于是贊畫主事丁應泰疏劾楊鎬與李如梅黨欺貪懦狀可萬言上遂罷鎬是役也陳寅乘勝登蔚城拔枹鼓之可滅此朝食忽鳴金而退鎬不欲實功在李如梅上也故功垂成而復敗鎬罷後二十年苗難作復起鎬為經略仍用李如梅為大帥而有三路喪師之事蓋鎬與李氏兄弟比以違事首尾數十年卒以破壞故致恨亡遼者以鎬為罪魁云

明神宗顯皇帝實錄卷之三百一十八

萬曆二十六年正月丁亥朔

上免朝賀大學士趙志臯張位沈一貫詣仁德門行禮賜上尊  
珍饌。己丑 宣宗章皇帝忌辰遣侯徐文燁祭 景陵。甲  
午孟春時享 大廟遣定國公徐文壁代。禮部奏言 皇長  
子今歲十有七齡年至十七卽凡民之子未有不冠且婚者矧  
朝廷禮教自出風化攸關而冠婚獨後非所以爲天下訓也大  
學士趙士臯等禮科給事中項應祥等亦以爲言不報是後輔  
臣科道各衙門連章催請皆不報。乙未湖廣巡按御史趙文  
炳更科給事中劉爲楫各叅劾吏部主事馮上知典試湖廣枉  
道麻城受知縣游朋孚賄求庇護及論黃州知府瞿汝纓以同  
鄉曲庇朋孚馮上知奏辯復爲科道官所交劾部覆得旨馮上

知游朋乎革任聽勘瞿汝稷調用仍申飭被論官不許飾辯。吏科寺科都給事中劉爲楫等請補原任工科都給事中趙完壁寺五人時六科員缺數多甚至一科全缺或代署或兼差故有此請不報。初遼東總兵缺奉旨會推者三列名者十二人皆不用至是有遼東衝邊多警李成梁父子久歷本鎮熟知虜情李如松年力尚壯着以原任掛印充遼東地方兼備倭總兵官之旨于是言官交章爭之御史黃紀賢言會推之典自今日觀之若以爲虛文故奏無關於用舍得失之權自祖宗立法之意觀之實爲大公至正最切夫理亂安危之要蓋天下惟公議不可欺會推者所爲公議也公議重則人懼得罪于名教公議輕則人將競起于權謀至于競權謀而忽名教正恐奧援竈媚欣糾封墨敎之端矯制竊柄釀猜忌陵逼之禍言念及此能

不寒心此臣之所以私憂過計望 皇上以轉圜也若以 威  
命已頒難于反汗則止今偶一行之而自今以往猶望防微杜  
漸凡遇此等簡用仍以會推爲主兵科給事中侯慶遠亦極諫  
不繇會推有當慮者六大畧謂廢衆伍之公長僥倖之謀啓旁  
出之疑成否隔之象受事者或憂讒畏譏難以展布矯命者或  
潛伏伺便易以爲姦疏皆留中。江西巡按御史葉允盛奏請  
補謚名臣以勵世風舉原任吏部左侍郎張元積原任國子監  
祭酒胡儼原任大學士解縉三臣操行雖異名實總符遺事炳  
乎當年公論定于身後物望允歸易名允當。經思備倭兵部  
尚書邢玠題稱倭奴竊據朝鮮之南海東西聯絡八九百里隨  
營所在賊舟以待臣等發兵進勦力圖剪滅但倭性旣狡用兵  
最工倘見吾大勢逼臨力不能支而以舟師抄入內地以攻吾



所必救則未雨之防不可不備今總兵周于德既至旅順合符前後調集水兵卽令統領如倭賊果入內地則相機防勦如仍據朝鮮則聽臣調用爲水路久攻之舉量撥水兵一枝留守旅順山東總兵李成勛亦宜統率舟師出汛于長山島以守登萊之門戶備旅順之應援而並壯朝鮮之聲勢保定總兵暫領所部移駐天津以固內地且爲旅順登萊聲援分布防守庶保萬全章下兵部。丙申賜唐府長子宙枝追封爲承休王謚恭惠夫人王氏追封爲端惠王妃。賞陝西林家山赤帽苟家坪等族進貢番人各綵段絹足鈔錠。詔陝西賞功銀兩于太僕寺給發該太僕寺上言本寺之設原理馬政自種馬賣而僱馬行于是始有本色與折色隨宜派徵而馬價草料等銀歲徵大約四十餘萬以待買馬之需是銀馬卽屯馬也自後各邊請發始

而借支繼而年例而兵三之議歲取之馬價矣歷查先年寺庫聚積四百餘萬自東西二役之興一切軍餉取足兵部該部必取諸寺庫于是支發若流迄今于東封竣事費三百萬所存者止百餘萬矣始從此積貯不支猶可待用乃自東征議起今日解發朝鮮明日解發天津今日支餉川兵明日支餉廣兵多者二十餘萬少者不下數萬俱出年例之外各邊年例又不少減于是百餘萬之積俱空馬價不足借支草料草料不足借支子粒而所存者不過子粒椿朔寺銀十餘萬而已雖有舊庫一區嘉隆以來封識惟謹即使春運盡完不過十餘萬金僅供年例耳矧本寺寄養馬匹額當歲足二萬今歲取折色則本色派徵甚少而東征調兌尤多通計不滿萬匹是本色亦消耗極矣卒然有徵以兌給則馬不足以買馬則銀匱竭何以應之竊計兵

多不若兵精遠募不若近募目前已見匱竭日又豈能支持恐  
鎗銖取之而泥沙用之涓滴收之而尾閭洩之必不權之數也  
明旨恒稱內庫缺乏臣等不言亦安知寺庫缺乏如斯乎章  
下兵部該部題覆劄付本寺會同科道及本部主事于常盈庫  
內姑借五十萬兩另收新庫以備急用 上可其奏。丁酉  
孝愷皇右忌辰遣伯焦夢熊祭 永陵。戊戌兵部題覆朝鮮  
監軍御史陳效條上入議一議帥多體敵恐不相下宜畧去嫌  
疑共成國事二議兵多烏合而將領又多侵漁恐其解體宜加  
撫循更行簡汰三議倭占機釜戰而不勝勢必分犯沿海之區  
宜多調船兵設奇以待四議平行二酋中離外合常用間諜以  
携其黨而平酋不死倭患不絕宜募閩地著姓檄海外各國併  
力翦除五議遼卒三千膏身異域應照例厚恤尤宜懲退縮而

勵勇敢罪欺弊而堅敵懷六議遠左地軫朝鮮且界大海倘倭  
奴揚帆西指實爲可虞宜將調去遼兵俟大兵齊集之時盡令  
還伍七議東征魏運宜令隨地宣勞勿獨累遠左八議東征兵  
餉歲費八十餘萬脫或倭不即平其何能繼宜開贖罪撥納通  
商之利以裕接濟以上八款或移文經恩撫鎮及督餉衙門查  
照舉行或曾經本部議及今再酌劑量以當妥當或令行間  
諸臣便宜行事總圖萬全以奏功而已報可仍諭師克在和各  
總兵官務聽總督部署不許參差捕調及妬忌混爭東征但期  
成功不肯欲速前報斬獲恐狡倭誇我更宜慎重必須兵集餉  
裕務圖萬全取勝還傳與總督守官毋得顧忌輕徇玩敵誤事  
○調廣西總兵童元鎮于浙江調浙江總兵李應詔于廣西各  
鎮守兵部言閩首發難僉謂搗巢可以牽其內顧童元鎮熟識

烏情往年曾與鳩巢之議李應詔清介不擾適與撫蠻相宜破  
互相更調從御史唐一鶴之議也。己亥吏科給事中劉道守  
陳言六事收拾人心者三消絕亂萌者三昔之忠良罷廢者或  
一二人本則巖穴皆是人情洶洶以爲亂兆 皇上誠取所最  
厭而海內共以爲賢者不惜破格用之是收拾人心第一著也  
採礦之使恣睢無己所在轟然誠將首倡如仲春芽竄之法而  
悉罷中使之開採者所入礦銀給發東征將士示無用此是收  
拾人心第二著也乾清坤寧開計者以百餘萬報矣皇極諸殿  
計者不知且幾倍此宜神諭盡吾民膏血也宜詔司空相時度  
力簡廉任事不乾沒于外不冒濫于內而又發內帑十之三以  
佐工作而紓元元之困是收拾人心第三著也今朝廷何負于  
百姓而嗷嗷思亂皆貪吏爲之有歷官四月而積至三十九擡

者有歷官旬日而積羨過一千者財者民之心傷民之心安得  
不思亂故消絕亂萌第一在懲貪有司于民既取之盡脂膏矣  
而爲盜者又縱之劫民而不問有殺一家八命而不問者有劫  
三千金而不問者有劫官箱八百金而累民攤派者小爲盜大  
爲逆始以戕民而究以亂國故消絕亂萌第二在弭盜欵貢之  
始邊官畏虜甚于畏法文之習虜若不盡畏又每年撫賞成而  
官不加進喜事者又多敢戰之說故邊官往往務以搗巢見奇  
搗巢獲首功一則報十十則報百秋高馬肥虜來報恣捨一月  
走二十里不報也隨三四十墩臺不報也殺一堡人民不報也  
朝廷之上宣捷布恩焉知邊民之若屠耶其久歎而不變者亦  
恃虜之無大志耳若虜果有大志深入決戰此輩寧足恃哉故  
消絕亂萌第三在禁搗巢踞留中○兵部請發太僕寺常盈庫

草料銀一十萬六千二百有奇解赴通州拾發川兵安家銀每名五兩并解薊遼總督軍前支用報可。朝鮮開山失利東方亟索舟師閩臣議募閩省慣海商船以資防勦御史徐兆魁言其不便議欲選兵繇陸而行并委道臣赴淮造船兼議搗巢之策兵部覆稱募船未便自當停止日來各處抽取額兵額船已足經畧原調之數所議徵兵于閩造船于淮亦宜並寢至于閩首背道逆天虐用其衆閩各島憤怨已非一日糾合出奇誠因勢利導之策也舉事莫先于浙尤莫便于閩廣以日本多兩省之人可以響應兩省多近洋之國可以結聯加之商販雜出其間可以別用是在各督撫同心秘計隨便酌行如忠義可鼓勿待正兵事機可乘勿待奏報而一切假之便宜毋以議論束縛致令掣肘 上是其議。兵部題稱閩浙接壤勢同輔車而兩

省地利南甯乃衝要之所請將溫處舉將改爲副總兵添設閩  
兵一枝令統領汛守無事照常會哨有警併力夾攻聽浙福撫  
鎮節制調遣從閩金學曾議也報可。詔發太僕寺馬價銀五  
萬兩犒東征將士以釜山之捷擒將獲級數多督撫奏乞破格  
賞犒以鼓士氣故有是奏。庚子大學士沈一貫條上山東墾  
荒事宜大畧謂該省甫一防海輒告不足此豈無土哉無人故  
耳該省大抵地廣民稀而逸東海上尤多拋荒宜令巡撫遴廉  
幹官查數項畝地數多方招致能耕之民報名承佃嚴輯土人  
毋阻毋爭拋荒積逋一切蠲貸爲之編戶籍分里甲務令新附  
之民相安又爲之疏濬溝渠內接漕流使四方舟車之利輻輳  
不出數年自稱富庶矣且聞江北畿南可墾甚多又不特山東  
爲然也疏上。上嘉納曰今財匱餉艱公私俱困地方官只圖



那借別省搜括宿民全不講求地利生財之法隨卿奏具見謀  
國忠獻務本正論便行與山東撫臣督率有司著實修舉毋得  
仍前虛應故事還著巡按御史倍查勤墮以行賞罰都添入敕  
內永遠遵行。辛丑河南道御史趙之翰上言東征奏捷神氣  
似已稍振人心抑鬱元氣不宜久虛所為固元氣者不過收拾  
人心而已今日人心所屬望者有四一在並行 皇長子冠婚  
之禮一在速舉內外行取之制一在重提騎之速及釋曹學程  
寺之獄一在正楊新芳告訐說謊之罪不報。壬寅戶科署科  
事吏科左給事中楊廷蘭奏言今日之最急者計吏之後無如  
用人責德之主必先賤貨國家以提綱挈領屬之部院兩京並  
設尚書都御史僅十四員而今缺其八矣九列平衡侍郎卿寺  
皆有常員而今虛其半矣一方秉鈇撫臣何可久曠而今河南

巡撫狀且逾半年矣取者不下而一行爲郎八年不調精神多  
倦于展布補者不用而內之京秩外之監司待次悠悠于歲月  
此其釜鬲何如者採礦則民見掠于野權閥則商見奪于市而  
最甚者又有籍沒之條單詞一上差遣四出卽前代告密之門  
不嚴于此一人就逮株連數十家卽前代羅織之慘不酷于此  
其驟急何如者 皇上初年勵精政理人何嘗不用軫念民瘼  
財何嘗不輕通來待臣下也有疑心積疑生嫌積嫌生惡于是  
百司之衆所見無非可惡者實自 皇上一念積惡中來而未  
必盡皆不肖之人也又視財用也有吝心積吝生營積營生愛  
于是錐刀之末所見無非可愛者實自 皇上一念積愛中來  
而未必真有不吝己之費也臣願 皇上去積愛積惡爲公好  
公惡正推不可何妨陪推陪推不可何妨另推行取勿新微論

起請各還原職則主勢尊于上而臣報自重于下矣能採礦之  
令停估較之稅單詞無輒聽即聽亦下部議行非大怒勿輕抄  
即抄亦明禁連引則上不爽其德而下自不誠其殃矣不報  
○癸卯 英宗睿皇帝忌辰遣襄城伯李承功祭 裕陵。四  
川貴州永寧隴木頭寺土官各貢馬青段鈔如例。東征又以  
捷聞詔齊總督撫鎮諸臣邢珣楊鎬麻貴等白金有差并發太  
僕寺馬價銀五萬兩犒將士。刑部右侍郎朱鴻謨卒鴻謨山  
東青州人隆慶五年進士授吉安府推官入爲南京浙江道御  
史以論張居正奪情削籍後起補河南道御史歷陞僉都御史  
提督操江巡撫應天尋陞今職至是卒于家子卹贈。甲辰大  
學士趙志臬等言東征之兵與倭苦戰克其一城三寨而清正  
尚在烏山城中堅壁死守仰攻甚難援倭四集臣等日夜憂之

今以本兵樞筦之任付之侍郎李植本官拘守文義不諳軍旅  
安望其擔當大事其在朝鮮止倚邢玠楊鎬二人耳萬一猝有  
不虞誰其代之隆慶年間因北邊多事特派設兵部侍郎二三  
員以備替無之選望 皇上俞補各部院堂官以重朝廷收羅  
堪充督撫兵備親臨戰陣之人分布薊遼以備緩急國事幸甚  
○兵部哨授于部門外通衢拾得一書冊其言幻妄不經似無  
爲教焚聚之輩藉以惑衆者該部以聞命嚴衛嚴緝正法，終  
被叅舉人鄭茶寺回原籍送學肄業○乙巳工料給事中楊應  
文奏去冬十二月二十九日春至之始地震京城夫豈偶然蓋  
自趙承勳之奸售而緹騎四出北直隸山東河南山西浙江等  
處則開礦矣天津潞河等處則設店矣庵寺操撫按之權棍徒  
制守命之命是民之困于搜括如此自閔首之逆肆而屬國帖

危西川浙粵則處處徵兵矣齊魯遼陽則在在轉餉矣强者斃于行伍弱者瘁于牽挽是民之困于徵發如此且兩宮三殿相繼告災而土木之役興矣且王守仁以單詞而徵抄沒之令離間親王欺罔皇上楊新芳又告訐隴右矣至如推官知縣淹六年而不選司道臺省火候缺而不補抑爵無聊之氣滿于閭閻呻吟愁嘆之聲徹于天地以故陰陽失序爭氣致異焉耳不報丁未禮部覆議科場事宜五款一議文體大畧務根株註本經傳禁佛老之談及影入時事一議程式揭榜之日先以題名錄恭進其試錄限四月初一日進呈庶場中不以撰文而妨閱卷場前不以預擬而致漏泄也一議閱卷大畧期于本房則覆閱各房則互閱主考則遍閱各房之佳卷有多寡不妨以彼之有餘補此之不足一議出題以各經書分第掣籤得某第

同考官即于某第各擬一題聽主考擇取掣籤如前一議調房  
照舊例孤經缺人以他經年深翰林乞數其孤經考官不許與  
他經調閱從之。經畧邢玠乞查給總兵王保郵典疏下兵部  
。庚戌命翰林院編修劉日寧充 皇長子講讀官。差指揮  
陳煒貴賜邢玠尚方劍一口。辛亥 孝靜毅皇后忌辰遣陽  
武侯薛証祭 康陵。命左春坊左諭德兼翰林院侍講葉向  
高翰林院編修董其昌馮有經簡討林堯俞管理文官誥勅編  
修韓爌簡討朱國禎沈淮教內府司禮監書堂。癸丑賜朝鮮  
謝恩陪臣尹維機等各錦布衣襪并折段銀兩。經畧楊琦以  
疾求去不允。乙卯初設備倭遊擊一員于濟寧州地方聽河  
道總督山東撫鎮節制以濟寧乃運道咽喉宜防倭侵犯從河  
道尚書楊一魁之請也

明神宗顯皇帝實錄卷之三十一十八

明神宗顯皇帝實錄卷之三百一十九

萬曆二十六年二月丙辰朔○丁巳祭

先師孔子遣侍郎劉楚先行禮○輔臣請開講日期於本月十九日恭撰講章照常進覽○吏部尚書秦國瓊請行取入覲俸深宥司工科給事中楊應文吏科都給事中劉為楨相繼力請皆不報○兵部言登萊旅順乃津門外戶必鎖鑰嚴密而後堂與可固頌科臣議將天津節下新勁之卒倣防秋之例汛期分屯要害撫臣親提一旅移駐萊州此臨海扼險之勝著也查得海防撫鎮之責任駐劄原無定所自旅順至登萊皆其信地旅順而北登萊而南皆得策應節經本部題明申飭務各欽遵除調到兵船查照近題令總兵官督發出洋分布戡守外其新添操下步騎班兵六十員名內酌留若干并柯應揚新募兵勇守



天津以備非常無臣帶親兵巡歷海上春汛限以二月初旬為始六月初旬撤還秋汛限以八月初旬為始十一月初旬撤還擇北海適中之處控扼提衝無事畫地哨防有警合營邀擊惟是復州地屬遼鎮有原設參將新增責任汛期禦賊闖入協同金州守備及新設鎮江遊擊聯絡聲援以固旅順陸地之防至於山東撫臣移守濱州順天撫臣移守山海保定撫臣代守天津分稅佐戰俱為良謨總之各有封疆之責聽其臨時各於要害駐防便宜行事若夫沿海諸臣防汛之所務躬行查閱共保無虞疏上報可○戊午祭太社太稷遣定國公徐文壁代○都察院左僉都御史郭惟賢條上泰交三事一曰亟補中外之缺今中外亦多故矣乃自大僚及方面員缺甚多至有完樞開府尚爾乏人宜及今搜羅巖穴碩彥及京職與方面之賢者

盡行推補庶擔荷有人而特艱可濟二曰亟下行取之令今中行博士與推知等官積資同滯比吏部奉旨推用數員矣第此典甚鉅祖宗朝世世行之豈以一推泄了事耶且各部屬之見缺甚少臣恐司銓者之掣肘也三曰亟錄廢逐之臣夫雷霆怒不終朝聖世不終錮人今臺省部屬以言致譴者不下百餘人即其言未必皆當然大都念出為國忠之屬也辱在泥塗未得一當聖明拔拭之用豈所望於不諱之朝哉不報○已未以南直隸揚州遊擊朱世忠為副總兵管分守廣西柳慶等處地方○庚申命大學士沈一貫侍讀學士曾朝節充會試考試官○經略邢玠題蔚山之役取城破寨擒斬焚溺大小賊將一百餘人獲級一千二百有奇與死於水大圍困者不可勝計且岩前首於島山旬有餘日至仗餐兩飲渴窮感已極矣天心

稍一厭亂彼者亦不知碎首何所素何風雨為阻士馬久疲且  
倭賊水陸之援兵俱至當此之時解圍撤兵養精蓄銳再俟我  
兵全集另圖剪滅似未晚也是役也奮勇爭先者諸將士之戮  
力設伏設誘用止用奇者提督麻奇之苦心然猶全藉撫臣楊  
鶴親臨行陣王等握筭至於冒矢石而不顧窮日夜而不休尤  
人所難者今以瘞乞休未可聽去 上曰用兵以來屢命相繼  
進止令兩次攻堅賊衆國威大彰養銳再舉誠得萬全之策邢  
玠督率忠勤楊鶴親冒矢石麻奇勇當先俱不負朕簡任候  
功成優叙還宜益加奮勵以收蕩平一切戰守悉聽便宜處置  
該部還催兵催餉前去接濟不許怠緩誤事○辛酉吏部文選  
司郎中白所知被科日戴上銜叅論吏部尚書蔡國球代為辯  
雪因求罷有旨白所知大選未完先期營澄匿長情弊顯然風

化官歲闕係甚重且司屬貪恣堂官爲能盡知豈宜偏護代辯  
白所知姑着革職爲民不許朦朧推用卿宜安心供職正已率  
屬以飭吏治不准辭御史况上進劾國珣貪恣朋比可鄙者八  
內稱白所知膏官鬻爵職私狼籍人猶謂衡言之不詳國珣且  
誇其慕尚名節公然偏護所謂正已率屬者安在章下該部○  
御史汪先岸以經理楊錫稱病乞歸推諉却責法當奪職今戴  
罪視事不報○山西巡按涂宗濬參原任汝寧府知府屈懋大  
計被劾駕空反嘆諸不法狀乞遣官會勘以重法紀河南巡按  
姚思仁劾學畧同皆不報○士成督餉之部右侍郎張養蒙以  
病請告 上以東征糧餉料理正急不允辭○南京科道鄧明  
選陳隆等糾拾延綏巡撫劉葵順天府尹田世昌濫京堂章俱  
下部院○四川巡撫譚希思乞罷不許先是播酋楊應龍之犯

合江也撫臣意主勸撫以安地方委道臣勸實呈詳以聞而按臣王明密疏先發願張大其事且語侵撫臣故希思以病請上以川中事務繁重留之○華廣東冒籍舉人許鳴毅柯兩江發回原籍送學肄業○甲子祭三皇於景惠殿遣侍郎呂鳴珂行禮○大學士趙志臯等題三年行取從來舊規今各官有歷俸至七八年者况科道官差遣缺乏理不可廢請將應取人數內年深老練者欽點二三十員分授兩京科道官其餘添註各部主事候缺請補不報○陞順天府府丞支可大為右僉都御史巡撫湖廣浙江左布政使曾如春為右副都御史巡撫河南○乙丑孝貞純皇太后忌辰遣南和伯方燁祭茂陵○陞兵部右侍郎余立為左侍郎協理京營戎政改南京工部右侍郎董裕為刑部右侍郎○以河道尚書楊一魁兼管漕運事

務其鳳陽等處兼海防巡撫便着吏部會推來着從御史馬從聘楊光訓周孔教之議也從聘言河漕一柄兩操苟有互生歸一則有三便光訓言河巨揚一魁曾總漕善繕宜令養聽其便宜而先是孔教慮倭奴闖入淮揚南北斷絕河漕宜總一尚書遣下衙門即改為備倭巡撫便是工部覆請故有是命。丁卯南京戶部侍郎兼右僉都御史余懋學卒懋學徽州婺源人隆慶二年進士授撫州府推官入為南京戶科給事中以論張居正削籍尋起原官歷尚書太僕光祿卿通政使以至今職致仕部疏稱其經國宏才憂時遠識防微杜漸哇尼不辭匪善粥遭批鱗周避雖經糾拾亦非公論云予祭一壇全幕。戊辰子原任禮部尚書兼翰林院學士范謙祭葬并謚謙江西豐城人隆慶二年進士改庶吉士授蘭討先後纂修世穆二廟實

孫及 大明會典以辛巳京察外補歷藩臬長二十餘年晉太僕卿改太常署祭酒事充經筵講官晉詹事權禮吏二部左侍郎充正史副總裁尋陞今職卒於官初其家請卹禮科以謚典所闕不小持之禮部疏稱謙博聞練識誓行誠心不愧尊名之典卒得俞旨謚文恪天啓中進贈太子太保。庚午兵部題遼左錦州遼外降夷哈剌興散哈什等擄其妻孥驅其畜產人以六百餘畜以千計叩闕哀附似無他謀但據各夷吐稱係土蠻部落及譯審漢婦又云朵顏屬夷烏詞互異而又久無追捕此撫臣所以有入不便之議也科臣謂其率衆歸命無足深疑或欲峻夷夏之防或欲擴賈載之度要在制馭有方已耳宜撤邊鎮督撫衙門責令道將差能幹通事官詳加譯審果別無詐僞的係土蠻部落酌量收留分投安置以廣招徠此正局也若詞

語支離別有異情即明白以回勿令入邊致生他變事在彼中  
務令操縱在我無拂其效順之心亦無墮其詭詐之術務求勝  
計以奠疆圉而已從之。陞山東按察使李誌為右僉都御史  
巡撫鳳陽等處兼海防軍務。改總督宣大等處軍務兵部右  
侍郎王世揚為兵部右侍郎陞南京太常寺卿楊特喬為南京  
通政使。遣行人儲純臣掌行華陽王宣塔喪禮半給墳價造  
葬。壬申春分祭大明於朝日壇遣定國公徐文瑩代。戶  
部上言東師大集需餉甚急山東天津遼東歲運各二十四  
萬石山東天津則海運遼東則水陸並運今餉臣張養榮欲就  
近和催短盤更為省便宜許該鎮於部發年例銀內動借三萬  
兩差官賫赴寬奠金復遼陽廣寧永平一帶平糶要在委任得  
人無侵尅無抑勒使不至困運以病民至於鴨綠江邊馬二山



一帶乃遼陽兵備道所轄地稱沃饒曾經開種未盡宜撤道臣設法招墾及時布種如果秋成多獲就便平糶以資轉運仍優叙督墾有功者臣又謂三方歲運宜聽各從水陸之便務期運濟毋仍前隸法以誤軍需從之○戶部又言餉臣張養蒙揭稱短盤之議已行矣然轉輸數十萬經歷數千里民既大擾費亦不貲且緩不濟急惟責成近吏輸運為便請於通州薊州永平暫借倉糧共十萬石責令本道兵備官造車督發押赴美州如或倉糧不足聽督餉官轉行天津司道抵補運費不敷即將京東州縣解京折銀扣留定限三月以內盡發目前濟急之策無過於此其短盤事宜務參酌便通期於速濟至於山東天津遼東歲運之數當以遠近定多寡遼東運十之四山東天津各運十之三若屯田有收運數速報可○癸酉戶部題稱薊鎮東

南濱海適當京都左臂今從巡撫之請添設副總兵一員遊擊  
二員及募補東征調去臺兵三千三百餘名其月餉并馬匹料  
草銀本部該發一十一萬一千九百九十兩有奇今帑貯空單  
酌先發一半於濟邊銀內動支運發薊州聽各兵備道給散其  
新募北兵月餉平常防守月給一兩二錢有事征援行月二糧  
與南兵一例支給事寧照舊著為例報可○南京科臣奏稱頃  
者南京皇城端門外擊獲妖人宋四八并簡得指南書一囊書  
中語多荒唐不經狂逆不遜昔所稱魚腹白蓮教大都類此方  
今倭倅於海外曠鑿於區中河溢於淮南木採於隴西民力拮  
据在在生心何可復容此輩為煽惑乞勒行各省直撫按官重  
加禁飭所在但有左道惑眾者密訪嚴禁毀其書板不使流布  
民間尤望 皇上罷不急之批收既散之人心撒礮後散礮

徒使各安其業各重其生絕盜之謀若腹心內地無恙即倭奴  
外証特皮毛疥癬之疾耳先是南京守備木盛獲倭人以聞  
上命未獲人犯嚴拏究問至是科臣疏入不報○甲戌 恭仁  
康定景皇帝忌辰遣宣城伯衛國本致祭○經畧邢玠題留大  
計降一級調用分守遼海東寧道右叅議張登雲仍守原任地  
方蓋以軍興一切諸務悉藉料理特以本官執法平施故有羣  
小所怨然馬地方計必不可使其去也從之○禮部題覆拓城  
王朝塔第二子在統第三子在鄉第四子在徽第五子在剛以  
父先為長子特封輔國將軍後六子在鎰七子在鐵八子在棗  
九子在彊以父為王特封鎮國將軍合改封在統等爵應城王  
勤暲子朝塔朝壘朝址以父為長子特封輔國將軍勤暲故長  
子朝均襲爵寸改朝均在欽襲封在統等在鎰在鐵在棗在彊

為鎮國將軍朝均弟朝塔等亦合一體改封其各配照夫例改封但父方遵例請封難遞及其子合一體案候以俟另請報可  
○乙亥陞萬邦亨為遊擊統領南京水兵馳赴天津任事○罷調湖廣永順土司兵初土司彭元錦奏請督兵萬餘自備衣糧聽調征倭已而轉換支吾前後矛盾頗露要挾之情故罷之○丙子戶部題稱巡撫天津萬世德議增益引以充軍餉本部如議題請得旨於長蘆運司間增益引十萬每引納銀三錢共銀三萬兩解赴天津餉司貯收支費約做餘沒銀六錢共銀六萬兩解部濟邊今防倭成衣餉宜從厚防海標兵除每名月糧八斗行糧四斗五升外加給月餉銀一錢三分守城軍除支月糧八斗外加給行糧四斗五升巡撫標下馬步二兵原給月餉已厚今再每名月加行糧四斗五升各府伏壯團練即成乃兵分

內且原有額派工食今每名歲給鹽菜銀一兩其加給標兵伙壯銀兩俱於運司新增充餉引價三萬兩內動給其本色行糧徑赴天津倉閘支至松馬步遊擊中軍等官公費已經題奉欽依保定山東等處各於地丁內派解供應如一特做解不前暫于前項引價內通融湊處其餘沒銀六萬兩仍行解部從之。戊寅鑄給副總兵都督僉事陳璘充禦倭總兵官閩防。御史汪先岸劾輔臣趙志車庸鄙誤國請狀不報。大學士趙志車以人言乞罷。上溫諭留之。庚辰祭。歷代帝王遺定國公徐文壁行禮。四川湖廣廣西貴州等處阿角等族長官司并貴州宣慰司安疆臣等各備貢馬差族目三十六人入覲各給賞如例并回賜安疆臣錦段六表裏。兵部題雲鎮兵馬原馬備虜而故今朝鮮告急徵調數多營伍單弱致難鎮禦該鎮督

撫請補軍四十名馬四十六百七十匹誠宜簡充騎步用資戰  
守但今馬價缺乏庫藏空虛請發日繁借支已盡而馬數太多  
一時恐難措處宜令先補軍二十名合用月糧布花銀二萬八  
千四百七十兩移文戶部自萬曆二十六年起增入年例數內  
解發召完起支務期精壯仍聽調援馬亦先補二千六百八十  
匹剏付太僕寺於常盈庫貯馬價銀內動支四萬二千七百二  
十兩允給本部委官解送大同巡撫衙門交收其未補軍馬俟  
東征旋師之日或汰或補另行題請詔可○壬午祭 京師太  
倉之神遣侍郎趙世卿行禮○論勒平峒賊功陞廣西巡撫右  
副都御史戴耀為兵部右侍郎巡撫如故○兵部左侍郎李楨  
以人言波及求罷總督兩廣軍務兵部右侍郎陳文粹以病乞  
休候不允○甲申吏部尚書蔡國瓛以御史况上進疏其可鄙

者八上疏求罷溫旨留用。陞官秉忠副總兵職銜管總督標  
下中軍事

明神宗顯皇帝實錄卷之三百一十九

明神宗顯皇帝實錄卷之三百二十

萬曆二十六年三月丙戌朔

孝肅皇后忌辰遣新寧伯譚國佐祭 裕陵。丁亥清明節遣

隆平侯張炳等東寧伯焦夢熊等九員祭 九陵惠安伯張元

善祭 景皇帝陵寢指揮同知許濟祥祭 哀冲 莊敬二太

子陵園。戊子御史黃紀賢上言年來選司偶欲避嫌遂定為

一切擲簽之法凡選除陞降不問人地相宜與否惟簽是憑行

之未幾弊實業生業經南北臺省言不便矣因仍莫改愈覺妨

礙即論近事之小者如原任德清知縣連繼芳非經吏科都給

事中劉為楫糾拾聽降者乎惟是擲簽之改得判霸州夫霸州

為指里也以雜芳處之或懼修怨或慮拾短人情事體兩俱不

便倘緣是言官或以為懲而憚糾彈墮軌或有所挾而圖反噬



且不便於國矣乞勅吏部別調繼芳改正擲簽之法仍循祖  
宗辦官論材之制便利為極奏言臣濫與夫計糾拾之役往往  
多以舉貢充數於甲科有司雖缺民之甚者不問也故臣等今  
次糾拾獨詳於甲科之缺民有聲而考察偶遺者如原任德清  
知縣連繼芳是也業奉旨降處乃吏部降選連繼芳霸州判官  
夫臣霸州人也連繼芳臣所糾拾者也繼芳既被臣糾拾必大  
恨臣而使之官於臣鄉豈人情乎員外劉文卿此舉實不能為  
之解矣詔連繼芳著別調地方用今後降調官員不許補畿輔  
近地劉文卿調別部用。己丑文學士張位沈一貫恭視乾清  
坤寧宮工程賜茶具謝。經理朝鮮軍務右合都御史楊瑄以  
被御史汪先岸論劾疏請明賜處分報曰楊瑄以文臣督戰親  
冒矢石忠勇可嘉妄言的朕已不理毋懷顧忌求去且朝廷因

兵革重事奪情起復外域勞瘁非安享可比宜盡心圖報不得再辭。○刑王常盡計聞 上報朝三日差右通政鄭維之副行人吳海鰲分任致祭治喪五官司晨歐承思為擇吉開壙。○庚寅吏部尚書蔡國珣再疏求罷不允。○禮部題覆原任兩廣總督戶部右侍郎蕭彥有學有識有品有才其居官也陳特務則當事機臨軍旅則資謀斷其居家也事父兄則稱孝友處鄉黨則頌仁讓盡瘁生前流芳身後發論既定易名允宜准予謚。○予太子太保戶部尚書高耀祭二壇給全葬。○辛卯督餉戶部右侍郎張養蒙以御史許聞造論其剝民誤國等事奏辯求罷有旨東餉緊急朕見運到數日只有遼東一處奏報戰士懸望豈不誤事張養蒙遵勅旨往來遼東天津調度催備協力共濟豈可因人言求去自蹈規避有負朝廷委任之意不准辭。○

壬辰朝鮮國差陪臣鄭堯素等進謝恩表文方物折宴并給段鈔如例。○予京任協理京營戎政都察院右都御史兼兵部右侍郎塞達父塞來譽祭一壇。○南京禮部侍郎陸可教卒可教浙江蘭溪人萬曆五年進士改庶吉士授編修歷陞諭德充經筵講官與修玉牒陞祭酒晉今官未任予祭一壇。○乙未科道官文章參論被糾冒濫京堂順天府尹田疇坻奏辯語多過激違例失體章下部院。○丙申吏科都給事中劉為楫上言國家用人之得失所關甚重頃自尚書蔡國珌杜門乞歸左右侍郎一履任無期一待命未下吏部堂上官空矣文選司郎中父推候音荀外劉文卿聽詞兩主事一謝病一注籍選河官又空矣夫銓政有揀選有急選有大選無虛月也推陞查缺無虛日也矧大計汰然之後府州縣正官各處監司多缺及時推補

何可緩也。行取久麻言路空虛若竟以寥寥數人期鮮仗馬之鳴而絕意朝陽之鳳將羣枉得志衆正潛消天下後世謂陛下爲何如主則及時行取何可緩也。礦店之開皆攘奪其民以填諸使谿壑之欲閭閻剥皮徒髓已至十分公家纔得其一而私家實利其九。陛下不知也。民間鬻妻子充需索號泣於道路即鄭使流民圖不能盡而陛下不知也。大盜且起憂在蕭牆非得仁賢布滿宇內誰爲拯拯則及時推擇賢者或拔自田間或簡在庶位又何可緩耶。疏入。上是之。着尚書蔡國珍速出料理部事。選用人才。右侍郎裴應章催他到任。戶部題稱遼東蓋州岫巖堡地方山谷崇深中多曠土因向無擔帶任事之人設法清查致被姦豪侵田匿課撫臣張思忠洞晰弊撥通判祁應聘文出隱田五百八十餘頃起科米穀二千三十五

石有奇合行令遼東餉司增入邊儲同籍自萬曆二十五年為始每年徵收貯倉即聽岫巖堡軍士月糧支用報可○兵部署印左侍郎李禎題稱貴州土司安疆臣先因改貴竹司為新貴縣土日夜莫等叩關請奏本部行撫按查酌及撫臣叅題行勅疆臣即宜聽拘陳恩王嘉猷到官靜俟處分不謂庇護不出詭言獻木為解徇強若此按臣所以有漸不可長之慮而議革服正罪也且改縣已歷多年朝廷版圖孰得易之請移文撫按嚴詰安疆臣將陳恩等勒限獻出聽候勘結處分若仍前庇護奏革冠帶俟勘明之後另行議處其改司為縣照新定版籍不必再勘以後不許吏司妄生異議有旨依擬行○兵部題浙江巡撫劉元霖咨稱副總兵周于德遊擊徐成茅國器水陸兵三技共借用過浙江監探等銀一十二萬一千八百三十兩有

奇其行糧路費銀若干該戶部出其安家製器旗幟修船船租  
銀若干該兵部出其月餉銀戶七兵三出本部共應補還戶部  
鹽課銀五萬三千四百二十六兩有奇請劄付太僕寺於常盈  
庫貯馬價等項銀內動支其另募浙兵四千合用安家月餉等  
銀仍咨浙江巡撫共念時艱多方措處報可○丁酉原任刑部  
右侍郎今養病呂坤泰辯科臣戴士衡論坤假託閩範圖說包  
藏禍心事大畧謂臣於萬曆十八年為按察使時刻閩範四冊  
後來翻刻漸多流布浙廣不意戚里鄭承恩復刻閩範圖說一  
部載士衡謂承恩之刻閩範也緣臣以進意在逢迎疑臣亦太  
深矣昔漢劉向作列女傳以獻成帝歎賞臣之閩範前述經傳  
後列貞淑體依劉向意本闡雅臣若有所希帝集自可明白進呈  
何所回覆而犯此危險之迹乎 皇上試召貴戚左右近侍問

之承恩曾否與臣識而是書也錄臣入不錄臣入 皇上必知之仍乞勅下九卿科道簡查有無包藏禍心并查圖說新增節婦十二人臣曾否與聞果否作贊但有一字干涉臣願甘顯戮以爲鑄刺無耻者之戒報曰這事情不必辯。巡撫陝西兵部右侍郎賈待問條議建堡移官儲餉等事揭緝火真諸醜雄踞兩川自去歲被官兵大創日圖報讐也戶部題覆議儲蓄以資客餉一款大畧謂本鎮虜情最急無如河洮客餉稱乏亦無如河洮每遇秋防調遣客兵甚以處餉爲苦查得西安左前後三衛歲徵屯田地銀二十二百九十兩有奇額解陝西行太僕寺以備買馬今積貯頗多又西漳二縣鹽課銀一千九百兩有奇每歲撥發蘭州廣濟倉以備主兵今該倉主餉已足目前支用議將二項銀自萬曆二十五年爲始改解臨鞏道轉發河

州監收官收貯預買芻糧專備容兵支用秋防事畢仍將用過數目咨部查考兵部題覆改建衝堡以扼險隘一款大率謂河州起台地方實諸關鎖鑰極高衝區議建城堡一座將龍溝堡守備沈應蛟并原統兵馬移駐防禦本官職銜改起台字樣換給劄付仍聽河州副總兵節制又改移守備以禦衝邊一款大率謂蘭州一條城堡切郡松虜勢甚孤懸先年議委官防守權輕不足彈壓乃河州党家堡素無虜警議將該堡守備劉平湖移於一條城統領所部軍士操練防禦本官職銜改一條城字樣換給劄付仍聽蘭州叅將節制各奉旨依擬行。己亥 武宗毅皇帝忌辰遣武安侯鄭惟忠祭 康陵。庚子廷試天下中式舉人顧起元等三百人。吏科給事中劉道亨論大學士張位結黨亂政乞亟正國法以清政本臚列諸穢狀甚具位上



疏求罷逐事申辯求勅下部院廠衛等衙門查勘以雪誣罔奉  
旨卿公忠廉慎素所鑒知前日劉道亨巧疏誣卿朕畧覽一遍  
即置之不理今思其百般捏控將朕親斷之事亦且誣卿其餘  
可知不必行查勘洞見懷私快詐傾險毒孽好生可惡劉道亨  
姑着降三級調外任卿宜仰體眷注安心即出輔理勿得畏阻  
託辭○工部題覆工科給事中楊應文議開泃河之疏大畧謂  
頃自泃口一決黃河南徙徐呂而下幾於斷流於是開李吉口  
小浮橋等處及鎮口以下建閘引水以通漕目前似可無虞矣  
然非永久之計也泃河北接汶泗諸水東受沂蒙諸泉其源本  
不易竭而岸高土堅又能束其流而使之不漫即有湖也而漕  
渠可循即有石也而滄漏可鑿嘉靖間河臣翁大立萬曆間河  
臣傅希摯嘗議開而不果若以河道歲修之費而用之於此事

半功倍一勞永逸臣固以爲河宜議也科臣之言良有深見但事在彼中難以逆度宜咨河臣及巡漕等各御史勘議可否以爲行止報可○癸卯賜趙秉忠等進士及第出身○甲辰差司禮太監陳矩同廠衛五城御史查封桃輩所遺財產逮羽林右衛指揮福承恩等下鎮撫司嚴鞫以桃輩存日充當戶工二部商人累資鉅萬死而無嗣盡爲從侄桃文蘭女夫福承恩所有爲桃紹勳所告也○淮浙江閩礦把總韓大極奏逮土民主正孝至京即訊○丙午國子監祭酒劉應秋因科臣劉遵亨疏論稱臣張位連及有借勢相門詐嚇諸司之語上疏自明并求罷免有旨着照舊供職○戊申戶部尚書楊俊民題稱前督餉侍郎張善蒙藏於密雲薊州永平三道各借倉糧共十萬石責令造車運赴義州又議差官赴寬奠金復遼陽廣永出產米粟

處平糶又稱陸運直抵不若短盤今巡撫遼東張思忠題據各道王邦俊等呈報及同經畧邢珣御史陳效會議皆以爲必不能行合應酌請一面移文遼東巡撫將該鎮本年應運糧餉除運過七萬六千九百九十餘石尚有未運二十六萬三千餘石督行該道嚴催速運朝鮮接濟一面移文順天巡撫責令薊密永三道各將派運倉糧共十萬石短盤至山海關暫貯空閑倉廩就近遼陽以備緩急一面移文山東天津各巡撫查將海運糧船已發者令兼程前進未發者令速裝出海如海運通達二處卑濟則山海暫貯倉糧就於芝蔴灣發船轉運可省遼鎮一番勞費萬一海運有阻東餉告急聽本部臨時的處運費給發遼陽就山海設法短盤該鎮亦難以偏累爲辭也 上然之○ 詔東餉緊急便行與各鎮都着上緊接濟不得推諉海運創設

若效有勞績的督撫奏請超格敘用。工部署部事都察院右都御史徐作以科臣劉道亨有疏論及奏辯求罷且乞勅下法司嚴提究問報曰徐作着遵旨照舊供職奏內事情明係讒誑不必辦理。○辛亥禮部左侍郎劉楚先巡撫順天兵部左侍郎李順俱以科臣劉道亨論輔臣張位連及各上疏求罷俱不允。○壬子大學士趙志臯等題竊惟皇長子冠婚一事在京及南京各衙門俱具疏懇請臣等亦屢揭密請不厭煩瑣之甚未蒙聖慈俯允今各衙門又具疏申請非羣臣喜為多事實緣皇長子年已十七比之尋常冠婚大為過期天下無不同心愛戴皇上者則無不同心愛戴皇上之子者默然無言即為廢職其誰敢乎臣等竊惟皇上常欲使天下萬物各得其所雖匹夫匹婦咸無怨曠然後心安豈有親為皇上之子而不

加之意者但明命一日未下則天下一日未安中外諸臣所為  
皇皇也伏惟早發明命完大典以慰臣民之望是日九御料道  
都督府等衙門各具疏詣文華門恭進候旨必得命乃敢退  
上遣司禮監太監田義出諭曰此是大典但皇長子元氣單  
弱少候時月豈可以此要挾君上意欲何為知道了羣臣各頓  
首而退海州有寇內烏捨大鳴錦州有城上棍杆起火之異  
遼東撫臣以聞章下禮部○帝西鎮安府土官岑奇鳳貢銀器  
香蠟等物賞給如例○差官存問原任禮部尚書陸樹聲○命  
再降原任潞安府知府劉復初二級以復初係欽降官員久不  
赴部聽降好生違抗故也○差行人柯維泰李璫掌行吳江王  
勛清吉陽王克喟各表禮○大學士張位復稱病求去上溫  
旨留之大學士沈一貫上言內閣幾務繁重非一臣所能攝任

首輔力言者病尚須調理次輔位不宜久今在寓望宣諭亟出  
上以同寅協恭褒美一貫次日甲寅遣文書官李浚宣諭次輔  
位曰朕素知卿正直清慎誠信委任無間非彼細畜誣詆已  
特處降調方今國事多艱正賴忠賢佐理豈宜潔身爲重不思  
君臣之大義耶卿宜速出輔政不必再有托陳特此諭知○廣  
西湖廣四川等處太平府龍州等土官貢馬各賞給如例

明神宗顯皇帝實錄卷之三百二十



明神宗顯皇帝實錄卷之三百二十一

萬曆二十六年四月乙卯朔時享

太廟遣侯徐文煒代○兵科右給事中侯慶遠題頃以東師衆  
盛拜三大將各建旗鼓麻貴將騎劉綎將蜀陳璘將廣進戰烏  
犄角之勢也守成首尾之形圖賊于陸不患無良將矣然必樓  
船絕海直逼釜山庶幾扼吭拊背而後步騎可效夾攻之力則  
橫海大帥其要重不減于陸殆于過之雖設有周于德統領水  
兵然建議之初蓋以之扼守天津鎖鑰畿甸也卽防汛作順亦  
外嚴門戶爲堂奧計耳若令遠離信地提師而往倘倭奴以兵  
綴我而飛舸入犯急不得還救根本天津震驚無乃非開鎮之  
初謀乎臣愚謂宜特設水師大帥簡取精銳直指朝鮮聽督臣  
調發勦賊其留者令周于德連艦旅順日夜訓練以豫內防庶



進討者無內顧之憂居守者有綱繆之固章下兵部。丙辰兵部題稱征倭之兵水陸共九萬餘欵限五月終旬抵朝鮮矣三帥陸地並馳已成鼎峙之勢各營副協亦不乏人獨水管雖有周于德總之然協守未備終非完局頃取到聽用原任副總兵鄧之龍慣習水戰宜令戴罪管欵順寺處水管副總兵事責選精整統領出洋便宜掃穴截糧扼衝遠擊與陸兵互相夾持其管領水兵遊擊沈茂陸闈優于水戰宜改從陸用之所領水兵即以付之鄧之龍亦一便也從之。戊午論貴州討平都勻土司功原任貴州巡撫林喬相副使郭廷良叅將王鳴鶴知府王珽推官李珏知縣魏自強土官蒙天春寺紀錄齊全有差。監生喬士濟捐穀一萬石助餉。福建巡按徐兆魁條陳巡歷未盡事宜六議曰嚴課程以挽士習曰懲教職以端師範曰設欵

依以重海壇日壘日南以資兵餉日禁官幹以防隱禍日禁邪  
術以遏亂萌幸下部院。庚申調原任江西副使卜維新于廣  
東原任山西副使杜華先于雲南。加兩廣總督陳大科部銜  
以右都御史兼兵部右侍郎加廣西巡撫戴燿憲職以兵部右  
侍郎兼右僉都御史。陞薊州兵備叅政趙壽祖爲按察使復  
除原任福建右布政使趙健于江西原任貴州僉事方端于廣  
東。御史况上進論劾兵部左侍郎李楨庸部不堪及請補本  
兵奏旨本兵着推堪任的二三員與先推的一併通寫來看李  
楨照舊供職。南京吏部侍郎楊起元請補南京吏兵工各部  
尚書并都察院之長幸下兵部。壬戌禮科給事中曹大成條  
議會推發訪選官掣籤并推選郎之法中有稱趙南星村品之  
語詔會推大臣着遵 祖制令九卿科道掌印官各舉所知一

員吏部司官員缺令部院掌印官各舉相應的數員俱開送吏部類奏待朕親自點用趙南星舊經科道糾劾賊私罷斥有旨不許臆隴推用曹大成如何市恩圖報輒敢妄薦姑降一級調邊方用今後科道建言都不許稱薦吏部希覲美官定行重治掣籤事還酌議來看章下吏部○總兵陳璘統領廣兵至山海關各兵挾糧鼓譟毆辱旗鼓官兵科右給事中侯慶遠請行該撫遣道臣馳詣體勘果緣月糧將匱不妨再給薄責首事示懲若別有隱情明白具奏聽朝廷處分仍切責陳璘簡偏裨以佐之兵部如議覆請以副總兵吳廣協同陳璘行事以安軍心從之○癸亥召吏部右侍郎裴應章詣文華門接出 聖諭吏部司官近來營幹濫入作弊多端源既不清流豈能潔以致選舉非人病國殃民傷和招災實繇此輩着本堂上官會同都察院

將在任在家人數甄別去留及應陞應調的都寫來看該司員  
缺令各部院掌印官擇舉中外堪任的數員送部類奏以待點  
用永著爲令于是部院分別列名以上有旨南企仲王永光馬  
大儒梅守峻潘洙俱留用錢養廉王就學王之棟穆深並升爲  
民寬幼金李復陽羅朝國閔廷甲常道立蓋國士韓策梁見孟  
鄒觀光唐伯元馮養志武之望曹愈恭洪文衡張泮常守信劉  
學曾趙邦柱等十八人俱調用。賜韓府長吉王燦瀾謚莊靜  
○甲子江西道御史黃紀賢上言 祖宗制律最慎淹禁一條  
非但計月且計日雖百刻曾不少假誠謂圈土穢惡寬繫足以  
干天和故晚疏慎之也今刑部獄則有原任御史曹學程原任  
天津兵備副使許守恩鎮撫司獄則有原任福山知縣章國賢  
近者一二年遠者三年淹矣學程之原疏與守恩國賢之原情

鑿鑿具在。非有不赦之大罪也。鎮撫司之打問與刑部之議擬。一一明確。又非有不決之深疑也。施不測之恩。則還職可也。放歸可也。行不測之威。則遣配足矣。削籍足矣。奈何日復一日。年復一年。以效忠謹爲地方之臣。而與囚虜同桎梏。臣不知其解也。且學程之母八十守恩之母九十。國賢之妻子家口尚流離異鄉。三臣何負于皇上。乃令荼苦至此極也。不報。乙丑。直隸巡按馬從聘上言。士氣日靡。世風益壞。宜亟補卿貳臺。省以集思廣益。共維國是。章下吏部。設欽依把總一員于海壇。差御史况上進。巡按真定。南京大理寺卿沈應文乞休。許之。丙寅。以李如梅以原官充備倭總兵。從東征。督撫諸臣議也。丁卯。孝懿莊皇后忌辰。遣陽武侯薛鈺祭昭陵。河南巡按姚思仁進開採鹽說。大畧謂開採之役。利不勝害。得不償

夫河雒之民溺河溢樹列頸斷指之狀 皇上目不得而見也  
鬻妻賣子哀號痛苦之聲 皇上耳不得而聞也 臣謹以巡歷  
所睹記者付之畫工 謬立標題 僭附貼說 自發帑救荒 以至福  
壽齊嵩 共列二十四幅 每幅必模擬情境 指被害者之姓名 然  
亦掛一漏萬 有說之所不能盡 繪之所不能描 者乞 皇上萬  
幾之暇 留神披覽 停罷採取 召還遺官 不報。虜寇遼東 總兵  
李如松 遠出 搗巢 死之 撫臣張思忠 以聞 上悼惜之 令卹廢  
加寺 卽用 撫臣議 以李如梅 自朝鮮 馳還 代任。大學士張位  
沈一貫 上言 皇上乾剛獨斷 欲澄清銓司 以飭吏治 督責言  
路 以杜私交 雷霆奮迅 舉朝震悚 但人才難得 政體宜平 部科  
諸臣 皆數年精選 有名之士 以充緊要之官 卽奉職 或有未當  
第宜稍加罰治 以示懲創 責其改圖 以需後效 可也 乃一旦汰

去過多譴斥過重中間豈無善類可惜忠良可存者乎乞將部科諸臣重加罰治許以自新或勅部院再加稽核才品勘酌去留以俟 聖明裁奪請處其一二壞事之尤者示警其餘姑留策勵供職其于憐才平政兩得之矣不報。己巳賜銜府商城王載堦謚廉順周府彰德王勤焯謚廉懿華亭王朝垣謚恭務魯陽王勤仄謚莊憲儀封王肅謚謚莊簡。庚午改銅仁土司爲銅仁縣以上官李永授貪酷殃民罪既貫盈勢難久貸從撫按議也。辛未兵科給事中侯慶遠奏言屬者李如松搗巢中伏而死特命其弟李如梅繼之如梅必且灑泣登壇上酬隆眷下振家聲矣顧如梅信才勇必使之百事應手而後可貴其自致今邊備有一足恃者乎士馬耗單械儲匱竭烟火幾絕壘壁半圯而虜方東西合應動號十萬控弦南下日無全邊欲戰則

無具欲守則無藉卽如梅若之何哉臣與聞戎計憂心如醒寤  
惟鎮撫同有疆場之任勝則分功敗亦均罪往者虜大掠東偏  
亡失無算今李如松又告隕矣東隅已失桑榆莫收何得令擁  
節如故宜罷張思忠以謝遼人簡才往代且東討事劇遼中諸  
將領稍錚錚者悉調去偏裨而下承乏者多宜大加甄別而易  
置之毋使庸懦輩玩愒時日隳頓邊事遼馬大耗宜發寄養健  
馬二三千匹以濟急用如慮虧故額改歲增冰本色不難補足  
也欲完備必益兵益兵必益餉宜于年例外發銀十餘萬以充  
懸募易糧之資事平而後議減李如松以死事徵異數行間感  
泣宜推廣之凡死倭死虜諸將士悉從優卹則人人戴恩而營  
賊不思殲刃以割其腹者未之有也遼民楚何死徙殆半所遺  
老稚尪羸畝耕牧以供運繕壘堡日不暇給安望攘臂而向



敵乎宜令撫道諸臣拊循收恤不吝損上以振之不過再發帑金十萬而遼民有起色即百役無怨咨矣章下兵部。原任吏部尚書陸光祖卒。光祖平湖人。嘉靖丁未進士。除濬縣令。陞南禮部主事。晉儀制郎。痛革宗藩襲封請封諸濫費。及裁抑近幸。貴戚。非分。陳乞改吏部。歷考功。文選郎。澄汰簡用。皆當擢太常寺少卿。會御史孫丕揚論其專擅。削籍。起。歷南京大理寺卿。晉工部侍郎。復被論去。薦起。南兵吏二部侍郎。晉南工刑尚書。尋改吏部尚書。先是。上列其名于屏間。下署清正二字。其改吏部實出。上意。以秉公執法。不少假借。為中涓所憾。幾中蜚語。遂力求去。得乘傳歸。歸五年卒。予祭葬。贈太子太保。謚莊簡。差行人劉一崐掌行萬安王褒。跪喪禮。○壬申詔百官各修省所。兩。鑄。換。巡。撫。甘。肅。等。處。閩。防。○命。贈。李。如。松。少。保。寧。遠。伯。

應襲兒男准授勳銜照本例職俸加陞三級仍廢一子本銜指  
揮使世襲還賜謚立祠加祭營葬。甲戌虜寇寧夏水塘溝地  
方官軍對敵斬首一百二十三級巡撫楊時寧以捷聞。除補  
吏科都給事中趙完璧左給事中包見捷給事中吳文燦戶科  
給事中郭如星都敬兵科給事中姚文蔚江西道御史顧龍頤  
福建道御史宋興祖湖廣道御史李楠。補原任浙江都司愈  
尚忠海壇遊擊福建衛鎮撫張國威南澳遊擊以李如梅掛印  
充鎮守遼東兼備倭總兵官董一元充禦倭總兵官。乙亥命  
加封金山黑龍潭龍王廟號爲護國濟民神應龍王廟潭名爲  
神應龍潭立碑刻文表揚記述先是 上謁祭 天壽山回鑾  
道經金山見一廟宇傍有泉名黑龍潭山形秀異泉水清奇駐  
蹕幸焉是後或遇祈雨遣禱輒應時 上憂旱甚每夜分宮中

秉誠露禱復遣正一副教大真人張國祥赴潭祈禱旋獲雨澤  
四郊沾足故有是命賜張國祥玉帶銀幣以旌祈雨之功。戊  
寅征倭川兵鼓躁毆傷副將命督撫巡按查處具奏仍諭速報  
調兵鼓躁諸將紀律安在還嚴行戒諭再犯者重處。予原任  
戶部左侍郎周思敬祭葬。辛巳起吳定為大理寺少卿。陞  
梅國損為兵部右侍郎兼都察院右僉都御史總督宣大山西  
寺處兼理糧餉。陞陳渠為戶部左侍郎。直隸滁州全椒縣  
知縣樊玉衡上根本大計封事內言 皇長子不罔立不冠婚  
遺天下大慮自輔弼公卿大臣以及科道百執事合詞而請人  
人恨不能剗心以告而 皇上猶然未之許者何耶今天下萬  
口一詞皆曰 皇上雖無廢長立幼之意而牽于 皇貴妃體  
貌難處之故濡遲隱忍甘以 宗社為戲致令 天地 祖宗

所付托之 元子不得及時被章服有室家也夫天下慮無不  
以典禮久稽歸過 皇貴妃者而 皇上又故違之以成其過  
不知 皇貴妃異日何以自托而 皇上又何以托 皇貴妃  
于天下即帷幣之愛不能割然亦非所以爲愛也且男女之欲  
雖上智不免而血氣之戒在茂齡尤難萬一情欲之感或介乎  
容儀萋菲之嫌或成于貝錦而 皇上日月有所不照覆育有  
所不周又不知何辭以謝天下對 九廟在天之靈耶且因是  
而不行取科道者以冊立冠婚之典恐言官激聒而故逆折其  
氣也者不知此何等大事 皇上能拒公卿臺諫之言其能箝  
天下臣民之口乎倘再遲迴不斷恐人情愈益洶洶即如蘇安  
伯之上書安全蔽之剖心男子卵模之持筐獻子亦必有之何  
但廷臣跪門伏闕而已哉願我 皇上亟聽廷臣言早定 皇

長子元良之位而次第舉行冠婚大禮使天下以國本之安歸功 皇貴妃得并受其福而中外臣民不至咨咨如有不可測之憂至于科道諸臣仍乞照常行取然後隨其言之是非得失而去留之自無激貽之患而可收忠蓋之益矣疏留中○兵部題覆京營總協陳良弼條上新設備倭兩營事宜一議照戰軍營例每營軍選共給寺馬八百匹擇殷實精武藝者領養練習以資戰鬪一議調神樞神機兩營輕車三百八輛付備倭營練習以備緩急一議劄付太僕寺每年量動京營子粒銀二千兩給兩營為春秋操賞置辦全鼓旂幟之用一議京營軍伍原有定額今既抽選一萬為備倭新營又並逃亡故絕原額多虧合行各衛所清勾并召募補足原數以實行伍蓋新營之設原以護衛都城為根本計耳報可○壬午遼陽武侯薛鉅隆平侯張

炳寺爲正使光祿寺少卿陳堂編修顧秉謙寺爲副使持節開封榮府寺府王并妃各印冊冠服如例。癸未陞太常寺少卿萬自約爲順天府府尹廣西左布政使熊維學爲應天府府尹浙江左布政使陳洙爲南京光祿寺卿。陞密雲兵備副使王見實爲都察院右僉都御史巡撫延綏寺處贊理軍務

明神宗顯皇帝實錄卷之三十二十一

明神宗顯皇帝實錄卷之三百二十二

萬曆二十六年五月乙酉朔天津巡撫萬世德題稱欽奉皇書  
職掌海務而海端延亘綿長將領星羅碁布一人之耳目有限  
難以編歷周知乃兵備之官節制不行衆心渙散合將海蓋天  
津武德青州四處兵備道各加監軍職銜假以事權聽其節制  
平時訓練稽查有警督察紀驗事竣殿最品階既周綜核之方  
復聯臂指之義庶精神相貫而軍政益飭矣部覆依擬行。降  
原任吏科給事中劉為楫遠東苑馬寺主簿楊廷蘭廣東監課  
司副提掣。山西巡撫魏允貞玩求終養不允。陞浙江嘉興  
知府劉庚分守杭嘉湖道副使杭州府同知吳橋謙溫處道僉  
事。贈原任遊擊提督賽副總兵子陸本所正千戶世襲以其西  
陸勞勩東征首功有故也。戊子曆西太平府安平等州各備



育馬差目把李雄寺朝覲違限仍給全賞。兵科給事中姚文蔚以調兵鼓噪搗巢失計疏請擇將領重出塞其大指謂兵之敢于鼓噪以將領之不恤士卒而剋減甚也殞師之接踵以貪功者之輕率浪戰而長戎心也疏下兵部。起陳有年南京都察院右都御史。廢禮部右侍郎劉元震子胤賢入監讀書。詔旌原武王朝瑜以孝行可嘉也。戶部覆巡按直隸御史畢三才條議監政一查竈地以清積案謂邇來竈地多被侵占竈丁日致通逃宜令所司細查造冊院司該場各存一馬侵占隱漏者論如法一專統轄以明職掌謂奉欽依優處竈丁有犯在撫按衙門發覺者除重情外聽監院治之有司不得動輒勾擾一裁增引以蘇商困謂長蘆額監一十八萬八百引有奇今倍之夫行監之地不加廣食鹽之民不加多引增則壅矣宜以漸

載一還鹽船以完國課謂運鹽海船商人所自造而東征運糧  
盡行取因設掣即設課矣宜酌留堅緻者以備運糧餘船還商  
一議閩引以速完課舊制商人納完糧草運司差官赴南京戶  
部閱請引目發商行監守候耽延動輒經年合咨催該部速行  
印發一議恤商以裕國計謂稅使密如網羅商不堪命且取商  
船以運糧而遭風溺米復勒商賠補商何不幸而遭此荼毒也  
宜通行禁戢一處納課以均苦樂謂小票行鹽非法也乃北平  
不行鹽地方槩以小票納課而私販行焉宜量增課額嚴戢私  
販庶行鹽地方無苦樂不均之歎一禁大包以杜私弊謂鹽包  
過大夾帶公行議每包蘆鹽止許六百四十斤東鹽止許六百  
一十六斤溢而縱者槩竄之法一恤寄莊以紓竈役謂商人稍  
買庄田而寄上著之戶徵徭倍于民夫竈役已重而復應額外

之微其何以堪尤覺恤之命如議行。辛卯 孝宗啟皇帝忌辰遣宣戚伯衛國本祭 泰陵。吏科給事中吳文燦奏言祖宗設立六部都察院綜理庶政有缺旋補 皇上御極初年率歸茲軌適禾缺懸不補兩京六卿之長缺者凡九而貳卿暨他署無論焉 皇上試按 祖宗朝有署列一空兼攝強半如今日之甚者乎日者渙發 綸音欲復 祖制會推大臣令九卿料道各舉所知一員以候點用宜乎所推者朝奏跪而夕報可矣乃諸臣矢公推舉而寢閣不行豈舉者猶未公乎任時會推徒循虛名主張全在吏部 皇上疑而不信惡其專也今散耳目于衆而吏部特疏名以聞耳 皇上猶然不信何也夫缺官則廢事積廢成弊積弊成亂所係非細故也不報。陞房守士為都察院右副都御史巡撫大同管理軍務。癸巳 祖陵

修培工完敘揚一魁諸欽周盤等各賞銀有差。甲午太祖  
高皇帝忌辰致祭于奉先殿。陞張子忠靖虜兵備副使。  
薊遼總督邢玠題吳廣領水兵屬劉綎節制陳璘領水兵赴鴨  
綠江從之。起劉四科太常寺少卿章尚學通政司叅議。陞  
甘士休大理寺少卿林恣太僕寺少卿孫嶂太常寺少卿游應  
乾南太常卿鄭繼之南太僕寺卿連標順天府府丞。海西老  
哈等衛夷人來貢晏賞如例。予英國公張元德祭葬。陞河  
南右布政趙欽湯爲浙江左布政廣東右布政胡心得爲湖廣  
左布政廣東按察使王儼爲福建右布政河南按察使王泮爲  
湖廣右布政陝西按察使竇化龍爲山西右布政按察使吳道  
卿爲浙江右布政貴州僉事沈思充爲江西叅議兵部郎中韓  
光曙爲湖廣叅議戶部郎中張存意爲山西叅議湖廣僉事熊

宇奇江西僉事。火旌賢戶部郎中黎芳俱爲四川叅議。貴州僉事梁鈐爲本省叅議。起原任山東右叅政楊德政爲福建左叅政。湖廣副使袁奎爲河南左叅政。陞湖廣叅議陳所蘊爲河南副使。廣西知府盧泮爲四川副使。廣東叅議周應治爲雲南副使。湖廣叅議丁繼嗣興化知府陳王庭俱江西副使。山東叅議盧傳元萊州知府杜潛杭州知府李東魯俱陝西副使。永昌知府陳應魁韶州知府謝台卿俱廣西副使。刑部員外郎林掖章爲湖廣僉事。復除原任僉事陳最于江西原任副使李楠于陝西。鑄給董一元備倭總兵關防。差御史趙士登掌河南道管二十七年京察。原任順天府府尹聽調田疇以人言引疾乞歸許之。丙申仁宗昭皇帝忌辰遣撫寧侯朱繼勳祭獻陵。兵部題東征裨將楊元南原之敗亡官軍二千

七百馬三千四百餘請逮正典刑從之。命逮雲南叅政李先  
普來京究問以本省巡撫陳用賓巡按張應揚交章劾其背旨  
誤機納賄縱賊也。吏科給事中趙完壁奏郟城民年七十餘  
死其妻袁氏哀慟不食亦死詔禮部議旌。起溫純為都察院  
左都御史原任河南副使蕭良舉為廣西提學副使原任山西  
僉事李開藻為四川下東道兵備副使。陞謝杰為刑部左侍  
郎陳惟芝為大理寺右少卿姚學閩為河南左布政使沈修為  
廣西左布政使王之屏為雲南右布政使薛士彥為湖廣右叅  
議。改南太僕寺少卿王守素為北太僕寺少卿。陞包見捷  
戶科都給事中侯慶遠戶科羅朝棟禮科徐觀瀾兵科各左給  
事中程紹更科李應策戶科揚應文禮科各右給事。庚子以  
大祀 方澤命駙馬許從誠告 太廟請 太祖高皇帝配

。上諭內閣曰覽卿等所奏俱已悉知。皇長子年及冠婚。祖宗禮制天倫至親朕豈不欲早傳行但。皇長子素稟清弱所以遲緩者正要培養豐厚誠愛重之意今春至夏朕屢召皇長子暨諸皇子問察習學之功見。皇長子氣質比與去年漸加充實且書做對句頗有進益朕甚嘉悅。皇長子欲先行三加冠禮次及而立遣婚朕思今未正名封而行加冠之禮冠服不便前已有旨况二宮不日落成待浹然一新行此大典庶嘉禮有所天下傳聞以便臣民共瞻若其束髮之冠須待選有婚儀擇吉冠巾與冠笄同行此亦舊制也諭卿等知之。陞吏部右侍郎裴應章為本部左侍郎改禮部右侍郎楊起元為吏部右侍郎兼翰林院侍讀學士。降湖廣按察使李同芳為廣東叅政。陞兵部郎中馬怡為山東叅議。陞李植為叅察

院右僉都御史巡撫遼東督理軍務兼管備倭。辛丑吏部寺  
衙門接出 聖諭朕昨覽閣臣所奏特政敝壞心甚惕然且朕  
居深宮靜攝一切大小政務誠心委任中外臣工意其仰體遵  
行要在國治民安而已今人心不古四夷交侵汎言怨謗內外  
訛傳奸邪乘機中傷善類況近來推陞官吏不思己之賢否遂  
意者即誣營求劣轉者旁牽報復其錢糧刑罰寺項不便于己  
者枝揭越告或指稱權要鑽刺或株連蔓引害人有官守言責  
者何以盡職效忠任勞擔怨乎除已往姑不追究今後敢有恣  
肆怠玩及借稱山人墨客醫卜星術變詐之徒妄言亂政搖惑  
人心的着嚴衙城捕緝事衙門不時訪拏具奏必罪不宥都察  
院還行與各省直撫按官嚴行訪拏究治仍曉諭官員軍民人  
等知悉又前樊王銜戴士銜假以建言報復私讐妄指宮禁干



檢典禮惑世誣人捏造書詞搖亂人心本當拏問嚴究重治姑  
着革職發煙瘴地面永遠充軍遇赦不宥。又諭內閣曰朕見  
卿寺再揭奏請具見恭教詳慎之意閩範一書乃朕賜與宮中  
朝夕閱覽因其書理與女鑑相符便以爲勸言之規前者卿寺  
所奏言人主不可以治亂安危関心卽今人情傾險捏造流言  
壞亂朝政世道可虞亟宜修舉政事收拾人心誠爲腹心股肱  
爲國謀猷忠愛殊可嘉尚且樊玉衡假以建言要名沽譽原本  
亦不必發粟及戴士衡結黨造言干撓大典妄指宮禁惑世誣  
人上干天和中傷善類若不重處何以儆戒將來。補吳岳秀  
工科都給事中陳維泰吏科給事中夏子陽戶科給事中。壬  
寅廷試歲貢九百五十一名選貢四百四十二名。上諭內  
閣曰朕覽卿寺揭奏恭謝溫諭及稱處分得宜俱已悉知且朕

日覽為幾皆附卿寺票擬揭內言疊霽恩施朕因見姚紹勳之  
妾漬即憶入春東廠之訪奏遂乃發落王守仁寺輩又見瘟熱  
流行政特將鎮撫司所繫囚犯着送法司詳擬奏請定奪况天  
下安危利病朕居深官豈得盡知所賴卿寺心腹股肱輔佐贊  
襄共享太平之福方今國事多艱人心澆薄假公濟私挾讐害  
人法令不振綱紀蕩廢朕甚惕然痛恨特諭卿寺宜體悉之  
巡撫萬世德叅太監王朝載下不嚴遊擊沈茂馭兵不肅以致  
彼此交關毆死官軍應行正法 上切責王朝奪沈茂俸三月  
。陞南大理寺寺丞張鳴岡為北大理寺左寺丞御史王明為  
大理寺右寺丞浙江按察使梅淳為廣東右布政廣東右叅議  
王氏順為本省按察使河南左叅議王嘉謨為本省副使。以  
虜衆內附加密雲兵備陳一簡副使職銜。琴州是至祭地

于方澤遣侯陳良弼行禮伯王學禮大學士沈一貫尚書楊  
俊民分獻嶽瀆之神。以雲南蠻莫秦捷加陳用賓右副都  
御史沐獻署都督同知各賞金幣餘各給賞有差。陞通政司  
左叅議屈灼爲右通政河南右叅議章守誠爲湖廣副使戶部  
郎中張汝蘊爲陝西右叅議浙江僉事伍棗萃爲湖廣左叅議  
。起原任御史丁賓爲南大理寺右寺丞。丁未兵科姚文蔚  
奏項甘肅巡撫田樂陝西總督李汝揭稱海虜大舉入犯鎮海  
都司余世威西寧叅將趙希雲寺奮勇血戰當畧其輕敵之過  
錄其敢戰之功陝西巡按于承清揭則云將官盡殺軍馬全損  
挑禍啓釁者余世威發縱指示者劉敏寬乃具疏奏聞欲杜欺  
罔以保疆場乞勅該部酌議處分并諭督撫一切功罪據實奏  
報不必過爲曲護。戊申陞福建副使盛萬年爲廣東右叅政

山東按察使張世烈爲本省右布政廣東右叅政洪有復爲浙江按察使雲南楚雄有知府楊秉鈞爲本省副使薊州兵備副使趙壽祖爲遼海叅政。陞鴻臚寺左寺丞王用賢爲本寺右少卿。庚戌 穆宗莊皇帝忌辰遣撫寧侯朱繼勳祭 昭陵。調湖廣僉事李應祥以原官提督陝西學政陞叅政吳道行爲河南按察使袁年爲陝西按察使。降原任叅政許應逵爲昌平道兵備副使。陞湖廣按察使馮露爲廣西右布政。戶科給事中郝敬以餉匱民窮條議權時裒益以佐軍興十事。上曰邊餉浩煩既難加派援民正宜酌盈濟虛道融處辦其下戶部議于是戶部酌其可行者數事如各府州縣民壯抽十之四巡簡司弓兵巡哨堡兵防夫抽十之二官建書院墳塋祠堂看守人役一槩查革各項額派工食俱解充餉各驛遞自萬曆

初年迄今裁禁冒濫節者餘銀貯庫者悉查解接濟各處缺官俸薪除解部外積有未解銀兩併積餘存留牌坊寺項備造冊報量解一半充餉俱俟倭平停止從之。癸丑陞贛州府知府王明特爲河南副使工部郎中孫捷爲湖廣副使南吏部主事黃師文爲廣東參議刑部郎中黃齊賢魏養蒙俱湖廣參議降衆政陳勗爲廣東副使。兵科給事中郝敬上言遼東京師之肘腋也屢挫之後極極弱矣今惟有聚衆屯田且耕且守爲上計臣簡閱章奏去年濟陽衛參餘李大用等一本擬護輔附近濟陽寺衛已改額兵三十六萬願以萬人自備糧餉隨行征倭臣心疑之細訪其故蓋永樂年間靖難功成剽精兵四十八萬將十二萬選入十二團營餘三十六萬益賜屯田拔地種粒馬價分賞七十八衛于順天府所屬地方安插俱轄三千營聽調

征勦今二百餘年生齒繁衍有司派以馬戶撐船運米寺役極  
爲繁難脫卸無計寧夏之變各餘丁願備糧隨征以求免前役  
會寧夏平議遂寢二十五年倭奴警聞故李大用寺有是請蓋  
彼以三十六萬之衆止出萬人是三十六人止抽一丁三十六  
家止贖一兵耳而得驟免前役所損者小所獲者大正爲國使  
自利之計耳今東征師老可勿用此輩再往惟遠左空虛支吾  
無策合因羣情之便爲轉移之方今該部同新撫臣李植急呼  
大用寺面詰前情果無別礙即按各衛原籍每十抽一原數三  
十六萬即除六萬作耗尚可得兵三萬人擇廉幹將領官統領  
前赴遼東駐劄聞屯而于存留三十萬人之中幫貼牛種廬舍  
之費亦每十貼一行令所在有司槩免其前項差役開墾田成  
給爲永業自耕自餉夫仗既無征倭險遠之苦而又授田樂業

愈欣欣樂從之恐後矣大約每兵一名限墾田二十五畝每畝  
量收子粒四五升一歲可積粟數萬石以備不時之需至于墾  
地經野之法聽巡撫司道官布置考其成功此兵食兩利之策  
也不報

明神宗顯皇帝實錄卷之三百二十三

萬曆二十六年六月甲寅朔戶部尚書楊俊民以國用日增國賦日縮條上救時之計十款曰催徵錢糧見徵者通完通員者帶徵曰督解契稅曰實報盡解贖錢曰查解一切稅課曰查解農民納吏免班銀兩曰凡地方官肯報解浮費及無礙堪動銀充餉者紀錄其餘四款與科臣祁敬所議略同請于各省直按臣加勅一道嚴督所屬上是之命勅各巡按御史逐一清查依限起解以濟國用回道時分別考覈具奏。乙卯大學士趙志皋以京病瘥可無期乞放上慰留之。丙辰諭內閣朕思閣臣祖宗設立匡輔重任擬票絲綸實乃樞機政本之處今首輔調理三輔在告次輔位進閣辦事況值中外多事之時如何不行題請卿等便詳議來聞。丁巳東征贊畫主事丁應泰



奏貪猾喪師釀訖權奸結黨欺君蓋論遼東巡撫楊鎬總兵

麻貴副將李如梅等蔚山之敗亡失無策隱漏不以實聞而次

輔張位三輔沈一貫與鎬密書往來交結欺弊也大略論鎬曰

倭至則棄軍士而潛逃兵敗則議屯守以掩罪既喪師而辱國

敢漏報而欺君如梅曰凌蔑將官淫掠屬國逗遛觀望擅離

信地貴曰忍于棄卒而倉皇馳遁巧于避罪而文致報章既已

僨事乃復冒功而輔臣報鎬書位有禍福利害與君共之語一

貫有以後大疏須先投揭而後上以便措手語且以御史汪先

岸論鎬擬票留中之旨密以示鎬云蓋先岸之疏聞票稱鎬忠

勇留中不下也又言自有東事以來遼兵陣亡已逾二萬皆喪

于如梅兄弟之手前後費餉六七百萬又謂鎬與如梅媚倭將

清正與之講和以私通清正之書進呈因論鎬所當罪者二十

八事可羞者十事如梅當斬者六當罪者十又追論鎬之經理朝鮮以膝次輔位而得之今觀位與鎬書云云則人言不誣疏上有旨朕覽此奏閱係軍國切要重務着五府大小九卿及科道着議未奏是日位與一貫奏辯請罷斥上各溫慰留之隨該府部寺官看議回奏大略主于行勘上曰東征特遣經畧經理寺官責任甚重轉餉調兵月無虛日冀收全勝以安外藩乃輕率寡謀至于養師又朦朧欺蔽奏報不實法紀何在楊鎬革任回籍着郅玠速赴王京暫兼經理軍務麻貴李如梅姑着策勵供職候勘明處分仍舉風力科臣一員會同督撫監軍及原奏主事丁應泰將兵馬錢糧從公嚴勘分別功罪仍酌議東征之事師老財匱如何結局俱從實具奏毋得徇情扶同欺罔致干憲典其南北官兵當一體撫恤不得偏護從位與一貫以

科臣趙完璧徐觀瀾文章參論位奏羣臣交至孤忠可憐懇乞  
聖明矜察處分以全國體內有臣心一毫無愧之語 上曰

楊鶴乃卿家揭屢薦奪情委用專任破倭今乃朋欺隱匿致俄  
東事辱國損威莫此爲甚尚言一毫無愧忠義何在但念輔理  
多年積有勤勞姑准冠帶閒住一員疏聞言員漸席綦待罪懇  
乞 聖明俯亮心迹並賜 乾斷 上以其失不過私書疏中

尚認罪愧懼溫旨留之。戊午差內監李敦同原奏李本立採  
珠廣東先是本立因宣武門官王朝奏開採珠池可以富國助  
工故有是命科臣包見捷等力請罷之不納。己未督餉侍郎  
張養蒙條上餉務三事一曰今歲足運之計大畧謂遼東之運  
易達耳山東天津海運太遲以守凍守風故也山東宜于樂亭  
撫寧及山海關芝麻灣寺處就近造船濟運天津宜繇薊鎮山

海關水運至金蓋預雇車騾接運則今歲之運可足矣二日明  
歲濟運之計欲發帑二萬山東天津各添造淮船一百隻期今  
歲未凍以前駕赴兩處裝運又欲行漕運衙門改撥糧船十萬  
或加修清江見船或改造限滿洋船增募習海舵工徑發義州  
交卸則明歲之運可濟矣 曰將來持久之計自古用兵持久  
必務屯田近督臣邢玠業 行開屯矣秋成之後查報收穫  
之數酌減內運仍廣開事例有 田助餉以次拜官其犯罪  
人員非遇赦不宥者俱得以屯獲贖不惟蘇息中原亦充實邊  
左之一策也倭或時去時來我可常飽常逸不患于持久矣部  
覆報可。壬戌陞禮部郎中洪啟睿爲浙江提學僉事西安知  
府曹瑛爲湖廣提學副使調湖廣副使李應祥爲陝西提學副  
使陞鄖陽和府蘇養蒙爲浙江副使湖廣叅政陳璧爲山東按

祭使山東叅政鍾昌爲雲南按察使青州知府范善爲陝西苑  
馬寺少卿。南京禮部尚書陶承學卒承學浙江會稽人嘉靖  
二十六年進士授中書舍人遷南京廣東道御史歷徽州知府  
江西副使湖廣叅政福建按察使太僕寺卿應天府尹大理卿  
工部侍郎南京禮部尚書致仕奉旨月給天廩至是卒生平清  
謹初終一節林居二十餘年撫按薦剡十數上士論重之詔予  
祭二壇給全葬。差兵科給事中徐觀瀾往朝鮮會勘東征功  
罪。詔唐王母貞子孝天倫克敦行善萃于一門大節有闕風  
化朕心嘉悅其差官賚勅獎勵有司具彩幣羊酒并給坊扁以  
示表異從禮部請也。乙丑陞郭惟賢爲都察院左副都御史  
協理院事湖廣叅政薛三才爲本省按察使江西副使陳一洙  
爲湖廣叅政南京兵部郎中邵美政爲福建僉事。起姚繼可

爲工部右侍郎。兵部奏東征功罪機宜臣部一一參詳如櫻  
山一戰王京戴寧可謂有功矣蔚山一戰賊酋奔潰宜援桴鼓  
之威百年之功于倣頃若之何以援至驟奔而遺棄珣藉之懷  
耶麻責老將知兵何獨情此而復懼于經理掩多爲少事益難  
解李如梅犯失律離次之明條逞卸罪攘級之改術失南北之  
和解戰聞之體下累撫臣上蠹國事卽重誅莫贖宜亟行嚴勘  
議罪如以麻責見當賊冲如梅新帥遼鎮或可以反敗爲功恐  
前者已非後局莫結故劾功罪以昭利賞之公者監軍御史責  
也審機宜以定戰守之畫者經總督責也督臣既專節鉞難  
避嫌疑御史特奉簡書更宜直指評事須畧成心勘事在于從  
實乞下本部將督撫敘報原疏及主事丁應泰所奏事理并行  
監軍御史觀面秉公虛心嚴加查勘要見將領大小功罪某爲

攘奪某爲理沒某爲漏網某爲寃誣某爲真級某爲假級某當  
敘某當不敘其死捐軍馬器械陣失的係若干有何憑據病故  
的係若干有何証驗糧餉芻料作何支放有無冒破犒賞優恤  
作何頒給有無乾沒有功者作何陞賞不以細棄有罪者作何  
究治不以貴遺及容輕畧總督戰守事宜公同從長確議屯築  
是否可行兵食如何可久遠卒當還各鎮從宜量撤某爲冗兵  
當汰某爲冗員當裁某爲投托冗役當革應留兵馬而加統練  
者何方應用將領而足應敵者何人賊情有何機會可乘朝鮮  
人民有何忠義可孚結東何歸蕩平何日毋膠初議毋隳後功  
一一據實奏聞至南北皆兵不當示以偏徇藩籬一體不宜令  
其疾視輯衆收功在此一舉 上是之命差去科臣一併勘議  
來奏。丁卯戶部言頃戶科都給事中包見捷論採辦一疏臣

竊念海徼萬里之外跋涉艱難內臣似不必遣惟責成撫按尤屬長便蓋因匱乏而議採辦 皇上固甚以國計爲急若因採辦而起亂萌 皇上更當以民生爲重 上曰採辦勞擾朕豈不知但今大典重鉅軍務煩興帑藏空虛原非得已着遵旨行○戊辰兵科給事中姚文蔚以東事結局無期和議潛行未息請速決石星沈惟敬傳示東師號令諸將有媚倭議和者視此有逗遛觀望者視此有失機掩敗者視此其前日講封債事漏網諸臣及楊鎬寺今日果復與清正講和查看得實一併逮治至經畧邢玠受命而往躬親閱歷已踰一歲宜殫厥忠赤爲國遠慮悉心條畫懲前愆後堅守具勵戰氣以結束事之局可也下兵部議○甘肅巡撫無田樂陳湟中用兵始末并乞罷免又奏五月初六日古浪城樓大鐘連響十餘聲章下該部○御史趙



文炳參襄城伯李承功玩違 明旨騷擾驛遞詔罰承功祿米  
一年隨從人役下法司究問并行各省直撫按嚴飭禁約。陞  
孫燁爲光祿寺卿。直隸巡按趙之翰言臣偶閱邸報見鄭承  
恩奏進憂危妖議一書內參戴士衡結交權姦假造僞書中傷  
善類以貽 祖宗隱憂類 皇上日月之明雷霆之威將士衡  
發烟瘴永戍笑筭謀不止于一人書不出于一手主計者位奉  
行者士衡與謀者徐作劉楚先劉應秋楊廷蘭萬建嵩也之數  
人者爲位腹心爪牙豈有此番舉動不羣聚僉謀合手成書者  
乎今處一士衡而類士衡者獨寬之處其爲從而爲首者反縱  
之非所以爲平也詔部院看議以聞。陞陳薦爲都察院左僉  
都御史協理院事汪應蛟爲都察院右僉都御史經理朝鮮軍  
務。庚午山西巡撫魏允貞以無端捏造辱害難堪乞回籍聽

勦以明臣節蓋以戴士衡捏造憂危疏議連及允貞也 上曰  
洞悉奸誣屢有明旨不允辭。鑄換雲南布政司印。史料給  
事中程紹泰孤臣扶病趨朝驚聞毒口陰陷乞放歸聽勸亦以  
憂危疏議波及也不允。福建巡撫全學曾以病乞休不允。  
貴州巡按御史應朝卿奏敘勦捕劫掠山苗功江東之唐起東  
寺各賞銀有差楊治安蒙詔各加服色一級。鑄給提督四夷  
館廣寧寧前通判各閱防。加海口管糧郎中樊兆程四品職  
銜專管營田從鳳陽巡撫李誌請也。南京工部尚書葉夢熊  
卒夢熊惠州歸善人嘉靖乙丑進士授福清知縣陞戶部主事  
轉餉寧夏改山西道御史以建言謫邵陽縣丞陞贛州知府  
平黃鄉積寇欽賞敘錄陞歷雲南浙江副使以臺省交薦遷材  
改永平兵備造火車神銃事聞命解進大內面試稱旨着兵部

行九邊爲式加銜叅政丙戌舉賢能第一歷轉巡撫貴州火酋  
告急移巡撫陝西甘肅告急移巡撫甘肅未幾寧夏變起總督  
魏學曾師久無功以夢熊代賜劔專征用蠟書約城中內應遂  
擒哮拜哮承恩以獻廢一子錦衣千戶世襲加都御史兼兵部  
左侍郎尋晉兵部尚書加太子太保賜飛魚至是卒予祭葬如  
例仍加祭一壇○癸酉先是御史趙之翰劾原任大學士張位  
以徐作寺五臣爲腹心所當竝遣下部院集議奏稱右都御史  
徐作慈祥博大年來大工之役夙夜備極辛勤足稱奉職匪懈  
但與張位原有枹榆之誼至生瓜李之嫌所當令其回籍聽用  
侍郎劉楚先與張位未聞私交且署部屢有建明亦可謂忠懇  
任事者祭酒劉應秋雖位同卿先後詞臣但本官意氣慷慨耻  
爲脂韋此二臣者似當令其照舊供職原任給事中楊廷蘭有

言其與位厚者有言其厚詆位者變態不可方物主事萬建崑原非位私人但輕浮難于持重此二臣者當加降調以示懲創有旨既叅看明白劉楚先徐作都着回籍閒住劉應秋調外任楊廷蘭萬建崑俱降邊方雜職。甲戌該部院又言伏睹張養蒙等辯疏屢奉 明旨諭以事情洞悉不必深辯且閩臣張位科臣戴士衡楊廷蘭俱已奉旨處分今又欲波及諸臣恐非皇上洞悉之初念也乞寬宥以存國體 上曰朕屢有旨洞悉偽書惑世誣人搖危國本乃原任大學士今冠帶閒住張位倡言爲首已遣永戍戴士衡樊玉衡從和俱經處分其張位昨又被論受賄美珠致憤東事朕念侍講輔政積有年勞故存國體姑准回籍冠帶閒住汝寺既這寺說張位着革去冠帶爲民當差遇赦不宥着滕胤推薦科道卽指名劾奏原奏官一併重治

且徐作寺雖係言官風聞叅究其中不無趨附還分別處治奏  
來定奪。大學士沈一貫乞寬假調理。上曰知卿積勞多鬱  
成疾致有此請准暫假調理政本重地瘥可卽出匡輔以副眷  
懷。差行人陳治則掌行安昌王喪禮。陞耿定力爲南京都  
察院右僉都御史總督操江兼管巡江。陞工料都給事中吳  
岳秀爲河南叅政南京兵部郎中廷論爲江西僉事原任右布  
政應存卓爲河南右布政。調四川叅政劉卿爲山西叅政。  
降河南僉事任應徵爲蘄州知州。丙子詔更萬世德經略朝  
鮮汪應蛟巡撫天津以監軍陳效專駐朝鮮紀察功罪另差御  
史一員巡按遼東。巡按陝西御史于永清議陝西苑馬寺七  
監生員向隨附近州縣寄學不便請于清平監適中地方建立  
儒學收養牧軍子弟禮部奏言創建所費不貲軍民冒籍難詰

事多掣肘未可輕議宜仍其舊將牧監童生散居州縣者凡遇  
考隨各州縣類考另標一枚監名色而籍貫直書牧監字樣以  
免相攻庶育才之意不失興作之費可省矣。起李戴爲吏部  
尚書曾同亨南京吏部尚書劉東星爲工部左侍郎兼都察院  
右僉都御史總理河道提督軍務兼管漕運徐申仍爲通政司  
左通政。陞田樂爲兵部尚書李廷機爲南京吏部右侍郎。  
己卯 孝莊睿皇后忌辰遣豐潤伯曹允成祭 裕陵。起周  
世選爲南京兵部尚書許弘綱仍爲太常寺少卿。辛巳 孝  
穆皇后忌辰遣廣寧伯劉允正祭 茂陵。陞戶科給事中侯  
慶遠爲刑科都給事中降原任給事中楊廷蘭爲廣西懷仁縣  
典史禮部主事萬建崑爲廣西武緣縣典史。兵科給事中徐  
觀閏奏查勘東征事宜一請勅諭朝鮮君臣前經理奉職無狀

業已罷還從此戢衆整兵禁勿侵掠王宜嘗膽臥薪練主兵儲  
容餉興復輿圖之舊一請勅戒南北諸將朝廷錄功使過恩德  
良厚宜釋嫌疑共抒忠勇慎勿彼此異視今後凡有功罪從公  
賞罰敢有不遵諭旨者督撫以軍法從事一諸勅督撫諸臣歷  
查陣亡將卒或設祭以掩其骸或給賞以卹其家傷者厚撫而  
遺之還存者少優以作其氣庶六師咸奮一請勅都察院速差  
巡按御史一員巡按遼東陳效速赴朝鮮會勘功罪庶查核任  
專日後軍中不敢隱弊一請勅督撫諸臣共秉公忠各輸肝膽  
會議絲毫無隱奏報從實具聞庶足明臣子不欺之義而抒  
皇上東顧之憂下該部議。癸未陞戶部郎中楊伯珂爲四川  
僉事南京戶部郎中陳震爲陝西僉事起原任副使蔡夢說爲  
山西副使林如楚爲廣東副使原任叅政姜士昌爲江西叅政

陞陝西副使董元學爲本省叅政。戶科給事中郝欽建議謂  
祖宗籌邊至計惟屯田積粟塞下自屯政廢壞畿輔東南沿  
海以至大江以北皆稼穡之場而今鞠爲茂草矣頃者東征  
十餘鍾而不能致一石而數千里之膏腴任其荒蕪計之左也  
乃條上屯田十六事其要者曰設專官久任而優卹曰勘荒田  
立界而分則曰廣召募曰營廬舍曰先倡率曰治溝壑曰輕額  
稅曰立戶籍曰禁請討曰杜爭奪曰信命令而尤詳于懸賞格  
四方豪傑有能自備工本督率墾田最多三年外外科輸米如  
額者以指揮千百戶冠帶差寺而應酬之以致貨郎援例齊民  
實爲良家子廩名學官武職及有司官陞級一切以墾荒爲招  
人必爭赴矣緣是田野既闢生聚日繁則什伍而簡閭之因農  
以爲兵兵有餘因田以爲食食則飽因屯以爲守守則固此最



勝之事永賴之業也但行之得人久而不倦五年之後可觀成  
功不報

明神宗顯皇帝實錄卷之三十三

明神宗顯皇帝實錄卷之三百二十四

萬曆二十六年七月中申朔時享

太廟遣侯陳良弼代○丙戌湖廣道御史畢三才言故事省中六科每科設都給事中左右給事中各一員給事中三員總之不下四十人臺中十三道每道多者十員少者七八員總之下百人今臺臺者新舊人數尚未足當額設之半在省中則章奏炳冗者詳不用差務紛紜任使不給在臺中兼差而不得辭差滿而不得代且內而中行博士官曹閏冷外而推官知縣政務煩勞其人類皆爭自砥礪不愧臺者之推先是俸及三年即在取列近例非四年半以上者不與今則歷俸五六年者有之七八年者有之當事者陞之部屬則非法留之候選則無期糾今值大選前者既選後者復滯宜急下行取考選之令吏部亦

言 祖宗設立科道而付之以參駁糾彈之任即堯舜明目達聰之意今言官不補不推遂使諸臣於 皇上有不喜言之疑臣固知 皇上非不喜言也特不喜乎浮誕狂瑣者耳伏乞勅下留考諸臣名數容臣會同都察院選擇其忠謹老成練達國事者疏名上請其浮薄喜事者必不使之濫竽清扶以傷 陛下知人之明皆不報○罷南京祭酒馮夢禎兩廣總督陳大科回籍聽勘先是南京戶部主事歐陽東鳳奏劾夢禎大科諸貪狀是日給事中趙完璧等亦言大臣被論蓋蓋不飭祈賜查勘故有是命○陞禮部郎中沈做价為福建提學副使○神武衛千戶朱仁等奏湖口船稅歲可得萬餘金且係舊設稅廠地方有旨戶部查實具奏至是部覆朱仁之謬三乞絕以法無已行彼處撫按勘議萬勿煩中使之遣 上竟以內臣李道性但曰

不許病商害民後又聽鴻臚寺主簿田應璧之請復命魯保掣  
膏兩淮沒官餘盜料臣包見提搃陳利害祈竝罷之 上不納  
且有不許再讀之旨○詔操江應天浙江江西湖廣各巡撫如  
遇淮揚有倭警咨到馳援浙直有警亦如之從鳳陽巡撫李誌  
請也○陞山東提學副使徐學聚為本省叅政○予原任大理  
寺卿張夢鯉祭葬如例○丙戌總督邢玠奏免會勘東征功罪  
不允疏略曰臣身為督臣節制撫鎮撫鎮有罪臣實共之 皇  
上不竝罪臣而尚用臣使過之仁恩同天地除遵旨赴王京暫  
代經理外惟是會勘一節恐生嫌忌且撫臣既以革任臣亦難  
以獨留合候新撫臣到日將臣特賜罷斥仍治臣以下效之罪  
別選才望大臣速來任事○革福山知縣韋國賢職為民以礦  
監陳增奏其阻撓稅務故也○夜二更東方有流星大如盞色

青白光明照地復有二小星隨之。○丁亥 仁孝文皇后忌辰  
遣武定侯郭大誠祭長陵。○兵部捷巡撫貴州江東之楊顯  
稱土苗安疆臣以燒燬官廨劫擄家財為故。王官安國貞次子  
安定所告疆臣使其黨陳恩王嘉猷等殺定。按臣參革疆臣冠  
帶責令獻出黨犯聽勘而疆臣不服其跋扈之狀。戕殺之慘。慘  
惡怙終。六師可移。有不止於褫服嚴罰而已者。近獲其差遣走  
京之使得書鞫情。謂贖贖方司員外劉一瀾求免革冠帶。賄車  
駕司郎中馬怡求獻木差。回勘令填寫欵賞字樣。臣部細加查  
覈。俱不根之言。至於安國貞長子安邦查有先年宣慰使安萬  
埜為安國亨所殺。奉旨安插其孫安國貞於織金。以這地方設  
官坐鎮。事例應令安邦仍居故地。坐鎮官廨。燒燬責令疆重修  
安插安定妻子於着隴私莊。俾得所依。王加臣等變夷歸夏。應

收充堪陽營兵保得實用如安疆臣仍前抗違撫按官馳奏重處上曰土司姦詐多端用賄事情既無根據不必究餘依擬○陞余繼登吏部左侍郎朱國祚禮部右侍郎方從哲國子監祭酒趙可懷工部左侍郎○陞劉敏寬都察院右僉都御史巡撫甘肅等處地方督理軍務○陞光祿寺少卿冷持相為南京太僕寺少卿四川副使王國為南京鴻臚寺卿○陞兵部郎中龔雲致貴陽知府劉之龍俱為湖廣副使○調湖廣副使孫健為登州海防副使○己丑詔督餉兵部侍郎張養蒙回部管事○庚寅吏部侍郎衷應章以人言求罷原任南京吏部尚書今起部察院左都御史溫純以病辭任俱不允○兵科張輔之題貴州土酋安疆臣及廣西徭賊逆節漸萌宜行各撫按相機制馭從之○命禮部左侍郎兼翰林院侍讀學士余繼登右侍郎

兼翰林院侍讀學士朱國祚充日講官。○考選庶吉士黃國鼎等二十一人送翰林院讀書。○辛卯大學士沈一贯求罷。上以政本乏人，機務煩重，着鴻臚寺堂上官宣諭，即出匡輔，不允辭。○壬辰，以劉敏寬巡撫甘肅，尋罷之，以禮科楊應文、叅樞臣徇私蔽旨，據攏推舉乞賜處分。上曰：曩有旨，會推官員，都要秉公務求真才，以濟時用。劉敏寬既在查勘，素頑如何誤舉。其肅巡撫員缺，另推來着，以後不得徇情濫舉。頑回奏敏寬有兩奉巡撫員缺，推用之旨，臣部謹記之，非敢蔽旨也。上怒其強辯，調南京別衙門用。○詔李如松戰歿，虜地忠魂無依，准照例衣冠歸葬，以示優異。○癸巳，鑄給查勘東征軍務關防。○吏科給事中吳文燦條上四事，曰：開採當停，店稅當錫，買珠當罷，罪臣當釋。大略為四方民窮已極，枵腹懸磬，在在如見，宜加休息。

而可因以礦務乎則停之便畿輔民力已竭饑饉流離道路相  
望宜加撫循而可因以店稅乎則錫之便買珠之價動至四十  
萬及戶部執奏僅姑緩進其半而尤嚴請進之旨非所以明儉  
德也則罷之使曹學程久淹因固諸臣累請哀請不啻再三而  
了無寬假之期非所以慎用刑也則釋之便不報○乙未陞諭  
德業向高左庶子郭正域右庶子各掌本坊印信范醇敬司經  
局洗馬掌本局印信袁宗道左中允○丙申 孝安皇后忌辰  
遣撫寧朱維勳祭 昭陵○丁酉南城兵馬江榜緝獲私鑄偽  
錢鍾二等首首著該巡撫勒限拏解至京即訊○陝西博峪峇  
石蓮哈等族番人阿驚等進貢方物各賞給如例○戊戌中元  
節遣使郭大誠等分祭 九陵及 景皇帝陵寢指揮同知許  
濟祥祭 哀冲 莊敬二太子陵園○原任祭酒劉應秋引疾



乞歸許之。○已矣監軍御史陳效言東事難欺願言難據大略謂撫臣楊鎬負氣任事嚴急招尤功次未分恐謗漸起失意奸將與被逐流客游言喪收都市如箒而資畫主事丁應泰墮姦將高第之計復以其身証之恐頌言一布士庶交疑恩仇徒快羣讒國家反成戲局乞專勅科臣公同總督熟察情形備查功罪虛實公私不辨自明矣而又極言撤兵威餉之不可總督邢玠亦言應泰以喪師釀亂奏報不實指摘撫鎮除稷山青山蔚山之損失多寡與撫鎮諸臣之罪狀虛實已蒙遣官會勘顯形可見無容臣言至謂撫鎮媚清正而與講和事亦有因蓋兵不厭詐期於成功可以戰勝則力用戰可以間圖則兼用間故古之用兵亦有以賄略間有以親密間有以文告間從古不以間為諱若忌和之別名而察間之實效文法一執動必掣肘況此

苗最狡每遣奸細輒捏造臣等衙門假牌吳惟忠李寧累獲可  
驗而此一偽語即可信以爲真乎至所云倭止四五萬我兵不  
必加多餉不必加積節冗費息民力諒之至美亦臣等之所至  
願但兩敵正在相持島夷觀望以爲去留將士觀望以爲進退  
朝鮮觀望以爲離合戒撤之說可令聞之將士洩之倭奴乎有  
旨著差出科臣一併劾奏○罷高竇司卿鄧璧回籍聽勘以陝  
西巡按于永清論劾故也○保定巡撫李咸春以病乞歸原任  
工部右侍郎訛維可以衰病不能赴任辭俱不允○刑部覆都  
給事中趙完璧明嗣緒以慎封爵疏 上曰宋世恩既遺有宗  
圖開載長子光夏應襲甚明如何奈爭其會同五府堂上官從  
公勘問具奏不得私庇○唐子差御史李楠巡按浙江○命走  
部左侍郎劉元震禮部右侍郎曾朝節教習燕吉士○以編修

馮有經充 皇長子講官左庶子兼向高充 皇長子侍班官  
○陞焦承勳協守大同地方副總兵○辛丑 成祖文皇帝忌  
辰遣武定侯郭大誠祭 長陵○壬寅蔭巡撫湖廣右僉都御  
史趙可懷男士簡入監讀書以三年秩滿故也○甲辰戶部覆  
山西巡按御史涂宗濬以簡閔事竣條議三事內一款議支放  
以絕侵弊看得主客二兵均屬正糧但主兵軍有定額餉有常  
支客兵原以備不時緩急之用議主兵通融新舊兼放自萬曆  
二十六年為始即查鎮屬各路年例糧料每年應買主兵若干  
客兵若干各登簿籍另貯倉廩遇有支放不論主客止查入廩  
先後為序蓋以客兵無用之積為主兵有用之支而即以主兵  
支餘之糧為客兵預備之數及查盤之日止查實在亦不必更  
分主客則既無數年不支之糧又免二項重支之費 上從之

○陞原任甘肅礦伯遊擊署都指揮僉事張守信分守甘肅西  
寧地方叅將○乙巳山西巡按吳指言及時錄用逐臣以私化  
理內舉吏部尚書孫丕揚蔡國珍刑部侍郎呂坤科臣楊恂劉  
道亨楊東明劉為楫臺臣馬經綸馮從吾俞价宸久徵等科臣  
王如堅鍾羽正喬胤遜中立朱爵任齊藥臺臣郭實胡克儉李  
宗延謝廷策集體柳佐部臣王教鄒元標姜仲軾王紹先何喬  
遠韓范黃中色江中信蔡宗明郝名宦或因建言獲罪或因他  
人誣誤其情可原其才可惜伏乞將孫丕揚等王如堅等召還  
原職或遇缺推補不報○丙午廣西田州寇帶土官岑懋仁等  
差族目岑元等朝貢賞給如例○陞工部郎中賀盛瑞為湖廣  
叅議○贈原任南京戶部尚書陳于陞太子太保蔭一子國學  
生○以國子監司業楊道質掌南京翰林院印信○詔廣西副

使林廷陞推官江中南等俱戴罪勦賊指揮朱慶元巡按御史  
提問候事平定奪以徭賦糾黨倡亂爲巡撫戴耀所奏也。戊  
申予武安侯鄭惟忠祭墓。內官魯保經理淮鹽李道抽稅湖  
口俱奉有節制有司之旨戶科給事中包見捷趙完望郝敬等  
各疏極稱節制不便者數事且云使天下後世謂內臣節制外  
臣自陛下始則所仰累聖政者不細俱不報。加陞寧夏  
兵備王道增爲按察使照舊管事。庚戌禮部左侍郎兼翰林  
院侍讀學士韓世能卒世能直隸長洲人隆慶二年進士改庶  
吉士授編修與修世宗穆宗實錄充經筵日講官典順天  
試兩充會試同考官歷陞侍講祭酒禮部侍郎教習庶吉士以  
給事中鍾羽正寺劾其年齒衰頹才識卑下回籍至是卒詔與  
祭葬如例以日講官加祭一壇。陞貴州副使張斗爲雲南參

政。南京刑部尚書趙來魯以病辭不赴任不允。壬子陞陳  
惟芝爲右僉都御史總理糧儲提督軍務巡撫應天等處夏良  
心有副都御史巡撫江西徐三畏右僉都御史巡撫甘肅等處

明神宗顯皇帝實錄卷之三百二十四



明神宗顯皇帝實錄卷之三百二十五

萬曆二十六年八月甲寅朔陞范崙為通政使許孚遠為兵部左侍郎。起趙煥為南京都察院右都御史。陞四川副使王孟煦為江西叅政。江西巡撫陸萬垓告病許之。鑄給太僕寺督理庫藏闕防。乙卯陞徽州知府王祿兆為雲南副使中河郎中黃承玄為濟寧兵備副使。丙辰直隸巡按馬從聘以朝廷遣內臣掣膏兩淮沒官餘鹽奏言兩淮歲課七十萬五千一百八十引此係寬丁額辦輸官專待邊商報中高守支之數但海畔蕭條寬丁窮苦流離轉徙逋欠難完倘有積鹽早已補盡况直正引之外諸邊新增引日每歲不下二十萬皆無正鹽聽商人買補又昨歲戶部以大工缺費搜索准司遠年餘沒老引六十餘萬召商認膏引價餘銀共徵二十萬兩解部助工亦



係買補日今兩淮鹽法牧壞已極不在場司之充盈而在行鹽之難售蓋二十三年來邊防增餉戶部枵工兩淮引價餘銀稱一百二十餘萬今實漸至一百四十五萬美夫行鹽地方食鹽戶口有限而新引日益則正引日墮以致商人納銀歲久掣鹽不前資本漸虧積苦難控而奸人冒利每每踏求希圖起掣今春京城市棍藉口淮鹽獻充兵餉幸賴 聖明置之下聽乃復賄買田應望駕言助工蕪烏必售之術以遂奸謀竈錄得行貪狼益肆凡商人納銀守支之課及期應掣之單皆得任其攙越侵奪從此邊商畏足內商徒業軍儲國計兩無所賴患將莫知所終矣不報○大學士趙志皋等恭進 累朝實訓及實錄  
太祖高皇帝實訓十五卷實錄二百五十七卷 成祖文皇帝實訓十五卷實錄一百三十卷 仁宗昭皇帝實訓六卷實錄

十卷 宣宗章皇帝寶訓十二卷寶錄一百一十五卷 英宗  
睿皇帝寶訓十二卷寶錄三百六十一卷 憲宗純皇帝寶訓  
十卷寶錄二百九十三卷 孝宗敦皇帝寶訓十卷寶錄二百  
二十四卷 武宗毅皇帝寶訓十卷寶錄一百九十七卷 世  
宗肅皇帝寶訓二十四卷寶錄五百六十六卷 穆宗莊皇帝  
寶訓八卷寶錄七十卷通共二千三百四十五卷裝為百套  
上嘉悅命奉安御前恭備詳覽○命戴嶧以原官改總督兩廣  
軍務兼理糧餉帶管益法巡撫廣東地方○丁巳祭 先師孔  
子遠侍郎劉元震行禮○禮部題本月十七日適 皇上初度  
之辰本月十二日又經進秋講之始臣等忝竊禮官敢修職掌  
徧行各該衙門恭候至期行禮但邇來 皇上深居靜攝警蹕  
稀傳彤廷赤墀之下闕畧於儀章而穆清宸衷之上不聞夫啓

沃蓋數年於茲矣今華夷之使畢集階闕而願一伸慶祝之忱  
講讀之臣咸懷芹曝而願一展論思之益無不喁喁仰望臨御  
慮或傳免昔乘今新秋涼爽 聖體康和 壽辰方面講幄將  
開伏望 皇上睿移玉輅俯賁金華受朝於 聖誕俾嵩呼華  
祝之衆咸遂其望雲就日之思御講於經筵使廣廈細旃之前  
少敘夫織塵滴露之物繇此傳之四方聞之兆庶咸皆知 聖  
躬之萬福而欣然相告亦咸知 聖德之日懋而肅然改觀所  
以靈承 帝眷維繫民心者非淺鮮矣不報○戊午祭 太社  
太稷遣佞陳良弼代○禮科給事中項應祥奏申飭禁衛四  
事內一議皇城以內自非高貴貿易可到合將四門諸色高貴  
閑雜人等嚴行驅逐犯者送法司究治縱容之人一體參奏庶  
內地肅清奸屏跡部覆有旨如議行○庚申朝鮮國王李松

奏大兵既集樞臣被參羣情疑阻事機將失乞洞察實狀亟回  
乾斷策勵撫鎮以畢征討 上曰揚瑪等損師辱國扶同欺蔽  
特差科臣查勘是非自明不必代辯○以編修董其昌充 皇  
長子講官○辛酉 孝康敬皇后忌辰遣宣城伯銜國本祭  
秦陵○壬戌工部題覆總理河漕尚書揚一魁疏今日之可慮  
者不在漕而在河蓋黃河決徙尚無歸着既南憂其淤而不能  
受又北憂其來而無所容勢當廣挑故道以爲容受之區與巡  
漕御史揚光訓請復故道所見畧同至目前爲新運計有徐洪  
以下二三淺處或就淺撈濬或增添月河更將呂洪沙坊二處  
正河築壩用閘節水以便經行則汶泗沂加源泉微呂司柳諸  
湖加之小浮橋源流之水明春自足濟運不至歉收仰給於黃  
流而享吉口以下濬治之工亦可從容料理爲萬全永賴之計

其砂山五聖廟下流一帶中有淺滯處亦宜量行疏濬蓋河流  
通則徐邳不梗而漕利商虞不波而凌安此一舉三益之策也  
至於查復徐邳故道之說果一勞可以永逸即宜早為設處以  
濟新運 上是其議○癸亥原任工部尚書李戴引病辭免不  
乞○好地坪鋒城等族番人郝卜等朝貢賞賚如例○ 孝  
慈高皇后忌辰致祭于 奉先殿○甲子賜較對訓錄官曾朝  
節葉向高郭正域范醇敬袁宗道吳道南劉曰寧馮有絳銀幣  
有差○以山西副使盛世承調補陽和兵備李芳調補分守冀  
北道○朝鮮國差陪臣金尚容等齎表文方物進賀賞賚如例  
○乙丑惜薪司歲辦柴炭每平題奉欵依共派兵工二部銀二  
十餘萬兩永為定額至是該監具奏求增料臣陳維春上疏云  
大槩歲進物料實供 上用者十之二三其餘盡入私囊今復

於額外求增不過厭其裕整耳豈真為國家計盈縮哉不報○  
丙寅陞南京國子監司業黃汝良為右春坊右中允管國子監  
司業事○戊辰督餉侍郎張養蒙條陳餉務五事其一謂江南  
造船工料不堅重費修脩宜申嚴督委侵冒之令二謂海運數  
千里稽延時日且多駕言漂損乘機侵漁宜嚴押運後時之罰  
以法積習三謂本年額運糧餉俱至義州交卸方作實數通限  
歲終總考不及額者題參來歲仍照限半年考成四謂東征兵  
餉歲運米七十萬石銀百十萬兩有調募未到者原以糧料應  
該扣除以細覈實支之數五謂廣求海運可通之路宜咨山東  
保定各巡撫悉照餉臣所議將歲以糧餉分投各海道轉運如  
山東登萊糧少移就濟南糧多之所而濟南尤運水次改赴利  
津新改漕船即向利津領兌該道運額取支應動預備倉糧與

臨德二倉本色尤為近便報可○陞郭正域為南京國子監祭  
酒○己巳與原任南京太常寺卿張鹵一祭羊彝○庚午萬  
壽聖節文武百官朝賀遣祭九陵及景皇帝陵寢○以都  
指揮僉事錢峰為參將分守大同并坪等處地方遊擊高崇謙  
為延綏左參將分守西路地方都司僉書張詩為陝西保寧堡  
參將分守靖虜地方○辛未戶科包見捷摘陳度支應議事宜  
一議海運先是督臣海運之議申明賞罰業奉部覆顧播海一  
倚於舟楫而利涉全在於控師必得堅緻如沙船福船熟運如  
朱清張瑄然後可免風濤漂沒之患且既峻科條以懲之尤必  
懸賞格以激之此海運之責或宜急也一議鹽法軍興以來議  
增鹽引數萬而私販者遂乘間充斥矣查嘉靖年間嘗禁藩王  
不許擅差官旗人等下场興販又查條例凡越境興販官私鹽

及巡捕官乘機私販二十斤以上者俱照例違戾夫舉藩封官  
旗與巡捕官而他可推也此盜法之申禁宜嚴也不報○甲戌  
秋分祭 夜明于 夕月壇遣侯徐文燾代○差御史王業私  
往遼東巡按○陞廣東海防參將都指揮僉事顧臬為廣西參  
將分守永寧地方都司僉書張應種為遼東右參將分守義州  
地方協守遼東東路副總兵馬棟為中軍都督府僉書○乙亥  
憲宗純皇帝忌辰遣寧陽侯陳應詔祭 茂陵○雲南巡撫陳  
用賓議順寧蕩平宜改設流官以順民情下該部議○陞懷慶  
知府江學詩為山東副使○丙子華原任禮部主事禹建崑職  
為民以奏辯御史趙之翰疏論偽書合謀等事也○總河尚書  
楊一魁奏請專設水利七田憲臣一員於碭山安東等地方下  
部議○起郝杰為南京工部尚書王基為南京刑部右侍郎馬



愷仍為尚書司卿。陞南道政司參議李三才為大理寺右少  
卿。陝西左布政使鄭國任為太常寺卿。山東按察使白布繡為  
山西右布政使。廣西按察使朱運昌為福建右布政使。河南副  
使鄭一麟為山西布政司參政。原任陝西副使荊州俊仍為陝  
西副使。齊慶知府徐應箕為貴州副使。兵部員外劉毅為山東  
提學僉事。陞陝西右布政沈九疇為江西左布政。河南右布  
政應存阜為貴州左布政。陝西副使杜潛為河南副使。原任副  
使奉大燮仍為陝西副使。以原任都給事中韓學信補工科  
都給事中。丁丑祭。歷代帝王遺像陳良弼行禮。夜四丈  
京師地震。重鑄吏部印信。戊寅御史宋興祖以晉學程論  
東事獲罪久羈詔獄。母年八十思子成病。竟日不食。奄奄待斃。  
乞宥學程以救老母不報。原任工部尚書曾同亨以病辭不

赴任四川巡撫譚希思以病乞歸俱不允。陞太常寺卿劉四  
科為太僕寺卿南京大理寺右寺丞未幾為南京通政司右  
叅議。陞江西按察使武世承為陝西右布政使河南按察使  
蕭良幹為河南右布政使雲南叅議王任重為山東按察使。  
調湖廣叅議賀盛瑞于陝西陝西僉事陳震于河南。己卯兵  
部題加朝鮮經理萬世德一品報從之。庚辰祭京師太倉  
之神遣侍郎趙世卿行禮。原任南京吏部尚書溫純原任南  
京兵部尚書周世選各引疾辭不允。予原任吏部尚書陳有  
年祭葬有平浙江餘姚人嘉靖壬戌進士授刑部主事尋改吏  
部主事晉員外郎屢擢勲驗封郎中其在驗封以執爭成國公  
朱希忠贈王事不獲請遂移病去江陵甚恚之里居十年起考  
功即調文選時江陵已敗衆正彙進得之推轂者為多尋擢太

常少卿晉右僉都御史巡撫江西會 上需陶器並歲增額數  
千且多奇巧再疏極陳為量減十之三復以歲積疏止商販為  
衷高喉御史論罷再起南右僉都御史提督操江遷協院右副  
都御史歷刑兵吏三部左右侍郎南院右都御史特簡吏部尚  
書是年正月卒於家四月起南右都御史至是撫按請卹詔與  
祭二壇給金葬贈太子太保謚恭介錄一子國學主蓋仍從家  
舉例云

明神宗顯皇帝實錄卷之三百二十五

明神宗顯皇帝實錄卷之三百二十六

萬曆二十六年九月癸未朔遣王斌業以原官充總兵鎮守臨  
洮地方○贈已故尚書陸光祖太子太保蔭一子國學生贈已  
故工部侍郎呂鳴珂工部尚書○甲申御史喬璧呈議廷推謚  
法二事一勅吏部將五品以上資俸及推陞規格開造書冊按  
季送會推衙門先期講究該部對衆做正陪之例斟酌資望才  
品稍加差別恭備 皇上採擇一勅下禮部將二十年以來獲  
謚諸臣開造書冊送九卿科道衙門矢心評品親註某應謚某  
應奪某應改某遺漏應補各臚列實蹟封送該部類奏恭候  
皇上予奪并勅考功司主事陳氏志宜量調開曹罷其考認部  
督詳○乙酉大學士沈一貫四懇放歸 上仍慰留之○刑部  
尚書蕭大亨以贊畫主事丁應泰論其代庖本部與邢玠結黨

等情上疏辭免以明心迹不允。丙戌，孝恭章皇后忌辰遣侯徐文煒祭景陵。詔陞山西巡撫魏允貞右副都御史巡撫如舊以三年秩滿。上念其久歷邊關效有勞績故也。原任兵部侍郎今聽調李禎以病乞休許之。福建福清縣舉人林章特陳破倭全策章下兵部。丁亥兩廣總督陳大科奏沿海多虞乞罷開採不納。戊子兵科給事中姚文蔚上言東征之役一切戰守機宜當專責經督二臣主斷餘人不得干擾其查核功罪責之監軍御史勘覆奏事責之差去科臣主事丁應泰業已奉旨止據原奏會同勘明不許逞臆阻壞軍機且師克在和兵事責密會議舉事恐有參差洩漏之虞。上曰東征事權原係專責總督主持各官不得牽制。己丑差御史符汝瑚巡按應天。庚寅原任刑部尚書趙煥南京刑部侍郎謝杰各

以病辭不允。○壬辰初會推銓部司官禮部郎中熊鍾文中書舍人陳民志知縣江益科寺爲尚書蕭大亨楊俊民所引薦戶科給事中李應策劾之。大亨俊民各具疏求罷詔各供職如故。改熊鍾文等俱別衙門用。○以水災蠲免浙江各府縣錢糧有差從巡按御史方元彥奏也。○陞文選司郎中南企仲爲太常寺少卿。○癸巳益都縣知縣吳宗堯奏提督礦務太監陳增違旨營私狀內言臣縣令也不敢越職妄言惟是剝林及膏災尤切近不得不冒死上陳原諒青州知府范善先乞查勘益都縣止有鉛砂絕無銀礦陳增徒以王府所在市貨所聚賑御飲食便於徵求如蟻懸瓊樓爲窟穴狼籍城中日月之費海吸百川剝噬所加席捲一邑官民有不勝其毒害者謹據其剝官戕民種種不法事列狀以聞不報。○甲午戶科都給事中包冕捷等

上言自大工頌興礦議蜂起礦監陳增饗嘗為甚爪牙益張據  
知縣吳宗堯一揭則不惟荼毒官民亦且弁髦 明旨種種橫  
狀不可見聞事有証據人有指名宗堯又豈漫言之乎臣以馬  
達賜勘處并罷開採為便不然先行撤回無滋反噬亦所以重  
民命也 上曰開採礦務原為足國惜民陳增何不仰體始勤  
終怠姑着策勵供職其原奏及差委如假公濟私嚴行禁約叅  
奏處治倘庇護不悛一併從重究處於是給事中郝敬具言開  
採不罷則 陛下之明旨不過為愚弄臣民之虛文耳奈何官  
豎輩不弁髦視之乞先行停止然後以宗堯所奏令撫按一體  
查勘以正陳增之罪有旨陳增運著遵奉勅內事理潔已奉公  
罷禁下人毋得自十法典吳宗堯借言官守奏揭狂逞顯是要  
名姑且下究○以范醇教素宗道充武場考試官○加戶部尚

書揚俊民太子太保以三年扶滿也俊民疏辭不允。予南京  
兵部尚書吳文華祭葬仍加祭一壇以酬軍功。丙申大學士  
沈一貫以病薦五懇放還上優詔留之。命侯陳良弼宴侍四  
川烏思藏四王并長河西宣慰司五起進貢國師蓄竹簡參等  
○丁酉吏部覆忻城伯趙世新襲祖爵許之。○己亥禮科左給  
事中羅棟奏舉缺謚名臣以彭幽隱內舉原任兵部尚書伍文  
定毛伯溫吏部左侍郎張元禎南京刑部右侍郎吳悌都御史  
魯穆大理寺卿夏時正禮部侍郎田一俊大理寺卿陳恪尚寶  
司卿孟秋中允郭希賢庶吉士邵智御史劉臺中允張元忭等  
十三人詔令禮部從公勘議訪實具奏以憑裁奪亦有謚之美  
惡未當其人查來俱改正行。○予竊遠侯顧承光祭葬。○壬寅  
宴四川闡教等王遣太寧侯陳良弼侍。○癸卯河南巡撫曹同



亨巡按崔邦亮題 路王為 聖母愛子 皇上親弟又當今  
諸藩之首邇來間多出入無禁嬉遊無度輕以千乘之貴嘗試  
垂堂之危伏念中州災沴之後每多嘯聚之徒加以礦務煩興  
亡賴四集即藩府壘戶崇墉深居簡出猶恐敵在舟中變生意  
外矧乃以 王驛親貴恩跡塵埃往來馳驟為奸徒所垂涎此  
臣等所為憂心過計惴惴然夙夜靡寧也惟是長史輔導責任  
匪輕王有非動即雷苦口以諍必冀其從乃一味摸稜罔思匡  
救何肯彼相為所當罰治以儆容悅者奉旨覽奏王不遵  
祖制微行出遊朕深憂駭輔導官不能諫阻職守何在姑罰俸  
一年還着禮部便行與該撫按官咨王極陳利害毋得亦犯以  
慰朕心還查引誘之人具奏 總督邢玠奏報東征進取大畧  
合水陸官兵七萬分為三路絕其糧餉部覆得旨兵馬分派既

定商部使急傳刑玠期相機進剿閩外事務俱聽便宜行事  
不必疑惑致悞軍機○甲辰霜降節遣祭 九陵 景皇帝陵  
寢 哀冲 莊敬二太子陵園○吏部題考選推官方大鎮等  
十四員知縣熊鳴夏等四十員乞亟允行以通選法不報○浙  
江巡撫奏蕭山縣明月坊民賈九經家地下透出鮮血○乙巳  
山東巡撫尹應元奏太監陳增違旨欺 君奸貪網利賊私貫  
盈瑩毒地方騷擾驛遞不法二十事有旨切責應元罷吳宗堯  
職為民郝敬上言臣觀 陛下志陳增一事竊慮自今以後宦  
豎之虐始張天忠臣之正氣掃地外廷之讜論絕響而讒夫之  
利口橫生天下事莫知所終等語 上怒其抗旨黨庇奪俸一  
年并奪應元俸半年○南京刑部侍郎李江卒江山東武定人  
嘉靖己未進士授廬陵知縣入為陝西道御史陞四川監軍副

使蕩平九綠蠻歷陞右副都御史巡撫湖廣有平苗功兩受金  
綺之賞尋告病歸未幾卒照例與祭葬以軍功加祭二壇○丙  
午天津徵收店稅內使王朝死巡撫汪應蛟給事中包見捷各  
疏請罷勿補 上切責之○ 聖母慈諭傳與子潞王知道爾  
自之國以來我每望爾務行孝弟世衍邦家永享平康之福昨  
皇帝面奏提河南撫按等官會題爾數出某城挾重遊遠我一  
聞知不勝傷感憤恚爾昔幼冲命 皇帝簡擇講官使其讀書  
明理正謂謹始慮終今爾不遵 祖訓罔惜身名違禁私出遠  
行招引無賴之輩珠夫體統意欲何為如有不測之事必然憲  
典難容我命 皇帝嚴加戒飭 皇帝再三進勸姑念 皇帝  
之德且寬宥這遭自今以後洗心滌慮改過首愆恪遵 祖訓  
謹守藩規深思天潢之尊重以肅諸藩之觀瞻我諭到日可即

查內外答應引誘之人名字奏來勿得故違隱護特此故諭爾  
其傳承之欵哉是日 皇帝書與 弟潞王近該河南撫按官  
曾如春等會題據該道稱王私出禁城被重逮遊或隻車單行  
或村居野宿其內外輔導官不能苦諫匡救相應罰治仍乞諭  
令 路王恪守 祖訓慎重起居等因朕一覽聞殊為驚異恭  
惟 祖宗立法宗藩越域有禁樹王乃朕親弟為諸藩觀瞻不  
遵 祖訓私出微行罔惜身名不加慎重所學孝弟之道果安  
在哉朕心豈得恬然當即面奏 聖母伏蒙 慈諭命朕諭旨  
嚴加戒飭當思虧體辱親之訓戒勿墮 聖母與朕之憂懷古  
云過則勿憚改悔過遷善朕今深切望於王焉已有旨責罰輔  
導及著禮部行該撫按官啟王勿得再犯還查引誘之人指名  
具奏定奪嗣此以後王宜上遵 祖訓謹守藩規者改前愆勉

修後學冀綿邦國之祚永享平康之福為善最樂豈不美乎朕  
念一氣手足至情特此諭頒惟弟其體諒最之。己酉詔賜五  
官監候揚源祠額顯忠仍予謚先是河南撫按題捷懷慶府  
孟縣申五官監候揚源係江西豐城人乃忠臣浙江按察使揚  
瑄之子正德元年七月源上疏言占候得大角及心中動搖天  
壻天璣天權星不明乞安若深宮絕遠遊獵罷弓馬嚴號令毋  
鞋出入闕除內侍寵幸遊逸小人節賞賜止工役親元老大臣  
日侍講習詩書疏下禮部禮部言源占候之言深切時弊源復  
疏言十月二十六日占候得連日霧露交作為象邪之氣陰昌  
於陽臣欺於君小人擅權為下版上引警甚切劉瑾怒矯旨  
杖三十源又疏言自正德二年來一向占候得火星入太微垣  
帝座前或東或西往來不一乞思患預防瑾又大怒罵源爾何

官亦學為忠臣乎矯旨又杖三十謫戍肅州行至本縣地方河陽驛捧瘡瘳發而死其妻皮氏無資買棺以殮乃新蘆葦葬於驛之後至嘉靖年黃河水溢驛墓俱淹沒無存今據本夷鄉民王篤信等結勘原墳在於驛城東門之外申乞轉呈立墳以葬永冠建祠以延血食府道司覆查相同除院道各捐俸銀立祠修墓俱已告完呈乞具題請贈謚祠額以旌忠烈至是部覆得請賜額擬謚仍行該有司春秋祭祀永為定典○庚戌貴州宣慰使宋承恩差舍人育馬慶賀萬壽聖節賞給如例○廣西巡按龔文選劾府江兵備林廷升諸貪狀且云事以人誤動多乖張宜革任閒住而以蒼梧道副使張文耀代之章下吏部○詔賞宣大總督王世揚銀幣以任內節者銀一十萬二千餘兩效也○以宣大墩工成賞兵備趙奇徐守謙白金有差仍各記

錄○廢戶部侍郎張養蒙子張光斗為國學生○辛亥建原任  
益都知縣吳宗堯錦衣衛訊問以太監陳增奏宗堯阻撓礦務  
有旨吳宗堯侵欺如派銀兩數多妄捏虛詞飾貪邀譽降革未  
盡其辜著錦衣衛便差官尉拿解來京究問陳增著遵新旨策  
勵供職○調四川僉事李開藻為本省提學○陞大同知府李  
芳為山西副使山西參議崔應麒為山西按察使工部都水司  
郎中蔡守愚為四川副使戶部廣東司郎中李茂春為陝西僉  
事

明神宗顯皇帝實錄卷之三十二十六

明神宗顯皇帝實錄卷之三百二十七

萬曆二十六年十月癸丑朔五日奉 太廟遣侯陳良弼恭代  
○先是實畫上事丁應泰以某城屯守之議為楊鐫罪案且疑  
堅城得志啓朝鮮異日之患丁是國工李松奏言小邦自祖先  
歷世以木柵守侯度世被 皇眷以至丁臣負罪最深受恩最  
重雖流離顛沛危急存亡惟一心拱北積受眷言未嘗以臣節  
見疑丁 天朝豈意汀嶠至此臣之滅亡有不暇顧誠恐祖先  
忠誠事 上之心無處表白是臣不惟獲罪 聖明將得罪祖  
先且無以自解丁臣民豈不痛冤有旨朕連年用兵發餉不惜  
勞費原念兩國世效忠順極力保全不必因人言疑惑○甲寅  
御史劉景辰奏言頃知縣吳宗堯訂奏內官陳增貪殘 皇上  
置增不問而切實宗堯既而撫臣尹應元疏至 皇上亦置增



不同而魏斥宗堯及增疏再立宗堯遂家遠 皇上之待外臣  
一至此極乎臣以為大凡內外之勢得其平則相安而可久偏  
重則反受重之害宗堯與增交訐則同虛實未判供職則皆供  
職違問則皆從違否則乞姑放宗堯回籍陳增還京以待查勘  
定奪可也科臣侯慶遠等亦以為言不報○文部趙履留口吐  
道兵備右布政孫維城神木兵備董元學以新陞來政職銜各  
昭舊管事俱報可○ 孝潔肅皇后忌辰遣彭城伯孫守忠恭  
永陵○乙卯朝鮮告急國王李松奏自撫臣楊錫華任西回軍  
情懈弛全戾疑懼我勢先動賊焰益張特言設語無復忌憚又  
非前日比邊書告急朝報夕至日今市勢十分危急而主營無  
人督臣解外又尚未到報日愈皇茫然無依伏乞委任蓋臣越  
期延討 上曰朕已另遣萬世德前去經理邊總督解外奏日

下分兵三路進兵剋期剋兩國亦當振飭將士整備兵糧協助共期蕩平毋得專恃天朝自誣積弱○丙辰 中官殿下千秋令節百官朝賀命紳免○遼東巡撫李植報榆林堡等處達虜九月二十六日出境詔醜虜衝突無常該鎮兵馬單弱顧此失彼恐非全策通傳與撫鎮官嚴防東西南路免致疎虞○陞湖廣右布政曾時聘為賓未左布政山東參政曾士彥為陝西按察使○刑部審錄重囚詔今歲暫先行刑本日將斬犯曹學程擅自開除著回話奪堂上官休二月該司各降罰有差○授庶吉士許汲翰林院檢討○庚申刑部尚書張國彥卒國彥直隸靜輅人嘉靖四十一年進士授知縣推兵科給事中歷陞右副都御史巡撫鄧陽以軍功陞戶部侍郎晉兵部尚書協理戎政改刑部尚書屢疏乞休以閱遠追敘勞績加太子太保賜乘

魚一袋至是卒命如宮保例全給祭葬仍加祭一壇○辛酉大學士趙志皋以病甚乞假調理并請會推閣臣上曰卿慎加調攝稍可即出朕聞次輔一貫前恙少痊著鴻臚寺官傳諭守惟進閣所奏會推閣臣候旨行○初添設雲南路南州學官一員從撫臣陳用賓奏也○予新建伯王承勳祭葬○癸亥詔建原任兵部侍郎曾銑祠春秋致祭先是巡按御史周盤疏稱銑以嘉靖乙未進士授知縣召入為御史巡按遼東值遼陽三城兵亂窘奪撫臣縱火散月閉城拒命廷議發兵討之銑疏乞原宥以女邊鎮奮不顧身單騎往諭宣朝廷恩威三軍歡呼動地兵不血刃將其渠魁餘皆安堵該部謂銑置身孤危計倉首惡去叛亂于入城之初捕兇頑于憑險之際功當第一陞大理寺丞尋擢右參都御史壬寅巡撫山東城臨清以破虜謀乙巳巡

撫山西移鎮鴈門邊虜于平型廣陵虜不敢近邊者二年丙午  
秋虜寇陝西督臣被逮而代難其人 肅皇帝以蜀銃推侍郎  
兼程赴陝時賊十萬騎由寧塞突入銃遣將李珍率勁卒搗其  
巢斬首百餘示虜虜懼遁去親督將士夜趨塞外邀擊于前黎  
明虜至見大將旗鼓錯愕大潰斬虜一百八十級丁未出塞斬  
虜陞儀一級銃日擊獲虜住牧河套侵擾為患盡陳八策大畧  
謂河套古朔方地衛青所取河南狄仁愿所滅受降者也弘治  
八年虜編茂渡河擄掠士馬十二年入寇自是占據數為邊患  
今議者欲築榆林邊牆不過數年之謀若夫夜套驅虜出塞臨  
河作障天險為池可保數百年無事 肅皇帝深嘉納之銃感  
激知遇復條上十八事日夜講求虜之策攻搗虜穴虜大驚擾  
多移營渡河當是時仇鸞驕恣悖逆陰謀害銃勅之鸞納賄

權姦共捏危言構鏡下獄刑于未市天下寃之邊人有相聚泣者隆慶初准復鏡原官贈尚書賜謚祭祭華鏡忠烈功勳烜赫宇內宜建立祠宇春秋致祭仍擇本官的派有行子孫一人看守庶祀典隆而忠魂大慰矣 上從之故有是命 大雨雲喜奉路臺上忽從西北樓內旋風大作響聲震地黑氣冲天旗杆倒折樓內上層有大光 御史楊光訓言故亭會推閣臣詞林諸曹竝擬頃奉旨會推擬者七人幸皆詞臣而諸曹無一與焉無論非公評論相之道而二百年盛典自今日廢矣乞勅諸臣從公別擬兼雅以俟 上裁不報 先是御史為壁星有明公論以定國是議禮科給事中羅揀等有摘舉缺謚名臣議禮評題覆將萬曆元年至今凡諸臣已得謚者盡行查出開寫文冊分送九卿寺翰林道諸臣虛心詳議若應謚而未謚者諸臣果

有灼見不妨明白開列如其當謚則明書行事如何公正心術如何粹白指實條具勿以私好而過為褒美勿以私惡而過為譏許勿以衆喙而隨聲附和候通送到部類集具奏某官應于印明註係某官所議應奪者亦如之候 聖明裁奪倘所議不當日後被人指摘得實者將原議官一併議處庶于一人而衆皆知榮辱一人而衆皆知尊貶奸不渎于身後勸懲可禪于將來矣有旨令九卿等官虛心詳議應謚者唯與補謚若已謚者果于華議不協方許改正追奪毋過苛求以傷朝廷錫予之典○南京戶部尚書郝杰引疾求罷不允○詔今歲南京及各省俱蠲例暫免行刑○孫沈惟敬妻子于功臣家為奴○乙丑孝安皇后禫服○丙寅兵科都給事中狄輔之等上言 國與侯相持凡七禩始誤以和避矯以戰島山一挫贊畫有詞一奉

撫鎮再氣總督再來監軍朝鮮國王阮代庖司馬在事諸臣靡  
不凜凜震恐于是感激忠奮矢心歃血期共滅倭誓師祝詞讀  
之令人涓滌期于九月二十日諸路進兵以總兵劉綎董一元  
麻貴各統率陸兵陸瑋等督水兵諸路夾攻賊孤無援我師電  
掣倭奴覺伏雖一舉而蕩平之可也然師行糧從我師數萬分  
道遠出多不過持十日糧再多不過半月耳所有博餉多藉鮮  
人而四方之人有從朝鮮來者巨數訪之咸云國王閉門待罪  
聽勘該國大小臣民擁象數千赴各衙門痛哭呼號鳴冤勸官  
監院差官宣布 皇恩催出視事國王猶憂慙不出臣民相視  
解體水陸控餉何人趨運能以漢法祇重怒吞萬一王師乏食  
倭奴乘虛襲我一路失守諸路咸潰則我 皇上七年之宵旰  
節歲數百萬之金錢三軍郊外之暴露中外臣民朝夕之想望

將遂全其決裂至此耶臣之所大懼也乞速發明詔宣諭國王  
以安其心而藉其力此不可旦夕緩者耳 上曰朕念朝鮮屢  
勤援救今水陸進兵破倭在即軍餉時刻不可緩使著兵部馬  
上差人傳與總督邢玠宣諭國王呈速催督本國兵餉協濟共  
期成功毋使吾推委致誤軍機○初大工肇興帑藏告匱

皇上不忍加激小民特允開採之議以佐目前之急諸臣陳說  
利害請罷遣中使者章數十上俱未奉俞旨今各開採之歲歲  
解已有成規御史秦懋義欲酌為定額貢之撫按具疏曰臣查  
師報萬曆二十四年起至今二十六年歷兩年所順天之所解  
進者共四萬餘兩或秋盈而夏縮或彼多而此少臣接歲而派  
分之則每歲可二萬者其大都也山東則解二萬四千餘兩每  
歲可得一萬兩河南山西各解二萬兩每歲可各得八九千兩



浙江共解二千兩每歲可待八九百兩誠卽此定額責成撫按  
令廉能府佐兼任其事另立開採銀兩名色如數勒限解進急  
緩者罰無赦若開採已完而無砂可採者卽將坐落地方夫費  
抵解又不然則量激槩者稍稍如額而止猶愈掘墳發塚責妻  
鬻子之慘也若湖口之抽分每歲于九江蕪湖鈔關量加數千  
金通灣天津之皇店歲進俱有欽定事例歸併河西務臨清等  
關每歲量加毫忽務足歲額另項起解則稅有定數商賈便于  
委輸地方免于騷擾至于粵東採珠之使駐劄省城遙制雷廉  
惟差原奏虎狼數十輩催償役括不如兼委之憲臣尤易閔防  
諸差巨竟可召還也不報○詔荊州副總兵李如樟以原官管  
右軍都督府叅書事○己巳遣行人王孟震往荊府掌行喪禮  
○大學士趙志皋奏病勢已深乞賜生遂遣御醫診視○詔泗

川倭賊既剋賊勢中斷使行與總督宜益鼓舞諸將力圖進取  
軍中必血戰乃能成功降亡將士從優擬卹朝廷不以損傷為  
拘但期蕩賊以安藩服○旌上洛王勤諫并長子朝暄歸城王  
府宗正官慎名孝行○永壽王府輔國中尉懷岐越奏長安知  
縣沈聰之貪酷蔑法凌虐宗室諸狀奉旨沈聰之擅監宗人杖  
縱無忌貪酷異常賍私狼藉著錦衣衛差的當官尉扭解來京  
究問其永壽王府中尉懷岐越聞來京著禮部送發本府收管  
禮科來看得懷岐所奏無非欲醜詆縣官激怒 皇上其心術  
險惡機鋒狠毒不意宗藩中亦有斯人也若縣官果杖斃宗人  
誰能庇之即啓親王轉奏何患不行而必欲犯越閔之禁何為  
也據 祖宗令甲懷岐收管之後當降馬廐人送發因它拘住  
禮部亦請降禁懷岐 上曰懷岐資奏沈聰之乃係糾明冤苦

難比越閩奏擾之例其邊前旨行○庚午 誠孝昭皇后忌辰

遣撫寧侯朱繼勳祭 獻陵○以楚學陳愚聞為薊鎮燕河路

參將涼州副總兵姜河為神樞營右副將○差御史趙文炳往

山西巡按○辛未奉安 孝安皇后神主于 昭陵神位于

奉先殿是日 上詣 慈慶宮行奉請禮恭送後詣 奉先殿

行奉安禮其設行 神主遣駙馬侯拱宸恭告奉安遣都督同

知陳承恩各行禮○ 皇第九女生恭告 奉先殿○遣徐州

碭山縣城丁秦家塘地方○癸酉宴建州等衛進貢夷人奴兒

哈赤等遣侯陳良獨侍○南京兵部尚書周世選三遣總督李

汝俱以病辭不允○陞甘肅永昌參將王鐵塊為神樞營右副

總兵○甲戌陞浙江按察使曲遠為廣西右布政使浙江參

政薛夢雷為雲南按察使湖廣參政彭國光為山東按察使山

東副使于仕廉為陝西叅政湖廣叅政易登瀛為貴州按察使  
湖廣副使郭廷良為貴州叅政雲南僉事郭宗賢為陝西行太  
僕寺少卿劉廷蕙為本省叅議刑部郎中黃承玄為湖廣叅政  
貴州僉事方萬萊為本省叅議衡州知府岳萬階為山西副使  
戶部郎中徐未儀為貴州提學副使南京刑部郎中徐仲佳為  
四川叅議孟醇為雲南僉事○乙亥河南巡撫曾如春奏先是  
七月內有奸人住世身在陳州衛將臺原聖旗行上旗掛黃旗  
上書八月起首二十八日宿寶吾門問天祖先奪陳州汴城等  
語臣行該州衛官密緝尋獲搜得妖書私帖經大分別首從正  
法○詔畿輔重災宜加蠲恤但大工方興正需急用凡進宮錢  
糧毋得擅議蠲除○原任南京吏部尚書溫純奏病劇請告不  
允○戊寅陞揚芳為都察院右副都御史巡撫廣西地方○贈

已故尚書誅有年太子太保廢一子入監讀書五官監候楊源  
五官靈燕郎○河道總督楊一魁恭進金河圖說詔留覽下工  
部知之○安朵顏等衛進貢夷人脫伯等遣侯陳良弼待○陞  
河南副使唐在泮為湖廣右叅政兵部主事楊東野為陝西右  
叅議山西平陽府知府盛稔為山東副使○庚辰薊遠總督邢  
玠報西路總兵劉綎本月初二日用戰車斫倒木柵燒毀倭寨  
六十餘間殺傷無數我兵亦有損傷又報初三日水陸夾攻陸  
兵互有傷損水兵失利東路總兵麻貴遣兵襲薊莫寨燒糧斬  
獲首級奪回解人得獲蓄器又奏中路將帥輕敵失防因驚喪  
師上曰東師三路進取方望奏功如何中路有此失事明是  
法全不肅各將驕恣輕敵所致若不明正軍法何時得收蕩平  
著兵部從重來究詳加議處以聞○涿州五山守備陞任湖廣

行都司僉書林武莛提兵征徭撫定叛夷數萬人披襟臥瘴竟  
卒于軍中事平兩廣總督戴耀以聞詔贈官一級尋加贈驍騎  
將軍都指揮使武莛福建晉江人萬曆壬辰武進士卒之日五  
山夷民咸為號泣立祠歲時祀焉蓋威信之感人云

明神宗實錄卷之三十三百二十七終



明神宗顯皇帝實錄卷之三百二十八

萬曆二十六年十一月壬午朔先是倭奴分據三路聯絡固守  
我兵四路齊下水陸並進西路行首已在圍中東路亦破其三  
寨中路如晉州望晉山永春昆陽三四城寨相繼而取而賊之  
老營如泗川左臂如東陽倉亦一時並焚止有臨海新寨一堅  
未耳不意諸將輕敵失防因驚喪師倭軍一合馬步皆逃追奔  
逐北所傷寔多是後也見敵先奔臨陣四潰全無將紀大償王  
師者都司馬呈大進擊却三聘也號令不嚴致臨戎失火施救  
無策因而避敵偷生者步兵彭信古茅國器葉邦榮藍芳威馬  
女師道立裝登科祖承訓總兵董一元等倭既無勝算對壘蓋  
多輕率按法定罪均無可賞故總督邢玠分別疏奏詔斬馬呈  
文郝三聘以徇彭信古等充為事官董一元革官銜降府職三



級各載罪立功○甲申隆宗門興工遣侍郎余繼登姚繼可奉  
告○奪保定巡撫李盛春直隸巡按黃紀賢各俸四月以查簡  
宿稅銀兩久不進解故也○丙戌御史許開達上言臣奉奉正  
月內蒙 皇上命臣巡按甘肅臣泛舟回南由徐至淮八十里  
可身全徙而不復為國家之用由陸赴任自潞入秦四十餘里  
克塲不兩所在有盜賊之虞及過河南裕業高盧之礦得不償  
失而括剋于大戶入陝西臨潼商雖之礦全無所得而巧取諸  
條鞭在 陛下徒取諸山澤在礦仗實奪諸閭閻凡所經臨慘  
妻萬狀科臣趙完璧包見捷等言之按臣姚思仁繪圖陳說又  
詳言之不蒙採納兩載之間虎狼半天下殘民逞欲以奪造化  
之權兩曠焉待狩若運道焉待安派不報○丁亥初秦府中尉  
懷收越閩奏擾 上以科完故撤袋之至是科臣揚應文因疏

滿敬行事聞追論反之欲以杜濫觴之漸嚴未然之防也  
上曰賁之奪應大傳一年○先是閩臣員缺吏部欽奉 上諭  
會推題詣己五閱月矣未蒙允用至是大學士沈一貫備陳先  
年內閣多至五六員少亦不下三四員惟揆后正體權與呂調  
防二人在閩半餘此則覆轍所當鑒者今日與志阜二人獨膺  
此任且皆衰老餘年精神耗竭一起一仆共濟實難乞將新推  
閩臣主賜點用仍諭旨輔速出以無誤國事 上曰覽奏情詞  
懇切具見忠愛元輔使遣官宣諭守催即出以慰倚任佇望至  
意簡用閩臣吏部知之○兵部言陝西之松山界在甘寧實兩  
鎮往來通路靖固藩籬自派虜竊據而鎮番中衝固之斷隔賦  
遂得以窺我兩河矣今督撫諸臣稽累勝之威大行搜剽菁宇  
既已歸秦窟阿移避賀蘭舉三十年經營羌窟一旦掃除五百

里淹沒故疆盡行恢復功豈不偉哉第恢復不易保守尤難及今蕃境每僅移將移兵坐舉而力圖之雖經數年費鉅萬不惜斷匈奴之右臂聯甘寧之輔車作靖國之屏障此一勞永逸之計事機之會何可失也 上然之報曰松山馬諸虜竊據流毒兩河已非一日督撫官分道出師掃空恢復功績可嘉以後作何修守永固藩籬令虜不敢復聚其集該鎮詳計以聞○己丑黃河之役先是漕臣力主復故道之議靳河臣有漕河併流之議又以復故道為治本挑運河為治標據議勘估工食費用四十七萬有奇其搜括在工零餘支剩並援例陳乞者二十五萬有奇尚有二十餘萬無從措廢科臣韓學信上言該部應從大計議是錢糧接濟如數及期一聽河臣料理 上以河役無常議復故道迂遠煩難下漕河臣再酌議之○辛卯詔永和玉庶

第二子欽宦管理府事。○壬辰初朝議以水征師久無功。涵謂當撤兵。戶科給事中郝欽上疏曰。臣聞智者不貴計目前之利。鈍而貴有久安自固之策。為今之計。宜降勅一道。數諸將以不宜坐戰之罪。論朝鮮君臣以勉圖自存之策。增修城池。設建寨堡。如朝廷念其殘破之後。物力虛乏。更以帶金數萬助其修築。為文武將吏各一員。分兵數萬與之。使協濟固守。假以十年之力。一切便宜。不必上請。有功則不次擢顯之。其餘兵馬盡撤。還遼。七種操練。以固守門庭。大學士趙志阜亦言。兵疲餉竭。結局無期。請令督臣邢珣仍歸本鎮。與薊遼撫臣一意制虜。而以未方之事。急委撫臣萬世德。堂留兵將分布堅守。要害互為聲援。上令府部九卿科道集議。○特旨降九江府經歷樊國克雜職。以湖口稅監李道勅其阻撓商稅故也。○癸巳以兵傷之

蕭錄等縣本色錢糧。先是上以沒官積鹽一寸鹽斤與田應壁所言五異命巡檢御史同內監曹保勘議了光御史馬從聘具奏。臣行運司等官偏查兩淮三十鹽場。並無沒官積鹽。具結確報。向非皇上洞燭情弊。實令查實。則國家二百年遠計。幾壞于田應壁之一言。戶部具覆。上責其偏聽。執奏仍行。差去內官會同巡鹽御史查勘。以聞。兵科給事中姚文蔚奏。古來征之役。凡議罷兵者。不過欲掩前日封貢之失。無復顧國家之安危。乞飭在事諸臣。益圖戰守機宜。務出萬全。不得浪戰。國是一定。神氣自休。未即必有結局之期矣。上諭兵部會同戶部科道議之。至是給事中欽輔之亦言。朝鮮為我藩籬。故朝鮮所以自為捍禦計耳。蓋國家建都北平。京師其腹心。薊鎮為肩背。從此而西至清海。玉門。延袤八九千里。是右之肩背。長而環抱。

頗固從此而來至遠在陽練遠逾僅二千里是左之肩背短而  
環抱亦疎燕之歲若虜志痿痺不仁所恃朝鮮固水衝而消內  
憂可坐視而不竭力以拯其難乎惟願 皇上速罷會議之舉  
一切戢守德遠臣及勦科會同監軍御史據平日目擊之真共  
圖方畧上振得養而百年無事則二臣當其功夫策而他日基  
禍則二臣任其罪有不畏威承德悉心定計者否也 上曰東  
征集有旨朝廷不違制運著一意進剿務收蕩平之功不必會  
議○福建巡撫金學曾奏報閩商平秀吉死內難將作且與小  
西行長平家不睦必自相圖倘水陸交攻歲此鯨鯢或其時也  
乞勅朝鮮經督諸臣再加偵察相機進剿以彰天討毋為清正  
狡倖所耗章下兵部○丁酉四川巡按趙標上言夫工肇興採  
辦方始須材丁勇多在夷方往年止揚鹽茶絹布給賞任我出

入無復阻撻近者西南諸夷尙在在離心鮮體無論播酋負恩  
險惡故撻內地所有木枋河因集絕壯未即建昌永寧書稱產  
木之地原承木植全太完鮮尙需事竟兩因瀕狂竟蕩無畏障  
據臂雄據不惟陰阻大工亦且明棄疆宇臣所以痛心蒿目不  
容不直陳也幸下該部○陞四川參議范泰為浙江按察使河  
南參政王之猷為浙江兵備按察使○茂茂詔武女侯鄭惟忠  
弟惟孝襲祖爵○己亥 孝惠皇后忌辰遣惠安伯耿元善祭 永陵○庚子  
茂陵○ 孝烈皇后忌辰遣惠安伯耿元善祭 永陵○庚子  
慈聖宣文明肅皇太后聖旦文武百官朝賀命婦免○壬寅陞  
陝西副使李景元為山西參政原任江西參政李維貞為四川  
參政南京兵部郎中楊維先為河南兵備僉事刑部郎中朱思  
明為河南參議○甲辰詔國公袞惟賢承襲祖爵○以冬至節

遣祭 九陵并 景皇帝陵寢 袁冲 莊敬二太子陵園○  
乙巳陞陝西舉政李國仕為廣西按察使浙江副使王之麟為  
山東參政○浙江金華府經歷胡奉正捐米三千石助餉○丙  
午今王 大祀 天子 園丘造侯陳良弼恭代○陝西上邑  
羅寨坪莽 恒等族番人渝竹等進貢方物馬匹給賞如例○  
賜淮府南康王厚榮謚安懿○戊申諭選 皇長子婚萬曆二  
十六年十一月二十七日禮部欽奉 聖諭朕惟罔至分封表  
宮及親王乃 祖訓大典嫡庶長幼一定自有次序緣因皇長  
子稟質清弱氣體未充况皇后年產妙冲又屢遭不祥大難姑  
不得已遲緩少俟耳非有別意亂危國家作者 大行皇妣之  
服已滿雖無三殿其二宮不日落成皇長子齡已過期體已充  
足兩孩許便具選婚舊儀未看其用立加冠禮少俟二宮落成



之日行服又思三皇子五皇子六皇子七皇子俱已長成若再少待恐又費一番事不若亦于二宮完日一併加冠分封之日庶免煩擾內皇三子皇五子年歲稍長待分封之日可著出閣讀書親近儒臣朝夕訓誨以問家憲禮部知之○己酉兵部奏東事自今夏以來廷議部度一切戰守機局聽候勘科會同督撫監軍查議不謂中路潰師人情復惑一時間科諸臣各行所見致有異同其議撤兵者抱虛內事外之憂歛息肩而若托費其不欲撤兵者視豫外安內之議期滅賊以圖全勝臣等來會會議同尋蒙皇上俞科臣張輔之等請罷會議一意以進剿為事及查往年碧蹄挫敗悞中狡倭止兵之令一下遂致不可收拾而封議起此時按功罪者猶然痛惜當事不肯勵兵講武自夫轉敗為勝之機今雖喪失而見在水陸之師獨不營倍蓰

杜昔天下事尚可為可遂按馬自阻乎且倭所占據全度海濱  
接國境得全屬之十一而其十九固在我也今我之堅壁鯤虎  
即為扼塞更念鮮人教之聲利修築事事者實不為虛文相機  
而動動必萬全任衆不逃必將立盡但不待無謀浪戰耳何可  
併什九者而捐之也夫以行間數萬之衆聞士豈乏人特志  
諸將之心疑竇不堅鼓舞無術或為弱徒悍卒所累往往有之  
明功罪公賞罰問疾苦恤死傷親此鼓舞而士卒不用命者未  
之有也語曰千里餽糧士有饑色今不止千里矣既不勝其供  
億之病又不勝其度葵之虞倘欲從長計度盍查自來兵集朝  
鮮之日迄今月過故國本色若干酌定歲額使主客不致倒置  
如故國殘破之後力億不支亦當計其公道之入稍為調劑勿  
令專倚辦于中國庶乎經久可行至于經理既為朝鮮專設故

國之中一切部署戰守也每選練志宜委之節臣裁制倭虜仍  
本于遠中調度與夫在事文武尤宜合志同心期于平賊利鈍  
久遠皆所不拘也 上曰倭奴逆天悖德當以盡剿為期前者  
朕所獨斷中外使宜恪遵不許更生異說惑亂軍心所奏鼓舞  
士卒酌定餉額及部署戰守同心任事等項俱依擬中飭著實  
舉行該奏請的不時奏請朝廷但責蕩平不拘久遠信賞必罰  
決無假借軍中亦要捐除嫌忌明別功罪勿縱勿枉使人踴躍  
用命仍須審度機宜詳慎進止毋但以浪戰為事若有違犯朕  
命必盡法處治○陞福建副使林鼎思為浙江參政廣東副使  
陳鳴華為湖廣參政長沙知府羅鯤為雲南副使○先是行取  
各官職名吏部久已疏請留中不發至是 上命復列其名以  
奏竟不報○兵部覆查勘科臣徐觀闈等紳宜吏疏 上曰參

按丁據傳聞處宜須當審核各將罪狀若彼處督撫科接等官  
會同虛心詳議勿令枉縱致有後言○辛亥兵科給事中狄輔  
之奏東事當勸者有四而其不必輕聽者亦有四幕南空庭且  
多物故吾安保士馬之不損傷而多寡懸絕當勸者一市租兼  
金出入不問吾安保糧革之不耗費而乾沒多寡當勸者二賞  
信罰必師之善經能無用上邀功奪級掩罪乎當勸者三倭殘  
屬國久在目中能無汛掃奇謀結局長策乎當勸者四此四者  
皆明旨之所及而諸臣有所憑以勸者也凡人對一人則相  
與專而其情易昵對象人則指視廣而其私難投彼違衆逞聰  
者一不必聽凡人皆相讖則雌黃一任乎口吻而相質則兩我  
雖掩乎真情彼背後騰謗者二不必聽詩稱爾耳豈無訛傳况  
派古之送布望佐之扶同乎三不必聽書載武成尚雖盡信况

薩司之惑道道路之俚語乎四不必聽此四者皆明旨之所不及而諸臣無所憑以勘者也會同查勘諸臣亦當抱赤衷公夫諸天日可也詔兵部看奏○陞浙江按察使吳獻台為浙江右布政河南副使劉大武為陝西參政○以原任給事中桂有根補兵科右給事中原任御史牛應元補河南道御史○兵部尚書狄學顏卒學顏廣平肥鄉人嘉靖三十二年進士授尚沃知縣推工科給事中歷僉事奏議副使陞右僉都御史巡撫遼東前後在鎮三年斬獲功多賜金綺有加復以逆酋王果獻俘土蠻來投得授晉兵部侍郎歷右都御史再陞京察成敗兵部尚書以六年考滿加太子少保尋晉太保乞休回籍至是卒詔與祭葬如例

明神宗實錄卷之三百二十八終

明神宗顯皇帝實錄卷之三百二十九

萬曆二十六年十二月壬子朔先是播酋楊應龍梗化構亂屢經諸臣具題奉旨勘處迄無定議巡按趙標乃直陳逆酋殺虜之實據及處置之機宜大畧不過對防撫三策而弊緊尤在足餉今川省當採辦之時竭膏盡髓不能更有所出以養兵所可處者議抽民兵弓兵工食即留以爲防播之餉則餉不加而兵可敷及查碁江播之大門戶當添一叅遊合江與播接壤亦當添一遊守加各道府所屬衛分操兵以足之以蜀兵守蜀地事甚簡便易行惟在將得其人嚴加簡練務成精兵使屹然足爲地方保障耳於是兵部覆稱本苗因夷目投田構濠謀動干戈特遣督臣勘處軌爾違斷稱兵必有姦徒撥置覆議責令禽獻首惡以聽處分今據題稱仇殺五司僭立巡警其焚殺凌轢之

慘憺踰乞憐之極非止流毒于蜀之一隅且駸駸然及于黔矣  
黔蜀唇齒相依不一烏之禁邊則豺狼無豕長此安窮議增兵  
將亦事體之宜急者合行撫按擇將統兵駐紮五司要害毋令  
禍及黔省 上曰應龍前蒙朝廷寬處如何尚敢負恩肆劫其  
令撫按官悉心處置責令擒獻惡目正法○以沈應文為南京  
工部右侍郎李盛春為南京兵部右侍郎○陞湖州府知府陳  
經濟為浙江副使工部員外郭重第為貴州僉事○甲寅吏部  
文選司堂火奪司官梅守峻俸二月○丙辰差行人汪紹伊掌  
行永寧王喪祭○授原任大學士趙貞吉孫趙祖蔭許國孫許  
世吉俱為中書舍人○丁巳太常寺少卿傅好禮降三級調外  
再降雜職大理寺卿吳定降三級調邊方再罷為民好禮疏論  
近郊之內假官抽稅虐民辱國有旨降調定具疏救并摘邊方

尋以科道連章論救再罷定為民後復下好禮疏著嚴衛嚴拿  
假官張禮等二十八人付鎮撫司考訊。詔雲南路南州創設  
儒學從撫臣請也。○戊午五隸巡按黃紀賢奏言頃因倭患孔  
棘某議天津為京師門戶登萊咽喉外通旅順內達淮揚制禦  
要害此其喫緊宜增設撫臣一員專職防海臣近出巡至彼指  
之人情撥之事體恐起新舊互誣之嫌不便責成宜以海防巡  
撫改銜保定而仍駐天津以山東巡撫加勅防海而移駐登萊  
無事則晝夜分洋各保信地有事則首尾擊應務收全功上可  
易於責成下不亂於指視候倭平各回原駐地方亦便計也疏  
下吏部。故事在京各衛軍士除歲給月糧外每歲九月每軍  
給折布銀五錢至是戶部尚書楊俊民聽各衛經歷議謂各衛  
心紅紙鈔例于每軍名下取銀一錢二分合于布銀扣除之禮



科給事中楊應文曾以烏言吏科給事中吳文燦遂劾俊民不能宣布朝廷之德意而曲聽奸人之私情不能體卹朝廷之介士而偏信貪幕之鑽求且詆其棄殘特甚分量已盈請罷之有旨各衙門事有不妥回當參論改正若因一事小吏議斥大臣豈成政體考成難得宜共為朝廷體恤已而俊民求去 上曰國用煩費卿勞心奉補以致人言朕甚亮之不允辭。辛酉連天津土虎張子扣等三十二人至京究問以天津稅監馬堂論其曲蔽徵租也。○甲子 皇長子選婚祭告 奉先殿詔內臣于京城內外及裏八府副選淑女。○給朝鮮入賀倍臣鄭暉韓達等各銀布如例。○鑄給老提軍民宣慰司印。○國子監恭進史書詔留覽。○乙丑 世宗肅皇帝忌辰遣伯焦夢熊祭 永陵。○丙寅 貞惠安和景皇后忌辰遣伯陳如松祭 陵寢。○

倭將清正從朝鮮遁歸總督邢玠飛騎以報兵部奏曰自狡倭  
悖逆殘我屬藩營釜山之屯密肆三路之鴟張致屢宵肝東顧  
隱憂兩次興師七年勞費茲仰仗 皇上聖武英斷一意盡剿  
烏期天心助順將吏協謀值窮寇之思歸乘勝兵而攻逼致令  
賊勢窘促掃穴而逃禍本既拔于穴中遊魂復殲之海上至是  
而 皇上字小之義有終屬國效順之心蓋固矣 上聞而喜  
邢玠又報近者倭兵二萬餘舟以六七百計糾釜山泗川巨濟  
關山各倭將悉力西援行長總兵陳璘即身先將士鼓衆大戰  
銃死大倭將石曼子又生擒一部將其焚溺死者無算雖水中  
不能割級而猶斬獲三百餘顆功收全勝妖氣已平兵部覆奏  
上曰釜山悉收倭寇蕩盡朕念將士勞苦宜加恩敘該督撫等  
官便將功次確議勸明馳奏以慰軍心蔚山功罪上繫勸來爾

部便遣人呈馳傳示朕意餘如議。丁卯貴州巡按應朝卿奏  
夷酋楊應龍稔惡不悛蓄謀日久招九股生苗張其爪牙復誘  
五司夷目白相魚肉夫夷性好劫又得逆苗為主遂雲合響應  
彌山遍野因糧於我所到烏墟五司盡則及北連之七寨屯寨  
盡則及府衛之腹心流離塞路血肉膏塗乃謬宣言曰我非叛  
朝廷第為五司復仇也其誰信之黔中餉微兵寡所恃四川協  
同防禦使有畏忌今秋冬以來羽書狎至川中當事之臣竟不  
聞發偏師以禁遏亦不聞遣一官以曉諭之雖經該省新舊按  
臣奏題俱置不理以至此苗無慮于西而益併力于東攻圍我  
城邑虐戮我民人非獨民生之荼毒堪憐而國體之陵夷已甚  
臣在鎮連月餘啟報一日四五至未嘗不怒髮上指恨此逆苗  
并恨夫縱逆苗者竊謂四川巡撫譚希思可罷也下兵部○初

播首目把何漢良統兵萬餘到本衛教場剗營圍城指揮陳天寵陶應龍等開門進入守備伍萬鍾業應後特設部題准陳天寵着巡按御史提問具奏伍萬鍾革任戴雁立功○己巳甘肅巡撫田樂以病辭本兵任原任工部尚書曾同亨以病辭南銓任俱不允○陞遊擊包良斌馬五軍三營參將江西都司都指揮僉事劉效節馬貴州右叅將○庚午初青火等首盤踞川海馬甘鎮患自兩經大創蓄忿益深圖謀愈狡乃分投狂肆我兵深入直探虜穴先後擒斬一百六十級督撫以聞至是宣捷御前遣侯陳良弼 南郊侯徐文煒 北郊駙馬侯拱宸 太廟各祭告文武百官朝賀○查勘東征兵科左給事中徐觀瀾上言狡首啟釁殘破屬藩蓄詐多端懷叵測我 皇上大發帑金大徵士馬固望直搗長驅滅此而朝食也假令擒獲首于海上

曷魁首于藁街罪不美與乃王師久頓外疆清行二酋竟逃誅  
傑臣與文武將吏俱不得辭其責矣今幸倭衆盡歸屬藩不失  
舊物此社稷之靈國家之福陛下之神武所致也東征將  
士連亡逆北雖有新獲戰勝攻取未合兵撤若欲奮天功以高  
心才大張勳伐速勒威名臣身在戎行日擊其事則何敢欺至  
於師中猜蠹聞外虛文則尤有可歎者臣查按東路南完四營  
陣亡兵數且近二十軍士呼天擁告弊端種種臣未勘者尚十  
五營其奸弊不知更何如也臣釐奸剔蠹不敢遠避嫌怨以妨  
軍政若乃當今所最急者在善後之圖蓋聞苗果元則倭不復  
來即來在數年之後我水陸兩兵酌留二萬即可扼釜山閩山  
等島而本折二柵量責之朝鮮可也至如辛伍不畏偏裨不畏  
大帥啼機疏寒何謀不逞下怨上憤何變不生若遷延時日尚

不撤還不但中國稱誦朝鮮亦稱誦不但中國憂亂朝鮮亦憂  
亂矣乞勅兵部丞咨督撫二臣速議班師及留兵善後長策永  
杜後艱庶不負扶危字小之仁矣章下兵部○改提督操江南  
京都察院右僉都御史陳薦為都察院左僉都御史○壬申錄  
井鎮功次加李汝少保兼太子太保田樂太子太保各於原陞  
世襲加一級仍賞銀幣蕭大亨李禎余立王世揚等各賞賚有  
差○兵部題井鎮降虜盜馬潛逃撫備哈光顯不能密偵嚴防  
副將姜河亦難辭疎慢之罪命革光顯任付巡按御史提問奪  
河俸二月梟示逃虜哈卜免等○禮部題奏災異 上曰今年  
災異頻仍朕覽類奏仰承上天仁愛之意深用儆惕爾大小臣  
工都要痛加修省盡心修職以祈時和民安毋事虛文○乙亥  
大學士沈一贯復以閣務煩重乞人協理請 上曰自古國家

政務君主上臣任于下部俞吁弗唐虞替襄之武治乃我祖宗設立內閣樞機政務最爲詳悉我皇不知但念閣務煩重倚重尤切人之賢否遞難周知乃欲斟酌發行豈有不補之理便着吏部通行前推再推堪任數員開具來用卿宜盡心佐理不必疑畏以負眷懷○山西巡撫魏允貞十疏懇求終養下吏部○丙子先是南海錦山悍倭自二十九日戰敗之後愈匿愈深挑誘不出各賊慮我兵窮搜渡適乙山川盤踞崖深路險比錦山尤甚總兵陳璘親督所部于初十日夜領兵潛入包圍岩洞滙旗息鼓天漸黎明乃發銃砲倭奴驚震擁衆冲登後山以高臨下烏負嶋之勢官兵奮勇仰攻斬級十顆賊向深菁潛逃至了口七札官兵分道扼塞十一日再進奮戰良久賊大敗奔北璘未勝威之擒斬九十餘名輒復督兵爬搜無一餘孽計璘

自七月至今首功一十一百餘顆。丁丑兵科右給事中挂有  
根以東征蕩平奏陳善後七議一議防守以弭再犯當于釜山  
機張西生一帶築城建堡以朝鮮兵將守之二議分兵以收全  
功我兵七八萬衆當以一二萬屯南原慶尚間爲釜機犄角以  
水兵一萬聯絡于旅順天津之中以防飛渡其老弱汰還原伍  
擇精銳三萬附往遼陽廣寧倍加休養訓練倭再舉則東渡擊  
倭虜或動則相機剷虜未可輕罷三議清餉以裕軍需查先年  
冒領帑金數萬募老弱出關尋亡其半者盡法絕之覈其實數  
并見積餘糧足供三萬人一歲月糧過此則取給于朝鮮歲供  
內可也四議去冗官以規省便督臣于料理朝鮮之後仍當駐  
劄遼陽兼制倭虜朝鮮止留一撫臣一司道水陸遼廣之兵各  
留大將一員裨將數員其餘總兵叅遊等官與天津新設撫臣



供應裁革五議久責任以底成功當仍令祁珣萬世德經營長計假以三年之期必倭警永息虜喘全消然後徐議釋兵振旅告成凱旋六議明賞罰以作士氣勿以倭退驟從寬假使中路前失事諸將更得倖生馬將來壞法者之藉七議却虛文以圖實效令督撫將領等官凡兵馬火器以及操練之務悉增修實事種種堪用乃稱武備疏下兵部○戊寅先是松山恢復撫臣田樂善後一疏如所稱將領軍兵挑募餉費只須隨地改撥就彼那移不溢成額不煩內帑當使莊浪蘭靖無梗咽剝膚之憂關隴安會無門庭室與之警屯守軍民獲耕種熙採之利海套諸虜無勾結闖越之虞是宜舉而行之不待時矣但疏末又謂事關兩鎮仍俟陝西撫臣查議可否應修有無窒礙裁奪而撫臣李汝亦謂河東蘭靖事體微異尚厝畫未定宜稍待之於是

兵科張輔之等奏言宰寮阿允諸虜未嘗一日忘松山也今秋畏威便傾巢而去明秋寇孽便捲帳復來及今不圖其害有所必至者諸臣既為國家恢復淪失之上宇必為國家深維長久之至計第恐口頰易囁流光輕擲嚴限責成不無仰藉 明旨之申飭耳章下兵部○己卯以虜衆內附詔復蕭大亨太子太保王世揚陞右都御史俱管事如故仍各賞銀幣給與誥命梅國禎王象乾魏允貞俱各陞一子入監讀書仍各賞銀幣麻承恩萬世德萬象春徐三畏黃嘉善等各陞皆有差○庚辰大學士趙志臯奏辨給事中姚文蔚疏謂東事始終 聖明獨斷孤臣累遭疑謗乞賜昭察放歸 上曰卿有疾宜專指善養何為復因人言搆思極辨科臣前跪朕因關係軍國大事故令會議倚毗已久豈有疑于卿哉臣一節善諉部不必會議卿宜安心

詞攝早愈入閣輔理所辭不允。○兵部覆總督邢玠餘倭蕩平報。上曰覽奏朝鮮南海餘倭悉皆蕩絕東征始收完局此乃皇天助順俾朕得行誅暴之義興繼之仁連年東顧之懷朕方慰釋邢玠先賞銀一百兩大紅紵絲蟒衣一襲萬世德賞銀八十兩大紅紵絲飛魚一襲文武將士功次著上紫敘來念其遠征久勞許其從寬擬敘咸使沾被慶典。○辛巳歲暮行大裕禮于太廟遣侯陳良弼代。○以明日正旦遣侯張炳等伯方澤等分祭九陵。

明神宗顯皇帝實錄卷之三百三十

萬曆二十七年正月壬午朔免朝賀輔臣趙志皋沈一貫詣宮門行禮賜上尊珍饌。丙戌命吏部會同都察院考察京官從公覈別勿拘舊數。戊子兩淮稅監魯保奏有私販匿課益商孟養志等乞重加罰治兩淮鹽課正股之外乞許行存積鹽引歲進銀十二萬兩從之。革兩淮鹽運司副使丁偕為民以魯保忝其抗違改也。兵部覆經畧那玠塘報前霞築洋之戰生擒倭將一名詭稱石曼子部下茲譯審倭閩白心腹大總帥平正成乞改正以彰示四夷從之。庚寅改新陞廣東左布政使曹時聘為湖廣左布政使兼副使仍管蘇松兵備事其新補蘇松兵備魯在泮改河南右叅政。戶部言遵求全復海蓋四衝節年通欠草豆等銀請限三千帶做以十分為率同見千錢糧

做解不及數者管屯及堂印官分別查奏從之。戶科都給事中包見捷等疏奏稅監馬堂劉忠魯保等不報。浙江撫按以金衢寧紹台五府災議留應解南京糧銀及減做折色以蘇民困南京戶部執奏不從。南京句容等十五縣災戶部覆議災重者改做折色有差輕者仍做本色其未立芝麻等項共祀陵廟之用不得改折報可。兵部覆甘肅巡撫田樂所陳松山善後事宜以為松山界在河之東西而甘固實同唇齒且首倡迅掃蘇甘鎮集劍之威因而蕩平又藉因鎮協助之力間拓不易保守尤難議于松山自東徂西四百餘里築塼濬壕設墩置戍將扒沙營蘆塘川各添添將一員阿壩嶺紅水河各設守備一員裴家營土門兒蘆塘湖各設防守一員即以涼莊守備孫龍量陞遊擊管扒沙泰將事其餘將官酌量推補所需兵餉及

工資在河西省如議派支在河東及雙墩以果聽撫臣的議奏請舉行茲與河西輔車相倚共國保障臣將修過工程用過錢糧及督工效勞員役分別勤惰造冊送部查考其中如有河東事體不便及河西有措餘錢糧可以動支協濟河東之所不及者俱聽督臣從長調濟期于成功報可 辛卯以立春令節賜二輔臣上尊珍饈。邊東三島連海鉅嶺等衛同日地震。癸巳陞霸州兵備道左叅政顧雲程為山東按察使管束平道兵備事。甲午吏部言 聖明德意宜廣人材竊素堪憐乞分別錄用降斥諸臣以慰人心不報。丁酉大學士趙志昇等題皇長子講讀喜經已完臣等竊惟學必溫故乃能知新喜經一書乃齊治均平之大法擬以此書再行溫講庶免尋繹涵泳以爲家學之功者不淺 上命續講禮記其喜經間日溫習。遣

內官高米徵稅於京口關暨祿徵稅于儀真聽千戶鄭一錕百戶馬承恩之奏也。戊戌大學士沈一貫題臣惟我朝軍國錢糧絲毫皆出于江南今江南疲敝之極而又荒歉頻仍小民嗷嗷思亂甚可寒心况儀真與京口一江之隔不過一二里地豈有可以兩稅之理伏令內官與外官政務紛雜稅使奸黨肆恣橫征尚旅不行農民重困南京根本之地與國家財賦之區用此動搖也 上曰朕以運干任討庫藏匱竭且殷工典禮方殷若非設處財用安忍加派小民所奏兩處地方不違量免京口一差京口關已免差遣儀真縣寺處婦前旨行一員疏謝且言今國計告誑 皇上不忍加派于小民而欲取足于尚稅誠不得已之心也但財計惟用兵為不可料算今象氛淨息以後殷工典禮惟在 聖心何如 聖心若加體惠而容所司次第料

酌不致浮浪數年之內就緒何難似不必過為預憂也在昔  
皇祖時亦有工作亦有典禮亦嘗用兵而未嘗憂財之不足則  
亦付之所司而委任之于始責成之于終耳 皇上惟法 祖  
儀行天下幸甚。戶科部給事中包先捷給事中郝敬等交章  
乞正鄭一麟馬永恩之罪得高宗暨祿之違不報。是時陳增  
許奏吳宗光寄送贓私詞連青州一府官僚旁引商民吳特奉  
寺叅婦播沒至奉旨逮究改役上言宗亮以小吏強且自違罪  
誠有之今既被之筮楚幽之囹圄不啻足矣而增復羅織不已  
必欲播其家連其妻孥鄰里執人其心一何狠也考之律例所  
謂播沒者惟亂臣賊子大逆不道偶一施之是五刑之極條也  
陛下數年以來所播沒罪人多矣大抵皆起於仇家之讐告  
而無大辜皆稅限烏有之空名而無實數奸人借以紆不平之



恨而使 陛下垂不夫之名臣竊腐之夫天子四海為家所少  
非財今內帑之財不為不多乃內帑不足取諸皇店皇店不足  
取諸開礦開礦不足取諸抽稅抽稅不足取之費鹽賣鹽不足  
取諸籍沒至于籍沒斯極已是孟軻所謂殺人以求之也一之  
為甚及率為常古稱貨悖而入者亦悖而出又曰財聚則民散  
臣愚觀其入則慮其所以出也見其聚則憂其所以散也伏願  
陛下杜告訐之門革聚斂之風特陳增所奏速行停後如欲  
直勸量從公平毋聽增假錄傳會之詞使宗室一家之災更為  
東南萬家之係 上不納。庚子吏部文選司主事魏可簡以  
錄來從役不敷降一級調用。戶部尚書楊俊民等言魯保所  
奏先年運沒淹浦廢引加罰銀兩併議開存積業奉 明旨臣  
何敢更濟第 明旨直沒官積並而存積非沒官也 明旨恐

虧正課而存積卽正課也蓋准監原額十七餘萬引正統以來  
節定七分常股為逐年開中之數三分存積備邊糧急缺之需  
後因疆場多故不論常股存積一槩召中以致監法遂壅乃九  
邊額餉又不可一日緩者改于存積三分俟而議停俟而議開  
逆者東征加餉又協濟大工等費增至引二十餘萬僅有存積  
前何以增既無存積今何以開缺于額內歲取八萬引則歲虧  
正額八萬欲于額外歲加八萬引則歲壅正引八萬必然之理  
也至于邊沒淹消廢引一十六萬有奇曾經臣部查議每引召  
尚納價五錢共銀八萬餘兩助工仍納餘銀共一十萬九千餘  
兩濟邊免輕行巡監御史駁議數次非自魯保今日始查出者  
伏望將魯保詰問存積及廢引罰銀仍令會巡監御史虛心確  
核回奏 上令行文著魯保及巡監御史會置具奏不許偏執

欺隱。兵部覆兵科右給事中桂有根所陳東征善後七議一  
議設防守以弭再犯查得釜山机張西生一帶最稱要害為倭  
來必爭之地宜乘今責成朝鮮因險修築屯兵扼守與閩山南  
海等處相為聯絡尤宜禁約鮮人嗣后不得片帆入海以杜勾  
引之奸二議分兵馬以收全功查得釜山去南原不遠釜山與  
閩山南海既守則倭自不能登岸第恐鮮人被倭脅戮以來人  
懷畏懼不能支持我之舟師似宜仍留精銳與之協防以次漸  
撤而陸路亦酌留慣戰勁兵用備策應但不得過多致入情物  
力各有所妨三議清糧餉以裕軍需查得東征兵馬隨軍糧餉  
有詐巨與會勘科道稽查覆覈聽具聞報至于海上帶運糧米  
其間有無虛冒仍當令天津山東各巡撫會查的數具奏與夫  
留兵應餉本折作何議處合行總督衙門確議施行四議去冗

官以規首便除裁革天津巡撫先經吏部議覆外至經理撫臣原馮朝鮮而設善後事宜乃其專責自當留任以終其局若經略督臣之違任王京祇因奉旨暫代撫臣料理今撫臣已至仍合回鎮所有文武將吏應撤者盡行撤回應推用者查缺推補悉聽督臣區畫妥當而行五議久責任以底成功查得狡倭雖云逃歸而殘屬尚費豎頸經理撫臣委當假以便宜需以特日俾與朝鮮君臣備將一切修守防禦休息生養之策細加尚確以圖輕違其留任久近一視事體緩急藩屬使否似難預定六議明賞罰以作士氣查得東征以來所有軍前一二懦弁已經正法處分惟重一死失律喪師之罪彭信古右營失事之首先在義實確議應再行催蚤報孫得情罪之當以申軍紀至于賞不踰時尤為激勸要視况蕩平之句已先擒賊之功願懇應移

文各該衙門速議施行七議却虛文以圖實效任氣雖息忘戰則危科臣責實之議自是經常之道應行督撫申飭所有留防朝鮮及遼陽等處兼應水陸之兵士欲選馬欲良舟揖欲堅固火器器械欲備修與夫操練演習之法俱乘暇從實舉行有虛冒糜費者聽科臣奏劾詔如議。辛丑以災傷免山西夏隸等州縣秋糧有差其太原左衛等七糧改折以被災輕重為準。壬寅吏部尚書李戴都察院左都御史溫純等各自陳乞罷不允。敕靈州安定堡之功賚陝西總督李汶銀幣及巡撫楊時周光弼總兵劉承嗣副使王道增各白金有差。兵部覆科臣張輔之奏言頃者甘肅巡撫田樂所陳松山吾後事宜素奉明旨以及特修守青威當事第恐河東之議未定致河西之議難行萬一松虜窺覷重未拓疆之功或同盡餅乞申飭使中丞

將分畫河東事宜。查照部覆一面酌舉一面具奏。勿各待空論。致稽全積。上然之。癸卯大學士趙志阜自陳乞罷優詔留之。吏部左侍郎裴應章部察院左副都御史郭惟賢左僉都御史陳薦各自陳乞罷不允。降巡按陝西監察御史許閏造一級調極邊用。閏造上言頃者首輔趙志阜以老疾杜門。沈一貫以人言求去。政本重地。閩署覈空。遂至姦邪竊弄。旁若無人。因論政本潛移者三事。其一謂戶部侍郎張養蒙圖竊政。推堅辭餉務。兵部侍郎李預背公植黨。陽托條陳之名。陰為養蒙之地。其二謂工部侍郎徐作國子監祭酒劉應秋。身居官立朝。臣不與知。而與去輔張位同鄉。是則何罪。祇因蹤跡往來。遂爾誅連。斥竄吏部侍郎裴應章。明知諸臣無辜。而畏譚鋒。毋於畏。陛下側身曰。顧吳懷。賄辜遂使太阿之柄。從中陰竊。而不

覺其一謂吏部三事洪其道疏辯寬枉裙襖枝蔓實錄魏允中  
呂坤請臣欲明今日之誣兼為他日之地噤口論列傲然無慚  
凡此皆政柄潛移之漸也疏奏吏科右給事中程紹言聞造大  
指在扶臆部以避考察重相推以媚政府參張養蒙等而附會  
張位徐作劇應秋變白馬黑肺肝如見乞特賜罷斥上以聞  
造牽連及覆排陷臣寮故降之。陞陝西行太僕寺卿魚按察  
司僉事韓紹雲南僉事鄧原岳山東右布政使黃克纘浙江管  
屯兼水利道林汝詔江西副使朱三聘陝西叅政徐秉正南京  
國子監司業傅新德順天府丞喬壁星陝西分巡西寧道黃嘉  
善山東副使邊有猷陞禮科都給事中郭如星吏科左給事中  
程紹戶科左給事中李應策刑科左給事中楊應文河南道監  
察御史崔景榮福建道監察御史方大美光祿寺少卿馮渠調

南京大理寺左寺正曹學佺復除太僕寺丞曹鑰陞雲南左布  
政使趙從調福建副使包應登復除副使尤錫類陞晉郎中四  
員董國光劉三才戶部郭之幹刑部顧雲鳳工部陞員外九員  
王編禮部張興可王志遠戶部何子孟段猷頭兵部朱象法度  
廷選工部張大李朱芥刑部陞主事十一員吳士瑞劉啟先廖  
如龍揚武烈揚撰俱戶部徐希孟禮部張宇方學龍王承欽俱  
刑部蕭椿工部蘇兆民南京戶部陞知府三員陸化淳浙江金  
華徐克羊湖廣荆州黃光懋浙江湖州先是吏部屢催留中至  
是復請乃用之。甲辰原任甘肅巡撫田樂以甘鎮勦虜功進  
太子太保加原銜一級仍賚銀幣樂奏辭陞銜不允。乙巳大  
學士沈一貫自陳乞罷優詔留之。丙午禮科左給事中羅棟  
題旨尋見 皇上道示問臣因簡閱道併二歲而恰 祖宗朝



皆務以仁慈清靜為理慨然嘉與海宇臣民同歸善道無為而治此一念也積而充之克弊之治可臻矣臣等猶不能無言者蓋以皇上意念初動可引而至於無為猶慮皇上意念不純又馳而入於有為夫天下生一事不如省一事武宗朝各省有內臣鎮守世廟在藩邸日稔聞其為地方之害一旦去之不疑至今頃中興功德者必首及此事皇上母事法祖頃以大工浩費內帑匱乏羣小乘機爭言利事風聞獻礦者且遠及於美洲獻稅者且近及於九門矣據臂接踵相牽引皇上禁勿使費官而彼之供億浩繁費官錢特甚皇上禁勿使擾民而彼之誅求苛急擾民生特甚今天下在在騷騷謂之安靜可乎伏願皇上于萬几之暇簡閱二藏悟道家要指不過以清虛無欲為戒佛家要指不過以苦空去慾為教則津津言

利者不足以熒惑 聖聽紛紜痛民者率至於同歸善道無為  
之化可致而太平之烈益充矣 上曰朕以國家浩費不思加  
派小民故為接濟之計所奏已悉。兵部贊畫主事丁應泰疏  
論魏督邢珍等賂倭賣國尚書蕭大亨與科道張輔之姚文蔚  
等朋謀欺罔又言朝鮮陰結日本援海東記與爭洲事為証語  
多不根 上寢其奏不下。丁未命山西巡撫魏允貞照舊供  
職允貞以父老乞終養疏至十上部覆留之。尋甘肅總兵達  
雲保四月降西寧兵備副使劉敏寬一級仍舊管事都司余世  
威行巡按御史提問先是海虜犯西寧碑亡恭將趙希雲等御  
史許聞造以聞乞將違害等輕重議罪兵部覆議從之。大學  
士沈一貫奏近日朝鮮贊畫丁應泰有疏詆切東事巨惟求倭  
歲難已經七年一旦蕩平一則 天地 祖宗默祐國家無疆

之大福一則 皇上智勇天錫獨斷不搖之大功然而十萬將士披堅執銳萬里遠征其勞不可泯也若據秦股倭賣國則將士皆當有罪不得言功矣此十萬人者久勞于外瞻望恩澤如農之望有秋也一旦失其所望而又加之以罪竊恐人心忿怒不可強制萬一激變烏獲是一倭去而一倭生損國威重亦不可知股倭事情臣豈敢懸斷其有無顧思屢旨責成惟取蕩平既已蕩平當從公論卽應奉之能激勵將士亦是一功所宜同錄古稱功疑從重罪疑從輕此聖王治天下之要道今日之事似宜務從寬厚溥加恩澤以慰士卒久勞之心以平各官相持之情若牽連無已恐致誤國不報。庚戌賜 皇第九女名軒。河南道御史中應元疏言近日倉推之失以馮 祖宗立法會推者何也益用人本爲吏部職掌惟以大臣責任既重難

容私擬于是請旨下部會九卿科道于廷合公議而商求至當  
非徒憑衆舉而漫無主裁也乃近日會推殊異于是九卿科道  
既集該部置一簿于案九卿以次各將所舉姓名書于簿內科  
道以次畫題該部遂據而題清矣舉者自舉曾無片言尚及可  
否謂之各推可也恐非所以言會推也題者隨題不敢一字問  
其是非謂之騰錄可也恐非所以言吏部會推也頃該吏部申  
明欽奉 明旨既以專職歸吏部而許其詳加斟酌品第更以  
彈劾責科道而令其從實糾正不容徇私欺罔大哉 皇言至  
矣蓋矢 臣愚及覆思之切謂卽如 明旨所稱用人原係卿部  
專職則其責難以他委其綜核須極精確與別部泛泛者不同  
但如往者該部預先獨定而止臨時與衆說知其于會議委有  
不置合無今後會推責令該部先將才望素著資俸相應之人

備詳履歷間具一平待九卿科道既集卽以單開應推之人公  
同九卿逐一商確某也可某也不可某也堪正某也堪倍衆議  
僉舉部又從而斟酌品第之務協至當然後以姓名登簿持示  
科道諸臣絕無間言然後以次畫題除奉旨多推數員者不妨  
量爲多擬其餘止擬一正一陪不必榮多致起濫端如是則在  
部得盡其專職而不得徇徇一己之私在與推各官得各盡其  
聞見不得各徇一己之私既盡會同之義兼收各舉之實夫是  
之謂至公夫是之謂至當不然止憑衆舉而漫無主裁其弊且  
有不可言者疏上留中。遼東三萬遼海二衛及中固城地震

明神宗顯皇帝實錄卷之三十三

明神宗顯皇帝實錄卷之三百三十一

萬曆二十七年二月辛亥朔大學士趙志皋六疏乞休溫吉慰  
留仍令鴻臚寺官宣諭。太子太保戶部尚書楊俊民工部尚  
書楊一魁刑部尚書蕭大亨日講官禮部署部事左侍郎余繼  
登各自陳乞罷。上俱優詔留之。戶部右侍郎張養蒙總督  
倉場右侍郎趙世卿掌翰林院事禮部右侍郎教習庶吉士曾  
朝節禮部右侍郎朱國祚兵部右侍郎王世揚刑部右侍郎董  
孫工部右侍郎姚繼可戶部左侍郎陳藻等通政使范嵩太僕  
寺卿劉四科太常寺卿鄭國士光祿寺卿孫燁國子監祭酒方  
從哲順天府府尹萬自約等先後各自陳乞罷俱不允。朝鮮  
監軍御史陳效奏掛東事。上命科臣一併勘報。壬子以百  
戶張宗仁奏復置浙江省船運內官劉成徵收稅課。戶部言

各省直稅契帶做節省積餘各項銀兩屢催未報卽報解之數  
又多未盡觀望依違何以紓燃眉之急乞 天語叮呼及該按  
臣嚴督有司清查勒限解部以濟大工 上命有仍前怠玩者  
指名叅奏 河南天鼓鳴○魯王壽鎰奏庶人壽鋹聽妾弑母  
法難輕貸鄧象院以閭乞行山東撫按勘明具奏從之○朝鮮  
王李松奏辨丁應泰疏大畧謂小邦服事之義天下所知正統  
癸亥迄嘉靖癸未癸丑丙辰等年俱獲人犯之倭節次獻俘屢  
蒙獎賞此皆小邦竭心殫力以效藩屏之職者也惟小邦不幸  
與倭馬郡歲馬邊患對馬一島迫近于我遂因其納款許其往  
來初來之時寓于薺浦釜山浦監浦等地所以有三浦倭戶之  
說也至正統庚午戕殺僉使李友曾小邦遂遣將勦滅自後絕  
不許居島三浦之無倭戶今已八十九年乃今謂小邦于萬曆

二十年令世居倭戶招諸倭同犯言之不近人情乃至於此至於海東記乃正統年間因其未使遣內陪臣申叔舟往日本通諭驗察彼中情形得其國風俗世系地圖遂因其本葉附以小邦館侍事例作爲一冊以爲異國奇聞而今乃以覆誣之斷簡作爲陷人之奇貨招撫流聞捏造虛辭亦已甚矣若所謂夾江中洲者與小邦義洲只隔一水彼此人民交通貿易恐惹事端故嘉靖年間移咨秦閩立碑禁約小邦不曾與違民爭訟而乃云爭訟都司不曾以此事斷來而卻說斷來至曰招倭同犯奪取遼河以東恢復舊土言之固極至於是乎所自憐者臣守義拒賊矢死不變罹此喪敗而終以引賊天君受誣臣謹奉天朝一遵法制而終以不受正朔受誣巨期滅傲賊義不共戴而終以交通倭賊受誣巨場誠據忠聞陳無隱而終以結黨朋欺



受誣使先戶二百年事 上之誠至戶身而都喪環東土數十  
里淪為禽獸之區縱使僻賦盡滅疆土盡復惡名在身持此安  
歸伏願 聖明將戶所奏特下公庭查辯 上命兵部會廷臣  
看議以聞。監察御史于永清奏辯丁應泰跡以馬方倭之據  
朝鮮也寧獨朝鮮危在旦夕既我兵既集尚凜凜然懼也此非  
救大拯溺同心並濟時乎乃丁應泰請勸朝鮮之疏至矣戶愚  
不識忘諱謂勸之是疑之也疑之則朝鮮懼而倭奴色喜是助  
倭也臣于是有免勸朝鮮之請迨中軍失利三路尚可支也乃  
元輔倡撤兵之說臣愚不識忘諱謂圖之七年素之一旦前功  
盡廢後患誰擔且事在海外議在朝堂是耳諱也臣是以有軍  
國執宜不可懸斷之請臣今兩跡具在果為蕭太子耶訐計耶  
為國家計耶應泰既據諸將之囊橐而擊其肘復造不報之危

謗而搖其心倭未退則曰我軍有罪倭既退則曰我軍無功甚  
至割肩割髮百計陵轢恐不激變不止也惟 皇上洞燭奸謀  
無隙已成之美棄跡下部議。丙戌通政使司左通政徐申大  
理寺左少卿甘士价右少卿李三才太常寺少卿南企仲太僕  
寺卿王守素林垵陳應芳鴻臚寺卿攷揀順天府丞喬望呈制  
勅房辦事太常寺少卿馬繼文寺自陳各令照舊供職惟右通  
政屈燭調外任從吏部覆也。丁巳順天巡撫李順自陳乞罷  
不允 直隸常熟縣地震。祭 先師孔子遣侍郎劉元震行  
禮。戊午祭 太社 太稷遣奉寧侯陳良弼代。吏科部給  
事中趙完望等言刑科印誌已久乞命部給事中侯慶遠復職  
上以完望等言結黨奪完望俸二月餘各一月侯慶遠著  
卹復具奏。兵部集廷臣會議東事皆言朝鮮世為忠貞無背

國通倭之理乞免行查勘仍發賜勅諭以安其心。戶部右侍郎張養蒙辯許間造跡且乞罷。上諭令供職。吏科部報事中趙完望等河南等道掌道事監察御史趙士登等糾劾原任協理成政右都御史沈思孝原任絳魯宋應昌兵部左侍郎許手遠原任國子監祭酒劉應秋蕭良有通政使田惠南京禮部尚書王弘誨巡撫貴州僉都御史江東之巡撫四川僉都御史譚希思原任總督兩廣右都御史兼兵部侍郎陳大科原任兵部左侍郎協理京營戎政李春先原任巡撫寧夏右副都御史朱正色等各溺職奉旨許手遠王弘誨留用譚希思調南京別衙門用沈思孝仍舊調理李春先陳大科在籍聽用江東之蕭良有朱正色著致仕宋應昌劉應秋田惠冠帶閑住。以年例陞翰林院編修董其昌為湖廣副使給事中劉餘澤為陝西僉

事御史汪先岸爲四川僉事。以千戶陳保奏遣內官李鳳聞  
採雷州等處珠池魚徵市舶司稅課。命湖廣守備內官會同  
撫按查千戶韋彥麟所奏荊州府辛勅忠店稅。命工部行文  
蘇杭織造內監娼伙裁定數目織解合用段足其工料錢糧者  
戶工二部通融計處先年得造未完者暫行停緩俟今次傳派  
通完之日娼數補解。己未戶部言該庫所貯贖物自萬曆十  
五年折放之後新舊相仍積貯頗多科道臣陳維春李光輝會  
同郎中劉昶等詣庫估驗共估銀一十四萬一千四百五十六  
兩四錢每銀一兩折鈔三百五十員造冊到司乞娼向行事例  
折放文武官員俸鈔詔可。庚申大學士沈一貫題謹按浙江  
市舶司在寧波府戶寧波人也備知其詳建置之時因日本番  
船進貢而設有內官監一人文職提舉官一人嘉靖初裁革內

監後因倭亂貢絕并裁提舉官今倭奴久已絕貢無市無船定  
海一關不過本地魚船及近境商船出入軍門訛奏非常因而  
稅之尤抵不過千兩忠元兵餉之需利甚薄也一設市船尚不  
足以充本監公費又安得取盈而 上供既不足于 上供勢  
必通搜各府巧征橫索祈免 皇上之譴責不顧小民之怨咨  
恐利未得而徒壞朝命奪國體也乞收回成命不報。工部左  
侍郎趙可傑南京兵部右侍郎今陞兵部左侍郎許孚遠俱自  
陳乞罷不允。巡撫陝西賈待問進追過犯杜達特等益奉  
銀共一萬一千三百兩逢特等即揚新方所許奏已故尚書楊  
兆家人也。命京城報到淑女侍八府報到之日一併差官刷  
選 遼東三萬遼海二衛及清陽堡同日地震。惡慶宮修理  
興工遣工部尚書楊一魁祭告 后土之神。遼東總兵李如

梅華任四衛揚紹先劉仲文等行巡按御史從問具奏兵部覆  
奉其擁兵恣戰貽害地方故也。○南京都察院右都御史趙煥  
等奏南道御史額設三十九員今見任只有二員缺人發事乞  
勅下部院考選之特於南道多擬數員仍卽起補原任服闋王  
藩臣朱吾弼蕭如松等三員以濟急用。上可其奏。○辛酉吏  
部覆科道剏孤原任戶部郎中張似良禮部郎中曾鳳儀兵部  
主事趙世德原任工部郎中賀盛瑞等各溺職奉旨似良冠帶  
閑住盛瑞等俱降一級調外任用。○刑部尚書蕭大亨奏辯丁  
應泰跡言應泰知求伏乎已忿而不思。皇上宵旰七年之憂  
知肆怒于諸臣而不思。皇上獨斷乃威之效且臣嘗兵部奉  
明旨以宣諭督撫戰守賞罰自有。聖斷臣何能與止因臣  
與卞珣同鄉忘臣署事璜臣與科道打入一網以爲黨與而奪

聖聽臣不足惜國家之大體當惜督撫之功不必欽而將士之勞苦當欽計倭賊遁已近兩月軍士暴露尚無歸期皆以應奉撓擾既不欽其功及加其罪不知死者膏於草野生者不復寸功何以服數萬軍心何以令外夷威服且遲一月則費餉不止數萬夫其心將來何以用人此皆有關於國家之大者臣不敢不言 上曰朕念將士辛苦屢旨催欽功次何為多生煩言自古功疑惟重罪疑惟輕朕今奉酌事理獨斷于心其令從優欽錄不必苛詰以示朕慶賞德意。原任甘肅巡撫今陞兵部尚書田樂以京察自陳乞罷不允。戶部上言東事已平財用宜有乞勅督撫諸臣從長計議見在兵馬或留或撤留兵勇餉或朝鮮全出或中國量助務盡萬全之策 上命該總督經畧定議以聞。 恭仁康定景皇帝忘夙遠東事伯焦夢熊祀

陵後。東征勅科徐觀潤疏辨果事。上曰：佞氣蕩平，宜致功。次以慰將士血戰之心，爾原奉直，勅宜秉公，持正仰體朝廷寬恤之意，勿得苛求。事竣，即回。仍令督撫會議善後事宜。丞班師以省勞費。○壬戌，戶部尚書楊俊民言恭覲。皇長子睿質克茂。諸皇子振振長成，冠婚之儀，罔五分封之典，舉行有期。一應珠寶買辦等費，當預為區畫，頗典禮隆重。若苟且應之，心實不取。財用匱乏，欲急遽辦之，勢又不能伏望。皇上垂萬世之令規，永懷儉德，憫一特之浩費，特假寬恩，查焙工部錢糧分別緩急陸續辦進。上令如數亟辦，以濟應用，不可怠玩。○癸亥，命刑部、兵部、禮部、儀制司、郎中包漸林以原官兼司經局正字，同馬維文輪寫講章。遣戶部侍郎趙世卿致祭于京師太倉之神。甲子，總督三邊太子太傅兵部尚書兼都察院左



副都御史李汝總督劇違輕畧禦倭兵部尚書兼都察院右副都御史那珮各自陳乞罷不允。賜原任南京刑部右侍郎李江卷二壇造墳安葬妻徐氏高氏唐氏并補江以先巡撫屢欽軍功故加祭一壇。乙丑總督宣大山山西等處地方軍務兼理糧餉兵部右侍郎兼都察院右僉都御史梅國禎自陳乞罷不允。戶科給事中包見捷等乞罷諸道稅使之遺正陳保張宗仁等之罪不報。戶部尚書楊汝民等疏論間採推店及市舶之害乞報罷不聽。丙寅奪副鎮管糧郎中胡三省俸二月以初書勅合遭火故也。丁卯定國公徐文壁等會議言東事既兩奉明旨切疑惟重罪疑惟輕著從優敘錄不必苛詰仰覓或皇上明先萬里國是已定人心翕服臣等即欲再議豈能出于聖斷之外或乞初兵部移文督撫諸臣應議者速議應

行者徑行孫仰副 皇上息勞省費德意 上曰丁應泰說賄  
倭邊兵自可理斷七年狂寇豈五千金能買其退敗軍國大事  
府部多官會議如何以數言覆奏了事昨獲那珍萬世德跡其  
再會同詳議以聞。戊辰文學士趙志昂七疏乞休溫旨慰留  
之。南京禮部尚書王弘誨戶部尚書張孟男右都御史趙煥  
各自陳乞罷 上俱勉以用心供職。南京吏部右侍郎李廷  
机刑部右侍郎王基原任大理寺卿今陞工部右侍郎沈應文  
通政使司通政使楊時喬等俱自陳乞罷不允。保定巡撫今  
陞南京兵部右侍郎李盛春自陳著致仕。南京刑部尚書趙  
參魯考滿復任自陳乞罷今復任供職。設市舶于福建連內  
監高宗帶管礦務。遣內監楊榮開礦雲南陳泰做荊州店稅  
陳增做山東林步等處店稅及馬足土產孫隆帶做蘇松等府

稅課魯坤帶做河南孫朝徵稅山西是特詣舟馮綱等望風言  
利皆朝奏夕可其所遣稅監皆其所薦也。戶部覆保定巡撫  
李盛春題稱河南山東二省協濟直隸河間真定二府軍士麥  
米布花價銀或完或通乞將已完者各掌印官移咨吏部紀錄  
未完者行令嚴限督催從之。遼南康府知府吳寶秀呈子新  
知縣吳一元巡簡程資赴京究問特稅監李道於湖口激變目  
忝寶秀等明謀阻稅。上命逮之仍調臨江府知府顧起淹一  
叙。工部覆四川撫按題稱三殿木料二運之木業已採就在  
未奉旨停折之先工費錢糧不可名狀乞俯念蜀民之苦重索  
已集之材自三號而下估矧先午事例通融折筭仍乞顯派役  
夫以恤民力。上命已採集者姑許折筭以復務責令依式採  
運不得仍前藉口以誤工作其派役民人聽候宜行。工部部

給事中韓學信言殿工典禮方殷一切帶造傳辦乞罷罷以  
惜物力又言自閩採徵稅以來皆以助工濟用而名乃內府之  
得宜有增無減而外地之征輸有人無出竊意陛下有此積  
聚不用之於宮殿不用之於諸皇子將焉用之不報。己己  
南京太僕寺卿游應乾應天府尹熊惟學太僕寺卿鄭維之先  
拜寺卿陳洙各自陳乞罷供令昭舊供職。史料給事中陳維  
春疏論丁應泰黨侵覬國乞亟處以安軍情先是平秀吉死子  
幼國亂清正等焚營遁歸我兵未其後頗有斬獲因大張功伐  
乃應泰既以賂倭詆諸將維春又以黨倭詆應泰嘻亦甚矣。  
工部題稱皇長子婚禮并冊立分封在逆合用各邑行絲紗羅  
等項請蒞花式長潤式樣分派常鎮徽寧揚州及福建等處昭  
數織造不許延緩。上可其奏仍命各該撫按嚴督司府織造

立限解進。○辛未戶部覆山東撫臣題稱魚磾二處挑河占地虧欠額糧往將東平汶上所徵湖租抵補後因南莊四湖築堤蓄水地寡租徵難責供輸今議將前三年無地通糧悉許蠲免以後魚磾東汶四州縣各埽地呈均攤庶免國賦可完民若無累上許之。○周府宗犯文亨以避父逃罪潛入京師為捕官緝獲命送周府問擬具奏仍成各王府鈐束宗人毋縱容遊蕩以干法紀。○以災傷蠲順天永平二府所屬州縣屯衛節年通糧仍以輕重徵本折有差其地方災重口命有司彙稟量賑以予朝廷軫念窮黎且意。○賜原任太子太保南京工部尚書葉夢熊妻氏一壇開礦合葬。○兵部奏衙門蕭大亨等會議旨諸臣奏詳督撫二疏大都以國體軍情為重竣事班師為急臣等猶謂主事丁應泰往平初疏非虛無因其在平今

聖執求勝之私意遂致罪穢之太苛將士既已離心屬國復而  
滋懼倉卒馳歸殊駭觀聽諸臣謂其損傷國體臣等亦以爲然  
或令回籍或令回京仰聽 聖明處分其勸科徐觀濶宜令會  
同監軍御史陳效各求虛公從公確議馳奏還朝方而不負特  
遣其九月以後四路功罪與夫善後留撤兵將事宜供應嚴行  
督撫監軍等官速而勸處毋徒滋議以致虛糜王旅朝鮮陪臣  
遠巡恐懼待命日久乞降勅馳慰王心俾恍然告戒國人共仰  
皇上日月之明舉國安心共圖善後庶免於始終字小大義  
稱完苟矣 上曰國體軍情皆朝廷大事朕豈以小臣私忿妄  
許不念將士久戍勞苦與屬國軍民泣額苦情丁應泰舉動乖  
謬免談大事姑令回籍聽勸徐觀濶奉有專命還赴王京會勸  
孫須臾公持正以稱任仗一面行督撫詳列四路功罪善後留

撤事宜呈夜馳奏朝鮮王你部裏移咨慈諭俾知朕始終字小  
德意仍令戒諭國人益堅恭順之節。刑科左給事中楊應文  
等言吳寶秀吳一元等皆 皇上所托以惠養一方民命者罪  
狀未按軌據一人平詞令之因首就驚寶秀等卽不足惜恐四  
方守令聞風解體相與畏罪偷安彼林林總總之衆何所倚命  
天下自此多事矣望將李道所奏事情勅下撫按從公查勘不  
報。命翰林院編修黃禪充 皇長子講官仍與講官劉日寧  
俱陞右春坊右中允兼翰林院編修供事刑部房辦事鴻臚寺  
署丞羅萬美兼翰林院侍書充 皇長子侍書官。陞太僕寺  
少卿王守素為右通政山東右叅議邢雲路為陝西副使福建  
運使周裔先為甘肅行太僕寺卿湖廣副使馬崇謙為山東右  
叅政戶部郎中董國光為陝西副使戶部郎中劉三才工部郎

中康夢相俱馬四川右奉議魚食事。南京國子監祭酒郭正域在籍自陳乞罷命赴任供職。戶部題履應人撫按拘借各項缺兩以充改價其已借支萬曆十年絹布等銀准其開銷其二十五六年草米鹽鈔等銀焙數徵斛袍價不敷另行設處毋虧正供。上從之。甲戌大學士沈一貫題近日揚應龍肆害三省撫按告急乞九部議改四川巡撫馬總督魚轄川貢湖廣三省以一事權仍促部會推刻期赴任。陞廣東右布政使按淳馮雲南左布政使。命皇莊地土果樹煤窰俱歸上林苑監管業徵收欺隱者坐之從御馬太監張隆之請也。遣內監五來雲督原奏十戶翟應恭等徵稅開礦于四川梁永督原奏十戶樂綱等徵稅于陝西。詔任倭總兵劉綎以所部土漢官兵還四川防勦提督如故以前戰功及今次撤疾事宜命督撫詳



如議處以聞。乙亥兵部覆點撫江東之議請令川湖各扼要害以爲犄角滇省那移缺兩以備募實所奏都司舒文俊等革任回銜所舉王納忠調補貴州都司僉善鎮守涇潭揚惟中並加都司職銜煇舊管事。上是其議仍中飭各官不許玩愒。丙子原任南京刑部右侍郎今陞刑部左侍郎謝杰自陳乞罷不允。遣御馬監奉御潘相督理江西麓殿令管理珠池內監李欽帶管廣東礦稅。丁丑春分節祭。大明于朝日壇遣侯陳良弼代。大學士沈一貫題。伏見皇上聖明睿智動符帝王竊以爲堯舜咸康于今復覩而乃馬羣小所中競聞利端日道中仗四出較釋不絕至于上激寔怒違繫守臣列焰益張表謀愈逞。盛明之朝豈宜有此自古財賦之計未有不與臣工謀而與羣小謀者蓋臣工計其利復計其害則能斟酌于

利害之際而處置有方羣小顧其利不顧其害則當據臂于稽  
魁之謀而攪亂無極變法征利何事大事而乃隨辰隨隼星火  
促行不令閭部議擬不許科道封駁不傷于太易乎 祖宗定  
刑錢糧互相覺察故弊源清而姦竇塞今獨使一人專執行事  
惟意所為憑藉寵靈擅作威福以勢凌撫按使不敢一問其出  
入以刑劫有司使不得一加其調停此所謂虎而翼者也羣虎  
百出途人咆哮寸寸張羅層層設阱於是商旅必不行而賦稅  
無所得且至于索居民矣於是居民先索生理日迫而禍且至  
于尋干戈為盜賊矣百孔千瘡良醫莫措其手土崩瓦解良吏  
莫施其力是 皇上缺財之意本以備不虞而反以召不虞也  
伏願 皇上深惟埋亂之原詳審重輕之辨掣四所左內臣違  
發原奏宵民舉天下財計盡責成戶部俾悉心籌畫以開財源

明詔內外修舉政事無令冗耗以節財流則府庫坐見充盈而田里亦無愁痛 大聖人之鴻名盛業垂于萬萬世矣疏上不報。南京吏科寺科祝世祿等河南等道陳燧等糾劾京堂原任副達備倭經畧兵部右侍郎宋應昌原任協理京營右都御史沈思孝雲南巡撫右都御史陳用賓原任四川巡撫右都御史王維光原任應天府府戶張孫繩巡撫福建右僉都御史金學曾原任兵部左侍郎李楨四川巡撫譚希思貴州巡撫江東之原任國子監祭酒蕭良有原任通政仗田憲原任國子監祭酒劉應秋原任南京吏部侍郎楊起元等各溺職奉旨陳用賓金學曾楊起元留用張孫繩李楨著致仕王維光冠帶閑住。戶部覆巡倉御史李光輝所陳事宜一議激揚潛儲藩臣綜核糧運與巡倉御史檄業相閱應聽臺臣一體舉劾一議裁省京

通各衛倉守支官攢甲斗及雜差役占等項如有冗濫酌量汰  
省月未籌策截月任文以杜虛糜一議防奸各倉諸役暗竊祿  
米議行京倉責五城兵馬通倉貢分守本持撲差備兵巡緝閑  
防一議覺察領運樞軍弊竇多端及土樹欠輒先逃遁議造船  
每幫以五隻為一伍輪立長單五相判察如一甲插和盜賣許  
四甲舉首重懲容隱不舉者同罪一議委官昌泰二鎮邊糧運  
到即於附送州縣佐貳武各衛首領擇廉幹官一員管理督催  
仍開職名移文巡倉御史知會事完同運官一體考察獎成一  
議帶運浙直枝木價高官旗賠累今議每松枝一片擇木一根  
依原價各量增銀伍分仍給運官自買交納一議慎選運官委  
任匪人大壞漕政議通行各省督糧道專責各府守印官將各  
衛所領運官員體訪考成廉幹者並名奏用曾經領運論黜及

雜差聽用寺官不得濫委一議寬恤運糧平戶差繁苦累價既  
剋減領復役特令減焙舊如數給錢至於小修號房填墊道路  
逐項酌估應領腳價隨時早給免其稱貸詔如議○己卯祀  
歷代帝王遣侯陳良弼伯來世雍王學禮尚書李戴侍郎余維  
登各分獻○吏部寺衙門李戴寺國子監祭酒方從哲寺各上  
疏乞罷稅仗之違釋守令之違不報

明神宗顯皇帝實錄卷之三百三十二

萬曆二十七年三月庚辰朔

李爾皇后忌辰遣武靖伯趙祖蔭祀 祫陵。命內官王忠帶  
微密雲稅課改蟬帶做盧溝橋稅課從百戶柳勝款劉思忠之  
請也。陳增西堂爭稅 上命堂稅臨清增稅來昌等處不得  
查做。壬午義勇右衛百戶上官同把總徐希昌舉人林章等  
進銀一萬二千兩乞許松淮南買鹽行引仍求于天寧州黃天  
蕩二處養兵列營以防盜寇章下閩景大學士沈一貫上言王  
官等以萬金之利玩侮 至尊進 上者甚少而費國者甚多  
且黃天蕩在大江之中原係浩渺賊藪彼欲得之而築穴因而  
聚衆起事此其志不小若不處治恐致他日滋蔓 上嘉輔臣  
忠愛懇切思慮周詳命錦衣衛連官等治之。陞河南僉事杜

允繼爲山東右叅議。吏部覆京察自陳各巡撫違來李植應  
天陳惟芝山東戶應元湖廣支可大延綏王見賓南贛李汝平  
天津汪應蛟浙江劉元森福建全學曾鳳陽李鉉邯陽馬鳴鑾  
孫江欽定力輕理朝鮮禹世德等皆勉修職業有裨地方。上  
命李植等各巡撫如故李鉉著致仕。陞鄭維之爲南京大理  
寺卿。山東兗州府地震。癸未大學士沈一員恭視大內工  
程賜茶稱謝嗣後月以爲常。兵部侍郎余立以自陳致仕。  
陞陝西行太僕少卿靳紹諱山東按察使麻鎔湖廣屯鹽道周  
傳誦調陝西按察使王道增河南副使陳所蘊補刑部著員外  
余思明復除刑部員外閻汝坤湖廣右叅政兼寧夏沈孟化陞  
戶部著郎中張邦政工部著郎中王在晉南京禮部著郎中劉  
湧陝西左布政使竄化龍廣東左布政使王泮刑部著郎中鄧

希賢行人司正徐夢揚補戶部署郎中韓子廉戶部郎中楊勅  
東陞刑部署郎中吳來庭員外何倬主事楊松戶部署員外胥  
從化工部署員外陳汝麟調南京工部主事洪文衡陞江西左  
本政孫承朱貴州副使洪澄源改南京尚寶司卿陳堂陞雲南  
左叅議周汝登廣東副使蕭雍朱來光湖廣僉事周維昌雲南  
副使田琿吏科右給事中吳文燦禮科左給事中項應祥右給  
事中楊天民兵科左給事中桂有振工科左給事中郭如星戶  
科右給事中姚文蔚先是吏部屢催留中至是復請乃用之○  
改孤山叅將為協守副總兵以王威節制神木高家二路○甲  
申大學士趙志奉八疏乞休上慰留之○鳳陽巡撫李銘上  
疏乞罷礦稅不報○徽州歙縣人吳養晦投揭稅監魯保稱其  
祖守禮為兩淮巨商累賞百餘萬伯叔時修葺春祈無分且守



禮在日曾通盜謀二十五萬賂獲不追乞斷追匪謀并追給養  
梅應分家財于內願獻五萬兩以助久工魯保馬請 上命違  
謀輒在如保議 戶部上言典禮在這所需金珠寶石名香等  
項乞分派各者 上命俱放在京召商買辦惟龍涎香行該省  
辦進。兵部覆天津巡撫汪應蛟條陳六事一簡留水兵議將  
登萊旅順二處水兵各簡三千以陳步千馬文煥統之分任登  
旅陸兵惟登總操下而兵仍留防倭餘悉撤回一亟罷募船議  
將陳步千所募沙船悉焚者民領回卽以武懋德所造操駕以  
省煩費一減存兵馬天津先設水陸兵三千又設操下馬兵三  
千茲議于操下選用八百聽中軍管理餘俱撤回至于該營馬  
匹應較操營家丁者聽其留用轉視真定各營者價銀解部疾  
寺備用議疾虧昌抵并午例者查估價值徑送順天巡撫分疾

惟是據聞見在之數比前額倒損過半該鎮未經戰陣馳逐恐  
有魁滅盜賈寺奔應令查明造冊咨部覆議以實馬政一聯屬  
聲勢議將登放兩寨聯而為一船兵月餉管理于山東撫道依  
東督已寧改總兵馬副將駐劄專轄而節制于山東撫按沿海  
墩臺及時修演以備不虞覆上報可○乙酉先是遼左出塞搗  
巢我師敗績御史陳效查勘具奏部覆以聞詔贈陣亡參將王  
維貞署都督同知都司金尚禮署都督僉事各俗一子世襲如  
例仍立祠致祭周思義等行巡撫御史從問○兵部覆太僕寺  
卿劉四科條議請令巡按屯馬御史將各府州縣衙所一應馬  
價草場牧馬地租屯管子粒等項逐款清查原額地上若干應  
徵錢糧若干州縣立一小總每府結一丈總造冊送部寺承馬  
查考已做在官有嚴限起解遲欠者督令追做有那移仗漁育

指名奏奉。每半年管馬府。任各該清道。兩籍載入考成。限一年之內。供完庫藏。寺丞不妨與少卿互攝。仍行兩京。同寺一體施行。上然之。○兵部覆四川撫按會題防備事宜一。設將領以固要害。議於綦江。合江各設遊擊。駐劄安穩岡門二處。以防賊衝。一。議兵餉以資戡守。二。江既設將領。一切兵食。綦江責之上。東道。合江責之下。兩道覈實訓練。該遊多方偵探。遇警馳援。一分疆界。以便責成。川黔接壤。播界其中。巡來思南。二道各有信地。失事不得他謾。近議改設總督。兼制川貴湖廣三省。正慮兩地推諉之故。方在奉行。無庸再計矣。其楊曾未祀。覈探所宜。兼防內地官民。有仍前勾引作姦。悉如所議。擒拏治罪。上然之。令著實舉行。不得因循慢事。○丙戌。遣監丞高淮督原奏。閩大經寺。任遼東開礦。徵稅。戶科部給事中。包先捷言。遼左三面逼

虜蹂躪難支加以倭奴蒞難士馬疲露死傷殆盡茲一開採推  
有八可慮焉稅役仕未知織供億如山滋置郵之擾一也塞外  
吏卒本以罪徙邊輕去其土若椎膏敲髓徒徧邊氓之心二也  
士卒乘障出焉有一生之計以捍疆圉又令之防礦防稅既且  
謂上實齊稅我是挫戰守之氣三也間以外原假使宜而中使  
所輕多于薰天孰不望風解體是掣將天之肘四也開原市易  
往寔寔其途今必銖插寸累則屬夷以爲非膏火之情不露辯  
相向卽掉臂以去是間夷醜之隙五也朝鮮之八道奄奄羸  
而稅使以啣命往將彼馬魚肉此馬刀俎是增屬藩之恣六也  
邊閔出入之禁甚厲而冠帶名目動攝欽遣侯吏吳耽問倘有  
聚焉而欲爲中行說者乎則軍情洩而虜謀張七也東征之師  
撤還伊迺卽不悲揚柳歌飢渴亦已矣而卒興礦市值則鳴劍

慷慨何堪苛索恐激兵燹之端入也夫遼東馬神宗左臂種種  
艱危何物奸弁輒為禍首此其結黨豈在林章王官下陛下  
不懲以三尺而併罷閩探微稅之令則違事必不可為豈惟違  
左而國步隨之矣勿謂微臣今日不言也遼東撫按及山海關  
主事吳鍾英俱先後事之不報。丁亥以幹子章馬部奏院右  
副部御史巡撫貴州兼督理湖北等處。陞兵部郎中黃輝為  
河南右叅議陞禮部儀制司署郎中汪懋華為山東副使。工  
部覆總河劉東星議入約謂黃河自南虞而下歷丁家道口馬  
牧集韓家道口趙家園石將軍廟兩河口出小浮橋下二洪乃  
貫魯至黃河故道自元及我朝嘉靖年間行之甚利至三十七  
年北徙濁河而此河遂淤萬曆七年總河潘季馴議復開之以  
工費浩繁中罷令河果決黃咽而南徙蘇韓家道口至趙家園

一百餘里衝刷成河卽先年議復之改道也。繇趙家園尋老黃河改道開挑繇東鎮曲里鋪石將軍廟至兩河口直接三山臺新梁計長僅四十里據運同趙炯等估挑闊十丈深一丈募夫五萬人費可八萬餘兩不過一月有年可以竣工此河一開則目前大挑運河及小挑濁河工程俱可節省誠所謂事半功倍者也。至于善後之策則永夏迄西一帶舊隄宜行河南管河官修補來家窩東址有母河舊渠宜接挑寬開使足容受洪源趙家園瀕漢易淤宜先挑支河擇迎溜處所開口仍于對河南岸撥埽築碗背壩逼水直射以免復淤之患。李吉口改道去冬已挑成數里前功似不可蓋棄但自李吉口至鎮口三百里而遠不若自趙家園至兩河口四十里而近況大洋橋旣已建開卽舊汶泗之水則鎮口一帶濟運亦無藉于黃流也。旣經河臣

議計悉乞勅下遵奉舉行報可。戊子陞光祿寺丞楊鳳為光祿寺少卿。戶部奏請裁省各監所取索以軫卹計不從時各監前後索金已逾二萬七千三百兩復以兩宮將成供應天燈等項索金三千二百四十餘兩銀三千九百十七兩上皆令戶部如數辦進。光祿寺卿孫瑋等題問各省節干通員正供額銀乞分別查催上責撫按及經管官怠玩曠職命勒限嚴催。己丑陞山東副使袁一驥為廣東右叅政。庚寅陞山東按察使王任重為雲南右布政使。壬辰戶科部給事中包見捷等上言切惟礦市之害諸臣言之不啻許矣猶意陛下惜國體重民瘼萬萬無久而不厭厭而不罷之理乃迨來武弁奉伍未畏為奸交煽互惑不崇朝而省直之間間採葑置推稅呈滿甚至孤危如遠左計且為之也嗟嗟世界至此更無一處

得乾淨百姓至此更無一方得安樂從古及今有舉動如斯光景如斯而能久安長治者未之嘗聞乞亟罷礦店撤回中官俾人心早有一日之安則宗社早有一日之福上怒降旨切責誦先捷外任餘各奪俸一年。癸巳大學士沈一貫上疏乞宥色先捷以先聖德上褒其忠愛仍以先捷等逞臆煩擾諭之一貫復上言恭讀聖諭以忠君愛國獎臣亦私以此期許而不敢過遊臣見不忠之人若鷹鷂之逐惡鳥決不敢為之救解為之救解者亦必忠君愛國之臣也惟皇上亮臣此意則孤臣有托矣。陞邵武府知府李之用馬雲南副使兵部郎中劉一潤馬廣東右叅議四川僉事李開傑為山東右叅議福建右叅政沈孝文為四川按察使。四川指揮李先詐以受賄通夷命巡按御史提問具奏。遵化縣天鼓鳴西北一星先



如皎月流至東北方散。甲午南京禮部尚書王弘誨引疾乞  
罷不允。乙未雲南土夷沙優等稱兵焚掠撫臣陳用賓調集  
漢土官兵遣道府臣劉庭憲等相機撫剿生擒矣年大蘇等二  
十三名餘黨悉就招撫撫臣酌議功罪以聞部覆如議。上命  
賚道臣劉廷憲府臣陳忠祿等白金有差矣年等監候正法。  
貴州平壩衛地震大雨雹。命征倭總兵麻貴陳璘董一元俱  
撤回聽用李承勛以原官提督南北水陸官兵充防海禦倭總  
兵官往朝鮮任事周于德調鎮守山東備倭總兵官。山東魚  
臺知縣尹就湯福建詔安知縣夏宏以賄史陸嗣成高維忠等  
徇違薦章事覺就湯宏除名嗣成維忠枷號戍邊。丙申遼東  
巡撫手柱乞東東征旋師之使選抽各鎮驍勇合本鎮精銳驅  
除醜虜恢復遼陽郡覆以聞。上命該鎮總督撫按計萬全

行。賜原任南京禮部尚書陶承學祭葬如例。丁酉大學士  
趙志皋等題募修玉牒從之。左庶子葉向高上言臣等竊  
惟礦稅之侵中外皆言其不可而陛下聖欲而之羣言不能  
爭羣恣不能動度皇上之心必曰國家之威靈甚強小民之  
力量甚微卽有狂國何能逞不知三代以來危亡之禍接踵  
見矣東漢之李西邸聚錢中壩壅毒其君蒙板垢聲然尚未至  
鑿山張肆與小民爭尺寸之利也而四海已康濟矣况今事勢  
十百于此武弁背息貪圖僥倖中官卽命氣厲恣睢雖集奉  
明旨不許擾害地方然而左右前後盡皆豺虎已予之瓜距子  
之腥穢而後責其馴服禁其搏噬亦難矣羣奸肆毒衆憤久積  
弁力恟心起而事一旦之命矣實考昔日擊其事豈敢輕易妄  
疾而陛下過信平辭縱將連繫四方臣民孰不解體陛下

方紹明大業垂有道之長豈忍使祖宗艱難創守之天下為  
羣小所破壞耶跡上不報。戊戌吏科部議事申趙元望等跡  
批包見捷。上切責各奪俸四月。○獲太僕寺馬價三萬兩冬  
延寧將士特二鎮報捷。延鎮斬獲虜級一千七百三十二顆。寧  
鎮斬獲虜級九百二十六顆。奪獲器畜七算。○戶部題乞行天  
兩粵日貯餉銀三十萬兩以濟急需。上勅該省速解應用。○  
己亥起事化龍以原官總督川湖貴州軍務兼理糧餉巡撫四  
川地方陞兵部侍郎王世揚為都察院右都御史協理京營。戊  
政陞甘士价為都察院右都御史巡撫鳳陽等處地方。○甘  
肅巡撫徐可昆奏降夷日衆乞直給房屋月糧地畝牛種以安  
其心有侵擾生事者治以漢法部議夷非我族類其心必異養  
鷹養虎之慮尤為可鑒除前降者如議處置外以侵煩察具真

心歸順方許收錄孫收一夷卽得一夷之用。上然之。庚子  
遼東益州天鼓鳴連閃三大星。○制誥部院監軍陳效功成身  
項朕甚憫之。其從優擬卹將士新舊功次。令勅官從寬。亟報以  
示德意。特官聽審者留軍兵一面撤還。○兵科左給事中桂有  
根。奏直點宿衛不到軍士若干名。命法司治之。○辛丑命臨洮  
總兵署都督僉事孫仁註。銜左軍都督府。○壬寅兵部右侍郎  
王世揚。疏辭新命不允。○起南京兵部尚書周世選。引疾乞休  
許之。○南京太常寺卿游應乾。先祿寺卿陳沐。應天府府尹熊  
惟學。各捐俸一年。以助大工。報聞。○癸卯大學士趙志皋。以督  
臣邢玠。疏語波及。上疏力辯。且乞罷。上溫諭勉留之。○先是  
勅許佖。親瀾與督臣邢玠。互相爭許。上以瀾疏下問大學士  
沈一員。上言二臣離張已深。勢如水火。今使之共勸。啓口矛盾。

不至于相攻相擊爲今夫吠不已也夫釋嫌去忌先國家之事而後私仇非上聖不能觀濶去必不和不去必再來辭徒令往還道途耽延日久 皇上屢作勅功而終無奏報之日屢念將士而終無郵錄之時矣今監軍物政目前日擬將違來巡撫任代陳效意正爲此若以違按不可違則及今別違延臣猶爲得策願 皇上許次畜處以省後來之繇濟。甲辰贈吏部尚書孫龍太子太保詹一子入監讀書。乙巳陞山東都司僉事張世卿爲大同遊擊。內人田有成殿久繫獄病政刑部請依律戮死從之。丙午應天巡撫陳惟芝上言太湖風穉多盜而湖之西北隸常州府以港錯雜島溪定化閩後三港尤羣盜出沒之數也先年雖用木椿釘塞頗日久弊生奸民往往昏夜私開巨舟議於港口狹處築堤砌石中間水竇仍用排釘防其出入

惟是奸盜趨險如鶩非得 明旨嚴法振肅之不已也請如山  
東南駐紮禁例盜決者馬首之人民則先近衛軍則調極邊  
戡入河防勒石永為遵守仍責成附近巡司不特稽察此弭盜  
安民之第一議也章下工部覆行之。丁未大學士趙志皋糾  
御史于永清疏大畧謂永清首指趙昂係臣親族兄弟臣厚籍  
蘭谿族人繁盛居位呈散臣何能一一周知至于林章招得福  
建舉人豈有舉人為人喜記之理該省士紳在京甚多可召而  
問也巨閩錦衣衛初訊王官時即招出銀一萬二千兩係揚州  
茅處監生代出喚林章等上本有招葉尚存今永清稱臣許借  
林章一萬兩說說進步可不自白而知至謂將官任自強侯維高  
天廣鄧子龍等各行服松臣以至起官天鄧子龍等乃前官  
誦幼強位謂位受其重服者今何又移之于臣耶然此猶違特

日始得剖明若謂沈惟敬送臣貂絨等物以謝加銜行去送臣  
珠絨等物以酬厚儀是又極天排陷幸惟敬尚繫在獄乞卽勒  
府部九卿科道等官提出惟敬審究要見本犯與行長果有禮  
物送臣否而臣之冤與未清之誣當自知矣總之陷行已成臣  
一日不出國門則黨與不能一日忘情于臣伏乞 聖慈放臣  
回籍俾得遂首丘寔臣莫大之幸也 上曰覽奏情詞憤激殊  
可惻然但言官風聞論事已置之不必深辯國步多艱宜倍加  
調攝稍可卽出佐理以副眷懷。魏督念場戶部右侍郎趙世  
卿引疾乞休兵部侍郎許孚遠以拾遺留用上疏乞休俱不允

明神宗顯皇帝實錄卷之三百三十三

萬曆二十七年四月庚戌朔特享

太廟遣定國公徐文壁恭代表寧侯陳良弼靖遠伯王學禮各  
分獻。辛亥遣刑科左給事中楊應文代徐觀瀾查勘泉事。  
癸丑大學士趙志皋疏言臣嘗臥床辱聞日聞中外人情洵懼  
皆為礦稅一事夫我皇上以征調工費之煩不忍加賦于民  
若以礦為天地自然之利稅尚賈惟正之供有利無害是以  
毅然行之顧欽遵之仗不能仰體 聖明仁民愛物之初心聽  
憑原奏及四方隨從棍徒借稱威福動得阻撓不論礦之有無  
通行開採致使富戶色賄即小民亦科派而怨聲載道夫不論  
稅之規則橫行邀截致使向本消折即負載亦需索而物價騰  
貴矣乃近日無知武弁與遊食輩小因見前違之使採官剝民



款公肥己所得進 上者十之一二皆入私家者什之八九遂

欣然黜暴詭媚迎合 皇上深居九重或未洞察以致愈出愈

煩愈煩愈累曠稅遍天下括剝益閭閻官不俸輟民不聊生此

等景象豈盛世所宜見乎近又聞內庫知府吳寶秀違擊之時

本府士民擁道哭訴竟成激變其妻龐夫自縊人心大為惻然

夫專利已非為政之本愚使督劾之士以此獲罪甚有関于生

民之向背 宗社之安危臣不敢以恃去之身隱然顧忌謹伏

枕披瀝以聞。復以魯傑奏行存積鹽引保言臣所議行者不

在于先今存積常例之額而在于於節年停止應聞之數且不虧

課研尚失今不行則以有用之物置無用之地非計也保復請

魚理詞訟及建益政府 上不許。甲寅建瑞敬致違尚書楊

一魁等奏告 后土司工之仲。以兩洋愆期今順天府竭誠

祈禱。給事中楊應文上言。臣奉命覆勘東事。倉卒難悉竊聞蔚山等功罪。科臣徐觀瀾主之。釜山等功罪。監軍陳效主之。皆會同直勘。俱有冊籍。文卷可查。乞勅部轉咨在事諸臣。悉簡冊卷。付臣從公覆覈。仍請巡按連東御史王業弘同勘。上命冊卷直付御史。免差。奪京營參將王福壽俸。戴罪輯捕。越獄盜賊。乙卯大學士沈一貫以疾在告。上命車奏返私寓。擬票仍諭以慎加調攝。以甘鎮宣捷。祭告郊廟。遣定國公徐文璧。秦寧侯陳良弼。駙馬都尉許從誠。各行禮。是日收回奉政。頒賜二輔臣。丙辰大學士沈一貫病可進。問惟隨問臣。遼東廣寧地震。天鼓鳴。蓋州三萬連海鐵嶺等衛。俱地震。是月慶雲鎮遠等各衛。望同日火。畿輔火。詔蠲諸逋賦。彘梁城所及山海關各倉。種委官分賑。仍嚴禁有司。怠玩苛刻。侵沒等弊。

○丁巳大學士沈一員乞留日講官劉元震供職先是元震自陳留中引疾求去輔臣以講筵乏人請留之。戶部尚書楊俊民以疾辭篆上不允諭以喜加調理。錄臨洮功陞陝西巡撫賈待問馬右都御史賚銀幣原任兵備副使張揀陞一級與吳鴻功張維新俱遇缺起用奉旨閩達特加副總兵各賚銀有差。已未直隸巡按馬從聘疏言頃者內臣管保條議加罰存積二事行臣查明回奏夫先年運役舊引乃戶部因工費急之題奉欽依轉行前任疆臣懸價召商今一旦補罰于既賁之後恐無以示信于天下但已奉明旨降候徹完聽行恭進外惟是沒官積並妄徇無影臣安能昧心塗面指無馬有以效其欺也今內臣又貪沒官而設存積夫夫益政七分常派每歲閩中以供五兵之餉三分存積過做閩中以供客兵之餉祖制也

後因各邊多故二項並開歲以爲常生惟互開且加增新引矣  
且補贖廢引矣至加增補贖俱出額課之外遂至鹽法之壅何  
至今日尚言存積也况場鹽有竭有折十年之外結絕淨盡諸  
凡旁撫遠引無過贖補拾半特難于顯言耳若買補何患無鹽  
先今歲課餘銀六十萬皆買補也茅害有所當維不取不爲  
皇上詳言之益兩淮莫深焉鹽原無不足特行鹽地方食鹽戶  
口各有定限不能加也譬之飲水于河止于滿腹腹已滿矣河  
水雖多能復飲乎今兩淮行鹽之地固滿而既溢之時也卽有  
鹽女所受之巨入境之初急請減新增之目非不欲增勢不能  
也蓋引減則益易行而商樂附商樂附則鹽價平而窮民食鹽  
者衆且私販不禁而自戢矣其減乃所以爲增也引增則鹽日  
壅而商本虧商本虧則鹽價湧而窮民淡食者多將私販禁之

而愈盛矣其增乃所以為減也故裕課惟在通商使民而通商使民惟在調停予引日多寡之間此理一定毫髮不與今人但知此有一引之加則彼有一引之誣不知越卑之弊實一聞景朝之成規盡壞加以奸棍藉勢行私公行夾帶私販充斥正引不行見今水向不肯赴儀買捆內尚不肯下場又鹽竈戶恃更生理斷絕人心皇皇恐生他虞伏乞皇上加意邊儲留此鹽政以垂永畜如勢不容已必欲越卑乞令戶部將新增邊課盡行停革行鹽場地量行查復再酌諸邊之緩急審餉額之盈絀衆益多寡請自聖裁非臣一人所敢擅也不報。戶部尚書楊傑民上疏係陳礦稅之害乞撤回中使仍重繩原奏官民之罪以謝四海不報。庚申以甘鎮宣使加恩輔臣趙志昇加兼太子太師進中極敍大學士登一子尚寶司丞養銀五十兩

沈一員加少保改吏部尚書登一子中書舍人養銀四十兩各  
彩段二表裏二臣因辭加秩許之復連疏辭登優各不允。是  
日趙志阜等以倭寇蕩平請御門獻俘受賀。錄甘鎮功加兵  
部尚書田樂太子太傅登一子世錦衣衛正千戶養銀六十兩  
大紅紵絲線衣各一襲給詔命樂奏辭優詔不允。以國用不  
足開寶源局命如法鼓鑄未置事宜戶部條議以聞。壬戌戶  
部尚書楊俊民數引疾命侍郎陳策署篆。辰亥兵部以果師  
凱旋條陳優恤事宜一議種科師行糧從自古記之宜移文戶  
部查經週首直地方預備糧料以便分給一議軍薄兵馬雖有  
定數然沿途之中豈無物故應行酌量巡撫于各兵入關之日  
貴令司道查照每營給應付一張內填兵馬實數印蓋掛號所  
在委官驗單支糧以杜影射之弊一議程途各軍未裝而歸長

途跋涉勞苦可念宜每管給勸合一道縣陸路音填給車輛裝載衣囊繇水道者預留回空糧船附搭順回仍量給水手之資一議抽宿萬里遠征不有厚犒無以鼓其心應發馬價五萬兩俟各兵入閩酌量多家委官于境上分給務令均沾實惠以示朝廷體恤之意一議禁約師之所過期于款毫無犯宜行督撫衙門大書禁約于地方懸掛曉諭各兵不得恃強擅奪以騷害百姓居民亦不得擅價勒指以釀成釁端違者按律從事將領有司不禁者一體叅治上然其議仍令未盡事宜責成撫按從宜處治統兵將領丞輔任以示優處。甲子陝西乾州等各州縣災詔開倉賑之錫其賦稅也糧各有差。乙丑賜原任吏部尚書朱繼妻朱氏祭一壇合葬如例。陞大同總兵官李熙後軍都督府僉事管軍。總兵李承勛上言登州原廣南兵素

已隸成節制乞計帶仕朝鮮以充得平仍條陳數事給月糧以  
抵安家借沙船以使渡海撤廢戍以補缺額捐口糧以市銳器  
部覆許之。丙寅戶部開具直隸蘇松等府節年金花通銀共  
百萬有奇乞差官守催從之。丁卯詔兩淮引鹽已納官課儀  
真稅監不得重徵從魯保請也。河南礦監魯坤進礦坑仍稱  
礦沙微盛不常或矧舊勾派或再行包課恭請裁奪 上命矧  
舊官民勾分不許包課賠累亦毋得僉派地方。戊辰夜月犯  
南斗魁第二星。吏部左侍郎裴應章引疾乞休不允。己巳  
總督谷場趙世卿以管倉司官銜三者等盤出禹曆二十七年  
春季附餘埽積米豆共若干石開報上聞乞行管下謹聽主事  
將前項註劄作正支銷下戶部知之。密雲稅監王忠與張焯  
爭稅 上命會同撫按官設定疆界勒限具奏。庚午賜戶部



侍郎莊國禎父母一奉牛舛。兵部題請行查貴州用兵失事緣繇先是貴州巡撫江東之欲復五司憲都司揚國柱等率兵營中場等處為播酋所擊國柱被虜全軍皆沒撫臣以失事聞而語多隱匿兵部言臣等詳跡內失事重大大都徂小勝忽為全皆倖功之心為之乞行貴州按臣備查有無隱情及應奉處議恤者速奏以憑覆請仍求天語叮囑新任督撫李化龍郭子章星夜馳赴倘新任未能猝至舊任者尚難弛擔宜責令查報先令題議事理益簡兵選將加謹防禦以保無虞及咨川湖撫臣移近調度應援上可其奏。貴州按臣宋興祖上言昔于總督西事者好大窳謀以五司偏黃平通列夫五司在彼而必爭之地在我無尺寸之益迄今官民殺逐殆盡張虛名而實實柄不可不慮又言安疆臣頗守臣節臣至具節迎謁甚恭雖

土司形跡難憑而中國駕馭責善且彼自謀殺女定何與中國  
事而必以漢法繩之宜教陳恩王嘉猷以結疆臣之心仍催新  
督撫李化龍等急程視事跡下兵部覆議上請 上命按臣嚴  
勸啟慶失事情詳具奏定奪李化龍郭子章劉綎俱俸令刻期  
赴任其有區處未盡者酌議以聞。辛未大學士趙志皋沈一  
貫上言南康府知府吳寶秀被逮到京臣謚訪輿論寶秀新任  
南康纔十六日罪過必少違爾被逮殊為可憐又其被逮之日  
其妻盡出簪珥得銀不及四兩付寶秀盤費而卽自縊遺下七  
十八歲之老母八歲以下子女三人離家七十餘里又無兄弟  
可依孑然若生若下詔獄必致糜碎無餘種種苦情又可憫也  
臣等竊惟 皇上聞此必加矜惻如蒙特賜寬宥實天地再生  
之德若未違宥皇從寬處分 上覽奏心動命送法司擬罪具

奏。大學士沈一貫題。臣奉先近輔久隔。天顏幸逢臨御之  
辰。莫切瞻依之念。請得如萬曆三年。遣東獻俘例。扈從登樓于  
未行禮之前。得賜面對。一二。躬君臣奉交之盛。上命先扈從  
煇常隨班行禮。一。貫復言。臣直萬曆二十年。寧夏獻俘。特會  
頒詔。天下咸使聞知。自東倭蕪難。已經七載。徵師索餉。遠邇震  
動。夷狄盜賊。莫不生心。今既蕩平。宜頒告天下。以昭聖武神  
威之盛。從之。諭禮部。東倭蕪平。宜詔告天下。其擇日具儀。未  
行。壬申。禮部上獻俘儀。注詔御樓行禮。如擬。御門免。陞江  
西右叅政黃曰謹。為四川按察使。戶部尚書楊傑。民以久疾  
乞罷。慰留之。陞太僕寺少卿黃紀賢。太常寺少卿趙完。壁山  
西僉事馬思恭。山西副使常格。陞大理寺左少卿劉傑。怒。南京  
太僕寺卿王國四川按察使。劉一相。福建副使。饒景暉。福建運

伏盧大順江西右叅議方禹山湖廣右布政使洪有復山西右  
叅議吳道行太僕寺少卿何倬先是吏部奏 聖諭近來欽點  
及陞遷各處官員皆推故推延久不到任欽令候代署庖之官  
恣意戀位故君命召不候駕謂何倬部可豈惟赴任如有仍前  
蔑言不遵枉道回藉為私忌公推調文吾的着科道官指名奏  
未重治吏部因言 聖諭森嚴臣等敢不仰承惟是臣部前過  
中外各官員缺隨即酌擬推補蓋為缺官廢事慮耳今自三月  
以來推補章奏又格不下則凡未補員缺皆屬候代署庖即不  
敢有恣意戀位之心而吏替無期不有如 聖諭所慮者乎謹  
將原擬職名開列上請 上乃可其奏。賜原任南京兵部尚  
書吳大率琴弄如例仍以軍功加琴一壇。陞西大學士趙志  
卓疏罷礦稅以為礦稅之行利歸羣小而怨歸 皇上則劇愈

久釀禍滋深豈可不加體察如以費用不足尚有正大推宜可  
議者無如明白勅諭戶工二部各臣等與之內議通融酌計每  
午或可量動何項錢糧更有何項設處可解進以備上用謹  
擬上勅諭一道恭進御覽留中。南京工部尚書郝杰自陳乞  
罷不允。甲戌上御午門撰受總督邢玠等所獻倭俘六十  
一人付所司正法百官致詞稱賀是日奉告郊廟遣公孫  
文望侯陳良弼駙馬都尉許從誠各行禮收回醕醢果酒頒賜  
輔臣。江西監生胡士瑋耆民丁果妻世潔輕歷黎全球各輸  
穀助賑撫按以聞命旌獎有差。丙子大學士沈一貫疏請至  
補閣臣以資輔理不報。以纂修玉牒起禮部右侍郎兼翰  
林院侍讀學士馮琦右春坊右諭德兼翰林院侍講唐文獻為  
纂修官以刑部房辦事太常寺少卿兼司經局正字馮繼文等

二十八員馬書滿官。賜原任寧夏巡撫都察院右僉都御史張九一祭一壇。先是戶部請廣開納以濟邊餉內有考察及奏論罷職馬民府運佐州縣正等官復級進階及各處軍民人等劉給品官兩款戶科給事中李應策上言國家令甲所藉以儆惕官邪者惟此點涉舉劾雖妄辯檢拾例不言宥令幸何欲輕之彼一貪污吏豈難百餘金使其既破復完如知縣復矣又進知州運判復矣又進運同固儼然金紫之榮也回視前韓叢安在而亦何貴于考察奏論耶二百兩外遞加五十兩卽得腰金名器不應濫至此至各處軍民人等一丁不識據舊開納已過矣若從今例則文物名秩遞加於里侔市會遊隊僻壤盡傷之術鶴齊鷄恐不終焉輕久計也善乎子與氏云無政事則財用不足今不別求足國裕民之政乃患開納未廣哉 上下部

議。丁丑以冊封請告內殿道駙馬都尉禹輝代行冊封禮封  
萊府茅府榮世子常滾等妃劉氏等遣正使光祿寺少卿揚鳳  
翰林院編修顧天峻等副仗行人司副李璠等各持節捧冊。  
賜東坦府羽鐘喜院額名楮理。奪勳衛王維芳等俸半年以  
宿衛官軍不到數多也。戊寅兵科左給事中桂有根上言貴  
州總兵沈尚文身為大將當地方失事誅守覲望不按法誅斥  
擒然濫竊重任東征失律董一元等久當伏法乃還延濡滯上  
欽功獻俘之日撫臣萬世德屢頻求解似此姑息何以責將來  
將士之捐軀赴敵者乞將諸臣按法定罪 上下兵部議。賜  
原任太子少保刑部尚書張國彥等如例仍以軍功加祭一  
壇 戊寅晚刻兩 太廟槐樹雷火巡視兵科給事中桂有根  
以閩省祈修者以答天變

上曰上天仁愛示朕心深切愴然遣官奉告及修有事宜看  
禮部擇日具儀來行

明神宗顯皇帝實錄卷之三十三